


ԷԶՄԻԱԾԻՆ



1967

ՈՒՆ 8484

ՌՆԺԷ
ԻԴ ՏԱՐԻ

Յուլիս—Օգոստոս

ԷԶՄԻԱԾԻՆ

ՊԱՃՏՈՆԱԿԱՆ ԱՄՍԱԳԻՐ
ՀԱՅՐԱՊԵՏԱԿԱՆ ԱԹՈՌՈՒՅ
Ս. ԷԶՄԻԱԾՆԻ

Է-Ը

1967





ԲՈՎԱՆԻԱԿՈՒԹՅՈՒՆ

	Էջ
ԽՄԲԱԳՐԱԿԱՆ. «Ապրիլ» քաղաքի գիտությունների մատուցումը	3
ՄԱՅՐ ԱԹՈՒՌՈՒՄ	8
ՆՆՐԱՆՈՒՄ. ՎՐԻ ՊՈԶԱՊԱԼՑԱՆ—Տեղեկագիր Հոգևոր Հեմարտների 1986—1987 ռուս տարվա գործունեության	8
ՎԼԼԱՆ և ՊՄ. ՏԵՐՑԱՆ—Ուրվագիծ Ս. Գլխածնի դպրոցի պատմության	14
Ա. ՀԱՏԻՏՏԱՆ—Ս. Գրիգոր Լուսավորիչ որպես մատենագիր	22
ԳՐ. ԳՅՈՒԼՅԱՆ—Վարդանանց պատմագիր և հրա խորհուրդը	39
Պ. ՇԱՀՐԱՋՅԱՆ—Հայաստանյայց եկեղեցիներ և Միսոյի Մեծաբեկիցի դրական ժողովուրդները	45
Ո. ԱՆԹՈՆՅԱՆ—Հայ մշակույթը և հրա համաշխարհային նշանակությունը	53
ՀՈՎՀ. ՔԶ. ՄԱՐՈՒՔՅԱՆ—Կրոնական առարկաների դրվածքը Հոգևոր Հեմարտում	63
Ամսվերջի հանդիսությունը Հոգևոր Հեմարտում	68
Խ. ԹԱՇՃՅԱՆ—Ուխտագնացություն դեպի Հաղպատի և Սանահինի վանքերը	71
Վ. ՓԱՐՍԱԿԱՆՅԱՆ, Լ. ՄԵՑԽԱՆՅԱՆ—Երաժշտության դասավանդումը Հոգևոր Հեմարտում	76
Հատված «Պատմության և Տաճկան Մեծությունների» աշխատությունից	82
ՎՐԵԺ. ՍՐԿ. ՆՆՐԱՆՅԱՆ—Կոմիտաս կալուրդիկոսի «ԱՆՃԻՐԸ Երեմիայի»-ը	84
ՍԱՍՈՒՆ ՍՐԿ. ՎԱՐԳԱՆՅԱՆ—Հատվածի համակարգ	80
Ս. ԵՎԻԱԶԱՐՅԱՆ—Բանաստեղծություններ	91
Է. ՄԵՑԽԱՆՅԱՆ. «Ի Բն հայցեմք»	92
ԼՐԱՐՆԵՐ ՄԱՅՐ ՀԱՅՐԱՆՈՒՄԻՑ	95

Հանձնված է արտադրության 7/VII-1987 թ. Ստորագրված է տպագրության 10/VIII-1987 թ. տպագրական 6,12 մամուլ թուղթ 60×84 1/8 պատ. էր 598



ԽՄԲԱԳՐՈՒԹՅԱՆ ՀԱՍՑԵՆ
ՀԱՅԿԱԿԱՆ ՍՍՀ, ԷՋՄԻԱՄԻՆ
«ԷՋՄԻԱՄԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ


Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine, Arménie, URSS.
Մայր Աղոտ Ս. Էջմիածնի տպարան, 1987 թ.

ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՂԱԺԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ





ԽՄԲԱԳՐԱԿԱՆ

«ԱՂԲԻՒՐ ԲԱՑԵԱԼ ԳԻՏՈՒԹԵԱՆ ԱՍՏՈՒԾՈՅ»:

ունիս ամսվա վերջերին Մայր Աթոռ Ս. Էջմիածնի Ծեմարանը փակեց իր 22-րդ ուսումնական տարեշրջանը, կրթական, հոգեվոր ու բարոյական բարի արդյունքներով: Ավանդական հանդիսությամբ տեղի ունեցան ամսվերջի քննություններն ու հանդիսությունները:

Վեհափառ Հայրապետի անմիջական ղեկավարությամբ ներքո կրթական-դաստիարակչական գործը Մայր Աթոռի գործունեության մեջ պատասխանատու ու հիմնական աշխատանքներից մեկն է հանդիսանում, որի հաջողության համար Ն. Ս. Օծությունը ոչ միայն հատուկ ուշադրություն է ընծայում, այլ կանգ չի առնում բարոյական ու նյութական ոչ մի զոհողության առաջ:

Հոգևոր Ծեմարանը, որը բացվել է 1944 թվի նոյեմբերին լուսահոգի Տ. Տ. Գեորգ Ջ. Հայրապետի օրոք, ազգիս Վեհափառ Հայրապետի սրտին մոտիկ հաստատություն է, որի գոյության և նպատակների հետ Նա կապել է վարդապետյն հույսեր: Հոգևոր Ծեմարանը կոչված է պատասխանատու դեր կատարելու Հայկ. Առաքելական եկեղեցու կյանքում, իր կոչման ու պարտականության գիտակից, բազմակողմանի զարգացած, հավատավոր ու հայրենամիլեր նոր հոգևորականություն պատրաստելու ասպարեզում:

Ս. Էջմիածնի Հոգևոր Ծեմարանը գոյություն է ունեցել Լուսավորչի օրերից: Հին սղարշապատը, Ս. Էջմիածինը շատ հնուց

եղել է հայ ժողովրդի եկեղեցական ու մշակութային կենտրոն, ուր բացվել են Ե-րդ դարում առաջին հայագիր դպրոցները աշակերտական հոծ խմբերով, որոնք եկել էին Վաղարշապատ «ի կողմանց և ի գառառաց Հայաստան աշխարհի, լորդեալք եւ դրդեալք հասանէին ի բացեալ աղբիւրն գիտութեան Սատուոյ, քանզի յԱյրարատեան գաւառին բոխեցին հայոց շնորհք պատուիրանացն Աստուծոյ» (Կորյուն):

Ազգիս Վեհափառ Հայրապետի սրտի ամենախոր իղձն է մեր օրերում էլ հայ եկեղեցու կյանքում Սուրբ Էջմիածնի Հոգևոր Ծեմարանը դարձնել «աղբիւր բնացալ գիտութեան Աստուծոյ»:

Ուրախ ենք արձանագրելու, որ օգնականությամբ Աստուծոյ, ղեկավարությամբ Նորին Ս. Օծության, աշխատանքով ու նվիրումով դասախոսական կազմի, Հոգևոր Ծեմարանը այս տարի էլ շարունակեց իր գործը, ինչպես անցյալ տարիներում, զոհացուցիչ ու ճշմարտության արժանի արդյունքներով:

Ս. Էջմիածնի կրոնաբույր մթնոլորտում, նրա ոգեկան լույսի մեջ աճում, պայծառակերպվում են մեր ուսանողները, հասունանում է նրանց մտավոր ու հոգեկան կյանքը բազմերես և բավարար պատրաստությամբ, կոչումի, ծառայության հանապարհի վրա:

Դասախոսական կազմը կատարում է իր լավագույնը խղճի մտքը, ուսանողության մեջ արմատավորելու մեր նախնաց կրոնա-

կան բարի ոգին ու բարեպաշտությունը, ճշմարիտ հայրենասիրություն, հայտնակից դարձնելով նրանց նաև մեր մշակութային հոգևոր արժեքներին: Դասակարգները ոչ միայն գիտելիքներ են ջամբում, այլ «գնդի առաքելությամբ» ուղակեղությունը տան:

Հոգևոր մեմարանում ուսումնական պահանջներն առաջ են հանվում կրթական-եկեղեցական, առաջաճարակական ու հայագիտական առարկաներին: Մասնագիտական առարկաներին զուգընթաց մեծ ուշադրություն է դարձվել նաև հանրակրթական առարկաների վրա, հատկապես լեզուների, գրաբարի, աշխարհագրի, աստերների և անգլերենի:

Այն տարի վեհափառ Հայրապետի նախագահության ներքո գումարված մանկավարժական ժողովում վերանայվում է ուսումնական պլանը, որպեսզի մեմարանը իր անվան արժանի, ուսումնական բարձրության վրա մնա:

Ն. Ս. Օծույթյունը, որը գլխավորում է դասախոսական կազմը, միշտ հոր խնդիրներ է դնում, դասախոսականության ու կրթության անասելիք, Հոգևոր մեմարանի առաջ, որոնց կատարումը պահանջում է սխտեմտիկ աշխատանք, եռանդ և նվիրում:

«Մայր Աթոռ Ն. Ն. Եղեմիանը, — ասում է վեհափառ Հայրապետը, — գլուխն է մեր սուրբ եկեղեցիին, և որն իր գինություն միաբանությամբ և Հոգևոր մեմարանով պետք է դառնա կենսատու: Փարոս, օրհնակ, առաջնորդ և ներշնչարար համայն հայ հոգևորականության և հայ ժողովրդին»:

Վեհափառ Հայրապետը մեմարանում իր դասախոսությունների ընթացքում, այնուհետև ուսանողության հետ վեհարանում իր գրույցների և հանդիպումների ժամանակ, շեշտը դնում է ուսանողության բարոյական նկարագրի կազմության, հոգևոր, հայրենասիրական դաստիարակության կարևորության վրա, և նույնը պահանջում է դասախոսներից:

«Մեր եկեղեցական կյանքի վերջին տարիներում տագնապը, շեշտում է վշտով վեհափառ Հայրապետը, ամեն բանն առաջնագնա է մեր հոգևորականության հոգեվոր-բարոյական կյանքի և հետևանքը առարկության գիտակցության մը պակասին»:

Այս մտածումների լույսին տակ Ն. Ս. Օծույթյունը աշխատում է, որ Հոգևոր մեմարանում իր հայրական նախածքի և շնչի ներքո հասակ առնի, աճի, կազմավորվի, իմացապես և հոգեպես մի հոր Միաբանություն, մեմարանի գրասենյակներից սկսած ջրստ իրում պատկերի և նմանություն, որսիսի նրանք վաղը, որպես հարազատ որ-

դիներ, «որ զմեմարանին հորն բերեն», շարունակելի իր մեծ գործը:

Հոգևոր մեմարանի վեհափառ Հայրապետի ցուցաբերած այս շնորհակալությունն ու պահանջկոտությունը պարտադրեցնում է ուսանողությանը, համառ և քրտնաջան աշխատանքով, ջանասիրությամբ և օրինակելի վարքով, արդարացնել Հայրապետական բարձր վստահությունը:

Հոգևոր մեմարանի վեցամյա ուսումնական շրջանը, շրջանն է անկողն, ուշադիր աշխատասիրության, աղոթքի և խոլմունքի, մտքի զարգացման, բարոյական նկարագրի կերտման, հոգեկան կարողությունների փթալման, դառնալու համար «հայրապետիկ Այգու» մշակներ «ուսանողությանը», «հալեմիչ աղ» վաղվա ծառայության ընդլայնումը:

Անցնող սառնամանակ տարիների ընթացքում Հոգևոր մեմարանը տվել է 40 շրջանավարտներ, որոնցից 30-ը ընդգրկել են հոգևոր առաքել, որպես կուսակրոն և ամուսնացյալ քահանաներ և տարվազանք:

1966—67 ուս. տարին սկսվեց 34 աշակերտներով: Այս տարի մեմարանը ուներ երեք դասարանական և երկու յարանակում բաժիններ:

Ամսագրի սույն համարում սուղադրվել է Հոգևոր մեմարանի Տեսչի 1966—67 ուս. տարվա գործունեության ընդհանուր պատկերը ներկայացնող շանկեան և թվանդակային գեկուցագիրը:

Այստեղ մասնավոր կարևորությամբ ուզում ենք նշել, որ մայիսին 2-րդ լսարանի չորս ուսանողներ, վեհափառ Հայրապետին տված իրենց գրավոր խնդրագրի հիման վրա, տեսչության միջնորդությամբ առաջան տարվազության ձեռնարկության շնորհի և մասն Մայր Աթոռի Միաբանության շարքերը:

Չորս տարվազանքը, ազատական, համոզմունք և գիտակից որոշումով եկան իրենց երիտասարդական թարմ կորովով ավելացնելու Մայր Աթոռում հայ եկեղեցու ազատությունության կանչված իրենց երեք միաբան եղբայրների թիվը:

Այս հանգամանքը ուրախալի է և հուսադրիչ միանգամայն: Հոգևոր մեմարանը քալ առ քալ ու հետևողականորեն աշխատում է իրագործել այն նպատակը, որի համար նա կյանքի է կոչված:

Ինչպես երևում է տեսչական տեղեկագրից, անցնող ուսումնական տարում ձեռք է բերվել Հոգևոր մեմարանում որոշակի առաջընթաց ուսման որակի բարձրացման, ուսանողության գիտակցական կարգապահության ամրապնդման, կրթական և հոգևոր

դատախարակության խորացման, և քաղաքական նկարագրի կերտման աշխատանքներում:

Ճեմարանում դասավանդություն ու դատախարակություն, Մայր տանալում աղոթք ու երգ, վանական խաղաղ միջոցառում համայնական—կրթարարական կյանք, աչք թույլը որպես դատախարակության մի ընդհանուր սխառնեմ գործարկում է միմյանց հետ, օրինակելի և ամբողջական դարձնելու համար դատախարակության գործը Մայր Աթոռում, կրոնագրայի ու հայրենաշունչ այս միջոցառումի սրբազան կամարների տակ:

Այս բոլորը, սրտեղը լցնում են ուրախությամբ ու լավատեսությամբ Մայր Աթոռ Ա. Լճմիամբնի պայծառ ապագայի մասին:

Հոգևոր ճեմարանի այս տարվա աշխատանքի արդյունքների մեջ, Վեհափառ Հայրապետի կենդանի օրինակից և ամենօրյա դեկավորությունից հետո, իր արդար բաժինն ունի նաև ճեմարանի երիտասարդ սեռույ Հոգ. Տ. Ներսես Ծ. վրդ. Պողոսպալանը, որը հոգեկեն միյում է իր գործը և այն կատարում է նվիրումով, անձնագոհությամբ, եղբայրական սերտ և սեռն համագործակցությամբ դատախառական կազմի:

Հոգևոր ճեմարանը թևակոխում է իր գոյության 23-րդ տարին: Ճեմարանը արդեն ավանդություն դարձած մնացում ակգրունքներ ունի և ուղղություն ու իր կրոնական—կրթա-

կան, հոգևոր, հայրենասիրական աշխատանքը կատարում է վառահոդությամբ:

Այս մտածողների և զգացումների լույսի տակ, «Լճմիամբն» ամսագրի հուլիս-օգոստոս միացյալ համարը նվիրվել է Հոգևոր ճեմարանին: Ամսագրի տույն համարը լույս է տեսնում միայն դատախառական կազմի ուղղունելի աշխատակցությամբ և մի խումբ ուսանողների սրտագին մասնակցությամբ:

Հայ ժողովուրդը բերկրանքի զգացումով և նայել միշտ, մանավանդ, մերջին տարր տարիների ընթացքում, ազգայն Վեհափառ Հայրապետի եկեղեցական, հոգևոր, մշակութային, վերանորոգչական, հայրենասիրական գործունեությամբ վրա, գործունեություն՝ որի նիմունական օրակներից մեկն է. նույն տոմար-դատախարակական, կրթական աշխատանքը Հոգևոր ճեմարանի հարկի տակ: Կանգնեն օրերն ու տարիները, ու մեր տան հոգևոր կրթախարակվեն հավատքի և հայրենասիրության այս սրբազան միջոցառման մեջ, շարունակելու համար Հայ Եկեղեցու առաքելության մեծ գործը, մեր ժողովրդի հոգևոր կազմում:

Ողջուն ճեմարանին ու նորանոր հայրադարձներ, հետագա ուսումնական տարիների ընթացքում, ի մխիթարություն Հայոց Հայրապետի սրտին, հուրախություն հայ հավատացյալ ժողովրդին և ի պայծառություն Մայր Աթոռ Ա. Լճմիամբնի:





ՄԱՅՐ ԱԹՈՌՈՒՄ

Հունիսի 15-ին, Քինգշաբթի, «Տօն Սրբոց Թարգմանչացն մերոց Սահակայ և Մեսրոպայ»: Ազգային եկեղեցական մեծ տոնի առթիվ չորեքշաբթի, երեկոյան ժամը 7-ին Մայր Տաճարում կատարվեց նախատոնակ:

Հինգշաբթի առավոտյան, ժամը 11-ին միաբանությունը ուխտի գնաց Օշական, ուր կատարվեց օրվա հանդիսավոր Սուրբ պատարագը: Պատարագեց և քարոզեց ուխտավորաբար Մայր Աթոռում գտնվող Ռումինիայի և Բուլղարիայի Հայոց թեմի առաջնորդ գեր. Տ. Տիրայր եպս. Մարտիկյանը: Հավարտ Սուրբ պատարագի, կատարվեց հոգեհանգստյան պաշտոն, Վահան Ամատունի իշխանի շիրմաքարի վրա:

Հունիսի 19-ին, Կիրակի, «Գիտ տփոյ Սրբուհոյ Աստուածածնի»: Մայր տաճարում պատարագեց և քարոզեց հոգեշնորհ Տ. Նարեկ Վրդ. Շաքարյանը, «Ով իցէ որ մեղադիր լինիցի ընտրելոց. Աստուած է որ արդարացուցանէ» (Հոռմ. Ը. 93), բնաբանով:

Սուրբ պատարագին ներկա էր Վեհափառ Հայրապետը:

Հունիսի 25-ին, Կիրակի:

Մայր տաճարում պատարագեց և քարոզեց Հոգ. Տ. Գևորգ վրդ. Սերայտարյանը, «Առաքելաք սուրբ և ամբիօք և ընտրեալք յորովայնէ» շարականի բնաբանով:

Հունիսի 27-ին, երեքշաբթի:

Երեկոյան ժամը 6-ին Մայր Աթոռ Ս. Էջմիածին է ժամանում Անգլիո Հայոց հայրա-

պետական պատվիրակ Գեր. Տ. Պասկ Այր. Թումայանը: Հանուն Վեհափառ Հայրապետին Երևան օդանավակայանում Սրբազանին դիմավորում են Լուսարսւրապետ Տ. Հայկազուն Արքեպիսկոպոս և Տ. Ներսես Մ. Վրդ. Պոգապայանը:

Մայր տաճարում իր ուխտն ու աղոթքը կատարելուց հետո Տ. Պասկ Արքեպիսկոպոսը ընդունվեց Վեհափառ Հայրապետի կողմից Վեհարանում: Սրբազանը մի քանի օր Մայր Աթոռում անցկացնելուց հետո, հրաժեշտ տվեց Վեհափառ Հայրապետին և հունիսի 30-ին վերադարձավ իր պաշտոնատեղին:

Հուլիսի 2-ին, Կիրակի: «Վարդավառ»:

«Պայծառակերպություն Տեառն մերոյ Յիսուսի Քրիստոսի»: Մայր տաճարում պատարագեց և քարոզեց Գեր. Տ. Հուսիկ եպս. Սանթրոյանը, «Է՛ր գնացեն թագաւորք ի լոյս քո եւ հեթանոսք ի ծագել լուսոյ քո» բնաբանով:

Ս. պատարագին ներկա էր Վեհափառ Հայրապետը:

Հուլիսի 8-ին, Երկուշաբթի: Մեռելոց:

Մայր տաճարում պատարագեց արժանապատիվ Տ. Նշան Քհն. Բեյլերյանը: Հավարտ Ս. Պատարագի կատարվեց հոգեհանգիստ «Վասն համօրէն ցնջեցելոց»:

Հուլիսի 9-ին, Կիրակի: Մայր տաճարում պատարագեց արժանապատիվ Տ. Հակոբ քհն. Հակոբյանը:



Հուլիսի 16-ին, Կիրակի: Մայր տաճարում
ուստարագեց արժանապատիվ **Տ. Մկրտիչ**
Քնն. Մկրտչյանը:



Հուլիսի 28-ին, Կիրակի: Մայր տաճարում
ուստարագեց արժանապատիվ **Տ. Հովհան-**
նես Քանանա Մարությանը:



Հուլիսի 27-ին, Շաբաթ, Մայր Աթոռ վե-
րադարձավ **Գեյ. Տ. Հայկազուն Արք. Աբ-**
րահամյանը, որը ընկերակցել էր **Վեհափառ**

Հայրապետին մինչև ժընեվ, Եկեղեցիների
Համաշխարհային Խորհրդի Կենտրոնի տըր-
փեկիք Հայրապետական այցելության առի-
թով:




Հուլիսի 30-ին, Կիրակի: Մայր տաճարում
ուստարագեց **Հոգ. Տ. Մուշեղ Վրդ. Պետիկ-**
յանը:



Օգոստոսի 6-ին, Կիրակի:
Մայր Աթոռում ստատարագեց **Հոգ. Տ. Գև-**
որգ վրդ. Սերայդարյանը:





Տ Ե Ղ Ե Կ Ա Գ Ի Ր

ՀՈԳԵՎՈՐ ԾԵՄԱՐԱՆԻ 1966—67 ՈՒՍՈՒՄՆԱԿԱՆ ՏԱՐԵՇՐՋԱՆԻ ԳՈՐԾՈՒՆԵՈՒԹՅԱՆ

Վեհափառ Տեր,

Ամսվերջի հանդիսության այս պահին, ձեր ներկայությունը հոգևոր ճեմարանի հարկին տակ, մեզ համար հատկապես, սրտի անխառն ուրախություն է պատճառում:

Ամսվերջ է, հունձքի և հաշվեհարդարի պահ: Սեզանից յուրաքանչյուրը ինք իր համար կարող էր մտովին հաշվեհարդար կատարել: Բայց այս հաշվեհարդարը մենք միասնաբար ենք կատարելու, որպեսզի պարզ լինի հոգևոր ճեմարանի 1966—67 ուսումնական տարեշրջանի պատկերը Ձեր առջև:

Սեր գործունեության շրջանում, չի ելել մի սլաք, երբ մոռացած լինեցեք կամ անտեսած այս գործի սրբությունը: Գիտե՞նք, որ ծառայում ենք մի սրբազան հաստատության: Դա մեզ համար պատվաբեր է և միաժամանակ նվիրական, որովհետև այս հաստատությունը շարունակությունն է լուսավորչահիմն կրոնական նախնյաց կրթարանին, որտեղ եկել են սնվելու հայ եկեղեցու ընտրյալ գավակները: Այս հաստատության հիմնադիրներն են հանդիսացել մեր Ոսկեդարի կերտիչները՝ ս. Սահակը և ս. Սեսրոպը, ինչպես նաև թարգմանիչ վարդապետների պատկառելի փառանգը, որոնք հայ հոգում հայեցի նկարագիր են շնորհել, իրենց հրաշալի գյուտով և մատենագրական

վաստակով: Դժվար է այս հաստատության կատարած արդյունավետ գործը ճանաչելուց հետո, տկարանալ և աչալուրջ չլինել: Մենք որպես հետևորդ սպասավորներ այս հավիտենական հաստատության, մեր ուժերի ներածին չավով, փորձում ենք առաջ տանել կրթական, դաստիարակչական այս նվիրական գործը: Վստահ ենք և հեռագնետե հանգվում ենք, որ մեր գործի ճանապարհին, մեր եկեղեցու սրբազան հայրապետները առաջնորդում և ներշնչում են մեզ՝ յուսավորելով մեր բանականությունը, ինչպես նաև տրկարության պահերին գորացնում և խանդավառում են մեզ իրենց անձնորացության օրհնակով:

Այժմ փորձենք համառոտակի ներկայացնել հոգևոր ճեմարանի 1966—67 ուսումնական տարեշրջանի դաստիարակչական, կրոնա-բարոյական կյանքը:

Հոգևոր ճեմարանի սաները

1966—67 ուսումնական տարեշրջանում հոգևոր ճեմարանի սաների ընդհանուր թիվը եղել է 84: Դաստիարակչական մնացել են 22 սաներ, նոր ընդունվել են 12-ը, որպես առաջին դասարանցիներ: Այս տարին փակում ենք 25 հոգով: Ուրեմն 9 սաներ այլապես պատճառներով հեռացվել են ճեմարանից:



ԱՄԷԱԺԱՍՈՐ ՀԱՅՐԱՊԵՏՆԵՐԸ ՀՈԳԵՎՈՐ ԾԵՍԽԱՐԱՆԻ ԴԱՄԱԽՈՍԱԿԱՆ ԿԱԶՄԻ և ՈՒՍԱՆՈՂՈՒԹՅԱՆ ՀԵՏ (1957 թ. ՀՈՒՆԻՍ)

Մաների դասարանական բաշխման պատկերը հետևյալն է. Բ լսարան՝ 4 սարկավագ, Ա լսարան՝ 3 ուսանող, Գ դասարան՝ 4 ուսանող, Բ դասարան՝ 6 ուսանող, Ա դասարան՝ 8 ուսանող:

Ընտարանի սաներից 8-ը արտասահմանցիներ են՝ եկած Սերժավոր Արևելքի տարբեր երկրներից, և 17-ը՝ Հայաստանից և դրացի համրապետություններից:

Առաջիկա ուսումնական տարում ճեմարանը ունենալու է՝ երեք լսարանական և երեք դասարանական բաժիններ: Հույս ունենք առաջիկա տարվանից ավելացնել մեր սաների թիվը: Հոգևոր ճեմարան են ընդունվում յոթնամյա կրթություն ունեցող առաջադեմ ուսանողները:

Դասախոսական կազմ

Հոգևոր ճեմարանը այսօր ունի 19 դասախոսներ, որոնցից 6-ը հոգևորականներ են և 13-ը՝ աշխարհականներ: Սեր դասախոսական կազմի գլուխն է ազգիս Վեհափառ Հայրապետը՝ Տ. Տ. Վազգեն Ա կաթողիկոսն Աստված Հայոց, որ Իր որդիների սիրտյն բարևհաճում է իջնել Իր Գահից ու գալ ճեմարան ուսուցանելու համար մեր ուսանողներին:

Ճեմարանի դասախոսներն են՝ Վեհափառ Սուրբապետը Վազգեն Ա, Գերշ. Հայկազուն արքեպիսկոպոս Աբրահամյանը, Գերշ. Վահան Եպիսկոպոս Տերյանը, Հոգ. Ներսես Ժ. վարդապետ Պողապալանը, արժ. Նշան քահանա Բեյլեյանը, արժ. Հովհաննես քահանա Մարությանը: Աշխարհական դասախոսներն են՝ տիարք Արթուր Հատիտյանը, Գրիգոր Գյուլյանը, Պարզև Ծաֆազյանը, Սամվել Անթոնյանը, Բարսեղ Թաշչյանը, Սիմոն Հովհիվանը, Արամ Կարապետյանը, Գառնիկ Բեհյանյանը, Գևորգ Գևորգյանը, Խորեն Սեյխանաջյանը, Վարդան Փարսադանյանը, Հայկ Ֆրունջյանը և Հարություն Սիմոնյանը: Այս շարքին պարտքն ունեն ավելացնելու նաև տիկին Անժել Բալունու աղուր, որն այժման բարեխղճորեն շաքաթը երկու անգամ գալիս է դաշնամուրի դասեր ավանդելու մեր սաներից երեքին:

Այս տարի հոգևոր ճեմարանում որպես մերակացուներ պաշտոնի են կոչվել՝ տիարք Բարսեղ Թաշչյանը, Սիմոն Հովհիվանը, որոնք իրենց ջանքերը միացրին նախկին վերակացու արժ. տ. Նշան քահանա Բեյլեյանի աշխատանքին:

Ազգիվ հպարտանքով պետք է հայտարարենք, որ մեր դասախոսներն ու վերակացուները երբեք չեն խնայել իրենց ջանքը դաստիարակչական ու կրթական այս գործում: Տվել են ոչ միայն իրենց գիտելիքները, դա-



Ա. Էջմիածնի Հոգևոր ճեմարանը

սավանդված առարկաների միջոցով, այլ նաև իրենց ոգին, հավատքն ու ներշնչումը:

Նվիրական այս պահին, պարտքն ունեն շնորհակալության ամենաշերտագին խոսքը ուղղել մեր դասախոսական կազմին, մաղթելով քաջառողջություն և հաղթանորոգ եռանդ: Թող առատ պտղաբերի ձեր ցանքը՝ ի փառս Հայաստանյայց քաղաքապետ եկեղեցու և ի պատիվ ազգիս հայոց:

Ուսումնական կյանք

Հոգևոր ճեմարանում շաքաթը վեց օր դասավանդություն է տեղի ունենում, քացի կրոնական և միջազգային կարևոր տոներից: Ամեն դասարան օրը վեց ժամ դաս ունի, որնեմն՝ շաքաթական 36 ժամ: Ամեն աղավաղ ժամը 9.30-ին սկսվում են դասերը և ավարտվում՝ 2.30-ին:

Ուսանողները կեսօրից հետո ժամը 3-ից մինչև 5-ը ազատ են: Իսկ ժամը 5-ից մինչև 10-ը սերտում են վերակացուի հսկողության տակ: Սերտողության այս 5 ժամվա ընթացքում միանգ կես ժամով մասնակցում են երեկոյան ժամերգության և կես ժամ էլ տրամադրում են ընթերիքի համար՝ երեկոյան ժա-



Հոգևոր ճեմարանի Տեսուչ Հայր Սուրբը մի խումբ դասախոսներով և ուսանողներով

մը 8-ին: Այսպիսով օրական 4 լրիվ ժամ մեր սաները հմարավորություն են ունենում սերտելու:

Հոգևոր ճեմարանի գոյության գլխավոր նպատակն է, հայ եկեղեցու սպասավորության համար պատրաստել կիրթ ու գիտակից հոգևորականներ: Այս նպատակով իսկ յուրաքանչյուր դասախոս բարոյական պարտականությունն ունի իրեն հանձնարարված ուսումնական ծրագիրը իրագործել: Մեր նպատակն է իմացական պատրաստության առընթեր, հոգևոր ու ազգային դաստիարակությունն նաև ջանքել մեր սաներին: Այս իսկ ակնկալությամբ հաճախ հրավիրում ենք մեր դասախոսներից բացի այլ մասնագետներ, դասախոսելու հոգևոր, բարոյագիտական, գրական և գիտական զանազան այժմեական նյութերի մասին:

Մեր այս ուսումնական տարվա ընթացքում, գոհունակությունն ունեցանք վայելելու բանախոսությանց շինիչ շարքը, հանրաժանոթ գրող, բանասեր և պատմաբան պրոֆ. Հ. Մ. Սիրունու, նվիրված արևմտահայ գրականության զարգացման և կարկառուն դեմքերին: Ուրախություն էր նաև մեզ համար ունկնդրելը Կոմիտաս վարդապետի աշակերտ, երաժշտագետ տիար Միհրան Թումանյանի լսանախոսությունը՝ նվիրված

հայ պատարագի ծագման և կատարման: Խանդավառությունն ստեղծեց, ծանոթ աշխարհագրագետ տիար Կ. Ավետիսյանի դասախոսությանց շարքը, նվիրված աշխարհի արդի քարտեզին և Հնդկաստանին: Զերմությանմբ ունկնդրվեց նաև Բյուրականի աստղադիտարանի գիտնական պրոֆ. Հ. Բադալյանի դասախոսությունների շարքը՝ տոմարագիտության և աստղաբաշխության մասին: Մենք երախտապարտ ենք վերոհիշյալ ազնիվ բանախոսներին, որոնք այնքան ջերմությամբ հանձն առին իրենց թանկագին ժամանակից մի պահ տրամադրելու մեզ:

Ճեմարանցիների հոգևոր, իմացական և հայրենասիրական զգացումների պայծառակերպման գործում Իր անգնահատելի նպաստն է բերել մեր սիրելի Վեհափառ Հայրապետը: Բացի Իր դասավանդած առարկաներից, Վեհափառը՝ գորգորաճքով հոգևոր ճեմարանի սաներին հաճախ հրավիրել է Վեհարան շաբաթ երեկոները, խոսելու որպես հայր՝ Իր որդիներին, հոգևոր և բարոյական-դաստիարակչական ուղղությանմբ:

Ճեմարանի առօրյան

Հոգևոր ճեմարանի սաները զարթնում են առաւիտյան ժամը 7-ին: Կեն ժամ մարզակնք

աներուց հետո, շարքով գնում են եկեղեցի՝ գիշերային և առավոտյան ժամերգության մասնակցելու ժամը 8-ից մինչև 8.45-ը: Իճ-մին քառորդ պակաս հախաճաշում են, ապա ժամը 9.30-ին սկսվում են դասավանդությունները: Երեք պահ դաս անելուց հետո, ժամը 12-ին ուսանողները և դասախոսները թելում են, ապա շարունակվում է դասավանդությունը երեք պահ ևս, որից հետո ժամը 2.30-ին ճաշում են: Ուսանողները ժամը 3-ից մինչև 5-ը ընդհանրապես խալում են կամ հանգստանում և կամ էլ երաժշտության փորձի են մասնակցում: Երեկոյան ժամերգության մասնակցում են ուսանողները ժամը 5-ից մինչև 5.30: Հետո սկսվում է սերտությունը և տևում է մինչև ժամը 8-ը: 8-ին ընթրում են և շարունակում սերտությունը մինչև ժամը 10-ը: Աղոթում են ու մեղում:

Այս է մեր առօրյան՝ բացի չորեքշաբթի երեկոներից, երբ գիշերվա ժամը 9.30-ին ուսանողները վերակացուների ընկերակցությամբ գնում են եկեղեցի աղոթելու, Հանգըստյան, Խաղաղական ժամ ասելու կամ համազան կրոնա-քարոչական նյութերի մասին խորհրդածելու, ապա մինչև քնելը լուռ մնալու պայմանով:

Հոգևոր ճեմարանի սաները անխափան ամեն առավոտ և երեկո ժամերգության են մասնակցում, ինչպես նաև ամեն կիրակի և որբուց տոներին պատարագի՝ Մայր տաճարում: Նրանք տարվա հինգ տաղավարների ու Հաղորդություն են ստանում, ըստ ճեմարանում ընդունված կարգի, ինչպես նաև այլ ստիքներով: Ճեմարանի դաստիարակության մեջ առաջնահերթ կարևորություն է տրվում հոգևոր կյանքի կազմակերպմանը:

Համախ մեր առօրյա ժամանակացույցում զանազան փոփոխություններ էլ են տեղի ունենում: Ուսանողները երկու շաբաթը մեկ վերակացուների հսկողությամբ և առաջնորդությամբ պատշաճ շրջապատներ են դիտում: Երաժշտական ճաշակի ազնվացման նպատակով հաճախ Երևան, համերգների ներկա են լինում: Երբեմն այցելում են թատրոն և կրկես:

Այս տարվա ընթացքում ճեմարանը իր կազմով մի քանի անգամ միօրյա պտույտներ է կազմակերպել դեպի Մոլդու և Գեփորգ վանքը, Հովհաննավանք, Սաղմոսավանք, Էնթ Վիրապի վանք և Դփին: Շուտով ամպերջի քառօրյա շրջապտույտն է տեղի ունենալու, դեպի Հաղբատի և Սանահնի վանքերը: Վստահ ենք, որ մեր պատմական ուխտավայրերը այցելելով մեր պատմությունն ու սովանդությունները կվերանորոգվեն ու կտպալտվեն մեր մեջ:


Հոգևոր ճեմարանից ներս մարզական կյանքը ունի իր արժանավայել տեղը: Բացի առավոտյան մարզաձևի դասից, ուսանողները հաճախ էջմիածնի քաղաքային դաշտում ֆուտբոլի խաղեր են կազմակերպել: Սեղանի թենիսը ուսանողների առօրյա զբաղմունքն է: Շուտով վանքի շրջափակում հոգևոր ճեմարանը կունենա իր վոլեյբոլի, բասկետբոլի և թենիսի առանձին խաղափայտերը:

Ճեմարանի սաների առողջական վիճակը գոհացուցիչ է: Երբեմն եղել են թեթև հիվանդություններ: Այս առթիվ իմ վրա քարոչական մի պարտականություն է դրվում, շնորհակալություն հայտնելու էջմիածնի քաղաքի հիվանդանոցի վարչության, ինչպես նաև այլ մասնագետ բժիշկներին, որոնք իրենց կարելին արեցին ճեմարանի սաների առողջությունը կայուն պահելու գործում, անվճար կերպով:

Հոգևոր ճեմարանը ունի նաև իր մասնագիտական գրադարանը, ավելի քան 15,000 գրքերով, քույր լեզուներով: Գրադարանը ունի իր գույք պաշտոնյաները, հանձնիս տիկին Աստղիկ Նազիկյանի, որպես վարիչ, և տիար Բարսեղ Թաշչյանի, որպես գրադարանավար: Մայր Աթոռի միաբանների և ճեմարանի սաների առջև բաց են գրադարանի դռները:

Բարձրաստիճան հյուրեր

Այս տարի ճեմարանի հարկին տակ երջանկությունն ունեցանք դիմավորելու և բարի գալուստ մաղթելու մի շարք հոգևորական և աշխարհական պատկառելի դեմքերի: Ինչպես Ռումինիայի Նորին Արքություն ժուստինիան Պատրիարքը, որ իր շքախումբով այցելեց ճեմարան, իր հայրական քաղցր խոսքն ասաց, ճեմարիտ հավատարիմ և առանց ամոթ մշակներ լինելու պատգամով: Մեր հյուրը եղավ նաև հայազգի աշխարհահռչակ երաժշտագետ Արամ Խաչատրյանը: Մեծատաղանդ երաժիշտը ի պատիվ իրեն տրված գեղարվեստական ծրագրի կատարումը լսելուց հետո, խոսք առավ, քաջալերեց մեր սաները առավել սիրելու և նշվիրվելու հայ երաժշտության, նման անմահ Լուսինաս վարդապետին: Մեր պատվական հյուրը եղավ, Համաշխարհային եկեղեցիների խորհրդի ընդհանուր քարտուղար դոկտ. Էռնեստ Բլեյկը: Գերաշնորհ հյուրը խոսեց մեր սաներին եկեղեցու դերի մասին արդի աշխարհում, նվիրման և ծառայասիրության կոչ արեց նրանց, քաջալերեց նրանց ուսման մեջ և հրավիրեց Ժճ, ճեմարանի ուսումը ավարտելուց հետո գնալու և կատարելագործվելու Համաշխարհային եկեղեցիների խոր-



Ապրիլյան եղևնի Հուշարձանի առաջ

հորդին կից Բոսսեյի կոլեջում: Այս տարի մեր շնորհաբեր հյուրը եղավ հան Բուրլար եկեղեցու Պետ Նորին Արքեպիսկոպոսի Պատրիարքը, իր շքախումբով: Նորին Արքեպիսկոպոսը մեծ հաճությամբ հետաքրքրվեց մեր տաների կյանքով և ուսումնական ծրագրով: Իր բովանդակային խոսքում Նորին Արքեպիսկոպոսը շեշտեց հայ եկեղեցու դերը աշխարհով մեկ սփռված հայերի կյանքում, հշեց հոգևոր ասայարեզին հիփրվող ամձի ստացած քաղաքայության մասին, օրհնեց մեր տաներին, որպեսզի նրանք այս դարավոր հաստատության ազնիվ ծառայողները լինեն:

Թումկազին հյուրերի պատվին՝ ճեմարանի հարկի տակ մասնավոր համալսարանում էլ տեղի ունեցան սաների կատարմամբ: Վստահ եմք, որ վերանկայա բարձրաստիճանի հյուրերի այցը եղավ մեր սաների և մեզ համար խթան՝ ծառայության համապատասխան:

Երախտագիտական մի պարտք ես ունեմ կատարելու հանձն՝ շնորհակալություն հայտնելու մեր հայրենի կատարության:

Հուսկ ուրեմն, մեր երախտագիտական զգոցումները շնորհակալության Մայր Աթոռի միաբանության, Գերագույն հոգևոր խորհրդին և հոգևոր ճեմարանի բոլոր բարերարներին, որոնք իրենց լուսնի սիրով մոծեցին այս հաստատության գոյությունը և նրա նպատակների իրականացման համար: Ծնորհակալություն բոլորին: Թող Տերը վարձահատույց լինի նրանց:

Սիրելի սաներ,

Ամավերջ է, անցավ հաս 1966—67 ուսումնական տարեշրջանը, հուշ դարձավ: Կմնա այն, ինչ որ կարողացանք սովորել: Մենք միասին մի տարի ևս բոլորեցինք, մեկ ընտանիքի նման, իրար հետ ապրեցինք, իրար ճանաչեցինք, իրար սիրեցինք, երբեմն իրար վշտացրինք և նույնիսկ խիստ եղանք մեր հանդեպ: Այդ բոլորը մեր օգտի համար էր, այդ բոլորի դրդապատճառը մեր սերն էր, մենք և՛ մեզ էինք սիրում և՛ ս. եկե-

ղեցին, այդ էր պատճառը մեր հախանձախնդրության: Գիտե՞ք, թե որքան մեզ համար մենք անհանգստացել ենք, մեր թերությանց, դժվարությանց և վշտերի պահին: Մենք այդ բոլորը սիրով ենք արել:


Նի խորհուրդ եմ ուզում մեր ուշադրության հանձնել, իմացնել, որ մեր եկեղեցին, մեր ժողովուրդը ազնիվ ծառայողների պետք ունի, հատկապես այս օրերին: Հպարտ եղեք, որ անպագա ծառայողներն էք դառնալու մեր մեծ եկեղեցուն: Հպարտացեք, որ այս դարավոր հաստատության զավակներն եք: Միշտ մտաբերեցեք մեր ժողովուրդի պատմությունը: Հետևեցեք մեր եկեղեցու եռամեծ վարդապետների, սուրբ հայրապետների և ազգի համատակների օրհնակներին: Նրանց կյանքի ողին ընտրեցեք մեզ համար, որպես ծառայության ուղի: Վստահ եղեք, մեր կյանքը կզեղեցվիսև և իմաստ կստանա միայն սուրբ հպատակների իրագործման ձգտումով: Հաղորդվեցեք մեր հախնչաց ոգու, հավատքի հետ և եղեք նրանց ճշմարիտ ժառանգները:

Տեսեք, մեր ժողովուրդը ցրված է աշխարհի չորս ծագերում: Բոլորն էլ անխտիր ս. Էջմիածնին են հայում: Ս. Էջմիածինը հոգևոր հաց է, բոլոր հայերին սնուցանող: Ամեն հայ, ինչքան էլ հեռու է բնակվում հայրենիքից, սիրում է և տենչում ս. Էջմիածինը: Էջմիածինը բարեղեն շենք չէ միայն, Էջմիածինը առավելապես ոգեղեն իրականություն է: Էջմիածինը հայ ժողովուրդի կենդանության խորհրդանիշն է: Էջմիածինը մենք ենք այսօր, դուք եք վաղը, և այդպես շարունակաբար: Ձեզ են սպասում մեր ջրված ազգի զավակները ի սփյուռս աշխարհի, մի օր դուք որպես մանահա պետք է քաշվեք նրանց: Գիտեք, այդ է գեղեցիկը և սփոփանքը մեր կյանքի, լինել լուսարարների և Լուսավորչի կանթեղին, և լույս բաժանել:

Այս է իմ խոսքը մեզ ուղղված, սիրելի սաներ:

Կեցցե՛ մեր հոգևոր ճեմարանը:

ՆԵՐՍԵՍ Մ. ՎԱՐԴԱՊԵՏ





ՎԱՀԱՆ ԵՊԻՍԿՈՊՈՍ ՏԵՐՅԱՆ

(Փոխանորդ Արարատյան թեմի)

ՈՒՐՎԱԳԻԾ Ս. ԷԶՄԻԱՇՆԻ ԴՊՐՈՑԻ ՊԱՏՄՈՒԹՅԱՆ

Ս. Էջմիածնի կաթողիկոսարանին կից վարդապետարանների պատմությունը գալիս է դարերի խորքից: Առաջին վարդապետարանը սկսվում է ս. Էջմիածնում հայրապետական Աթոռի հաստատմամբ հայոց ընդհանուր դպրձով, ս. Գրիգոր Լուսավորչի ժամանակ:

Մեր քաղաքական կյանքի բերումով կաթողիկոսների նստավայրը եղել է փոփոխական: Նույն ճակատագիրն էլ ունեցել է կաթողիկոսարանին կից մշտապես գործող հոգևոր բարձրագույն դպրոցը՝ վարդապետարանը, դարերի խավարին կամ լույսին գոգընթաց, հայ մշակույթի վերելքին կամ անկման հետ համատեղ, երբեմն հզոր ճառագայթումով, երբեմն թույլ առկայծումով, բայց և հանապազ սնուցելով մեր եկեղեցին և ժողովուրդը:

Ս. Էջմիածնի վարդապետարանի պատմության մասին առ այսօր գոյություն չունի առանձին մի ուսումնասիրություն, չնայած՝ «Էջմիածինը, որպես հայոց հնագույն հոգեվոր կրթության կենտրոնի, արժանի է հատուկ ուսումնասիրության: Նրա դերը հայոց մշակույթի և կրթության պատմության մեջ լիթեսարի է, բայց այդ մեծ դերը մինչև այժմ

պատշաճ չափով չի ներկայացված և լուսաբանված»:

Ս. Էջմիածնի վարդապետարանի պատմությունը գրելիս օգտվել ենք Մաշտոցի անվան Երևանի պետական Մատենադարանից, կաթողիկոսական դիվանի, Հայաստանի պետական կենտրոնական, գրականության թանգարանի արխիվներից, տպագիր և անտիպ բազմաթիվ աղբյուրներից: Ուսումնասիրելով հատկապես «Ամենայն Հայոց կաթողիկոսարանին կից վարդապետարանի» պատմությունը, աչքաթող չէինք կարող անել նաև հայ դպրոցը ընդհանրապես: Այդ հարցը, սակայն, որ լայն, ուսումնասիրության առարկա է եղել ուրիշ շատ հեղինակավոր գրիչների կողմից, ընդհանրապես դուրս է մնում մեր պարունակից: Այդ հեղինակներից են՝ ա) Հ. Վարդան Հացունի, «Դաստիարակությունը հին հայոց թով», Վենետիկ, 1923 թ., բ) Ա. Ալպույանյան, «Հայ դպրոցի պատմությունը», Կահիրե, 1947 թ., գ) Աթգար Մովսիսյան, «Ուրվագծեր հայ

1 Ա. Խ. Մովսիսյան, «Ուրվագծեր հայ դպրոցի և մանկավարժության պատմության», Երևան, 1958 թ., էջ 261:

դպրոցի և մանկավարժության պատմության», Երևան, 1958 թ.:

Ս. Էջմիածնի վարդապետարանի պատմությունը մեր սրտին մոտիկ է եղել: Այդ վարդապետարանի պատմությունը գրելու ցանկությունը իր լրումը գտավ 1958 թվականին և դրանից հետո վերածվեց ամառյան իրականացված յինելու անդիմադրելի մի պահանջի: Չնայած ժամանակի հեռավորության, մենք էլ ԺԳ դպրի Սյունյաց պատմիչ Ստ. արքեպիսկոպոս Օրբելյանի պես՝ «Ի բազում ամաց տեճսացեալ եմ այսմ իրագործութեան»²:

Ս. Գրիգոր Լուսավորչից սկսած գործել է կաթողիկոսարանին կից վարդապետարանը, ինչպես վկայում է Ագաթանգեղոսը. «Այնուհետև վերցրեց Արշակունյաց տոհմի վարդկանց և սովորեցրեց նրանց, որոնցից ատաջիցն էր հենց թագավորը՝ Տրդատը՝ իր անբողջ ընտանիքով»³:

Վարդապետարանի գոյության մասին է վկայում նաև բազմալսատակ բանասեր Արշակ Ալպոյանյանը. «Ինչպես որոշ կը տեսնե՞րքի անոնց տրված ուսումը քրիստոնեության վարդապետությունն էր... քրիստոնեությունը ծանոթացնել անոնց, քանի որ կրպատկանեին այն դասուն, որ «գհանգաման գիտէին հելլեն կամ ասորի դպրութեան»⁴: Սակայն պատմական փաստերը մեզ համոզում են, որ Լուսավորիչը միայն բարձր դասակարգի մեջ էր գործում, այլ նրա դպրոցական գործունեությունը ծավալվում էր նաև հասարակ ժողովրդի մեջ՝ դաստիարակելով նրանց քրիստոնեական ոգով: Արդարև, Լուսավորիչը «Նույնպես ջանում էր ամենքին կրթելու, հասցնել նշմարտության գիտությունը»⁵:

Ամենայն Հայոց կաթողիկոսարանին կից գործող և գերազանցապես հոգևորական տրծիչներ պատրաստող այս վարդապետարանը իր դասավանդման մեթոդներով, ուսումնական ծրագրով հարազատ մեկ լատենցի էր իր դարու նման հունական և ասորական նույնատիպ դպրոցին: Անշից, միայն այն էր, որ հայ աշակերտը լեռք է մարզվել այդ լեզուներով իր ուսած խտությունը վերածել բանավոր հայերենի,

որիչ խոսքով՝ կատարել մշտական թարգմանություն, հասկանալի և օգտակար լինելու համար հայ ժողովրդին: Իրանք վերծանողներն էին: Նրանք էին, որ անգիր դպրության օրինակով, նախքան Աստվածաշնչի գրավոր և պաշտոնական թարգմանությունը, կազմեցին նրա գոնե որոշ մասերի անգիր թարգմանությունը: Ե դարի ոսկեդեհին հայ լեզվի մաքրությունը նրանց նախապատրաստական աշխատանքի պտուղն է իր խորքում:

Այս վարդապետարանից բացի, կոթված աշխարհիկ գործիչներ, հատկապես արքունի կամ կաթողիկոսական դիվաններում աշխատելու սահմանված դպիրներ պատրաստելու համար, հատուկ դպրոցների մի ցանց տեղավորվեց Հայաստանում: Այդ դպրոցների դասավանդման լեզուն երեք էր ըստ տեղական պահանջների՝ հունարեն, ասորերեն և պարսկերեն: Տրդատ թագավորը բաջալերող և օգնական հանդիսացավ Լուսավորչի այս օգտաշատ ձեռնարկությանը էլ, ինչպես իր հաջորդները եղան Լուսավորչի ժառանգներին: Այդ մասին է վկայում Ագաթանգեղոսը՝ գրելով. «Տրդատ թագավորը հրաման տվեց Հայաստանի զանազան շրջաններից ու զավատներից բերելու բազմաթիվ մանուկների՝ ուսուցման համար, և նշանակելու նրանց համար հավատարիմ ուսուցիչներ. առավել ևս (բերելով) պղծագործ քրմերի դասերին, նրանց որդիներին նույն նպատակով խումբ-խումբ գումարելու պատվարժան վայրերում՝ նշանակելով թոշակ (նրանց համար): Եվ նրանց բաժանեց երկու մասի. մի մասին տվեց ասորական դպրության, իսկ մյուսին՝ հելլենական»⁶:

Բնական է, որ դպրոցները գիշերօթիկ էին: Աշակերտները ընտրվում էին յուրաքանչյուր նահանգից ու գավառից, մի սովորություն, որը տևում է մինչև մեր օրերը:

Ագաթանգեղոսը դարձյալ վկայում է, որ Լուսավորիչն աշակերտներին «Անջատում էր հայերենի բնականալայրերից» և տանում ու զետեղում էր Վաղարշապատում և այլուր իրենց ծննդավայրից հեռու դպրոցների մեջ: Տե՛հ այս օտարազանքը բռնի էր կատարվում թագավորի հրամանով. «Նույնպես հավանեցնում էր թագավորին, որպեսզի բոլոր գավառներից, բոլոր կողմերից և ամեն տեղերից հավաքվի մանուկների բազմություն՝ ուսուցման համար: Գազանամիտ, ամենավայրի, ճիվաղաբարո աշխարհականներին ուսուցանելու ուսուցման բովով, հոգևոր սիրով ու եռանդով թոթափում շարավաճող դե-

² Ստ. Օրբելյան, «Պատմություն նահանգին Սիսան», Թիֆլիս, 1910 թ., էջ 10:

³ Ագաթանգեղոս «Պատմություն», Թիֆլիս, 1882 թ. 455:

⁴ Ալպոյանյան Ա., «Պատմություն հայ դպրոցի», Թիֆլիս, 1946 թ., էջ 19:

⁵ Ագաթանգեղոս, «Պատմություն», Թիֆլիս, 1882. 455:

⁶ Ագաթանգեղոս, «Պատմություն», Թիֆլիս, 1882 թ., էջ 484:

վերի և սնոտիացործ պաշտամունքների կեղան ու ժանգը»:

Որ նախընտրությունը տրվում էր առավելապես քրմական սերնդին, հաստատում է նաև Շոմանյան պատրիարքը.

«Քուրմերն ալ ազդու դասակարգ մըն էին, և կրնային մեծ դժվարություններ հանել, եթե հանկարծ ամեն դյուրությունն զրկված ըլլային... Սիայն պետք էր զանոնք լալ կրթել նոր կրոնքին սկզբունքներուն մեջ, ուստի նոր հաստատված ուսումնարաններուն մեջ, հոգ կտարվէր «առաւել գազզա պղծագործ քրմանց և զմանկունս նոցա ի նոյն ժողովել» և սիւսնգամայն չէր մոռացվել անոնց «դարման ողնկաց» կարգել»:

Հ. Վարդան Հացունիին ճիշտ կերպով նշում է, որ այս դպրոցները նկատվում էին իբրև արքունի ձեռնարկություններ և պահպանվում արքունի գանձարանից վճարված «դարման ողնկաց»-ներով:

Հետաքրքրական է իմանալ, թե որոնք կամ ինչպիսի մարդիկ վարել են հայկական առաջին դպրոցները: Այդ դպրոցների առաջին ուսուցիչները եղել են հույն և ասորի քարոզիչները, որոնք ս. Գրիգոր Լսավորչի հետ ժամանել են նորադարձ Հայաստան: Հետագայում Լուսավորչի հաջորդները հետևեցին իրենց մախահոր օրինակին: Հայաստանը լցվեց տարազգի քարոզիչներով, որոնք օգուտից ավելի բեռ էին դառնում: Որ հայ ուսուցիչներ չկային այս շրջանում, ընդունում են նաև Հ. Վ. Հացունիին և Ալպոյանյանը: Նրանք իրենց տեսակետը հիմնավորում են Ագաթանգեղոսի հետևյալ տեղեկությամբ վրա.

«Գտավ բազմաթիվ եղբայրներ, որոնց համաձայնեցրեց զսլու իր հետ, որպեսզի կարգի նրանց քահանայության իր երկրում, գումարելով բազմաթիվ խումբեր՝ վերցրեց նրանց իր հետ»:

ՆԵՐՍԵՍ ՄԵԾԻ ԴՊՐՈՑԱԿԱՆ ԳՈՐԾՈՒՆԵՈՒԹՅՈՒՆԸ (353—379)

Ներսես կաթողիկոս իր մեջ խտացնում էր իր նախնիների բոլոր դրական գծերը՝ ջերմեռանդ հավատացյալ, քաջ հովվապետ, մարդասեր դեկավար, կրթամիլեր ու հայրեմասեր հոգևորական: Նա իր ունեցածը կամ կյանքը չսակարկեց հանուն իր հոտի լուսավորության և եկեղեցու շինության:

² Նույնը, էջ 488—484:

³ Մ. արք. Օրմանյան, «Ազգապատում», Կ. Պոլիս, Բ. 1, 1812 թ., էջ 100:

⁴ Ագաթանգեղոս, էջ 488:

Բազմավաստակ հայրապետի ուշադրության կենտրոնում եղել է նաև կրթական հարցը՝ եկեղեցու տպավորներ պատրաստելու նպատակով: Այդ մասին Փավստոս գրում է. «Ծատ տեղեկ» Հայաստանի բոլոր գավառներում բացեց նունարեն և ասորերեն (լեզվով) դպրոցներ»:

Յուրաքանչյուր գավառ դպրոցով օժտելիս Ներսես Մեծը, անշուշտ, չէր կարող կաթողիկոսարանին կից վարդապետարանի փակ թողնել: Ի տարբերություն նախորդ դպրոցների, ներսիսյան դպրոցները ընդհանրապես ցերեկյա էին, չունեին «դարման ողնկաց»-ները, այլ պահվում էին քարեակերի նվերներով կամ եկեղեցական զանազան եկամուտներով:

Ներսիսյան դպրոցների կառույցում դերի մասին Օրմանյան արբազան գրում է. «Այդ դպրոցներում աշակերտները եղան վերածնող և թարգմանիչ պաշտոնյաներու զուրգացման ուսուցիչները, որոնք նախկին թագին հայերեն դպրոցյան սկզբնավորության: Այս խումբն ելան հույնիսկ Ներսեսի գավակը՝ Սահակ, և ձեռնաստուր՝ Մեսրոպ, հայ գիրին գտիչները և հայ դպրոցյան նախահայրերը»:

Ներսես Մեծը չբավարարվեց օտար գործակիցների աշխատանքով: Նա բնորոշ արժանավոր աշակերտներ և նրանց ուղարկեց այն օրերի հոչակված ուսումնական կենտրոնները, ոմանց դեպի արևմուտք, իսկ ուրիշներին՝ դեպի Ասորիք կամ Եգիպտոս: Դա տեղական ուսուցիչներ պատրաստելու առաջին քայլն է:

Հ. Վ. Հացունիին և Ալպոյանյանը Ներսիսյան դպրոցների մասին համանման եզրակացության են հանգում. «Լուսավորչի կողմն հաստատվածներուն հետ գրեթե նույն ծրագիրը, բայց թերևս ավելի ժողովրդական հանգամանք մը ամենին, որովհետև կրգտնրվեին ամեն գավառի մեջ և այս պատճառով իսկ կենթադրվի, թե ցերեկյա էին»:

Ներսիսյան ձեռնաստույն սաներից են ս. Սահակ Պարթև կաթողիկոսը և ս. Մեսրոպ Մաշտոցը, ապա նաև Բաբեյի Խաղ եպիսկոպոսը, Արտաշատի Զուրթա երեցը, որին գերեվարեց Մերուժանը, և նախատակվեց Պարսկաստանում:

«Սահակ և Մեսրոպ... այս դպրոցներում աշակերտներն էին և ասոնց շնորհիվ տիրացած այն տիպար կամ դասական հայերենին»:

¹⁰ Փավստոս, «Պատմություն», Վենետիկ, 1882 թ., էջ 77:

¹¹ Օրմանյան, հույնը, հատոր Ա, էջ 172:

¹² Ալպոյանյան, Նույնը, էջ 25: Հացունի Վ., հույնը, էջ 18:

որով հետո սիտի թարգմանեին Ս. Գիրքը»¹³։ Պատմիչները, խոսելով Ներսես Մեծի օգտաշատ գործունեության մասին, հատկապես նշում են, որ ս. Մեսրոպը էր «սմեալ և ունեալ առ Մեծին Ներսեսի»։

Ներսես Մեծը որսնդի՞ց էր քերում և հայթայթում իր դպրոցի ուսուցիչները։ Գարեգին արքեպիսկոպոս Տրսապիզոնցիին իր «Աշխարհի լույսն ի հայս» գրքում այդ մասին գրում է.

«Ներսես ուսուցչության պաշտոնին կոչեց մասնավորապես այնպիսիներ՝ որոնք իրենց ուսումն ստացած և այդ գործին պատրաստված էին կրթական օտար կենտրոններում մեջ։ Ասոցմեզ գլխավորն էր Աթենք, ուր տակավին Ներսեսի օրերում՝ կապերը հայազգի աշխարհափռույթ գիտնական հոգևոր-ուսուցիչ՝ Պրոքրեսիոս կամ Պարույր»¹⁴։ Հայտնի է, որ Պարույրի շուրջն էին համախմբվում հայ լավագույն ուսանողությունը և ստանում նրանից իր ժամանակի լավագույն ուսումը, գիտելիքները և վերադառնալով հայրենիք, այն փոխանցում իրենց աշակերտներին։

ՎԱԿԱՐՇԱԿԱՏԻ ՎԱՐՉԱՊԵՏԱՐԱՆԸ՝
ՀԱՅԱԳԻՐ ԱՌԱՋԻՆ ԳՊՐՈՑԸ
ՈԱՀԱՆ-ՄԵՍՐՈՊՅԱՆ ՇՐՋԱՆ (405—443)

Ե դարի սկզբներին, այսինքն մեսրոպատառ հայ դպրության արշալույսին, Լուսավորչից հիմնված և իր հաջորդների օրով այս կամ այն կերպ շարունակվող Մայր Աթոռի վարդապետարանը չտվեց ցանկալի արդյունքը և հետք չթողեց մեր ժողովրդի մշակութային, գիտական, գրական կյանքի վրա։ Հարյուրամյա այդ վարդապետարանի գրական խոսքի ամլության մեղքը, անշուշտ, ոչ ուսուցիչներինն է և ոչ էլ աշակերտներինը, այլ ամեն թանից առաջ սեփական նշանագրերի պակասին, և հետո՝ տիրող քաղաքական սուր պայքարներին ու վայրիվերումներին։

Գրերի գյուտից հետո հայ դպրոցը դրվում է ամուր հիմքերի վրա։

«...Ցանկալին կարգել դպրոցս և ուսուցանել բազմութիւն մանկտույ, քանզի ամենայն անձն յորդորեալ փափագէր յուսումն հայերէն գիտութեան, որպէս ի խաւարէն, յասորի տանջանացն, գերծեալք ի լոյս՝ խնդային»¹⁵։

¹³ Գարեգին եպիսկոպոս Տրսապիզոնի Խաչատուրյան, «Աշխարհի լույս ի հայս» հ. 1, Փարիզ, 1888 թ., էջ 804—805։

¹⁴ Գարեգին եպիսկոպոս Տրսապիզոնի, «Աշխարհի լույս ի հայս», հ. 1, էջ 805։

¹⁵ Դազարայ Ծարփեցու «Պատմութիւն հայոց», Թիֆլիս, 1807. էջ 32։

Վրամշակուի իսկ հյամանով Հայաստանում բացվում են հայատառ դպրոցներ, որտեղ նորաստեղծ հայ նշանագրերով ուսանում էին հայ նորահաս մանուկները՝ հայ ուսուցիչների ձեռքի տակ։

Հիմք է դրվում գրավոր հայ գրականության։ Թարգմանվում և բազմացվում են Աստվածաշունչը—գրքերը ոլորտն քրիստոնեության տարածման մտահոգությանը, նույնքան էլ դրանք իբրև դասագիրք օգտագործելու նկատմամբ։ Սահակն ու Մեսրոպը հիմնադիրներն ու հոգին էին թարգմանական և ուսուցանողական այս հուժկու գործունեության և անձամբ ունեակարում էին այն, իրենց դպրոցական ցանցը հասցնելով երկու Հայաստանների միջև ամենահեռավոր ծայրագավառներն իսկ։

Այս եռանդուն ջանքերի նպատակը կրկնակի էր.

ա) գրականությամբ Ավետարանի լույսը տարածել Հայաստան աշխարհում և այն սիրելի ու մատչելի դարձնել բոլոր հայերին.

բ) ժողովրդին գրաճանաչ դարձնել։

Այս նպատակին հասնելու համար անհրաժեշտ էին երկու տիպի դպրոցներ, մեկը՝ նորարական, պարզապես տառաճանաչ դարձնելու համար մարդկանց, որպեսզի դրանով նրանք կապվեն քրիստոնեական կրոնին, իսկ մյուսը՝ նեղ մասնագիտական, պատրաստելու համար Ավետարանի ներհուն քարոզիչներ և ժողովրդական կրթության ձեռնահաս մշակներ։


Դրանցից երկրորդը գերադաս կարևորություն ուներ, ուստի Սահակը և Մաշտոցը իրենց անմիջական հսկողության տակ «նորագիտ վարդապետութեան» համար աշակերտներ են համախմբում Վաղարշապատում, որտեղ ս. Մաշտոցը երկու տարի անընդմիջ դասախոսում է։

Այսպիսով «եկեղեցու սյուներն սկսեցին համարձակ ձեռքով Քրիստոսի ավետարանիչների գործը կատարել, Հայաստան ազգի զանազան կողմերը, զավառներն ու տեղերը խումբ-խումբ ուղարկել ճշմարտության աշակերտներին»¹⁶, ուր մեծ աշակերտություն է հավաքվում բոլոր տեղերից ուսանելու և հմտանալու նորագույն վարդապետությանը. «Որովհետև Այրարատյան գավառում, թագավորների ու քահանայապետների նստավայրում բխեց հայերի համար Աստծու պատվիրանների շնորհք»¹⁷։

Այսպես, Հայաստանում սկիզբ էր առնում դպրոցական կանոնավոր մի ցանց, որի

¹⁶ Կորյուն, «Վարդ Մաշտոց», աշխ. 17. Արեդյանի, Երևան, 1802 թ., էջ 107։

¹⁷ Կորյուն, նույնը, էջ 107։



զայնքն էր Վաղարշապատի բարձրագույն վարդապետարանը, իսկ շրջաններում ուրիշ դպրոցներ՝ նախնական ծրագրով:

Հայաստան աշխարհը շնորհիվ Վաղարշապատի վարդապետարանի, ծանոթացավ Հին և Նոր կտակարաններին, վերահաս և խելաւոր տեղավ Ռայոնություններին և փրկագործ անօրինություններին:

Այս բոլորը տեսնելով Կորյուն պատմիչը բացականչում է. «Այն ժամանակ անպայման սքանչելի դարձավ մեր երանելի ու ցանկալի Հայաստան աշխարհը, որ երկու հավասարակիցների ձեռքով հանկարծ, մի անգամից եկան հասան, հայաբարբառ, հայրենախոս դարձան օրենսդրույց Մովսեսը՝ մարգարեական դասին հետ, և հառաջադեմ Պողոսը՝ բոլոր առաքելական գնդով, Քրիստոսի աշխարհակեցույց Ավետարանի հետ միասին»¹⁹:

Կրթական այս շարժման հետ զուգընթաց, նրանք դիմում են նաև իրենց բուն նպատակին, ավետարանական գործունեությամբ և միաբան խորհրդակցությամբ Հայաստանը բաժանում են առաքելական երկու շրջանի, որտեղ և սկսում են իրենց լուսավորական աշխատանքը: Ս. Սահակ շրջում է Այրարատում, Տարոնում և Վասպուրականում, իսկ Մաշտոցը՝ Գողթնից սկսելով Հայաստանի մյուս մասերը, իր հետ տանելով Տիրայր խորձենացուն և Մուշե Տարոնեցուն:

Հայ գիրը և հայալեզու գրականությունը ամրապնդեցին հայի հավատքը ի Քրիստոս և փրկեցին հայ ժողովուրդը ձուլվելու վտանգից: Այն կրոնը, որ մի հարյուրյակ տարի, հսկառակ մեծամեծ զոհողությունների, մեղում էր խորթ ու անհարազատ, դարձավ սիրելի և խոր արմատներ գցեց հայոց հոգու մեջ:

Պատրաստված, մարզված և օտար լեզուների մեջ հմտացած և թարգմանական գործում մասնագիտացած՝ Սահակ-Մեսրոպյան աշակերտները զարգացնում էին մեր ոսկեդեմիկ գրականությունը, մանավանդ լեզվի տեսակետով: Մեր թարգմանիչները, հույն և ասորի եկեղեցական հայրերի գործիչները թարգմանելով, մեծ ծառայություն են մատուցել ոչ միայն իրենց ազգին, այլև մարդկության, որովհետև որոշ բնագրերի կորուստով, նրանց հայերեն թարգմանությունը հանդիսանում է միակ աղբյուրը տվյալ հեղինակից: Սահակ և Մաշտոց և նրանց հասունացրած աշակերտների փառապանք փառանգորէղան մույնպես ազգային դաստիարակության առաջին ուսուցիչները և անդրանիկ ուսուցիչները:

«Այսպես՝ Սահակի և Մաշտոցի ձեռամբ և թագավորին քաջալիրությամբ և հովանավորությամբ Հայաստանն ունեցավ կանոնավոր դպրոցական կազմակերպություն մը»²⁰:

Դպրոցական ցանցը բաշխված էր ըստ վարչական շաժանումների, որի վրա մույնպես հիմնված էին եկեղեցական իշխանության ևստիարածանումները: Թագավոր-կաթողիկոս-մայրաքաղաք, մեծ նախարար-եպիսկոպոս-նահանգալիկ կենտրոն և այսպես վարչական բաժանման փոքրանսլուն զուգընթաց դպրոցի կարևորությունն ու կարողությունն էլ սահմանափակվում էր:

Վարդապետարանի հիմնական դասագիրքը Աստվածաշունչն էր: Դա այդպես էր ոչ միայն վարդապետարանում, այլ նաև ժամանակակից բոլոր բրիտանական մեծ ու փոքր դպրոցներում, ինչպես ընդհուպ մինչև ԺԸ—ԺԹ դարերը, հատկապես մեզանում: Եթե Առակաց գիրքը ամենից ևս առաջ թարգմանվեց հայերենի, դա այն օգտապաշտ նկատումով էր, որ այն կարելի էր գործածել որպես լավագույն մի ընթերցանության գիրք իր հոգին առակցելով սնուլ մի ժողովրդի զավակների համար, որովհետև մանր խրատական ասացվածքները հեշտ են միտք պահվում և մինչև ժամանակ նըստատու բարոյական և հոգեկան ցանկալի կառույց ձեռք բերելու ուսանողների մոտ:

Բազմաթիվ ապացույցներ կան այն մասին, թե Սահակ-Մեսրոպյան դպրոցների մեջ արդարև ուսման գլխավոր առարկան ս. Գրքի ծանոթությունն էր:

Ե դարում, ընդհանուր կերպով, ժողովուրդը ս. Գրքին լավ ծանոթ էր: Այսպես, Վարդան Մամիկոնյանի մասին ասվում է, թե «տեղեակ էր ի մանկութենէ իւրմէ սուրբ կտակարանաց», իսկ այլոց համար վկայություն կա, թե «բազումք... զգիրս սուրբս ուսեալք էին ի մանկութենէ», Եղիշեն իր դուրսագամներում, իր գլխավոր հերոսներից մեկին՝ ս. Ղևոնդի բերանը դնում է հետևյալ խոսքերը, ուղղված գերագույն մարտին պատրաստվող հայ ռազմիկ-նահատակներին. «Հանի որ ինձնից ավելի տեղյակ և հմուտ եք սուրբ կտակարաններին»²¹:

Վաղարշապատի վարդապետարանի մեծ ծառայություններից մեկն է նաև հայկական գրչության արվեստի հիմնադրումը: Առաջին անգամ այնտեղ մարզվեցին արագագիր և վայելչագիր գրիչները, որոնք Աստվածաշունչ գրքերը բազմաքիչ և տարածեցին Հայաստանով մեկ, ապահովելով նրանց

¹⁹ Ալաուդդին Ա., Գույնը, հատոր 1, էջ 57:

²⁰ Եղիշեն, «Վարդանանց պատմությունը», Լեռնան, 1846 թ., էջ 182, աշխ. Ե. Տիր-Միհայանի:

²¹ Գույնը, էջ 108:

միակերպությունը և ճշտությունը: Այսպես, Վաղարշապատի վարդապետարանը հանդիսացավ այդ տեսակետից մի մեծ կենտրոն: «Այդ գրչության արվեստը տարածվեցավ ընդհուպ ուր որ հայ վանք մը կամ դպարոց մը կար»²¹:

Մեսրոպյան դպրոցի ակնառու նվաճումներից մեկն էր ուսման ընդհանրականացումը: Մեսրոպյան համալսարան դպրոցներից մեկում սովորում են նույնիսկ կանայք, որոնք կատարում են զգալի դաստիարակչական գործ: Վահան Մամիկոնյան, Ղազար Փարպեցի Մամիկոնյան Զվիկ տիկնոջ դաստիարակության արժանիքն են:

Ա. Էջմիածնի վարդապետարանը Հայաստանում գործող միակ բարձրագույն ուսումնարանն էր: Նրա բարձր հովանավորը Հայաստանի թագավորն էր, իսկ ավագ դատախոսները՝ ս. Սահակն ու ս. Սեսրուպը: Վարդապետարանը ոչնչով չէր տարբերվում հռոմական կամ ասորական նման բարձրագույն հիմնարկներից: Այնտեղ, ս. Գրքին զուգընթաց, դասավանդվում էին՝ հայոց լեզու և գրականություն, քերականություն, վարքագրություն, պատմություն, դավանաբանություն, գրչության արվեստ, ճարտասանություն, սրբազան երաժշտություն, տրամաբանություն: Նյութերի այս տեսակավորումը և քանակը, անշուշտ, միշտ նույնը չէ մնացած: Համաձայն տիրող պայմանների և հասկացողությունների, դասավանդող ուսուցիչների հմտության, դրանք եղել են ծավալուն կամ ամփոփ:

Այդպիսի, Աստվածաշունչը հիմքն էր ուսուցման Վաղարշապատի դպրոցում: Փարպեցին հիշում է, որ «մեր երանելի վարդապետը զամենայն զկտակարանս եկեղեցույ երիցս և չորիցս ուսուցանեալ մեզ՝ ի սկզբանէ մինչև ի վերտարած գրոցն, համարս պահանջէին ի մենջ զնոյնս»²²:

Ուրեմն Աստվածաշունչը երեք-չորս անգամ ամբողջովին, ծայրից ծայր կարդալ էին տալիս, ուսումնասիրում, մեկնում կամ նույնիսկ անգիր էին սովորեցնում:

Ս. Գրոց ուսման տրված կարևորությունը շատ հասկանալի էր: Ս. Գրոց հմտությունը (կորյուն այն անվանում է «գիտութիւն Աստուծոյ» կամ «շնորհ պատուիրանացն Աստուծոյ» հայ տառերի գյուտի բուն իսկ նպատակն էր, հետևաբար և հայ դպրոցի:

Կրոնական դաստիարակությունը ամբողջացնող և հայ դպրոցի բուն նպատակին ծառայող ուսումներ էին նաև ս. Գրոց մեկնու-

թյունները կամ մեկնողականքը, որոնք գրեթե ս. Գրոց հետ ս. Սահակի և ս. Մեսրոպի ու իրենց անմիջական գործակից աշակերտների ձեռքով թարգմանվեցին հայերենի: Այս ստաճադրության ենք պատրաստակա ոսկեդարյան զմայլելի լեզվով թարգմանությունները՝ Հովհան Ոսկեքերանի, Կյուրեղ Աղեքսանդրացու, Եփրեմ Լսուրու և արոց մեկնողական գրքերի:

Մեկնողական գրքերի թարգմանության գուգընթաց կատարվել են նաև Հարանց վարքի, Վարք սրբոցի թարգմանությունները, որոնցից ոսկեդարյան դասական լեզվով կան մեզ հասած նմուշներ, ինչպես Պաղոս Անապատականի, Հովհաննես Գրեցու, Մարկոս Միայնակյացի վարքերը և քաղմայիսի սրբոց վկայությունները²³: Այս վկայությունները, որոնք ներկայացնում էին կրոնի արհմասնականների կյանքն ու ոխաբանությունները, նպատակ ունեին ուսանողներին ներշնչել կրոնասիրություն և աստվածասիրություն: Հետագայում դրանք ամփոփվեցին «Յալումաուրք» կոչված գրքում:

«Գալով քերականության,—գրում է Ա. Ա. Ալպոյանցյանը,—Ե դարեն որեւէ ձեռնարկ չէ հասած մեզի այդ մասին, սակայն հավանորեն ոսկեդարյան մեր թարգմանիչներուն, մանավանդ անոնց՝ որոնք հեղինակ դաստիարակություն առած էին, անձանք չէր կրնայր լլայ Դիոնիսիոս Թրակացիի տիեզերական նամբով վայելող քերականության, որուն իբր դաս ավանդված ըլլայր չէ հիշված ոչ Կորյունեն և ոչ Ղազար Փարպեցիէ, սակայն նկատելով, որ Դիոնիսիոսի «Քերականությունը» հետո Սյունյաց վարդապետարանին մեջ կրդասախոսվեր, և, Գորյան («Վաղարշապատի դպրոցը», Արև, թ. 6348) կրհետեցնէ, թե անոր հունական գրիմակր կգործածվեր Վաղարշապատի դպրոցին մեջ իբր դասագիրք»²⁴:

Հիները (նրանց կարգին և Դիոնիսիոս) «քերականություն» ասելով չէին համարում այն, ինչ մենք այսօր ենք ըմբռնում այդ անվան տակ: Նրան ավելի ընդարձակ իմաստ էր տրվում: Այն իր մեջ ամփոփում էր նաև գրականությունն ու պատմությունը, որոնք, իհարկե, Վաղարշապատի դպրոցում չէին անտեսված: Թարգմանվել են նաև եկեղեցական պատմության վերաբերյալ գործեր, որոնց ոսկեդարյան ըմտրելագույն լեզվով նմուշներից մեզ հասել են, ինչպես Եվսեբիոս Կեսարացու «Եկեղեցական պատմությունը»-ը և «Ժամանակագրությունը»-ը (Գրոնի-

²¹ Գորյան Ե. պատրիարք, «Պատմություն հայ մատենագրության», 1888 թ., Երուսաղեմ, էջ 87:

²² Փարպեցի, նույնը, էջ 160

²³ Տես սրանց ցուցակը Հանդես Ամսոթյա, 1892 թ., էջ 128—129:

²⁴ Ալպոյանցյան Ա., նույնը, էջ 78—79:

կում), որոնք հայերենի են վերածվել Մաշտոցի հրամանով, ապա հավանաբար որպես դասագիրք գործածվելու համար Վաղարշապատի վարդապետարանում կամ ծոզովըդին խելամուտ դարձնելու համար տիեզերական կամ եկեղեցական պատմության գլխավոր անցքերին:

Պատմականների շարքին մեջ կարող ենք մտնել նաև Լաբուրնայի «Վարդապետություն Աղդեի» գործի թարգմանությունը ասորերենից, ինչպես Ագաթանգեղոսի «Պատմություն Հայոց»-ը, Փավստոս Բուզանդի «Պատմություն հայոց»-ը, Կորյունի «Պատմություն վարուց Մաշտոցա վարդապետին»-ը, որոնք վավերական կերպով Ե դարում են հայացվել-գրվել:

«Իմաստասիրությունը կամ հոեևորությունը կամ ճարտասանությունը նույնպես անկասկած կավանդվեր Վաղարշապատի դպրոցին մեջ հունարեն «Պիտոյից գիրք»-ի վրա²⁵:

Վաղարշապատի վարդապետարանում հոեևորության դաս լինելու մասին Կորյունն ասում է. «Պարզախոս, հոեևորաբան, կրթված, աստվածատուր իմաստությանը ծանոթ»²⁶: Նույն դարում փայլած Հովհան Մանուկյունի թողել է գեղեցիկ ճառեր: Ե դարին էլ ճարտասանության դաս տրված պետք է լինի մանավանդ որ ըստ Փարպեցու ս. Սահակ, որ «հույծ լցված վարժությանը գերազանցում էր բազմաթիվ հույն գիտնականներին, լինելով կատարելապես հմուտ երաժշտական տառերին և հոեևորական հորդասաց հայտնաբանության, ավելի ևս հմուտ (տեղյակ) էր երևում փիլիսոփայական արվեստներին»²⁷: Չէր կարող զանց առնել հոեևորության ուսումը ավանդել Վաղարշապատի դպրոցի մեջ: Նշանակալի է, որ շեշտված է, թե. «Սահակ լավ քարոզիչ էր, ուր որ գնար, «յոստանի կամ ի հովս» կքարոզեր և իր խոսքը մեծ փափաքով կուցկընդրվեր թե եկեղեցական և թե աշխարհական դասին»:

Ե դարու հայ եկեղեցու վիճակն արդեն անհրաժեշտ էր դարձնում այդ ուսման կարիքը, որովհետև ճարտասանությունը և տրամասությունը իրարից անբաժին էին, և երկուքն էլ կարևոր էին պաշտպանելու համար քրիստոնեական վարդապետությունը ընդդեմ հեթանոս իմաստասերներու և աղանդավորության:

Հետևաբար, ճարտասանության հետ տրամաբանությունն էլ, կամ ավելի լայն ա-

ռումով՝ իմաստասիրությունը կամ փիլիսոփայությունն էլ նույնպես պետք է ավանդված լիներ:

Նկատելի է, որ իմաստասիրական ուսումները միշտ ամենամեծ խնամքով ուսումնասիրվեցին հունական եկեղեցու մեջ: Պղատուն և Արիստոտել շատ մեծ ազդեցություն ունեցան գիտական զարգացման վրա: Եկեղեցու հայրերը մինչև անգամ առաջարկել են, որ Արիստոտելի ուսումը ավանդվի իբրև ներածություն աստվածաբանության:

Ուրեմն իմաստասիրության ուսումը, հույն քրիստոնյա վարժարանների մեջ այնքան կարևորությամբ մշակված, չէր կարող անտեսվել Վաղարշապատի դպրոցին մեջ, որի վարիչները և ուսուցիչները մեծ մասամբ հունական քրիստոնեական կրթություն ունեցին:

Այսպես, ս. Սահակը «տեղեկացեալ էր փիլիսոփայական արուեստից»՝ Փարպեցու բառերով և ս. Մեսրոպ Մաշտոց անձնառթ չէր նրանց իր կարգին, որպես հելլեն դաստիարակությանը մարզված մեկի:

Մեր թարգմանիչները, անմիջական գործակիցները Սահակի և Մեսրոպի, նույնպես անձնառթ չէին հույն իմաստասերների գործերին և ճանաչում էին Պղատունի, Արիստոտելի և այլոց գործերը իրենց բնագրերով, որոնք ուսումնասիրության առարկա էին հունական դպրոցների մեջ: Մեր վարդապետները, երբ Բյուզանդիոն դնացին, ուսան «զգործնական և գտեսական գիմաստասիրութիւն և գմասունս նոցա, որք են թուով երկոտասան»:

Նույն դարում թարգմանված բազմաթիվ ասորական և հունական հայրերի վարդապետական և բարոյագիտական գրվածքները, որպես հայրաբանական, հավանաբար գործածվել են որպես ճարտասանական արվեստի զարգացման դասագրքեր:

Արդարև, շատ հավանական է, որ թե հավատքը գորագնելու և թե Վաղարշապատի դպրոցի ուսանողներին ճարտասանության մեջ մարզելու համար ոսկեդարում թարգմանված լինեն նաև Եվթաղի, Հերոնիմոսի, Եպիփանի, Սեբերիանոսի, Եվսեբիոսի, Եմեիայի եպիսկոպոսի, Կյուրեղ Աղեքսանդրացու և Կյուրեղ Երուսաղեմցու, Բարսեղ Կեսարացու, Եվագր Պոնտացու, Հյուպոլիտոս Հոռոդոսցու, Գրիգոր Սքանչելագործի, Արիստիդես Աթենացու, Եփրեմ Ասորու, Հակոբ Մծբնա հայրապետի (ավելի ճիշտ Հրահատ Զոգն Պարսիկի, Զենոբ Ամիդի եպիսկոպոսի, Ուոհայի եպիսկոպոսի ճանրը²⁸:

²⁵ Խ. Գորյան, Արև, թ. 8948:

²⁶ Կորյուն, նույնը, էջ 105:

²⁷ Փարպեցի, նույնը, էջ 32:

²⁸ Տե՛ս Հանդես Ամսոյա, 1892 թ., էջ 118—123:

Վաղարշապատի վարդապետարանը տեղի է մոտ մեկ դար (գրերի գյուտից մինչև Վահան Մամիկոնյանի մահը 405—510): Դպրոցը հովանավորում էին Մամիկոնյանները, որոնցից ոմանք այնտեղ ստացան իրենց ուսումը:

Մաշտոցի մահից հետո (440) դպրոցի տեսչությունը ստանձնած պետք է լինի, ըստ Գուրյանի «վերապրող երեք սաներից մեկը, հավանորեն Եզնիկ, որուն անմիջապես հաջորդն էր թերևս Աղան Արծրունին: Ասոր հաջորդած է Ղազար Փարպեցին, վերջինը Վաղարշապատի դպրոցի տեսույցներն»²⁸:

«Այսքան կարևոր դեր ու այսքան արդյունավոր գործ կատարող հաստատությունը՝ երկրին քաղաքական կազմության և դժբախտ պարագաներու բերմամբ՝ չկրցավ տևական փայլով մը իր գոյությունը շարունակել, և հարյուր տարիներու փայլուն գործունեությունն մը հետո անշքացավ, որքան արտա-

քին պարագաներու՝ նույնքան նաև ներքին վեճերն մաշած և հեղինակավոր առաջնորդությունն գորկ»²⁹:

Այսպես, 451 թվից հետո այն խանդավառ գործունեությունը, որ սկսվել էր Սահակի և Սեսրոպի միջոցով, ընդհատվեց: Նույնիսկ հասարակաց դպրոցները փակվեցին:

451 թվականից հետո շատ հավանական չէ, որ Սահակ-Սեսրոպյան դպրոցական ցանցը իր կանոնավոր ընթացքը շարունակած լինի Հայաստանի պարսկական և հունական բաժիններում: Հայ պետական և եկեղեցական ամուր հովանուց և քաջալերանքից զրկված հայ կրթական գործում շատ բան պիտի մնար պատահականության:

Այնուամենայնիվ Վաղարշապատի վարդապետարանը իր գոյությունը պահպանեց ս. Էջմիածնում որպես հայրապետանոցի դպրոց մինչև Աթոռի Դվին փոխադրումը (485 թ.), որտեղ բացվեց հոգևոր դպրոց:

²⁸ Խ. Գուրյան, Արև, թ. 6848:

²⁹ Ալպուրաճյան Ա., նույնը, էջ 82:





Ա. ՀԱՏԻՏՅԱՆ

Ս. ԳՐԻԳՈՐ ԼՈՒՍԱՎՈՐԻԶ ՈՐՊԵՍ ՄԱՏԵՆԱԳԻՄ

«ՎԱՐԿԱՊԵՏՈՒԹԻՒՆ ՍՐԲՈՅՆ ԳՐԻԳՈՐԻ» ԵՎ «ՅԱՃԱՍԱՊԱՏՈՒՄ ՃԱՌԻ»-ԵՐԻ ԱՐԺԵՔՆ ՈՒ ՆՇԱՆԱԿՈՒԹՅՈՒՆԸ ՄԵՐ ԵԿԵՂԵՑԱԿԱՆ ՄԱՏԵՆԱԳՐՈՒԹՅԱՆ ՄԵՋ

Մառը՝ հոետորական արվեստի կանոններով գրված ընդարձակ քարոզը, եկեղեցական մատենագրության հնագույն ու կարևոր գրական տեսակներից մեկն է, որը հանդիսավոր առիթներով ընթերցվում կամ արտասանվում էր ատյանում, եկեղեցում, և այդ սլառնառով էլ կոչվում էր նաև ատենաբանություն, քեմքաաացություն:

Ինչպես ընդհանուր եկեղեցական գրականությունը, այնպես էլ մեր հին մատենագրությունը հարուստ են եկեղեցական հայրերի գրած ճառերով:

Գրերի գյուտից և Աստվածաշնչի հայերեն թարգմանությունից հետո, մեր թարգմանիչ վարդապետները մեծ ուշադրություն են դարձնում նաև ճառերի թարգմանության վրա:

Կորյունը վկայում է, որ ս. Մեսրոպ, իհարկե նաև ս. Սահակ, ստանում էին «բազում շնորհագիր մատենան գհարցն եկեղեցւոյ» և «գհայրապետացն սրբոց ճշմարիտ գիմաստութիւնն» և թարգմանելով տարածում էին Հայաստանում՝ իրենց «վիճակում զգուշության համար» (Խորենացի):

Ե-յդ դարում մեր թարգմանիչների ձեռքով հայերենի վերածված հույն և ասորի ե-

կեղեցական հայրերի գրվածքների մեջ հիշատակվում են Աթանաս Ալեքսանդրացու, Կյուրեղ Երուսաղեմացու, Բարսեղ Կեսարացու, Գրիգոր Նյուսացու, Հովհան Ոսկեբերանի, Սեբերիանոսի, Կյուրեղ Ալեքսանդրացու, Եփրեմի և այլ եկեղեցական հայրերի ճառերի թարգմանությունները:

Մառ են գրում նաև մեր եկեղեցու հայրապետներն ու վարդապետները, ինչպես ու. Սահակն ու ս. Մեսրոպը, Եզնիկն ու Եղիշեն, Խորենացին ու Դավիթ Անհաղթը, Մանգակունցին և ուրիշներ՝ հետագա դարերում:

Սակայն, ըստ մեր հնագույն պատմիչների և մատենագիրների վկայության, ս. Գրիգոր Լուսավորիչն է հանդիսանում ո՛չ միայն հայ հոգիների լուսավորիչը՝ «զմերոյ լուսաորութեանցն լուսաւոր վերակացոյ»-ն, ինչպես նրան բնութագրել է Խորենացին, այլ նաև «մերոյ լուսաորութեան ճախաշաւիղ և ճահապետ»-ը, այսինքն հիմնադիրը մեր եկեղեցական մատենագրության (Մովսես Խորենացի, Պատմություն հայոց, Թիֆլիս, 1813, էջ 247):

Արդարև, մատենագրական հնագույն վկայությամբ Լուսավորիչին են ընծայվում, այլ գործերի շարքին, մանավանդ, կրոնա-

կան մեծ արժեք ներկայացնող երկու կարեւոր աշխատություններ, ճառեր, որոնք իրենց բովանդակությամբ հիմք և աղբյուր են հանդիսացել մեր հետագա դարերի մատենագիրների և աստվածաբանների համար, իրենց մատենագրական երկասիրություններին մեջ:

Այդ երկու աշխատություններն են՝

1. Վարդապետություն սրբոյն Գրիգորի,
2. Յաճախապատում ճառք լուսաւորք սրբոյ Հորմ մերոյ երանելոյն Գրիգորի Լուսաւորչի:

ՎԱՐԴԱՊԵՏՈՒԹԻՒՆ, ՍՐԲՈՅՆ, ԿՐԻԳՈՐԻ

Մեր պատմիչներից առաջինը Ագաթանգեղոսն է, որ իր «Պատմութիւն հայոց» արժեքավոր երկասիրության մեջ ամբողջությամբ մեջբերել է «Վարդապետութիւն սրբոյն Գրիգորի» ճառորեն գրված այդ աշխատությունը: Այս հոդվածի նպատակից դուրս է խոսել Ագաթանգեղոսի անձնավորության, նրա պատմության մատենագրական արժեքի, ժամանակի, լեզվի և այլ հարցերի մասին: Ագաթանգեղոսը Գ-րդ դարի հեղինակ է, թե Ե-րդ դարի, դա թանախրական-մատենագիտական հարց է: Կարևորն այն է, որ Ագաթանգեղոսի մոտ եղած «Վարդապետութիւն սրբոյն Գրիգորի» գրվածքը մեր եկեղեցական մատենագրության հնագույն և առաջին գրական աշխատությունն է, և որի կրոնական արժեքի վրա ցանկանում ենք խոսել:

Ագաթանգեղոսի պատմությունը, գրված Տրդատ Գ-ի հրամանով, նախ պատմելու համար «զհայրենեացն գործս քաջութեան քաջին խորովոյ. . .» և ապա «վասն հօրամոյն քաջութեանն Տրդատայ» (Յաճախման, էջ 15), լայն տեղ է հատկացրած նաև եկեղեցու մեծ նահատակին՝ ա. Գրիգոր Լուսավորչի կյանքի, առաքելական, քարոզչական գործունեության և վարքագրության, «վասն սիրելեացն վկայիցն Աստուծոյ. . . թե որպէ՛ս և կամ զիս՝որ եկեալ իբրև լուսաւորք ծագեցին, փարատել զմեզ խաւարի ի Հայաստան աշխարհէս» (15):

Ագաթանգեղոսի պատմությունը բաղկանում է չորս գլխավոր մասերից.

- ա) Վարք և պատմութիւն սրբոյն Գրիգորի,
- բ) Վկայաբանութիւն Հոփսիսմեանց,
- գ) Վարդապետութիւն սրբոյն Գրիգորի,
- դ) Դարձ փրկութեան աշխարհիս Հայաստան, ընդ ձեռն սրբոյ նահատակի:

Ագաթանգեղոսի պատմության Ա, Բ և Դ մասերը պատմական մեծ արժեք են ներկայացնում՝ Դ դարի հայ եկեղեցու և հայ ժողովրդի պատմության համար, որպէս հնագույն թե՛ եկեղեցական և թե՛ ազգային առա-

ջին աղբյուր, իսկ Գ մասը ունի գոտ կրոնական, հոգևոր և քարոյական մեծ նշանակություն:

«Վարդապետութիւն սրբոյն Գրիգորի» աշխատությունը մի ընդարձակ ու հույսկալ ճառ է, մեր օրերի բացատրությամբ՝ Հին և Նոր կտակարանների սրբազան պատմություն, իր լայն հասկացողությամբ և ընդգրկումով, ինչպէս նաև հայ առաջին քրիստոնեականը, որ խոսվում է նաև քրիստոնեական կրոնի հիմնական վարդապետության, հավատո գլխավոր կետերի, քարոյական սկզբունքների մասին, տիրական շնչտով, հեղինակությամբ և համոզումի կրակով:

«Վարդապետութիւնը» բաղկանում է շուրջ 450 առանձին հատվածներից և Աստվածաշնչի պատումների ֆոնի վրա սկսվում է սուրբազործության պատմությամբ, «երկնի և երկրի, հրեշտակաց և առաջի մարդոյն. աստուածակերպ նմանութիւն և անձնիշխանական պատիւ մարդոյն»:

Արարչագործությունը կատարվում է «միասնական Երրորդութեանն միով գորութեամբ կամացն ամենագօրաց, միախորն, սիմկամ, միաբուն ինքնութեամբ» (էջ 133) և հրամանով «լինել լոյս, և անդէն լոյսն հասնապիտ» խաւարակոյ օրաբեր» (134):

Արարչագործության լրումը, թագն ու պսակն է հանդիսանում մարդը, որը ստեղծվում է Աստծու պատկերով և նմանությամբ, «մարդ պատկեր Աստուծոյ է». որպէս «իշխան», Երան սրված «խնուտութեան, բանաւորութեան, խելամտութեան, կենդանութեան, հոգևոր շունչի» համար, որպէսզի նա հանաչի, իմանա և մտքում պահի «զամենայն շնորհաց զաստուածակիր, աստուածատուր իմաստութիւնն և զբանաստութիւնն, զաստուածամանօթութիւն և իշխել ի վերայ ամենայն երկրաբոյլիս, երկրածին ստեղծուածոցն և կացոյց զմա տէր ամենայնի» (136):

Աստված մարդուն փառավորում է և մեծարում «մտօք» և «ազատութեամբ», օժտում «անձնիշխանական կամացն իշխանութեամբ», այսինքն ազատ կամքով, որպէսզի նա «իւրով կամօք անձնիշխանութեանն զիտացել ընդ բարեացն գործոց, . . . զիտացել խոս սուլ ի չարէն, զբարին ընտրել իւրոց կամացն յաւութեամբ իբրև յինքեան քաջութենէ» (138):

Բայց մարդը ընկնում է փորձության մեջ և մեղանչում իր ազատ կամքով և ցանկությունը՝ «խաբէութեամբն ապականեալ» և որի հետևանքով էլ «յաստուածակերպ փառացն մերկացան»:

Աստված սակայն չի լքում իր անառակ որդուն՝ մեղավոր մարդուն, այլ «հայրաբար

գլխացեալ բարեգործէ», և աստվածատես սորբ մարգարեների՝ «իմաստուն թիշկներին» միջոցով «զոհել դարմանոյն ըստ ցառոց հիւանդին պատրաստել, բառնալ ջնջել զգալ-թաղկոյթին» (149):

Այնուհետև ճառագիրը, Ադամի մեղանշումի և Կայենի եղբայրասպանության առիթով, շոշափում է «քարոյ և չարի» հարցը. փիլիսոփայորեն հասնելով ճշգրիտ եզրահանգումների. «չարն անձնիշխան կամաց մտեալ՝ կործանել գիրաքանչիւր ոք առանձինն, այլ լԱրարչէն բարի եղեալ ամենայն հաստատեցան» (135):

Աստված մեղավոր մարդկությանը փրկելու և նրան իր նախկին մարդկային արժանապատվության իրավունքի և փառքի մեջ վերահաստատելու համար, ի գործ է դնում հոգեմոր դաստիարակության բոլոր միջոցները՝ պատիժ, խոստում, համոզման մեթոդ: Այս իմաստով Հին կտակարանը, նախապատրաստական շրջանն է հանդիսանում մարդու հոգևոր փրկության, «քաղում մասամբք և բազում օրինակօք՝ կանխալ խօսեցաւ Աստուած ընդ հարսն մեր մարգարէիւք և ի վախճան ատուրցս այսոցիկ խօսեցաւ ընդ մեզ Որդւովն»:

Լուսավորիչը, երբ խոսում է հրեաների հեթանոսական, կոտապաշտական բարքերի «անմիտ յիմարութեան և պղծութեան» մասին, ակնարկում է նաև հեթանոս Հայաստանի կոպիտ բարքերը: Ծառ հատկանշական են Լուսավորչի հետևյալ ակնարկությունները մեր ժողովրդի կրոնական հիմք բարքերի մասին. «Որպէս և առ ձեզդ իսկ տեսանէի զքարապաշտ, զփայտապաշտ մոլորութիւնսդ, որ առ տգիտութեամբ ի ձեռք նկարեցան, որ ոչ լսեն, ոչ խոսին, ոչ իմանան և ոչ չարմին և ոչ զոյ շունչ ի բերանս նոցա. և թողեալ տէր զԱստուած կենդանի, զԱրարիչն երկնի և երկրի, անշունչ անմոռնչ քառանց պաշտօն մատուցանէիք, որ ոչ ինչ իսկ են» (148):

Ծառի մեջ, շահեկան ակնարկություններ կան հայ հեթանոսական կրոնի մասին (տե՛ս էջ 286, 294, 295):

Այնուհետև ճառագիրը կանգ է առնում մարդեղության խորհրդի, նրա նպատակների և հոգևոր, բարոյական փրկագործական արդյունքների մասին:

Մարդեղության և փրկագործության խորհրդի զսպանակը, գործող սկզբունքը, ուժը՝ Աստծու սերն է դեպի մարդը:

Աստված համագույքը ստեղծեց «իր բարի կամեցողութեամբ» և մարդուն փրկեց իր սիրով և ազատ կամքով: «Քրիստոս «ի մարդկեղէն մարմին պատեցաւ, մարմնովն իրով զամենայն մարմին կենդանացոյց, ...զաման-

կանացու ամանագուցէ ամանի հոգւովն, պատուեցէ աստուածեղէն փառօքն» (135) և կամ «ծառայակից եղև մարմնով մարդկութեան և ազատեաց ի մեղաց զմարդկութեան մարմինս» (137):

«Ծնմարիտ հաւատք այս են. խոնարհեցաւ և խառնեաց զԱստուածութիւնն ընդ մարդկութեանս» (194):

Այնուհետև, հեղինակը պատկերավոր ոճով, արտահայտիչ ձևով, թեւավոր մտածումներով պատմում է Փրկչի երկրավոր կյանքի տնօրինությունները, ավետարանական դրվագները, բարեգործությունները, կանգ է առնում խաչելության, հարության խորհրդի փրկագործական նշանակության վրա և ավարտում է իր ճառը մեռելոց հարության և հանդերձյալ կյանքի մասին ավետարանական խորհրդածություններով և վախճանաբանական ակնարկություններով: «Վարդապետութիւն»-ի մեջ կարևոր տեղ է հատկացված հավատո և դավանության հարցերին, ինչպէս «դատաւութիւն ողորտիառ հաւատոյ յամենասուրբ երրորդութիւն» (183), «համաձայնութիւն առաքելոց ի վարդապետութիւն հաւատոյ» (359):

Ծառում ակնարկություն կա նաև ս. Հովհիսիմէ կույսերի նահատակության մասին (էջ 271), «հաւ երեսուն և եօթն բաժակք քրիստոսեանք, որ եկին պաշտել ձեզ. արդդուք սպանողք էք այսց սպանելոց, հաւառացէ՛ք զհաւատս սոցա և ձգեցէ՛ք զլոծ, նոցա, լերուք վկայք ճշմարտութեանն քարոզաց» (278):

Հովհիսիմյանք իրենց նահատակությամբ «եղեն տաճար Աստուածութեան և տուն Հոգւոյն սրբոյ... որպէս Գառնիք մատուցան ի մահ և եղեն զոհ փրկութեան» (297), հայոց աշխարհին:

Ծառերի լեզուն կենդանի է, պատկերավոր, բարախուն, հարուստ թեւավոր մտածումներով:

Հատվածներ «Վարդապետութիւն սրբոյն Գրիգորի» ճառից

«Սոյն օրինակ որպէս մշակութիւնն, զի նախ վարս վարեալս ցեեալս կակոնալս հերձեալս, ակսածիզ պատառեալ զերկիրն անակոշտեալ, պարարտացուցեալ՝ նախ քրտմարիւր աշխատութեամբ հատանիցեն զընդվայր աբմատսն մոլերոյսս, տարապարտ աճումն սիզարոյս բանջարոցն, և ապա սերմանել զսերմանիս «զգտակարն ցանից» (էջ 258):

«Արդ՝ պարտ է ձեզ կակոլզ զանդս մտաց ձերոց, և խիլզ զմեղանց զայթակոհեցոցիչս յանձանց ձերոց, որ խափան անոնց արդարութեանցն ի ձեզ յուսոցն, այսինքն կոտապաշտութեանցն սովորութիւնք, որ ի նախնկացն հետե մոլորեալ դանդաղեցին. որ իրեն քուն ընդ արթունս իղեալ՝ յիմարակորոյս անմտեալք՝ ընդ

վաչր թարթալեցին ու ինչ յօգտակարսն, այլ լուսնայ-
նութիւնն ի սնուիրս ի տարապարտս յամօգոտս, որ
բնաւ ուշիկն իսկ եւմ, ո՛չ օգոտս և ո՛չ վնաս ունէր:
Օգոտ չեւն, զի անշունչն եւմ, անիմաստք անխա-
լացք, անշարժք լուկ. ո՞մանք՝ կոփածոյք եւմ և ունանք
շուլածոյք, կոնայք ի մտաց ճարտարաց» (էջ 281):

«Աստուած, որ ամենայնիւ յոյս է, ամենայնիւ յոր
է, ամենայնիւ տնու է, ամենայնիւ քան է, ամենայնիւ
զօրութիւն է, ամենայնիւ իմաստութիւն է, մոգի կեն-
դանի, հոյր կիզելոյ, յոյս անփոփոխ է, փառք անա-
պատում, անբնին տեսիլ, անբաւ մեծութիւն՝ երևեր
նոցա՝ որչափ զի նոքա կարասցեն իմեղարտել նորա
տեսլիւանց մեծութեան» (էջ 158):

«Եւ որպէս հատն մերկ յերկիր անկեալ՝ բուսեալ,
առեալ արմատս, քերեալ ցողոյն, արձակեալ ստեղծ,
կոսեալ ծուր, ջովացեալ, աղցեալ հաւկաթոտ, ընդ
միայ հատոյն քաղութն առեալ ի շալկանութիւն սեր-
մանեկեանց պատրաստէ՝ նոյնպէս և անդ է տեսանել,
բուսեալ անօհնք արդարոցն ի գերեզմանաց, նոյն
մարմինք նոյն հոգոյն բերելով զգործս վաստակոցն
արդարութեան՝ անցնողին ի գերեզմանացն յարքայու-
թիւն վերանայցեն» (էջ 264—265):

«Ոմն իրեն զարման քաղցրահամ և զգեղեցկատես.
որպէս ասէ յառաջընծայ մարգարէութիւնն, թէ «Ար-
արքն իրեն զարմանեմս ծաղկեացին, և իրեն զմայր-
ուրն իրաւամբու բազումք կոյիցին» (էջ 324):

«Ջի արման զիտ տեսիւն և զգոյնն և զհամն և զա-
րարն բերիցէ և զբնական զարմատոյն, զծննդեան
բուսոյն: Նոյնպէս և թուզն գտեսիլ իւրոյ տերեւոյն և
զարար կիզելոյն և զտարր մրգոյն ի նմանէ որիշ. և
այլլմն ի նմանէ ուրոյնք: Ջի կարմրախնձորն զիտ օ-
րինակն, և կարմրատանձն զիւրն, և կարմրադուղձն
զիւրն: Եւ եւմ նոյն ի նորին բնութենէ որ այլազոյնք
եւմ. զի և զնոտն անգամ իւրաքանչիւր ոք ի նոցանէ
առանձինն արձակիցէ» (էջ 324):

«Սոյնպէս և զուրակն զուրակ և երփն երփն ծաղ-
կեցն. որպէս մանրագորն և վարդն և շուշանն և ա-
պսլազն և յասմիկն և անհարն և սմանկն և ներգիսն
և շամպիլիտակն և մեղրուկն, Ռօրօսն և մօրօսն և
մանիշակն, և այլն ամենայն համասպարս ծաղկանցն
և ծառոցն բոլորք բողբոջոցն գարնանոյն երևեսցին
յետ ձմեռանոյն» (էջ 325):

«Նա և մանրախոտոցն դալարիք՝ իմն իմն և այլն-
այլք և որիշք եւմ նմանութեամբ ի միմեանց, որպէս
լօռն և վարսակն և կնիւցն, և որ ինչ նման է նոցա:
Նա և սերմանիքն օգտակարք մարդկան, որպէս ցո-
րեանց և հաճարն և գարին և կորեակն և զաւարսն և
ոսպն և ոլոռն և որիզն և դկուռն և սիսեռն, և այլ
ևս քաղում սերմանիք՝ զոր ի թիւ ոչ որ կարասցէ ար-
կնել: Որք իւրաքանչիւր յիւրում ծածու ի գարունն
նոցանցն զարութիւնն իւրեանց՝ բուսովքն և համովքն
և հոտովքն, բողբոջովքն, ծաղկովքն և ընդովքն. և
տերեւազուտք զիւրեանց մերկութիւնն ըստ իւրա-
քանչիւր նմանութեան ազուցանին» (էջ 327):

«Արդ՝ ի գարունս բուսաբերս և ծաղկաբերս, որք
զնորոգութիւն գեղեցկութեանց զարմանոյն յետ հնու-
թեան ձմեռանոյն ըրիցեն» և թոչնոցն հաւուցն ծա-

նացեալ զիւրեանց ծածանակ զալստեան: Որպէս
յայտ հաշկեալ մարգարէն Նրեմիաս ասէ, զիւրոյ մա-
նանակին զդէպս ի նմանութիւն օրինակաց յանդի-
ւանութիւն քերէ, և զմանկութեանց ակնարկէ յասկն,
թէ «Արդարն ծիծառն և տատրակն և խորդն, հաւքն
վայրի, ծանեան զծածանակ զալստեանն իւրեանց»:
Ջի ծածանակաւ զարմանոյն և իւրեանց զալստեանն
նոցանցն զծածանակ վարուց կենաց ուրախութեան
մարդկան, ի ձայն առնելոյ, ի ճշկմ, ի ճողկմ՝ ի շի-
նել բունոցն:

Միծառն մարդասէր է. յորմամ տեսեալ մարդկան՝
նովա ճանաչն զկանաչազգեստ հասկն գարնանոյն
անման: Իսկ տատրակն ամուսնասէր նրեկալ, զչըր-
սածայն ճաղցրածայնն ի լսելիս մարդկան լնու. ի
գործ արկեալ զթիթևագործ վերկտակերտն, զգոյ-
նաբեալ զփայտակերտիկն՝ երկթուան ձողցն իւրոց
ապաւնէ ձննդոցն իւրոց պատրաստէ (էջ 331—332):

«Վարդապետութիւն»-ը մեր եկեղեցական
մատենագրութեան անկրկնելի, հոգևոր գան-
ձերից մեկն է, որը դժբախտաբար ցարդ չի
ուսումնասիրվել ինչպէս հարկն է, որպէս
զուտ կրոնական ստեղծագործություն: Այսօր
էլ կարելի է այն թարգմանել աշխարհաբարի՝
որպէս հոգևոր գրականության շնորհ էք,
և տալ մեր ժողովրդի ձեռքը: Մաքուր, ու-
կեղեցիկ հայերեն:

Լուսավորիչ իր «Վարդապետութիւն»-ը
գրի է առել աստվածային ներշնչման պա-
հին, «լուսավորել գսիրտս խաւարեալս Հա-
լաստան աշխարհիս՝ հաւատովք և մկրտու-
թեամբ»:

Լուսավորիչ «Վարդապետութիւն» գրված-
քը մեծ ազդեցություն է գործել մեր հետագա
մատենագիրների վրա:

Նման բովանդակությամբ և ընդգրկումով
գործեր, ինչպիսիք է «Վարդապետութիւն ս.
Գրիգորի»-ն, հետագայում էլ գրվել են մեր
եկեղեցական մատենագրության մեջ, ինչ-
պիսիք են 1049—1050 թվականին գրված
Գրիգոր Մագիստրոսի «Մեծ են գործք աս-
տուածային» հազարտողյան տաղասացու-
թյունը, որը նույնպէս Հին և Նոր կտակա-
րանների բանաստեղծական վերամշակումն
է դավանաբանական, փոխտփայլական
ընդհանրացումներով, ինչպէս նաև Ներսէս
Շնորհալու 1152 թվականին գրած «Յիսուս
որդի» կրոնաշունչ ընդարձակ բանաստեղ-
ծությունը, որը բաղկանում է 4000 տողերից,
և որը դարձյալ Աստվածաշունչի պատումների
գեղարվեստական-բանաստեղծական վերա-
մշակումն է, կրոնական ֆոնի վրա:

Մեր հին մատենագիրներից շատերը, ո-
րոնք օգտվել են իրենց գրվածքներում Լու-
սավորիչի վերոհիշյալ «Վարդապետութիւն»-
ից, մեքքերումներ են կատարում նրանից և
գրվածքի հեղինակ են ճանաչում, առանց

վերապահության և վարանույր, Գրիգոր Լուսավորչին:

Այսպես, Անանիա Ծիրակացին (Է դար) իր Ի Զատիկն Տեառն ճառի մեջ գործածում է Լուսավորչի հետևյալ տողը, Ագաթանգեղոսից այն մեջբերելով. «Երկրորդ լուսատուրն իշխանական գիշերոյ, գայ բերէ յանձին գործնակ Սիածնի Որդոյն Աստուծոյ, պատի, թաղի, գուշակ թաղելոյ յարութեան մեռելոց»:

Հովհան Օձնեցին (Ը դար) իր Եկեղեցույ ճառի մեջ գրում է. «Ըստ միմն օրինակի և իմ տաակատուրն և հայրապետն ս. Գրիգոր՝ ըստ տերունական առակին՝ գյարտութիւն մեռելոց բուսոց և տնկոց օրինակէր ի գարուն բուսաբեր և ի դալարանալ մարդկան ի գերեզմաններն»:

Այնուհետև, Խոսրով Անճեացին (Ժ դար) ի մեկնութիւն ժամագրոց, Գրիգոր Նարեկացին (Ժ—ԺԱ դար) ի մեկնութիւն երգ երգոցի, և Գրիգոր Մագիստրոսի (ԺԱ դար) վկայություններ են քաղում «Վարդապետութիւն սրբոյն Գրիգորի» ճառից (տե՛ս Հ. Գ. Զարթ-Յանալեան, Հայկական հին դարութեան պատմութիւն Դ—ԺԳ դար, Վենետիկ, Բ տպագրութիւն, 1886, էջ 88):

Դեռևս Ե-րդ դարից Ագաթանգեղոսի գիրքը կոչվում էր «Գրիգորիսի գիրք»։ Ղազար Փարպեցին վկայում է. «Պատմեաց... Ագաթանգեղոս գրարձ աշխարհիս հայոց ի ձեռն սրբոյ ճահատակին Գրիգորի, յորոյ անուն և զգիրսն անուանեալ կոչին Գրիգորի»։ Նըման վկայություն ունի նաև Սեբեոս պատմիչը (տե՛ս Եղիշե պատրիարք Դուրեան, Պատմութիւն հայ մատենագրութեան, Երուսաղէմ, 1933, էջ 445, Հ. Անասյան, Հայկական մատենագիտություն, Ա. հատ., Երևան, 1959, էջ 151):

Ագաթանգեղոսի պատմությունը Դ-րդ, թե Ե-րդ դարի գործ է, սկզբնագիրը հունարեն է, թե հայերեն, հեղինակություն է, թե խմբագրություն՝ դա ոչինչ չի պակասեցնում «Վարդապետութիւն սրբոյն Գրիգորի» գլորմածքի կրոնական արժեքից, որովհետև այդ Շառը, համարվում է մեր եկեղեցական մատենագրության հնագույն և առաջին կրոնական երկասիրությունը, անկախ ժամանակի և հեղինակի հարցերից:

Ագաթանգեղոսի պատմության մեջ «բացառիկ տեղ մը տալ պետք է նաև Վարդապետութիւն ս. Գրիգորի առանձին գրվածին, որ այժմյան Ագաթանգեղոսի գրեթե կեսնն ավելին կզրավե» (Դուրեան, 450):

Դ-րդ դարը մեր եկեղեցու պատմության մեջ համարվում է հայ եկեղեցու լուսավորության կամ կազմակերպության երկրորդ շրջան, իբրև արտահայտությունը Գ-րդ դարի

վերջերին և Դ-րդ դարի առաջին քառորդին Հայաստանում կատարված պատմական իրադարձությունների:

Քարոզչական, առաքելական, եկեղեցական և մշակութային այդ շարժումը պատմականորեն կապվում է ս. Գրիգոր Լուսավորչի անվան և գործունեության հետ: Քրիստոնեությունն ընդունելով, «հայերը սկսել էին ավելի սերտ հարաբերությամբ կապվել կուլտուրապես իրենցից բարձր քրիստոնյա հարևանների՝ հույների հետ» (Մ. Աբեղյան, Հայոց հին գրականության պատմություն, Ա. հատ., Երևան, 1944, էջ 70):

Նոր կրոնը արմատավորելու և այն հույնաստրի ազդեցություններից, քարոզչական-մշակութային ուղնձգություններից ձերբազատելու համար Լուսավորչին անհրաժեշտ էին դարձրել և դարձրել: Լուսավորչի օրոք հայ եկեղեցին «ավելի կարիք գգաց գրի և գրականության» (Մ. Աբեղյան, էջ 70): «Կրոնական դաստիարակության համար եղած ջանքերը միանգամայն մտավորական զարգացման ալ կծառայեին» (Մաղաքիա արքեպ. Օրմանյան, Ագգ., Ա. հատ., էջ 100):

Լուսավորչին իր գործունեության սկզբից դպրոցներ էր բացում, աշակերտություն էր հավաքում, որոնք իր շնչի տակ քրիստոնեական ուսում և «քաղցրուսույց ընթերցուածոց հոգեպատում գրեանց» կրթությունն ստանալով՝ դառնում էին «մարգարեազէտք, առաքելածանօթք և աւետարանածառանգ», իսկ Լուսավորչի «զվարդապետութիւն իր ի գործ արկեալ անփակ զվտակս զվարդապետութեան ի սիրտս յողացն սերմանեալ ծաւալեցուցանէր... ծովացուցեալ զվարդապետութեանն խորութիւն» և աշակերտների և հավատացյալների մտքերը քրիստոնեական հավատքի քուրաւում «առեալ արկանէր բոլս վարդապետութեան» (Ագաթ., էջ 422):

Լուսավորչի նման մի կազմակերպիչ ու առաքյալ, չէր կարող չմտածել նաև իր քարոզությունն ու Ավետարանի ուսմունքը գրավոր ձևով ավանդելու անհրաժեշտության և կարելիության վրա:

Նոր կրոնքի սկզբունքները, վարդապետությունը, հավատքը, դավանությունը քարոզել քավական չէր: Հավատքով ժողովուրդը լուսավորելուց հետո, այն պետք էր ամրապնդել, ընդունելի և արգասաբեր դարձնել, մտքերը պատրաստել, կրթել՝ ուսմամբ և դպրությանմբ: Միշտ է, պակասում էր կրթության, դաստիարակության, ուսուցման ամենահիմնական միջոցը՝ հայ գիրը: Լուսավորչի գործնական միտքը լուծեց նաև այդ հարցը: Գործածվեցին հույն լեզվի տառերը՝ հայկական մտքեր և խորհուրդներ արտահայտելու համար:

Լուսավորչի քարոզչությամբ, ավետարանչությամբ «ընդ ամենայն երկիրն հայոց, ի ծագաց միջև ի ծագս, ձգտելի տարածանելը զմշակութիւն քարոզութեանն յամենայն եկեղեցիս, հաստատելը զհաւատն ճշմարտութեանն... ամենուրեքն զքարոզականութեան» և որի հետևանքով էլ, «երանելի, ցանկալի և անպայման սքանչելի լինելը երկիրս հայոց... որպէս զՍովսէս և կամ իբրև զյառաջադէմն Պօղոս բովանդակ առաքելական զմղան, հանդերձ աշխարհակեցոյց ամենուրեքն հաւատն «Քրիստոսի»... հայաքարքառ հայրենախօս գտաւ» (Ագաթ., 481):

Լուսավորչի սկսած և զուիս բերած պատմական, կրոնական մեծ հեղաշրջումը հետապնդում էր նաև կրոնականից բացի ազգային-քաղաքական նպատակներ: Լուսավորչի քարոզչական, մշակութային գործունեությունը քրիստոնեությանը օտար ազդեցություններից փրկելու, օտար քարոզչական և մշակութային դեմ «մաքառումի մի ազգային գործ էր» (Արեղյան, 80):

ՅԱՄԱՆԱԿԱՏՈՒՄ ԺԱՌԻ ԼՈՒՍԱՎՈՐՉ

Լուսավորչի ընծայված երկրորդ կարևոր գործը «Յաճախապատում»-ն է:

Այս մասին դարձյալ մեր առաջին վկայությունը Ագաթանգեղոսից է գալիս: Լուսավորչի «զատեւտարանական ընթացսն և զվերականգնութիւնն եկեղեցոյ» ավարտելուց հետո, «յետ այնպիսի գործոց, դարձեալ առանել րարձրագոյն վարդապետութեամբ» զբաղվելով գրեց «Մառս յաճախագոյնս, դժուարապատումս, առակս խորիմացս դիւրալուրս յազմադիմիս շնորհագիրս, յարդարեալք ի զօրութենէ և ի հիւրոյ գրոց մարգարեականաց, լի ամենայն մաշակօք կարգեալս և յօրինեալս ամետարանական հաւատոյն ճշմարտութեան» (Ագաթ., էջ 445):

«Յաճախապատում»-ը, մույնպէս, մեր եկեղեցական մատենագրության գանձերից մեկն է, որպէս հնագույն և առաջին կրոնական երկերից մեկը, որով սերունդներ են դաստիարակվել:

«Յաճախապատում» քառը նշանակում է «ընդարձակ և մանրամասն պատմող գրող, հաճախաբան, ինչպէս նաև կրոնական, մեկնաբանական և վարդապետական գրքովման» (Բացատրական բառարան):

«Յաճախապատում» որ և յաճախաբան, ուր իցեն յաճախ պատմութիւնք՝ այսինքն ճառք և մեկնութիւնք վարդապետականք, որպիսիքն է մատենան Լուսավորչի:» (Հայկազյան բառարան):

«Յաճախապատում» գրքի մասին, որպէս Լուսավորչի հեղինակություն, մեր եկեղեցա-



«Յաճախապատում»-ի առաջին հրատարակության տիտղոսաթերթը (1737 թ. Կ. Պոլիս)

կան մատենագրության մեջ առաջին վկայությունը հանդիպում է Է դարից:

Գրիգոր Մագիստրոս՝ մեծ գիտնականն ու մատենագիրը, վերոհիշյալ իր «Մեծ են գործք աստուածային» հազարտույան տաղասացության 922-րդ տողի մեջ վկայում է, որ «Յաճախապատում»-ի հեղինակը Լուսավորչին է. «զգիրսն իր հաւատոյ Յաճախաբանն որ անուանեն» (տե՛ս նաև Դուրեան, էջ 416):

Դուրյան սրբազանը, որ մեր եկեղեցական մատենագրության քաջահմուտ մասնագետներից մեկն է, գրում է. «Հավանաբար ԺԳ դարուց միջոցին երուսաղեմի մեջ ապրող հայ հեղինակ մը, Գրիգոր սարկավազապետ, ս. Գրիգորի վրա հորինած իր ներքողականին մեջ (Սուփերց հայկականք, Դ, էջ 153), առաջին անգամ տալով կնիշատակ էրուն Յաճախապատում գիրքը» (Դուրեան, էջ 417):

Մեր ձեռքի տակ եղած ձեռագրաց հիշատակարաններում ևս կան վկայություններ «Յաճախապատում» գրքի մասին:

Հ. Գ. Զարբհանայան իր «Հայկական հին դարերի պատմություն» աշխատության մեջ (Վենետիկ, Բ տպագրություն, էջ 178) վկայում է, որ ՌՄԻՐ=1122 թվականին, Սիս քաղաքում գրված «Յաճախապատում» գրքի ձեռագրերից մեկը ունի հետևյալ հիշատակությունը. «Կատարեցաւ գիրքս՝ որ կոչի ՅՀԸ=ԳԸՀԸ (878) տարի էր առաջի թուականն հայոց ի Լուսաւորչէն ... զայս աճախապատում օրինակն Սսայ Գրքատանն առաքի մեր թուականս ԳԸԸ թիւն էր, այժմուս մեր գտաք մեր օրինակաց ժամանակին թիւն էր ՌՄԻՐ»:

Բազմավաստակ բանասեր և ձեռագրագետ, լուսահոգի Գարեգին Ա կթոս. Հովսեփյանց իր «Յիշատակարանք ձեռագրաց» (Ե դարից մինչև ԺԸ դար) բազմաշխատ գործին մեջ (Անթիլիաս, 1951, էջ 775) № 847 ձեռագրի տակ խոսում է «Յաճախապատում»-ի մի հնագույն օրինակի մասին:

Ժ Ա Մ Ա Ն Ա Կ 1215

Ս Կ Գ Բ Ե Ա Գ Ի Բ

ՅԱԺԱԽԱՊԱՏՈՒՄ, Ձեռագիր Երուսաղեմի, № 84, 'սինթ' թուղթ, Գիր' առաջին մասը միջին երկաթագրով, յետոյ հին բոլորագրով շարունակում է, ԳԻԻԺ՝ Պետր կամ Պետրոս, (նաեւ կիրակոս), ՍՏԱՅՈՂ՝ հայր Թորոս, ՏԵՂ՝ Ակներոյ վանք, ԺԱՄԱՆԱԿ՝ ՈԿԴ=1215 թ.:

(Վերջում) Շնորհիւ քարերարին Աստուծոյ կատարեցաւ լուսաւոր վարդապետութիւնս սրբոյն Գրիգորի Հայոց Լուսաւորչի՝ գիրքս, որ կոչի Յաճախապատում, ի թուականութեանս Հայոց ՈԿԴ, ի հայրապետութեան տեաւոն Յոհաննիսի Հայոց կաթողիկոսի և ի թագաւորութեան աստուածամէր և քարեպաշտի Լեւոնի: Կրեցաւ հրամանաւ հաւր Թորոսի և յաժարութեամբ ամենայն եղբայրութեանս՝ ի մեծ և հռչակաւոր անապատիս, որ կոչի Ակներոյ վանք, ընդ հովանեաւ Սուրբ Աստուածածնին և Սուրբ Առաքելոցս և աստուածընկալ նշանացս: Արդ աղաչեմ զամենեւեան, որք ընթեռնոյք և լուսաւորիք ի սուրբ վարդապետութեանցս, յիշելոյ արժանի արարեք զմեղապարտ և անարժան գրողս՝ Պետր և զճնողսն իմ և զեղբարս՝ զկենդանիս և զհանգուցեալսն, և Աստուած, որ առաւորն է ողորմութեամբ իւրով, հատուցէ ձեզ և մեզ՝ ընդ ձեզ, ամեն:

Դարձեալ աղաչեմ զընթերցողսդ՝ սնալանաց և խաշորութեան և անյարմար գրելոյս շինքեր մեղադիր, քան զի այնմար էի և այլ ոչ էի արարեա(ա)լ, և յայս վասն ստուգաբանութեան արիւնակին համարձակեցաւ. աղաչեմ անմեղադիր լինել: Եւ որ այսչափ եղեւ, ոչ իմ կարողութեամբ, այլ շնորհրդս Բրիստոսի Աստուծոյ մերոյ, որ Ե արքեպիսկոպոս յախտեան:

Ողորմեացի Բրիստոս Աստուած առաջնորդաց սուրբ ովախիս և ամենայն եղբայրութեանս և միաբանաց սոցա մեծի և փոքու, ամեն:

Ողորմեացի Բրիստոս Աստուած Պետրոսի և ծնողաց իւրոց, որ զսկիզբն գրոցս արար, և գրեցէ զանոն նորա ի գիրն կենաց, ամեն:

Ողորմեացի Բրիստոս Աստուած Կիրակոսի և ծնողաց իւրոց, որ միամիտ յաժարութեամբ աշխատեցաւ ի սմա. տալէ նմա Բրիստոս վարձս քարեաց յառատապարգեւ ողորմութենէ իւրմէ, ամեն:

Ողորմեացի Բրիստոս Աստուած և կազմողի սրբաւ և ծնողաց իւրոց:

Ողորմեացի Բրիստոս Աստուած եղկելի գրողի սուրա և ծնողաց իւրոց և ամենայն աշխատողաց ի սմա, որ շատ և որ սակաւ: Ողորմեացի Բրիստոս ամենայն հաւատացելոց կենդանեաց և նշնեցելոց, և նմա փառք յախտեանս յախտեմից, ամեն:

Հայտնի բանասեր Ծովականը՝ Նորայր եպս. Պողարյանը, «Յաճախապատում»-ի 1215 թվականի հնագույն ձեռագրի մասին գրում է հետևյալը.

«Յաճախապատում»-ի հնագույն ձեռագիրներն մին է այս, եթե ոչ ամենահինը, և ուշագրավ ու հետաքրքրական է շատ մը տեսակետներէ: Արտափագդ արք. Սյուրմեյանց ցուցակագրած է զայն ժամանակին և ծանոթացուցած բանասերներու (տե՛ս Ծուրակ Ձեռագրաց Երուսաղեմի, Ա հատոր, Վենետիկ, 1948, էջ 225—8): ... Շատ հաւանական է, եթե ոչ բոլորովին հաստատ, որ մեր թիվ 84 ձեռագիրն ալ իբր գաղափար ունեցած ըլլայ 928 թվականը կրող երկաթագիր օրինակը:

... Երուսաղեմի թ. 84 Հաճախապատումին մեջ ունինք նոյն մատերուն մեզի հասած հնագույն և ընտրելագույն օրինակը, 1215 թվականով, որ հայրազատներն կը ներկայացնէ 928 թվականը կրող իր նախագաղափարը» («Սիրն», 1961, թիվ 3, էջ 74—75):

Երևանի Մաշտոցի անվան ձեռագրաց Մատենադարանում կան «Յաճախապատում»-ի 7 գրչագիր օրինակներ՝ հետևյալ համարների տակ. № 8775, Երուսաղեմ, 1415, գրիչ՝ Գրիգոր Խյաթեցի (Մերեճ): «Յաճախապատում»-ի հնագույն գրչագիր տույն օրինակի հիշատակարանը ոչինչ չի ասում. № 3140 (1821 թ.), № 1453 (1882 թ.), № 4063 (1894 թ.), № 1852 (1695 թ.), № 1837 (1706 թ.), № 6821 (1718 թ.):

«Յաճախապատում» ճառերի առթիվ նորից պետք է կրկնենք, որ սույն հոդվածի նպատակին դուրս է խոսել «Յաճախապատում» ճառերի իսկական հեղինակի, լեզվի և գրության ժամանակի, սկզբնագրի լեզվի և այլ մատենագրական հարցերի մասին:

Սեր հին մատենագիրների, պատմիչների վկայության հիման վրա, մեր եկեղեցին և

Քի՞ն բանասիրական դպրոցն ընդունում է, որ «Յաճախապատում»-ի հեղինակը ս. Գրիգոր Լուսավորիչն է:

Մեզ համար շատ կարևոր է «Յաճախապատում»-ի կրոնական բովանդակությունը՝ անկախ այն բանից, թե ո՞վ է բուն հեղինակը՝ Լուսավորիչ, Մեսրոպ, թե թարգմանիչ վարդապետներից մեկը:

Կորյուն իր «Վարք Մաշտոցի» աշխատության մեջ (Երևան, 1941, էջ 78) վկայում է, որ ս. Մեսրոպ «բազում թուղթս խրատագիրս զգաստացուցիչս» գրելուց հետո, զբաղվում է նաև «այնպիսի առաել և քարձրագոյն վարդապետութեամբն սկսեալ երաճելոյն Մաշտոցի ճառս յաճախագոյնս, դիրապատումս, շնորհագիրս, բազմադիմիս ի լուսաւորութենէ և ի հիւթոյ գրոց մարգարէականաց կարգել և յօրհնել»:

Ազաթանգեղոս, ինչպէս տեսանք, նույնը վկայում է նաև Լուսավորչի համար, գրեթե քառացի:

Կորյունի վերոհիշյալ վկայությունը պատճառ է դարձել, որ օտար և հայ բանասերներից ոմանք «Յաճախապատում»-ի հեղինակ համարեն ս. Մեսրոպին:

ԺԹ դարի վերջերին գերմանացի գիտնական Ֆետտերը Նիքոլի երկհատոր «Հայրախօսութիւն» աշխատության մեջ առաջինը զբաղվել է «Յաճախապատում»-ի հեղինակի հարցով՝ (տե՛ս նաև Դուրեան, էջ 420, Հ. Անասյան, էջ 212, «Հայկ. աշխատությունք պ. Ֆետտերի»)՝ այն վերագրելով Մեսրոպ Մաշտոցին:

Դուրյան սրբազան համաձայն չէ Ֆետտերի կարծիքին հետ. «անճշան կո՛վի մեզ այն ապացույցները՝ զորս հառաջ կրբերն Ֆետտեր, և որոնք անճշտություններն ալ գերծ չեն կրնար համարվի» (420), ...տարակուսելի է այդ ճառերուն հեղինակ համարել Ս. Մեսրոպը» (88):

Դուրյան սրբազան գտնում է, որ եթե կարելի չէ «Յաճախապատում»-ի հեղինակությունը ընծայել Լուսավորչին «նույնչափ և չէ կարելի ընծայել Մեսրոպա, վասնզի զայն ամենայն թողոյվ, կխորհիմք թե անհնար էր որ մեծ վարդապետին (Մեսրոպին) հայտնի մեկ գործը շփոթության կամ մոռացման դատապարտվեր առաջին օրեն, մինչդեռ, ընդհակառակը, առհասարակ պետք էր ծանոթ լիներ ոչ միայն մատենագրաց դասուն, այլ և բովանդակ ազգին» (Դուրեան, 425):

Այնուհետև Դուրյան սրբազան ընդունում է, որ «եթե օտար լեզվով խմբագրված համարի ոք այդ ճառերուն գեթ մեծագույն մասը և հետո թարգմանված, առաջին թարգմանիչներեն միոյն պետք չէ վերագրել զայն, վասնզի կան ինչ ինչ քառեր կամ բացա-

տրություններ, որ Ե դարու վերջերուն կրոնան հարմարիլ» (Դուրեան, 424):

Սեր հին գրականության մի այլ մեծավաստակ մասնագետ Մ. Արեղյան, Ֆետտերի հետևելով գրում է. «Ունենք ճառերի մի ժողովածու՝ «Յաճախապատում ճառք» վերնագրով, Կորյունի հիշածը հենց այս գիրքն է, քայքայ դա որովհետև դավանաբանական նշանակություն է ունեցել, Գրիգոր Լուսավորչին է վերագրվել, այդ գրվածքին ավելի մեծ հեղինակություն ընծայելու համար... իսկ որ Ազաթանգեղոսի մեջ ևս նման ձևով պատմվում է ս. Գրիգորի համար, թե նա ճառեր է հորհնել, դա արժեք չունի այդ ճառերի հեղինակի նկատմամբ» (Մ. Արեղյան, էջ 120): Արեղյան «Յաճախապատում»-ի գրության ժամանակը ընդունում է 420-ական թվականները:

Ինչպէս տեսնում ենք, համաձայնություն չկա հայ բանասիրության մեջ «Յաճախապատում»-ի հեղինակի, լեզվի և գրության ժամանակի մասին: Հայ եկեղեցու համար նույնն է, թե ո՞վ է հեղինակը «Յաճախապատում»-ի, Լուսավորիչ, թե ս. Մեսրոպ: Երկու անուններն էլ պաշտելի և երախտաշատ անուններ են մեր եկեղեցու և մեր մատենագրության համար: Լուսավորիչ «հոգիների լուսավորիչ է», իսկ ս. Մեսրոպ՝ «մտքերի լուսավորիչ»: Մի՞թե մեր հին պատմիչներն ու մատենագիրները կարիք ունեին ս. Մեսրոպի գրչին պատկանող «Յաճախապատում»-ի հեղինակությունը քարձրացնելու համար այն վերագրել և կամ դնել Լուսավորչի անվան հովանավորության տակ, «Գերագանցեալ քան զամենայն, մտօք ծննդական, խորհրդակցութեամբ մեծ, հաւատով ուղիղ» ս. Մեսրոպին՝ ավելի քարձր, սուրբ և երախտաշատ անուն կա՞ մեր եկեղեցական մատենագրության մեջ, որ նրա գրած ճառերը վերագրվեին Լուսավորչին:

Լուսավորիչը կարո՞ղ էր գրել նման ճառ, և եթե այո, ի՞նչ լեզվով է գրել: «Լուսավորչի կարողութենէն հեռու չենք գտներ գրական արդյունքներ, վասնզի լավ հունական զարգացում ստացած էր Փիլիսիիանոսի ձեռքեն» (Օրմանյան, 115):

Քրիստոնեության արմատացումը հայ հողի վրա և հայ սրտերի մեջ պատմական կարևոր իրադարձություն էր: Դ դարում քրիստոնեության մուտքը Հայաստան, պետական իր կրոնի հանգամանքով, հանդիսացավ մտավոր շարժման, մի նոր գաղափարախոսության և ազգային եկեղեցու ոգու զարթման սկիզբը և կարևոր ազդակը: «Լուսավորիչ կազմակերպչական խոշոր տաղանդի մարդ էր: Նա կարողացավ նոր վարդապետության համար հաջող հող պատրաստել:

բյուրը, ս. Գրքից հետո, որն անփոփոխ տալիս է «դավանական և բարոյական քոլոր սկզբունքներն իրեն հիմունք և սահման հորա հավատարիմ որդկոց» (Ա. Տեր-Միքելյան, Գույն տեղում, էջ Ե)։

«Յաճախապատում»-ը բաղկանում է 28 «հոգեվից, հոգեշահ» ճառերից, որոնցից յուրաքանչյուրը նվիրվել է կա'մ դավանական և կա'մ բարոյախոսական մի նյութի։ Ամբողջ գիրքը կոչվել է ըստ ձեռագրերի հիշատակարանների վկայության «Մատենան վարդապետությանն հաստոյ և վարդոց աստուածայնոցըս, առատաշնորհ լուսագարդ սուրբ մատենան», «Գիրք հաստատությանն և արմատ հաստոյ, իրեն գլուխ և դասապետ հոգեբաշխ մատենից սրբոց, որ հարց մերոց սուրբ և հոգեշահ բանիք իրով և լաւետարանական բանիք իրեն կաթն ջամբեաց», «լուսաւոր վարդապետութիւն և խրատք ոգեշահիք, ազգի ազգի բշկաւուսնք ախտացելոց հոգով»։

Լուսավորիչ ԺԷ ճառի առաջին տողում գրել է «Յաճախապատում»-ի գրության նպատակն և բովանդակության, հոգևոր արժեքի մասին. «Գրել ձեզ և ուսուցանել կամիմ, եղբարք իմ և որդիք, զորս ի Քրիստոս Աւետարանան ծնաւ» («Յաճախապատում ճառք Լուսաւորչի», Վաղարշապատ, 1884, էջ 192)։

Խոսքը ուղղված է այստեղ հորադարձ հայ ժողովրդին։ Այսպիսի հեղինակությամբ, հայրական շեշտով ու խանդաղատանքով Լուսավորիչ միայն կարող էր խոսել և վկայել և ոչ մեկ ուրիշը։

«Յաճախապատում»-ը դաւանական, վարդապետական, հոգևոր ու բարոյական աստվածաբանության մի անգին զանձարան է, որ խոսվում է ամենասուրբ Երրորդության, արարչագործության, մարդու ստեղծման, ազատ կամքի, բարիի ու չարի հարցի ու ընդհանրապես քրիստոնեական տիպար կենցաղավարության կանոնների, քրիստոնեական առաքինությունների, խոստովանության, ապաշխարության, պահքի, սրբերի, մարտիրոսների հիշատակը հարգելու և օրհնակելի վանական լինելու հարցերի շուրջ։

Ժառերի նյութը կրոնա-բարոյական է։ Ժառերն ընդհանրապես ունեն խրատական, ուսուցողական (դիդակտիկ) բնույթ ու նկարագիր։ Հեղինակի նպատակը՝ ձգտումն է եղել՝ ուսուցանել քրիստոնեական հավատք, քրոնով՝ բարեպաշտություն, քրիստոնեական ուսմունք և բարոյական, արմատավորել հորադարձ հոգիների մեջ սրբություն և առաքինություն։ Հեղինակը քարոզում է քրիստոնեական առաքինի կյանքի պայմաններ, բարքերի մաքրություն ծովկալու-

թյուն, գթություն։ Խրատում է բարի գործել, հեռու մնալ անառակությունից, չարիքից, ու այս քոլորը, գեղեցկորեն նշում է հեղինակը, «աշխարհի խաղաղության և շինության համար» (էջ 74)։

«Այս ճառերում մեջ աստվածային սրտով ու սիրով լեցուն հոգին զատ, հունական հարց մեանություն և անոնց լեզուն կբանեցնե Գրիգոր... ցուցնելով իր կրթված միտքը և հանճարը» (Հ. Գ. Ջարբ., էջ 87)։ «Մեր ազգին մեջ քիչ հայրապետք կրցած են աստվածության վրա խոսած ատեննին այն վարժ գրիչը և լեզուն գործածել որուն առաջին վարդապետը ու հեղինակը ինքը ս. Գրիգորն է» (Հ. Գ. Ջարբ., էջ 178)։

«Յաճախապատում»-ի բովանդակությունն այնքան բազմակողմանի է և մտքերով ու գաղափարներով հարուստ, այնքան զրավիչ է և ընտիր ու ճիշտ արտահայտություններով ճոխ, որ մենք կարող ենք ամենայն իրավամբ նույնիսկ գիտական տեսակետով պահանջել յուրաքանչյուր ընթերցանիք հայից՝ ունենալ այս գրքույկը իր սեղանի վրա... «Յաճախապատում»-ը ոչ միայն կբացահայտե ամտվածային խոսքի առանձնահատկությունը, այլև կարճ ի կարճ կհամառոտե, հետևաբար շանավարելով զարկ կտա մեր քերի զարթուցման... կենթընչե հարմարապես մտածող հայի հոգու մեջ... արդ, Հայց. եկեղեցու լուսածին զավակները հորա գութանով պետք է բարեզարդվեն և հորա եղանակով ս. Ավետարանի սերմերն ընդունեն ու Աստված փառաբանեն» (Տ.-Միքելյան, էջ Ե—Զ)։

Օրմանյան սրբազան «Յաճախապատում»-ի կրոնական արժեքը գնահատում է հետևյալ արտահայտությամբ. «Յաճախապատում»-ը հավատո և քրիստոնեական վարդոց վերաբերյալ կետերը հեղինակորեն կբացատրեն» (Մ. Օրմանյան, «Ազգապատում», Ա հատոր, էջ 114)։ Ըստ Օրմանյան սրբազանի «Վարդապետութիւն սրբոյն Գրիգորի» ճառը բովանդակության, արտահայտության, ձևի, լեզվի տեսակետից «մեծ հարաբերություն ունի Հաճախապատում ճառերու հետ (Մ. Օրմանյան, 114)։

«Յաճախապատում» ճառերի մեջ հանդես է գալիս «Հանդարտ միտք մը... որ կհաջողի արտագրավ թափանցկություն մը ցույց տալ, մանավանդ երբ բարոյախոսի դեր կկատարեն» (Դուրեան, 428)։

«Յաճախապատում»-ի առաջին ճառը նվիրվել է ամենասուրբ Երրորդության՝ «Ի. ս. Երրորդութիւն»։ Լուսավորչի «աստվածաբանություն»-ը հիմնվել է Աստվածաշնչի, եկեղեցական վանդություն վրա և հիկիական հանգանակի բնույթ է կրում։ Հայր

Աստված «ամենայն կենդանեաց հայրն և Արարիչ, հաստիչ»-ն է, Աստված արարչագործության ատաջին, հախսպատճառն է, «Անպատճառն որ ամենեցուն պատճառ է՝ աներևույթից և երևելացս... արարչութեամբն լեալ պատճառ, ի կատարեալն որ զամենայն լնու, և ինքն ոչ թերանալ, և ոչ նորոգի, զի ոչ հնանալ և ոչ լնու՝ ոչ պակասի» (1): ...«Ամենայնի ինքն անբաւն և անճառն և անհաս սէրն... ամենայն ինքն լոյս է, գթութիւն, ողորմութիւն քարերաւ շնորհօքն» (Էջ 1—2):

Որդին «իսկին անձնի զԷն՝ անսկիզբն ծնեալ, լուսոյն կենդանոյ զկենդանի լոյսն կուսածին ծնեալ, Արարչին զԱրարիչն ծնեալ կատարեալ անձամբ և գործութեամբ, գիտութեամբ, իմաստութեամբ և արարչութեամբ և քարերարութեամբ»: Ս. Հոգին բխում է «ի Հօրէ: Եղմարտութիւնն անփոփոխ կատարեալ անձամբ, գործութեամբ գիտութեամբ և իմաստութեամբ, արարչութեամբ և քարերարութեամբ»: Որով «Միասնական երրորդութիւն միով գործութեամբ, իսկութիւն անձին, Էութիւն անսկիզբ, մշտնջենաւորութիւն անսահման... մի է բնութիւն մոցա... Երրորդութիւն կատարեալ և մի աստուածութիւն»:

Ս. Երրորդության գոյությունը ապացուցելու համար ճառագիրը բնությունից բերում է դասական հետևյալ օրինակը.

«Զի որպէս մի է արև և լոյս և ջերմութիւն իւր, և մի արև ասի և ոչ երբեք արևք. և որպէս հուրն և լոյսն և տապն՝ մի հուր ասի և ոչ երբեք հուրք, և որպէս աղբիւրն և գետն և ջուրն մի ջուր ասի և ոչ երբեք ջուրք. և որպէս հոգի, միտք և բան՝ մի հոգի ասի և ոչ երբեք հոգիք. այլ հոգի ասի կենդանութիւնս և միտք ասի իմաստութիւնս, և բան ասի խօսողութիւնս՝ միոյ հոգւոյն. այդպէս և Հայր՝ անձին իսկութեամբ, անսկիզբն Էութեամբ, Հայր՝ վասն միշտ Որդւոյն՝ որ ընդ մեզ, և իսկ Հոգւոյն որ ընդ մեզ»:

Երկրորդ ճառի մեջ, որը կրում է «Առանձնաւորութիւնք» վերնագիրը, խոսվում է ս. Երրորդության երեք անձերի և արարչագործության մասին:

Արարչագործության և մարդաստեղծման շարժիչ ուժը, սկզբունքը եղել է Աստծու նախախնամական սերը, «վասնզի սէր արարչութեան ստիպեաց Արարչին» (5), «որ յոչընչէ ի յինքնութիւն Էած և ի չգոյէ ի գոյ վասն ամենագէտ սիրոյն իւրոյ և քարերաւ կամացըն» (Էջ 5), «վասն առաւել սիրոյն իւրոյ անանունն յանուն գայ» (14):

Մարդը՝ այս ճառի մեջ էլ, ըստ հեղինակի, ստեղծվել է Աստծու պատկերով, «ի հոգի կենդանի, անմահ, մտաւոր և բանաւոր և ի

չորից նիւթոց» (խոնար, ցամաք, ցուրտ և ջերմ):

Մարդը ստեղծվել է որպէս «թագաւոր և տէր» (33)՝ արքայի համար աստվածային մտերմության մեջ, որպէս ստեղծագործության կատարելություն, օժտված «անձնիշխան կամօք» և զարդարված «իմաստութեամբ և գիտութեամբ, տեղեակ ամենայն հանգամանաց և խրատու հոգևոր իրաց առ ի հաճոյս տէրութեան իւրոյ»:

Գ ճառը նվիրված է հավատքի, «ճշմարտութիւն հաստոյ՝ լոյս է աչաց, որ միտուն լուսաւորէ» (Էջ 22):

Դ և Ե ճառերում խոսվում է Աստծու անսահման քարերարության մասին դեպի մարդը: Աստված ամեն ինչ՝ ստեղծել է մարդու երջանկության և բարիքի համար՝ «ի պէտք մարդկան» ի վկայութիւն մեծին Աստուծոյ» (28), որով մարդն էլ պետք է հավատարիմ մնա իր աստվածային ծագման, առաջնորդի իր կյանքում և գործերի մեջ աստվածային լույսով, ապրի Աստվածաշնչի բարոյական պատվիրանների շրջանակին մեջ. հնազանդվելով «օրինացն Աստուծոյ», ինչպէս «զազանք թունաւորք հնազանդին մարդոյն» որպէս տեսնոն և թագաւորի» (33):

Զ ճառը նվիրված է քրիստոնեական առաքինությանը՝ հավատքի, սիրո, հույսի, բարի գործերի: «Ինչպէս որ հասակը կանգուն է մնում առողջ անդամներով, այնպէս էլ բարի գործերով է կանգուն մնում հավատքը, իսկ հավատքով ստուգվում է հույսը և հույսով՝ սերը» (87):

Է և Ը ճառերը նվիրվել են հասարակության մեջ մեծ չարիք հանդիսացող, ընկերային, անբարոյական բարքերի, սոցիալական և լեւապոսյան կեղտոտ ախտերի, որոնց մասին խոսում է նաև Պողոս առաքյալ հոռմ. թղթում:

Այս բարոյախոսական ճառի մեջ էլ ակնարկություններ կան նաև հայ հեթանոսական բարքերի, կուսպաշտության, տարրապաշտության մասին, ինչպէս «Վարդապետութիւն» ճառի և Եզնիկի «Եղծ աղանդոց»-ի մեջ, բարքեր, որոնց մասին «ասելն կամ լռելն զագիր է», շեշտում է Լուսավորիչ, բայց ինքը որպէս հայր և հոգևոր թծիչ, հանդես է գալիս վճռականորեն դրանք ժողովրդի կյանքից արմատախիլ անելու վճռականությամբ և դատապարտությամբ:

Ը ճառում հեղինակն իր ձայնն է բարձրացնում բոլոր նրանց դեմ, որոնք «արհամարհեն զօրէնս և իրաւունս տնանկաց և գողորմութիւն կարօտելոց և զճշմարտութիւնն անիրաւութեամբ ունին և անտես առնեն զարտաւաստն ցեղելոց և ձայնի զրկելոց ոչ լսեն»:

Թ՝ ճառը «Յանախատում»-ի լավագույն էջերից մեկն է: Անդարձակ այս ճառը նվիրվել է «ամենաքսուհուտ պահոց», ուր իմաստասիր Վերյուծույունները կան յորիստոնեական առաքինությունների մասին:

Կյանքում չափի, չափավորության զգացումը մարդու հոգևոր և բարոյական երջանկությունը աղբյուրն է և նրա կատարելության նախապայմանը: Նախամարդը՝ Ադամ, չկարողացավ պահել «կանոնական չափը», «հրեշտակային կարգավորություն»-ը, «զօրենս սրբութեան»-ը, մեղանշեց, կորցրեց հոգեկան հավասարակշռությունը և ընկնելով «հաւասարեաց կենդանեաց անբանից և նմանեաց նոցա»:

Պահքը, գրում է ճառագիրը, «դաստիարակ են մարդկան, խափանիչ անժուժկայութեան ամենայն վնասուց, բժիշկը... կատարեալ հաւատով ճշմարտութեան ազդեցութիւն, յոյսն առողջութեան, առիթ սրբութեան: Պահք աղ են, որ անուշադուցանեն զենխոյսին հոգւոյ և մարմնոյ, աղտնելութիւն մեղաց... պահք պարիսպ հօգը և դուռն ամուր որ արգելուզեաւնդն ցանկութեան... դադարեցունեն զկտիւթիւն որ ի կերողութենէ և յարբեցութենէ յառաջագալին... պահք խափանեն զյոյզ մտաց և մարմնոց՝ պղծությունն և յուրկից ցանկութեանց հոսմանց... զի որպէս ձիոյ սանձս ի բերանս դնի և ամենայն մարմինն նուաճի, նոյնպէս պահք սանձք են ստահական»:

Լուսավորիչ համարձակորեն դատապարտում է ընկերային, հասարակական այլ չարիքներ, ինչպիսիք են արբեցությունը, գինեմոլությունը, որկրամոլությունը. «Գինի առաւել յիմարեցուցանէ զգայութիւնսն և զմիտսն եռացուցանէ զցանկութիւնսն և յանաւակութիւն շարժէ, մանաւանդ զմանկութիւն... Գինի թմրութիւն սրտի, պապանձումն բերանոյ, խաւար աչաց, խլութիւն ականջաց, լուծութիւն ձեռաց, զայթակողութիւն ոտից, ցնորք խորհրդոց, ծանրութիւն քնոյ, թշնամի արդարութեան... Եթէ հոռւ առանց միջոյ շիջանի, ապա և ցանկութիւն՝ ի պահոց»:

Գեղեցիկ ու բովանդակալից ճառերից է նաև Ժ՛Դ ճառը, որը նվիրվել է մարդեղության խորհրդին (177):

Ժ՛Զ ճառը նվիրվել է սրբերի հիշատակին: Սրբերը «զմարմինս իրեանց պատարագեցին յերկրի վասն անուանի Աստուծոյ ի հոտանուշից և սուրբ հոգիք նոցա հոգևոր բարեխօսութեամբն զԱստուած յողորմութիւն աշխարհի անձն և նշխարք ոսկերաց նոցա փրկութեան շնորհք ընծայեն ի ժողովս հաւատացելոց, որպէս ամենեցուն է քաջալայտ, զի երեսեացի սէրն Աստուծոյ ի նոցա նշխարսն բնակեալ» էջ 190):

Ժ՛Է ճառը «հովվական թուղթ» է՝ ուղղված հոգևորականության, ուր Լուսավորիչ խոստում է հոգևորականի պարտականությունների և պատասխանատվության մասին «սուաքի Աստուծոյ» և հավատացյալների:

Հոգևորականը որպէս հայր, դաստիարակ ժողովրդին իր կյանքով, խոսքով ու վարքով օրինակ պետք է լինի ժողովրդին: «Դէտ կացոցի զքեզ, զգուշացիր անձինդ և ժողովրդեան» (Եզեկ.)

Հոգևորականի պարտականությունն է «Ջանձինս իրեանց ի գործ բարութեան և յուսումն ճշմարտութեան» նվիրել «օրինակ ճշմարտութեան եղիցից յառնել և յուսուցանել միշտ»:

Հոգևորականն Աստծու ներկայությունն է և ծայրը ժողովրդի ծոցի մեջ և «ճշմարտութեան քարոզ»-ը՝ «ամնոյար գիտութեան» մոնեստիկը: Իսկ այն հոգևորականը, որին վստահվել է «վերականգնութիւն ժողովրդոց», լերանում է իր պարտականության մեջ՝ «Իխնամս հոգևոր ուսումն և ի խրատ» և կամ «ոչ տայցէ զմարմնաւոր պէտս կարօտելոյ» ծանր պատասխանատվության կենթարկվի և կպատժվի Աստծու կողմից և կկորցնի վրստահությունը իր ժողովրդի աչքում:

Այս ճառի հետ բովանդակության տեսակետից սերտ առնչություն ունի 23-րդ ճառը, որը կոչվում է «Խրատք ճգնութեան և ցոյցք հանդիսից որ յառաքինութեան յորդորմունքս»:

Այս ճառը ընդհանրապես հոգևորականության և մանավանդ վանականության ուղղյալ հայրական մի ընդարձակ խրատ է կամ Լուսավորչի հիմնած վանական հաստատությունների, եղբայրանոցների միաբանական կանոնադրություն, որով սույն ճառը ունի նաև եկեղեցական իրավունքի հեղինակություն և վավերականություն:

Գեղեցիկ է, շինիչ, թեաղրական ու այծմեական՝ վանականության ուղղած խրատների այս շարքը, որը իր հոգևոր, բարոյական, կրոնական նշանակությունը չի կորցրել նաև այսօր: Վանականները, հրամանակարգում է Լուսավորիչ, որոնք «հրաժարեցան յաշխարհէս և ընծայեցին զանձինս ի հնազանդութիւն ճշմարտութեան սուրբ հարցն աւանդից», կուսությամբ պետք է ապրեն վանքերում, զգուշ լինեն իրենց խորհուրդների, խոսքերի և գործերի մեջ, բարկությունը փոխարինեն հեզությամբ, անզգամությունը՝ հանդարտությամբ, թշնամությունը՝ անհիշաչարությամբ, անհնազանդությունը՝ հնազանդությամբ, անհամբերությունը՝ համբերությամբ, նախանձը՝ քաղցրությամբ, չարությունը՝ քարությանմբ, անգործությունը (ծուլություն)՝ աշխատասիրությամբ, ատկու-

թյունը՝ սիրով, հուսամատությունը՝ հույսով, տրտմությունը՝ զվարթությամբ, ազահությունը՝ չափավորությամբ, ընչասիրությունը՝ կամավոր արքատությամբ, թերսհավատությունը՝ հավատով:

Պետք չէ երբեք մոռանալ, որ վանականի, հոգևորականի զենքը մարմնավոր չէ, այլ բարոյական և հոգևոր. «զի զեն զհնուորությունն ճգնատրաց չէ մարմնատր, այլ հոգևոր յԱստուծոյ առ վանումն չարին»:

Այնուհետև Լուսավորիչ սահմանում է ճշմարիտ վանական կյանքի առաջին կանոնադրությունը:

Վանականն իր ամբողջ հոգով և սրտով հավատարիմ պետք է մնա վանական միաբանության ուխտին: Գործած մեղքը համարձակությամբ և ազնվությամբ խոստովանի վանահոր: Վանականը սրբությամբ, սիրով ու հպարտությամբ կրի Քրիստոսի քաղցր լուծը, չամաչի իր կոչման համար և չդավաճանի երբեք իր ուխտին: Վանական-միաբանը պետք է ճշմարտասեր, հնազանդ և խաղաղասեր լինի, ամուր և սուրբ պահելով միաբանական կյանքի ընդհանուր օրենքները, «ի շինութիւն այլոց»:

Վանահայրն էլ պետք է հայրաբար, անաչառորեն խնամի և խրատի իր միաբաններին՝ հսկելով նրանց վարքի և բարքի վրա:

Միաբանները միշտ և բոլոր դեպքերում միաշունչ և միակրոն պետք է լինեն, աղոթասեր, ծառայասեր և ջանասեր:

Միաբանության յուրաքանչյուր անդամը պիտանի է վանքի համար: Բայց բարոյապես փչացած, հոգեպես անպետքացած անդամը պետք է կտրել և հեռացնել, որ չվնասի ամբողջ մարմինը:

Միաբանները վանքում պաշտոն առնելու համար պետք չէ քննեն վանական իշխանությանը: Պաշտոնը ծառայություն է Աստուծու փառքին և եկեղեցու պայծառության համար, և ոչ թե պատիվ՝ անձին:

Վանքի տնտեսը կամ մատակարարը պետք է արդարությամբ հոգա միաբանների նյութական կարիքը, հյուրընկալը՝ բարեխղճությամբ: Բոլոր միաբանները անշահախառնոր կերպով աշխատեն միաբանության շինության համար: Վա՛յ այն միաբանին, որ աղոթք ու աշխատանք լքած՝ բամբասանքով է զբաղվում, չարախոսությամբ և բանարկությամբ է պարապում:

Վանահայրը՝ ճշմարիտ հայր, միաբանները՝ հարազատ որդիներ և եղբայրներ: Բոլորն էլ պետք է ձգտեն իրենց առաքինի կյանքով դեպի երկնայինը, հրեշտակալանը: Այդպիսով միայն կհաստատվի նոր երկիր և նոր երկինք:

Վերջում Լուսավորիչ կոչ է անում վանականներին, «քանզի մի մարմին ենք ի Քրիստոս, պինդ կապուք զխոստովանութիւն անշարժ յուսոյն և սովին հաստատւիք կատարեալք լիցոյք, կապեալք միով հոգով յարմարմամբք յօղիւք, պնդեալք հաստատւիք անխզելի կապակցութեամբք»:

«Յաճախսպատում»-ի 28 ճառերից յուրաքանչյուրը նվիրվել է մի նյութի: Ծառագիտոր, սակայն, հիմնական, կրոնական նյութի առընչությամբ, շոշափում է նաև այլ կարևոր հարցեր:

Հեղինակը քաջահմուտ է Աստվածաշնչի, ս. Գրական մեկնության: Ազատորեն և ճիշտությամբ և ըստ տեղին օգտագործում է Աստվածաշունչը, ի խորհրդածությունները, մտքերը, եզրահանգումները հաստատելու, «կնքելու» համար: Ծառերից ոմանք ընդարձակ են, տեղ-տեղ ձգձգած, ոմանք համառոտ և կենդանի: Ունի մտածումների հորդություն, որը տեղ-տեղ խրթնաբանության է հասնում, արտահայտության հարուստ ձևեր, կենդանի ու պատկերավոր ոճ: Կիրառված են ճարտասանական այլազան ձևեր, եղանակներ: Իր միտքը, մտածումները էլ ավելի արտահայտիչ դարձնելու համար սիրում է օգտագործել բնության երևույթներից և կյանքից վերցրած նմանություններ, հակադրություններ:

Հատվածներ «Յաճախսպատում» ճառից

«Ոսկի և արծաթ և պղինձ և երկաթ, և պատուական քարից և անարգք ի պետս մարդկան ի վկայութիւն մեծին Աստուծոյ հաստատեցան: Եւ ի չորից նիւթոց գերեւելիսս հցոյց, խոնաւ և ցամաք, ցուրտ և ջերմ յԱստուծոյ կազմեցան: Եւ ի նոյն նիւթոյ արարեալ գմարդն, և շնչեաց ի նա հոգի կենդանի և անմահ, մտաւոր և քանաւոր: Եւ խառնեաց զհոգևորն ընդ մարմնատրն. զի զհանդէս մտերմութեանն ցուցցէ առ արարիչն, ծուծկալեալ հոգևոր սիրով պահիցէ զպատուիրանն անիւ Տեառն, զի հաճոյացեալ Աստուծոյ ծառագորդ լիցի անվախճան ուրախութեանքն.» (1894, էջ 28):

«Որպէս ծնեոն ոչ միայն զովացուցանէ, այլ և սպանանէ. և ամառն ոչ միայն ջեռուցանէ, այլ և խորշակահար առնէ. և հուր ոչ միայն ջեռուցանէ և զպետսն լնու, այլ այրէ և ապականէ, և ջուր ոչ միայն արբուցանէ զերկիր, այլ և ողողէ և վնաս առնէ: Այսպէս և ամենայն դարմաճքն. որպէս իւր և միւր և զինի և այլն ամենայն ըստ ինն օրինակի: Եւ չափով են խնամք դարմանք, և անչափն տանջանք և մահ.» (էջ 22):

«Ջի որպէս ամա օրը չն կարկտիւ և հրով շրջի և երբեմն քաղցր անձրևով, այսպէս հրաման Տեառն շարժի ի վերայ անարժանիցն քարկութեամբ և արժանաւորացն քաղցրութեամբ ըստ արդար դատաւորութեանցն.» (էջ 38), «Այստեղիկն դժոյզակ վարք և վնաս

ասկար սրտման սկզբանք. զի ստանձինքն բնութեամբ՝ չարն չար ոչ է, և ոչ բարին բարի. այլ ի միտան ունի բարի և չար լինել. զի սիրովն Աստուծոյ սիրել զբարին և ստել զչարն՝ բարի է. և ատել զբարին և սիրել զչարն՝ չար է. ճախանձել ընդ բարին և լինել բարի՝ բարի է, և ընդ չարուն՝ չար է. և ճախանձն նոյն է: Բարուն ցանկալ բարի է, և չարին՝ չար. և ցանկութիւն նոյն է: Սոյնպէս և առ ամենայն բարիս և չարիս է իմանալ զճախանձն և զցանկութիւն: Զի ամենատեւտն բարեբարի զբարին սերմանալ ի մարդիկ, և յիշխանական կամսն թողնալ՝ որք կամիցին վարել ի բարի կամ ի չար: Արութեամբն ի Ռանդէս քարիպաշտութեանն, և Ռեշտութեամբն ի չարն Ռակամիտէ միշտ:» (էջ 52):

«Եւ լոյսն զմարդիկ յորդորէ յամենայն պէտս օգտի, զի ամենայն զիտք աշխարհիս՝ գործոց կամ արուեստից՝ իւր աշխատութեանն զինք իցնէ. եթէ դարբնութիւն է, եթէ մշակութիւն, եթէ ճանապարհորդութիւն և եթէ այլ ինչ պէտպէս արուեստք շահից, գործն Աստուած ի պատիւ անձնիշխան կամացն որպէս որդոց ի խնամակալութիւն. և զգիշերն ետ ի հանգիստ քնոյ՝ դարձան աշխատութեան, զի տկարութիւնն զօրացի, և ճորտցիւս Ռանգտեամբն անդրէն ի տիւն դարձցի ի գործսն՝ որ օգուտ և շահ ստանայ: Որպէս քաղցրն և անուշ իցին և դառն և կծուն ի պէտս քծկաց տնօրինիցն, և որ այլն եւս: Որպէս զհամեմոցն է զիտել առ զանապան իւրտիկսն անուշել զի սոքա յարգեսցին ճորձք, և ճոքա սոքոյ:» (էջ 70):

«Որպէս երկինք ամպովք և ցօղովք և լուսաւորոք խնամէ և Ռասուցանէ զպտուղս քուսոց և տըմկոց: Որ և Ռոզմոց պիտոյանան ըստ ժամանակի Ռովոց և ցերմութեանց. որ սնուցանէ և անվնաս պահէ. և ջրով ոռոգանէ զերկիրս և արբուցանէ զմարդիկ և զանասունս, զգազանս և զթռչունս և զամենայն զեռունս եւ զսողունս և որ ունին շունչ կենդանի:» (էջ 74):

«Այլ և ցրտով և ցերմով զտունկս և զքոյսս ապականէ, և զանձնս ի կարկուտ և ի ձիւն դարձուցանէ, և զցօղ լեղեմն վնասակար, և զատոջութիւն ի տըրտմութիւն, և փառքն յանփառութիւն:» (էջ 74):

«Տես ո՞րչափ իշխան է մարդն. զի և զԱստուած ի կամս իւր անէ յառնելն զբարին:» (էջ 78):

«Զի եւս է լոյս և կեանք մեր և աղբիւր բարեաց: Զի ոչ խնդրէ աղբիւր ջուր, և ոչ արեգակն լոյս. այսպէս և Աստուած տուող է բարեաց և ոչ առող ինչ յաղազս մեծի բարեբարութեանն իւրոյ և անկարօտ լիութեանն:» (էջ 218):

«Զի ամենայն արարածք ի բարեբարէն բարի ստեղծան. և ի կամակար մուսնն եղին չարք ի Ռեշտակաց և ի մարդկանէ՝ ամբարիշտք դէք:» (էջ 228):

«...Զի չիք ոք եղիսլ բնութեամբ չար, այլ ի կամաց և ի գործոց իւրոց առնու զհատուցումն:» (էջ 228):

«Զի ամենայն արարածք յարարէն միշտ կարօտանան օգնակցութեան, և ոչ արարիչն յարարածոց: Զի անփոփոխելի է Աստուած, և փոփոխումն ունին արարածք. որպէս տղայն յերիտասարդութիւն, և երիտասարդն ի ձերութիւն, և ձերն յա-

պականութիւն, և որպէս զարուն յամուտն, և ամառն յաշուն, և աշուն ի ձմեռ՝ որ փոփոխանէ զամենայն կենդանաց յորդորումն և զտնկոյ և զբուսոց: Եւ արեգակն փոփոխումն ունի քստ ժամանակաց ճոցա ըստ սահմանելոյն Աստուծոյ զերկայնութիւն ատուրք և զպակասութիւն:» (էջ 244):

«Յանախապատում»-ը ունեցել է չորս տպագրություն:

Առաջին անգամ տպագրվել է Կ. Պոլսում, 1787 թվականի մայիսի 1-ին՝ Հովհաննես Կոլոտի պատրիարքության օրով, մահտեսի «Յակոբ ամունայի» ծախքով, որը «հստատարիւմ պաշտօնատար և միաբան» է եղել Երուսաղեմի ս. Հակոբյանց վանքին:

Տպագրվող «Յանախապատում»-ի ձեռագիրը բերել է Մայր Աթոռ Ս. Էջմիածնի նվիրակ Պետրոս աստվածաբան վարդապետը, որ և «Յոյժ փափագանօք կամեցաւ գտալիլն»:

Առաջին տպագրությունը ունի հետևյալ տիտղոսաթերթը՝

Գիրք

որ կոչի

Յանախապատում

Առաջեայ սուրբ Հօրն մարտի

Երանելոյն Գրիգորի

Լուսաւորչին

Յորում պարունակին

ճարք Յոգնապատումք

քսաներեք

վասն անհաս էութեանն Աստուծոյ

և խնամոցն և սիրոյն որ

առ ստեղծութեանս

և վարուց ուղղութեան և

Հատուցման գործոց

«Յանախապատում»-ի առաջին տպագրությունը քաղկանում է Մկ Էջից (280), ապա՝ ցանկ ճառերի (280—284), այնուհետև տպագրվել է «Յօհաննիսի վարդապետի Երզնկացոյ, ասացուած ներքողական գովեստ ի սուրբ Լուսաւորչին հայոց ի մեծն Գրիգորիոս», կարդացված «Յոգնապատում հանդիսիւք քահանայական դասուց և վարդապետից և ժողովոց հաւատացելոց քազմաց» Սեպուհ լեւոն վրա ս. Գրիգոր Լուսավորչի անվան եկեղեցում, մեծ սրբի գերեզմանի վրա, «ի թուականին հայոց 21, Է (887—551=1188)» (էջ 265—310): Սա մի հոյակապ, գլուխգործոց ներքողական է՝ Լուսավորչին նվիրված, հայ հեղուկական արվեստի և եկեղեցական մատենագրության անկրկնելի գոհարներից մեկը:

Յ12 էջից՝ Լուսավորչի թողնելի վրա գրված «դրուստ գովեստի» ճառն է, նույն հեղինակից (էջ 312—332), որին և կցվել է «շարական որդւոց և թոռանց սրբոյն Գրի-

գործի Լուսաւորչի մերոյ» (դէլ. Աստուածային
նաւատոյն հարցն սրբոց դասնումն):

336—347 էջերուն տպագրվել է Պաղտա-
ւար Դպիրի ներքուղականը՝ «ի սրբազան
հայրն մեր երանելի Գրիգորիոս, ի թուին
1158» (1709 թ.):

Հրատարակիչը բարի մտածումն է ունեցել
քաղել և այրուքնական ցանկով կազմել
«Յաճախապատում»-ի՝ այդ «հոգեղից սուրբ
մատյանից» գեղեցիկ առանձին մտքեր, ո-
րոնք տպագրվել են 348—357 էջերում:

Գրքի 358—360-րդ էջերուն «Յաճախա-
պատում»-ի առաջին տպագրության հիշա-
տակարանն է «Յայտարարութիւն ինչ յա-
ղագս հոգեղից սրբոյ մատենիս»:

«Յաճախապատում»-ի կրօնական նշա-
նակութեամբ Եկիրված սրտատույ տողերից
հետո՝ «իսկ խորութիւն բանին ի պարզ գրու-
ածոյն՝ միայն նա՛ կարէ ճամաչել, որ միշտ
զհոգեւորն խորհիլ ակործէ» խոսվում է տը-
պագրութեան հաճախմանը ների մասին, ըստ
հետևյալի.

Եւ սոյն այս գեղեցիկ աստուածային զանձնո՛ր ցան-
կացող եղիալ քարապաշտոն և հոգեւոր մահտեսի
յակոյ տնտնայն, որ է՝ հաւատարիմ պաշտօնատար և
միաբան ի դուռն սրբոյն Յակոբայ մենի աթոռոյն ի
սուրբն ստղիմ: Եւ իւր արդեամբքն ետ տպել զսա ի
յիշատակ բարի՝ հոգւոյ իւրոյ, ի յօգուտ հոգևոր
կորարց, և ի պատիւ և ի վառս միոյ աստուծոյ:
Որոյ քարի յիշատակն օրհնութեամբ եղիցի. և
վարձս քարեաց հատուցէ նմա աստուած ի հո-
գի և ի մարմին. ի կեանս և ի մահ:
Նաև ծնողացն նորից հաճողեալ կարապետին և
մահտեսի կատարին, և ամենայն արեանառու ննջե-
ցելոցն ի քրիստոս: Բարեխառնութեամբ սրբոյն Գրի-
գորի, և սուրբ որդւոց և թոռանց նորին, և Դանիէլի
սուրբ ձերուհւոյն, և ամենայն ընտրեղոցն աստուծոյ
ամեն:

Եւ արդ՝ ողորմութեամբն աստուծոյ և բարեխառ-
նութեամբ սրբոյն միջնաշալ զօրաւարի, տպեցիալ աւար-
տեցաւ սուրբ գիրքս ի թվին հայոց ՌՃԶԶ. մայիսի Ի:

Ի հայրապետութեանց սրբոյն Էջմիածնի՝ Թէքիր-
տաղցի Տեառն Աբրահամու Սրբազան Կաթողիկոսին
ամենայն Հայոց:

Եւ ի Պատրիարքութեան սրբոյն Եղիսաղէմի և
Կոստանդնուպոլսոյ՝ Տեառն Գրիգորի և Տեառն Յո-
հաննու Սրբազան և Աստուածաբան Վարդապետացն:

Ի Տպարանի Կարապետի որդւոյ Մահտեսի Աս-
տուածատուրին և որդւոյ նորին տիրացու յօհաննի-
սին:

Ի ԿՈՍՏԱՆԴՆՈՒՊՈԼԻՍ ՔԱՂԱՔԻ:

Եւ արդ՝ որք վայելէ ի հոգևոր քարութեամբ լի
սեղահոյս, յիշեցիք ի սուրբ աղօթս ձեր՝ զվերոգրեալ
սրբազան Պատրիարքն Կոստանդնուպոլսոյ, որ յոյժ
առաւել սիրով կամեցաւ զտպւումն սորին. որ և ո՛չ

միայն միտման տալով, այլ իմքին բոտ գրասէր բա-
րացն՝ կամեցաւ ելն տպեցման սորին:

Նաև սուրբ Էջմիածնի նախնակ Վեարսա աստուա-
ծաբան վարդապետն յիշեցի ի բարին. վրձնա կո
զօրինակն սորին. և յոյժ իրավապաշտ կամեցաւ
գտալին:

Այլն յիշեցիք զՍարգիս աստուածաբան վարդա-
պետն և զղազէ տիրացու մեղքիւէքն և զճնոյնն նո-
ցին. զի զօրինակն ներքողեանց նոքա ունէին:

Յիշեցիք նաև յետոյ զվերոգրեցեալ տպագրողն
սորին զմահտեսի Աստուածատուրն, և զճնոյնն իւր
զկարապետն և զմարիամն. և զորդի նորին ուշիմա-
միտ զտիրացու յօհաննէսն. և զաշխատարար մշակն
տպագրատանց զվսնցի տէր աստուածատուր որդի
սարուխանն:

Եւ տուողն քարեաց աստուած յիշեցէ առնասարակ
լամնենսն յարքայութեան իւրում, ամեն:

«Յաճախապատում»-ը երկրորդ անգամ
տպագրվել է դարձյալ Կ. Պոլսում 1824 թվա-
կանին: Սույն տպագրությունը ստեղծային
մանրամասնությամբ «Յաճախապատում»-ի
առաջին տպագրության երկրորդ հրատա-
րակությունն է:

Սույն տպագրությունն ունի հետևյալ տիտ-
ղոսաթերթը՝

Գիրք

որ կոչի

Յաճախապատում

Ասացեալ սր Հօրն մերոյ երանելոյն Գրիգորի
Լուսաւորչից

Յորում պարունակին ճառք հոգնապատումը
քսան երեք

Վս անհաս էութեանց Ած, և ինճանցն և սիրոյն
որ առ ստեղծութեանս

Եւ վարդոց ուղղութեան և հատուցման գործոյ,
որ

Ի Հայրապետութե սոյ Էջմիածնի Տոն Տոն

Եփրեմի սրբոյ կաթողիկոսի ամ Ռայոց,

Եւ ի պատրիարքոսն սրբոյ Եւսի Տոն Գաթրիէլի
Գերեթջանիկ արքեպսի

Նաև ի պատրիարքութեան մենի մայրաքաղաքի
Կոստանդնուպոլսոյ Տոն Կարապետի

երանաշնորհ արհի եպիս

որոյ Վեհափառ հրամանաւ տպիւալ վերստին

Արդեամբք և ծախիւք առն ազգասիրի և

բարեպաշտի ակնեցի միտս Յօհաննան

միտսի Աբրահամ ամիրայի

Յիւրում իսկ սեփական գործարանի

Համի Յեառն 1824, Յուլիսի 21

Ի Հասան փաշայ խան

Ի Կոստանդնուպոլսիս.

Գիրքը քաղկանում է 400 էջից: 3—280 է-
ջերը՝ քնագիրը, 291—293՝ 23 ճառերի ցանկ:
Հովհաննէս Երզնկացու Լուսավորչին Եկիր-
ված ներքողականը գրավում է 294—345 է-
ջերը, Լուսավորչի թոռանց Եկիրված ներքո-

դը՝ 346—370 էջերը, նրանց նվիրված շարականը՝ 371 էջը. իսկ Պաղտատար Դպիրի ներքողականը՝ 372—386, ապա ճառերից քաղված գեղեցիկ մտքերը՝ 387—400:

Վերջին էջում կա հետևյալ հիշատակարանը.

Վասն որոյ այրի ազնուական մահտեսի արքաժամ քարեպաշտ ամիրայն՝ գնուդայն գիտնով զլաթգ, և և ցանկացող այնր անտուածային գանձուց, որպէս վիճակաց վաճառող անվանեալ վարձուց երանական շահուց. և այն՝ ո՛չ առ ի գնույնս ռմնի և ինքնան միայն սնվականել, այլ և ըստ քարեւէր քարուցն առ ի նուցայն կայսուրուց ևս սեղանաւորել: Ուստի զայն սա մատեան՝ որ զլինի կտակաց հնոց և նորոց օրինաց մատեան անսխալ՝ զի յայլմ: Ճախ արձանացուցիւս ի տիպ՝ որ առ մեծք սպասուալ և պակասեալ՝ և ի նմա՝ որ ինչ բանք և յմաստք ի քաղմաց անյայտր էին և ծածկեալք, անդրէն արդ այժմ՝ որպէս թէ առ ի ցուցանել գտնդին և զծածկեալ գանձս աստուածային՝ որ ի նմա, յերևան անևալ՝ և ի յայտ րեւել՝ ետ արձանացուցանել ի տիպ՝ իւրով իսկ արդևամբ (որպէս գրեցուք ի դուռն այսր մատնի) ի սեփական իւր գործարանի իբրև արձան կենդանի ի յիշատակ իւր ինքնան և ի շահ մողեսիքաց նան ի սլատի սրբոյն և ի սխառ միայն աստուծոյ:


Ուրեմն խնդիր է ի ձէջ ատել ընդ մեզ սիրելիք մեր՝ թէ նոյն ինքն աստուած՝ այն որ կոմի տալ տացէ, նմա զվարճս քարեաց ո՛չ միայն ի կեանս յայս այլ և ընդ երանելեաց:

Ընդ միմ և ծնողի նորին՝ առն քարեպաշտի թելւեանց սարքաֆ հանգուցեալ մահտեսի Յովնահին, և յսրդի եղբոր նորին հանգուցեալ դազսրին, նսնւայնցիկ՝ որք այժմ ևն կենդանի, քարեպաշտուի մօր նորին մահտեսի Աննա տիկնոջն, և եղբոր նորին մահտեսի եարսին և եղբոր որդւոց նորին՝ գասպարին՝ սահակին՝ մահտեսի նորուկին, և զէսրգին, և այլ ամենայն կենդանեաց և մեջնելոց նորին: Բարեխաւութեամբ սրբոյն գրիգորի, և սուրբ որդւոց և թուանց նորին. և դանիէլի սուրբ ծերունոյն, և ամենայն ըմտրելոցն աստուծոյ ամէն:

«Չաշխատող ցանկիս և զառաջին սրբագրող սրբոյ մատենիս զՊաղտատար պատուելի Դպիրն ընդդրում և գիս զայժմեան սրբագրող չնչին ծառայս ձեռն գթագութի Ասլանեան թարմատար դպիրս՝ ո՛վ եղբարք քանասէրք յիշեսցիք ի տէր հանդերձ ծնողովք մերովք և ամենայն մեջնելովք և ողջ լերովք, ամէն:

Ներել մալոյիմ ատերս արկեսայ
Որ ինչ ի սմա սքխալ գտալ
Ո՛չ գիտելոցն և ո՛չ տեսալ
Կամ ըստ մեծոցն այնպէս թողեալ:

«Յանախապատում»-ի երկուրդ սուլագրութիւնը կատարվել է Վ. Լևնետիկում, 1838 թվականին: Սույն հրատարակությունը ձեռքի տակ չենք ունեցել:



«Յանապատում»-ի չորրորդ հրատարակության տիտղոսաթերթը (Էջմիածին, 1894 թ.)

«Յանախապատում»-ի չորրորդ տպագրությունը կատարվել է Մայր Աթոռ ս. Էջմիածնում, 1894 թվականին:

Սույն հրատարակությունն ունի հետևյալ տիտղոսաթերթը՝

Սրբոյ Հօրն մարտ
Երանելոյն
Գրիգոր Լուսաւորչի
Ճանախապատում ճառք
Լուսաւորչ
Յառաջարան, համեմատութեամբ
և ծանոթութեաներով
Ա. Տէր-Միքէլեանի
տպարան
Մայր Աթոռայ սրբոյ Էջմիածնի
1894 = 1830 թ.

Աստվածաբանության դոկտոր, մատենագետ և հիմնա ջանասեր Արշակ Տէր-Միքէլեանի սույն աշխատությունը եզակի է իր տեսակի մեջ, որովհետ քարեկիւղն ուսումնասիրություն, գիտական լուրջ ու արժեքավոր ներդրում մեր կենդանական մատենագրության մեջ:

Հարգելի հեղինակն իր «Յառաջաբան»-ում անվերապահորեն «Յաճախապատում»-ը համարել է Լուսավորչի գործ և արդարորեն շատ բարձր է գնահատում գրքի կրթական նշանակությունը մեր եկեղեցու և մեր մատենագրության համար: «Հայց. եկեղեցույ առաքելական վարդապետության հիմնական աղբյուրը ս. Գրքից հետո ս. Գրիգոր Լուսավորչի Յաճախապատում ճառերն են, որոնք անփոփոխ տալիս են դավանական և բարոյական բոլոր սկզբունքներն իբրև հիմունք և սահման նորա հատարանի որդոց»... «Ս. Գրիգոր Լուսավորչին է մեր հոգևոր ծնողը, մա է մեր հոգեմուկը դաստիարակն ու բարեխօսը... որ առաքելոց խոսանալիս անդերը նորոգապես վարել և Բրիստոսի սերմերը ցանել հայոց սրտերում. հայ ազգը լուսավորող և վերածնող մեծ Հօր աստուածաբարբառ խրատների տակ կրթուած հոգւոց են բխում նրա ճառերը» (Ե):

Տեր-Միքելյանն ա. Էջմիածնի մատենադարանում գտնվող հինգ գրչագիր օրինակների, որոնցից երկուսը՝ հնագույն (Վարինյան ցուցակ № 1855 և № 1858)՝ համեմատությամբ ճշտել, վերականգնել է «Յաճախապատում»-ի բնագիրը և հրատարակել գրչագիրների տարբեր ընթերցումներով և հիշատակություններով: Հեղինակը գրքի վերջում դրել է գրչագիրների համեմատության տարբերությունները:

Ա. Տեր-Միքելյանի աշխատությունը բաղկացում է 354 էջից, այդ թվում «Յառաջաբան» (Ե-ԺԷ), բնագիր՝ 1—278 էջերը, «Լուսաբանությունը»՝ 280—313 էջերը, «Ընթերցումներ»՝ 314—348 (ձեռագրի համեմատությունների տարբերություն), «Ծանկ միտք»՝ 348—352, «Ծանկ գլխակարգութեանց»՝ 353—354):

Բացի «Վարդապետություն» և «Յաճախապատում» ճառերից, Լուսավորչին են ընծայվում մի քանի այլ աշխատություններ, որոնցից գլխավորը երեսուն կանոններն են՝ «Կանոնք սրբոյն Գրիգորի Լուսավորչի» (տե՛ս Կանոնագիրք հայոց, Երևան, 1964, էջ 248—249), հավանաբար որպես հավելված Նիկիո «Կանոնք Գնիսական գլովք»-ի կանոնների (Կանոնագիրք հայոց, Երևան, 1964, էջ 115—150), որոնք Հայաստան քերվեցին ս. Արիստակես Հայրապետի կողմից և հանձնվեցին Լուսավորչին: Խորենացին այս մասին վկայում է «ընդ որ ուրախացեալ սրբոյն Գրիգորի, սուղ ինչ կանոնս յինքենէ ի կանոնս ժողովոյն (Նիկիո) յաւելու վասն առաւել գգուշութեան իւրոյ վինակին»:


Երեսուն կանոններից բացի Լուսավորչին են ընծայվում նաև ըստ ձեռագիր կանոնագրքերի ևս 11 կանոններ կամ հարցումներ, «Կանոնք սրբոյն Գրիգորի պարթևի, դարձեալ հայոցումն և պատասխանից նոցա» (տե՛ս Աթել. արք., «Արարատ» ամսագիր, 1873, էջ 409, ինչպես նաև Հ. Գ. Զարբուսնյան, «Հայկ. հին դպրութեան պատմություն, Վենետիկ, 1886, էջ 180):

Լուսավորչին են ընծայվում նաև «Իսկ մեք փառաւորեսցուք»-ը խորհրդատեսորի, ժամագրքի մաղթանքը՝ «Աստուած մեծ, հօր և փառաւորեալ» ըստ ավանդության երգված ս. Հովսիսիյանց և ս. Գայանյանց աճյունները վկայարանների մեջ ամփոփելիս, ինչպես նաև երկու աղոթքներ՝ «Օրհնեալ է մարդասիրութիւն քոյ, Տէր իմ» և «Աղաչեմ գրեգ»։ Լուսավորչին է ընծայվում նաև մի «Պատարագամատոյց»:

Հովհաննես Երզնկացին ժամանակին բովանդակ հայ ժողովրդի զգացմունքների և երախտագիտության թարգմանն է հանդիսացել՝ գրելով իր հոյակապ, սքանչելի ներքողյանը Լուսավորչի վրա, շեշտելով «զի կատարեալ ցանկալ սիրտ իմ մեծափափաք բաղձանօք նկարել զարփիագեղ պատկեր աստուածազարդ Հօրն մերոյ սրբոյ Լուսավորչին Գրիգորի, ի կենդանի տախտակս սրտից որդիացեալ ժողովրդեան նորա»:

Արդարև, հայ ժողովուրդը մի ժամանակ կոչվում էր Լուսավորչի ազգ, Էջմիածնի ժողովուրդ: Լուսավորչին է մեր հայրը, որ վերջստինն նոր կյանքի կոչեց հայությանը՝ իր առաքելական քարոզությամբ, վարդապետությամբ և մատենագրական գործերով: «Բազմաբերան Հօր մերոյ սրբոյն Լուսավորչի», «Յաճախապատում»-ը է «հնձանն այն աղդինատր անապակ ողկուղոյ արեմավաստակ ս. Հօրս մերոյ յորս ճկեալ ինքն՝ մեք արքաք զգիցին՝ զբաժակն ուրախութեան, ցնձացաք և ցնձամք հոգեզուարճ հանդիսիւք յայս ասպարեզ մշակել ձեռամբ անեղին» (Մայր ցուցակ ձեռագրաց սրբոյ Յակոբեանց, Բ հատոր, կազմեց Նորայր եպս., Երուսաղէմ, 1953, էջ 179, ձեռագրի համար 194, Յառաջաբան «բացատրութիւն Յաճախապատում գրոյ».—1, Երեմիա վրդ. Զօրյոցի, 1820):

Լուսավորչի մեր եկեղեցական մատենագրության առաջին և երախտաշատ հեղինակն է, իսկ նրա մատենագրական-եկեղեցական վաստակն՝ իր ուրույն ու արժեքավոր տեղն է գրավում հայ մշակույթի գանձարանի մեջ:





ԳՐԻԳՈՐ ԳՅՈՒԼՅԱՆ

(Ավագ դասախոս)

ՎԱՐԴԱՆԱՆՑ ՊԱՏԵՐԱԶՄԸ ԵՎ ՆՐԱ ԽՈՐՀՈՒՐԴԸ

Վարդանանց պատերազմի նահատակների հիշատակին նվիրված այս տոնը ամեն տարի, ավանդաբար, տոնվում է հայ ժողովրդի կողմից որպես նրա ազգային ամենանվիրական տոներից մեկը: Այս տոնը տոնվում է հայաբնակ այն բոլոր վայրերում, որտեղ կա եկեղեցի և ազգային բնմ: Իսկ այնտեղ, որտեղ ոչ եկեղեցի կա և ոչ էլ ազգային բնմ, այս տոնը տոնվում է դարձյալ, բայց այս անգամ հոգիների առանձնության մեջ, անթեղված հույսի առկայծումներով, ազգային ենթագիտակցության հուշարարությամբ:

Ժողովրդի կողմից նվիրագործված խորհուրդը իր ներգործությամբ ավելի մեծ է լինում, քան նրան տուն տվող պատմական իրադարձությունը: Այսպես, Վարդանանց պատերազմը, որպես թվանդակություն, որպես խորհուրդ, ավելի մեծ է, քան «Վարդանանց պատերազմ» հասկացողությունը:

Անշուշտ, Վարդանանց պատերազմը ուներ իր նյութական պատճառները:

Հս.Նրահայտ են մեր ժողովրդի պատմության վրաստեղը: Արշակ 2-րդի և ապա նրա որդու՝ Պապի, ըստ էության ճիշտ, բայց կիրառման ձևերի մեջ սխալ քաղաքականությունը ոչ միայն չստեղծեց կենտրոնական, ուժեղ իշխանություն, այլ հասցրեց Հայաստանի թուլացմանը, նրա բաժանմանը Պարսկաստանի և Բյուզանդիայի միջև 387 թվականին: Բյուզանդական Հայաստանում շուտով վերանում է հայերի քաղաքական իշխանությունը: Պարսկական Հայաստանում մոտ կես դար հայերը շարունակում են պահել իրենց կիսաանկախ դրությունը: Հայաս-

տանի թուլացումը գլուխ էր մեր երկու գիշատիչ հզոր հարևանների զազանային ախորժակները: Բայց տարօրինակ, երիցս սուրբ, առեղծվածային ժողովուրդ է հայ ժողովուրդը՝ օժտված հակազդելու հրաշագործ, անմահ ուժով: Մեր պատմության մեծագույն իրադարձությունը տեղի է ունենում այն ժամանակ, երբ Հայաստանը քաղաքականապես թուլացել, զինվորապես քայքայվել էր: 406 թվականին Մեսրոպ Մաշտոցը հնարում է հայկական տառերը: Ստեղծվում է մեր ինքնուրույն լրագրությունը: 301 թվականին հայերը, պաշտոնապես ընդունելով քրիստոնեությունը, սահմանազատվել էին հեթանոս Պարսկաստանից, իսկ Աստվածաշնչի հայերեն թարգմանությամբ՝ սահմանազատվեցին նաև կրոնակից Բյուզանդիայից և ընկան քաղաքական առանձնացման մեջ: Պարսկաստանի համար Հայաստանը հարուստ, պիտանի երկիր էր, կամուրջ՝ իր և Բյուզանդիայի միջև: Պարսիկները նկատեցին հայերի քաղաքական առանձնացումը և գործի անցան: Պարսկական արքունիքը մեծագույն շտապողականությամբ ձեռնարկեց հայերի պարսկացման գործին: Ի՞նչ արած, բոլոր դարերի բռնակալների խելքը ավելի երկար չէ, քան իրենց սուրբ: Իրենց ուժերից վեր է, չեն կարող նկատել ոգու հակազդեցությունը: Հազկերտը գործեց ըստ նմանության յուրում, այսինքն՝ բռնակալական մեթոդներով: Առանձնացրեց, չեզոքացրեց հայերի ուսմանական ուժը: Միմյանց դեմ զրգոնց հայ մաթուրաբներից, սահմանափակեց նրանց ժառանգական իրավունքները, նոգեկորականության

ձեռքից խլեց դատարանները: Երկիրը դրեց ծանր հարկի տակ. հարկից ազատ չմնացին մոյնիսկ վանքերը, միանձնյա հոգևորականները, սուսջ քաշեց, պարզատրեց միայն սրիկաներին, պնակալեզներից: Հայաստանի տնտեսական քայքայումով Պալատական հոյս ուներ գլուխ բերելու հայերի հավատարացության գործը: Ահա պատմական իրադրությունը, ահա այն հախադրյալները, որոնք ավելի պատրվակ, քան թե պատճառ ծառայեցին Վարդանանց պատերազմին: Վարդանանց պատերազմի պատճառները ավելի խորն էին. Վարդանանց պատերազմը անխուսափելի էր, պիտի տեղի ունենար: Վարդանանց պատերազմի մեջ նորը՝ պարսիկների հարձակումը չէր Հայաստանի վրա: Պարսիկները միշտ էլ հարձակվել էին Հայաստանի վրա: Վարդանանց պատերազմի մեջ նորը այս անգամ հայերի ցույց տված դիմադրության համաժողովրդական բնույթն էր: Ո՞րն էր այն նոր գործոնը, որ միասնական կամքի մեջ ծուլեց և՛ հոգևորականին, և՛ իշխանին, և՛ ռամիկին: Ահա հարցը, հարցերի հարցը: Վարդանանց պատերազմի մեջ մենք գործ ունենք նոր հայտնության հետ, որը որակապես տարբերվում էր ոչ միայն Տիգրան Մեծի ժամանակաշրջանի հայությունից, այլ նույնիսկ Տրդատ 3-րդի ժամանակաշրջանի քրիստոնյա հայությունից:

Այն անգամ չէ, որ պատմական ստուգությունը, դեպքերի լրիվ իմացումը օգնում են հասկանալու բուն պատճառը: Վարդանանց պատերազմի ամբողջ էությունը հանձարեղ կերպով հատկացված և արտահայտված է Եղիշեի «Վասն պատերազմին Վարդանանց» աշխատության մեջ: Ավելին՝ Վարդանանց պատերազմը այսօր մեզ համար չէր ունենա այն նշանակությունը, որ ունի, եթե չլիներ Եղիշեի գիրքը: Մենք այսօր տոնում ենք ոչ թե Վարդանանց պատերազմը, որպես դեպք և իրողություն, այլ այդ պատերազմին տրված համաժողովրդական նշանակությունը, որ այնքան հանձարեղ, հայեցի կերպով արտահայտված է Եղիշեի աշխատության մեջ: Այսօր տոնելով Սրբոց Վարդանանց տոնը, մենք տոնում ենք մեր ազգային ինքնությունը, անդրադարձված Եղիշեի հանձարեղ երկի մեջ: Ահա, թե ինչու մեզ և կայանում արվեստի հրաշագործ էությունը, ահա թե ինչու մեզ և կայանում արվեստագետ մատենագրի անհուն գերազանցությունը գիտնական—պատմաբանի վրա:

Ոչ մեկ կասկած, որ Վարդանանց պատերազմը տեղի է ունեցել 451 թվականին, մայիսի 26-ին, ճիշտ այնպես, ինչպես նկարագրել է Եղիշեն: Զուր են Եղիշեին 6-րդ դար

տեղափոխելու քոչուր փորձերը: Եղիշեն 5-րդ դարու, նոր հայության զավակն է, Մեսրոպ Մաշտոցի հանձարեղ աշակերտը: Նա եղել է Վարդան սպարապետի զինվորներից և մասնակցել է պատերազմին: Եղիշեի ոճը չէ այն ոճերից, որոնք խաթել գիտեն: Եղիշեն ճշմարտախոս է, հայության ամենամաքուր բերանը: Սեղանչում են, մահացու կերպով մեղանչում են բոլոր նրանք, ովքեր Եղիշեին վեր են ածում քարոզիկ, որը իբր թե կուսակցական նկատառումներով գրել է իր գիրքը: Ո՛չ, հազար անգամ ո՛չ: Եղիշեն հայությունն իսկ է, որ իմաստավորել է իրեն՝ գրելով իր անհան երկը՝ «Վասն պատերազմին Վարդանանց» դյուցազներգությունը:

Վարդանանց պատերազմը գնահատելիս, մեր պատմաբանները բաժանվում են երկու խմբի. կան, որ Վարդանանց պատերազմը համարում են կրոնական, կան որ՝ ազգային-ազատագրական: Երկու դեպքում էլ փոխվում է արդյոք գործի էությունը: Թեկուզ կրոնական՝ Վարդանանց պատերազմը կըկորցնի՝ արդյոք իր ազգային նշանակությունը: Բնավ երբեք: Կրոնքը, եկեղեցին ոչ միայն հակադիր չէ ազգին, այլ նրա գոյության մեկ ուրույն ձևն է: Եղել է մի ժամանակ, երբ կրոնքը հանդիսացել է մարդու անօգնականության արտահայտությունը: Բայց դարերի ընթացքում, պատմության փորձությունների միջով, պատմության դպրոցում մարդը տվորել է, զարգացել: Մարդու հետ զարգացել է նաև նրա կրոնական գզացումը, փոխել է իր բնույթը, դարձել է այն ամենահզոր ուժը, որին ստորադասվել են մարդու բոլոր մյուս զգացումները: Կրոնքը հանդիսացել է մարդու և նրան շրջապատող տեսանելի և անտեսանելի իրականության միջև գոյություն ունեցող հարաբերության ամենաբարձր արտահայտությունը, այն միակ ձևը, որով մարդը գրանցել է իր ինքնությունը, իմաստավորել իր գոյությունը, տարազավորել բարձրագույնի մասին իր պատկերացումը: Կրոնական գզացումը նույնական է մարդու բարոյական գզացման՝ մարդու արժանապատվության գզացման հետ: Այս է պատճառը, որ պատմության ընթացքում բոլոր ժողովուրդները կրոնքը հիմք են ծառայեցրել իրենց ազգային սրբությունների համար: 5-րդ դարում հայ ժողովուրդը նույնացել էր քրիստոնեության հետ, քրիստոնեությունը դարձել էր նրա գոյության ձևը, խղճմանքի ձայնը, նրա արժանապատվության անունը, դրոշակը: Ահա թե ինչու Հագվեթի հավատության հրավերին հայ ժողովուրդը հավադրեց իր միասնական «ոչ»-ը. «Յայսմ հաւատոց զմեզ ոչ ոք կարէ խախտել, ոչ հրեշտակք, և ոչ մարդիկ, ոչ սուր և ոչ հուլ, ոչ

ամենայն զինչ և եմ դառն հարուածք: Վաղ-վաղակի արա զինչ և կամիս: Ի քէն տանջանք և ի մէնջ լանձնատուրիւնք, սուր քո՝ և պարանոցք մերս:

Վարդանանց պատերազմում կռիւլով քրիստոնեական կրոնի համար, հայ ժողովուրդը կռիւլում էր իր հայրերի մամուռապատ գերեզմանների համար, իր հայրենի ծխանի կապույտ ծուխի համար, իր ծաղկավառ դաշտերի, անդնդախոր ձորերի համար, իր երկնահաս լեռների «սառցանիստ գեղեցկութեան» համար, իր բարակիրան աղջիկների հեզաճկուն պարի համար, իր մայրենի հրնչյունների անալարտության համար, իր երկնալսաց կաթողիկեների անկանգնելի խոյանքի համար: Սրանով է քաջատրվում պարսկական բռնության դէմ հայ ժողովրդի ցույց տված դիմադրության համաժողովրդական, հերոսական քնույթը: Ավարայրի ճակատամարտում հայ ժողովուրդը կռիւլ է իր պատվի և արժանապատիւության համար, կռիւլ է այն բոլորի համար, ինչ իրեն համար եղել է սուրբ և նվիրական: Հազկերտի կրօնավիճակի հրավերը սպառնում էր վերջ տալ հայ ժողովրդի ինքնուրույն գոյության: Հազկերտի կրօնավիճակի հրավերը մի ձեռնոց էր՝ նետված մետուսյան ոգու դէմ: Հազկերտը պատերազմ հայտարարեց Մեսրոպի դէմ, թարգմանիչների դէմ: Իսկ հայ ժողովուրդը կռիւլեց Մեսրոպի համար: Իսկ ո՞վ էր Մեսրոպը:

Չի կարելի հասկանալ Մեսրոպին, առանց հասկանալու այն լեռնական, կենսական նշանակությունը, որ ունեցավ քրիստոնեությունը մեր ժողովրդի կյանքում:

Մեր պատմաբաններից ումանք հայերի կողմից քրիստոնեության ընդունումը բացատրում է եմ ավատապետական հարաբերությունների ամրապնդման անհրաժեշտությամբ: Պարսկաստանը նվազ ավատապետական չէր, քան Հայաստանը: Բայց Պարսկաստանը չընդունեց քրիստոնեությունը: Ուրեմն հայերի կողմից քրիստոնեության ընդունման պատճառը պետք է փնտրել այլ տեղ:

Մեր ոգին, ստեղծագործական հանճարը ինքնուրույն է, բայց ազգակից՝ հունականին, դասական հունականին: Պարսկաստանին իր մշտնջենական հարեանությամբ մեզ վրա ազդել է միայն իր կենցաղով, իր սովորույթներով, մեզ փոխ է տվել մի շարք բառեր, ուրոնց այսօր ժառանգորդն անգամ չի հանդիսանում: Թեև կարճատև՝ նկլեցնիստական շրջանը եղել է այն քուրան, որի մեջ թրծվել է մեր ոգին:

Ահա այս ոգին էր, որ իյն բնական աճի հետևանքով պատրաստ էր ընդունելու և ըն-

դունեց քրիստոնեությունը: Քրիստոնեությունը, համեմատած գրադաշտական կրոնին, անհունորեն ավելի բարձր էր, համահնչուն էր մեր էության, որ հատուկացել, առնականացել, վսեմացել էր՝ անցնելով հնդեհիստական դպրության բովից: Թագավորական հումանագիր-օրենքներով ժողովուրդները ոչինչ չեն ընդունում, ոչինչ չեն անում: Եւրանք ընդունում են միայն այն, ինչ համահնչուն է իրենց էության հետ, ինչ համապատասխանում է իրենց ներքին ակնկալության: Հայերի կողմից քրիստոնեության ընդունումը պետք է բացատրել ոչ թե ավատապետական հարաբերությունների ամրապնդման անհրաժեշտությամբ, այլ մեր ոգու աճով ու հասունությամբ: Մենք մեր ոգու աճով ու հասունությամբ ընդունեցինք քրիստոնեությունը: Իսկ ընդունելով քրիստոնեությունը, մենք մեզ վերագառանք մեր որակի ավելի բարձր ձևի մեջ: Ահա գիտակցված այդ նոր որակի արգասիքն էր Մեսրոպը: Ահա այդ նոր որակի թելադրանքով է, որ Մեսրոպը ստեղծեց գիր ու գրականություն, որ անդրադարձրեց մեր ոգին իր բոլորեղանջի մաքրությամբ: Իկյ կերպ անկարելի է բացատրել հայոց 5-րդ դարը: Ոգեպես, մշակութապես ավելի ցածր ստորձանի վրա կանգնած Պարսկաստանը չէր կարող ներել քրիստոնյա Հայաստանին, որ կանգնած էր ավելի բարձր ոգեկան մակարդակի վրա: Եվ Պարսկաստանը գազանային կատաղության հարձակվեց վոքրիկ Հայաստանի վրա: Ահա այստեղ պետք է փնտրել Վարդանանց պատերազմի բուն պատճառը: Մնացյալ պատճառները պատմվել են միայն, ծխածածկույթ: Վարդանանց պատերազմի հիմնական պատճառը նյութի անհաշտությունն է ոգու հետ: Վարդանանց պատերազմը ոգու պատերազմ էր բիրտ նյութի դէմ: Ով մի անգամ փեսայանում է բարձրագույն ոգու հետ, էլ չի կարող ետ դառնալ, քանզի լի էր նախանշի բոլոր կամուրջները: Ահա թե ինչու Հայաստանը, ամեն կողմից թողնված Հայաստանը, ինքն իր մեջ պառակտված Հայաստանը, մեռակ ու սուրբ Հայաստանը սուր բարձրացրեց պարսկական հզոր տերության դէմ: Հայ ժողովուրդը իր պատմական հակառակորդն էր և ճախրող այն արծիվին, որ շանթահարվում է փոքրերի մեջ: Բայց հայերն էլ վարժված արծիվ էին կարող չճակրել: Հայ ժողովուրդը եղել է իր իսկ գերազանցության զոհը, չի հաշտվել կյանքի ստորագույնից պայմանների հետ, նախատեսվել է՝ ֆիզիկականից իր գոյությունը դարձնելով ոգեկան: Հայ ժողովուրդը կառուցել է միայն ոգու ամրոցներ, որոնց դէմ անգոր է եղել

ժամանակը՝ իր հաջորդական հարվածներով: Սովորական աչքի համար Վարդանանց պատերազմը խելացնորություն էր: Այդպես կարծեց Վասակը և գլորվեց դավաճանության անդունդը: Վասակը կարճատես էր, չափազանց երկրային, անհաղորդ բարձրագույն իմաստության: Բայց Սահակ Պարթևի թոռը՝ Վարդան Մամիկոնյանը, որի վրա այդ տազնապալի օրերին կանգ էր առել հայ ժողովրդի ընտրությունը, ավելի հեռուց տեսավ, քան իր բոլոր ժամանակակիցները, զինվեց իր հարազատ ժողովրդի գեղազանցության գիտակցությամբ, սուրբ կրակին տվեց, գիտակցաբար դեպի մահ գնաց, մահվամբ զմահ կոխաց: «Մահ ոչ իմացեալ մահ է, մահ իմացեալ անմահություն»՝ այստի դյուցազներգեր հետո հրեղեն ելիշեն: Այդ, չգիտակցված մահը մահ է, բայց գիտակցված մահը ազատ, անքոնադատ, մեծ ու լայնահուն կյանքի համար, անմահություն է: Երբ այսօրվա աշխարհի հզորներից շատերը թափառում էին անստուգելի, հայ ժողովուրդը հասավ այդ գիտության իմաստության: Փառք ու պատիվ նրան:



451 թիվ. մայիսի 26-ը: Հայոց աշխարհի գարունն էր: Այս նույն արևն էր հրկիզել հայոց երկինքը, այս նույն աստղերն էին պայրաջել հայոց երկնքում: Գարուն էր, բայց դաշտերում կանգ էր առել հայ գյուղացու աշխատանքը: Առանց մանկալի՝ արորի խփը խրված էր մնացել հողի կրծքին: Առանց հովվի՝ նախիրն անտեղ թափառում էր հանդերում: Լո՛ւ էր հայ շինականի ավանդական հորովելը: Նա թողել էր իր արտն ու այգին, գնացել Վարդանի բանակը: Թե՛թև ծուխ էր բարձրացնում միայն երդիկներից: Հայ աշտը մամիկը արտասովախառն հաց էր թխում և աղոթում: Նորահարսը աչքը ճամփին՝ մտորում էր. կանցնի՞ արդյոք արհամիրքը, նորից կկիսի՞ արդյոք հացը իր քաջամարտիկ ամուսնու հետ. և իր հարցին պատասխան չգտնելով՝ լուռ խաչակնքում էր:

Պարսկական գազանը մտել էր հայոց սուրբ հողը: Նրա հահից թռել, գնացել էին հայոց աշխարհի սպիտակ աղավճիները: Ծանր լուրջություն էր իջել Ավարայրի վրա: Գիշեր էր. գետեզրյա եղեգներից քվելով՝ հոսում էր Տղմուտի տղմախառն ջուրը: Նրա մյուս ափին պարսկական բանակն էր՝ իր ծանրամարտին փղերով: Այդ ափին՝ հավաքվել էր հայկական համագունդը՝ իշխան, ռամիկ, լահալան, բոլորն էլ վառված հաչքեղյաց սիրով: Գիշեր էր. մերձակա սարերից հուրը բերում էր նոր ծլած խոտի խոնավ

բուրմունքը: Լուսինը մերթ երևում էր, մերթ անհայտանում թխակուտակ ամպերի ետին: Միայն ծղլիղն էր, որ անվերջ շաղակրատում էր: Գիշեր էր: Բառեցքի պես իրար սեղմված՝ լուռ էին հայ մարտիկները և մտածում. ո՞ւմ էին թողել իրենց հայրենի կավածները, իրենց արտն ու այգին. ո՞ւմ էին վստահել օրորոցում մնացած իրենց մանկանց խաղաղ քունը. ո՞վ պիտի պաշտպաներ հայ նորահարուի առագաստի պատիվը: Բառեցքի պես իրար սեղմված՝ լուռ էին հայ մարտիկները և մտածում: Հանկարծ խոր գիշերվա մեջ պատարագ մատուցվեց: Հեռու Օշականից, ծանր շիրմաքարը դեն գցելով, հովի թևերով հայ մարտիկներից այցի եկավ Մեսրոպը: Մարգարեները սկսեցին հայերեն խոսել. իր սիրո բարձունքից ներքև խոնարհվելով՝ Քրիստոսը ցույց տվեց իր վերավոր կողերը: Հայ մարտիկները հաղորդվեցին. նուրացավ կարծես գիշերը. գարունը իր անթողչական թափով մտավ հայ մարտիկների հոգու մեջ. վերակենդանացան հայրենի բոլոր քաղցրությունները. հայրենի դաշտերում ծաղկած մի հսկայական նշենի իր սպիտակ երագով արթեցրեց հայ մարտիկներին: Վասն կյանքի: գեղեցկության հաղթանակի, վասն արդարության, ճշմարտության հաղթանակի. անց, լեռնացավ գայլույթը հայ մարտիկների կրծքի տակ: Նրանք դարձան անհամբեր: Բայց արդեն լուսանում էր: Վարդանի մեզը սողցելով շարագուշակ հնչեցին էլատերազմական գալարափողերը: Ով էր, մեկը մի նետ արձակեց, մեկ ուրիշը պատասխանեց, այնքան անսպասելի՝ սկսվեց ճակատամարտը նետածություններ:

Վասն հայրենեաց, վասն Հիսուսի՝ որոտաց Վարդանի հրամանը: Հայ մարտիկները գրոհի մետվեցին. երկուստեք սկսվեց նախհիքը: «Ջարկին գա՛րկ ստավել, մահին մա՛հ առավել» հնչում էր հայ ռազմական գոռանի անդելի երգը: Վերացավ կյանքի ու մահվան սահմանագիծը: Հայ մարտիկները կոպում էին ինքնամոռաց հափշտակությամբ. մահ էին տալիս, մահ ընդունում: Գետը լցվեց դիակներով: Վարդանը, որ իր դիտանցից դեկա՝ արում էր ճակատամարտը, էլ չհամբերեց. սի վերջին անգամ դիտեց ռազմադաշտը: Հայ ժողովուրդը մղում էր իր գոյության կոփվը: Վարդանը վերացավ, կռտըրվեց իր ժամանակից, ակնթաթի մեջ տեսավ հայոց բոլոր դարերը, հայոց ներկան ու ապագան: Իր ճակատագիրը, իր ողջ ժողովրդի ճակատագիրը կանչում էր նրան: Եվ նա գնաց: Մարիկի պես սրացավ, անցավ գետի մյուս ափը: Թուշում էր Մամիկոնյանը, արշավախոյր գրոհում էր սպյուճին. մոլեկոմ էր ժողովրդական համագունդը: Խաչին

գուգահեռ՝ վաղատակում էր սուսերը: Վարդանը խոյացավ, նետի պես խրվեց թշնամի խմբավորումների մեջ, սկսեց նախնիրը: Պրտուտաճողմի պես ճարակելով՝ առաջացավ, հաուավ մինչև Մատյան գունդը, այն շփոթեցրեց. քայց ընկավ պաշարման օղակի մեջ. օղակը գնալով սեղմվեց, մի դավաճան նետ վերջ տվեց Վարդանի կյանքին: Ընկավ Վարդանը. նահատակվեց հայոց սուրբ սպարապետը: Հեռվից իր ակտոր գլուխը խոնարհեց Մաուսը: Վարդանի մահը սթափեցրեց հայ մարտիկներին. նրանք զգացին թշնամու լավական գերազանցությունը: Փոխեցին կշռվի ձևը: Հակագրոհներով նահանջեցին դեպի անտառները, դեպի երկրի անառիկ վայրերը: «Վասն հայրենյաց» լոգունգը երեսուն տարի շարունակեց պայքարը, երբեմն նահանջեց, նորից գրոհեց, մինչև որ շարդեց պարսկական զազանի մոտոթը, այն դուրս շարտեց երկրի սահմաններից. վերականգնեց մեր ժողովրդի արժանապատվությունը: Մամիկոնեից Տան նահապետի սկսած գործը իր հաղթական ավարտին հասցրեց նրա եղբոր կորյունը՝ Վահան Մամիկոնյանը: Նվարսակը հայ զենքի, հայ ոգու հաղթանակն էր:

Վարդանանց պատերազմը չէր կարող տեղի չունենալ: Վարդանանց պատերազմը հայ ժողովրդի պատմական աճի անխուսափելի հետևանքն էր: Վարդանանց պատերազմը մենք ուսումնասիրում ենք արտահայտություններով, այդ ոգու նվիրագործումը արյունով: «Կրոնական կամ ազգային-ազատագրական» որակումները քիչ են սպառելու համար Վարդանանց պատերազմի խորհուրդն ու իմաստը: Վարդանանց պատերազմը հայ ժողովրդի լինելու և չլինելու հարցի լուծումն էր: Վարդանանց պատերազմը այդ հարցը լուծեց ի նպաստ մեզ: Վարդանանց պատերազմը մեզ հնարավորություն տվեց գոյություն ունենալ համաձայն մեր ճակատագրին, մեր իսկ նմանությանը, մեր ոգու անհեղյի կնիքով: Բավական չէ գոյություն ունենալ, պետք է գոյություն ունենալ սեփական անունով, սեփական արժանավորությամբ՝ անկախ, ինքնուրույն, միայն ու միայն քեզ նման, և ոչ ուրիշից: Ահա թե ինչու տեղի ունեցավ Վարդանանց պատերազմը, ահա թե ինչու հայ ժողովրդը հավաքաբար դիմեց նահատակության՝ Եղիշեի բերանով հասնելու համար գերազույժ իմաստության. «Մահ ոչ իմացյալ մահ է, մահ իմացյալ անմահություն»: Այս իմաստությունը իր կշռով ավելի ծանր է, քան Արարատ լեռը, կամ այլ իրավ սուս՝ մեր հոգեկան աճի Արարատն է: Ահա այդ հոգեկան աճի նստած ժողովուրդն էր, որ իր

վանքերով, իր սրբավայրերով, իր մագաղաթյա երկաթագիր սուրբ մատյաններով կովեց պարսկական հզոր բանակների դեմ, կովեց նենգ ու դրուժան Բյուզանդիայի դեմ, անցավ հրի ու սրի միջով և հաղթեց: Եղել ենք, կանք ու կլինենք: Ովքեր կասկածում են, թող նայեն իրենց շուրջը: Բեղուն է հայ ժողովրդի արգանդը, այն ձևավորել է Մեսրոպը, այն ակոսել է Եղիշեն: Քանի մեր ականջին կհնչեն Եղիշեի հրեղեն խոսքերը՝ մենք կլինենք, կստեղծագործենք մեր ոգու նմանությամբ, հանուր աշխարհին՝ «իմ անունը Արամ է» կաղաղակի Վիլյամ Սարգսյանը, Երևանը կլինի մեր նոր Անի, մեր երկնակամարում կփայլատակեն խաչատրյաններն ու Համբարձումյանները, Բալրամյաններն ու Մարտիրոս Սարգսյանները:



Վասակին արդարացնելու համար՝ մեր պատմաբաններից ոմանք, հատկապես սյունեցի պատմաբանները, Վարդանին մեղադրում են շտապողականության և քաղաքական կարճատեսության մեջ: Վարդանին մեղադրում են նաև ռազմական սխալների մեջ: Մեղադրել Վարդանին ռազմական սխալների մեջ—նշանակում է չհասկանալ Վարդանանց պատերազմի էությունը: Վարդանանց պատերազմը ռազմավարական, ստրատեգիական պատերազմ չէր. Վարդանանց պատերազմը ժողովրդական պատերազմ էր. Քրիստոսյա Հայաստանի վճարած արյան ամենամեծ տուրքը՝ իր հավիտենական փրկության համար: Կարելի՞ է արդյոք մեղադրել Քրիստոսին, որ խաչվեց: «Է ո՞ր Քրիստոսը աստվածորդի էր. իր մատի մեկ շարժումը թավական էր ոչնչացնելու համար իր բոլոր հակառակորդներին. քայց վսեմ աստվածորդին իր սիրտ անհաս բարձունքից ներքև խոնարհվեց. մարդկանց ձեռքով քարձրացվեց խաչ՝ ավարտելու համար մեղապարտ մարդկությանը փրկելու իր աստվածային առաքելությունը: Վարդանի նահատակությունը նման է Քրիստոսի խաչելության: Մերը, գաղափարը հրաշագործ դառնալու համար պետք է նվիրագործվի արյունով: Եթե այսօր քրիստոնեական ուսմունքի հավիտենության գաղտնիքը խաչի մեջ է, ապա հայ ժողովրդի հավիտենության գաղտնիքը իր որդիների առատորեն հեղած արյան մեջ է: Ջուր են Վասակին արդարացնելու բոլոր փորձերը: Վասակը դավաճան է, դավաճան էլ կմնա, աշխարհում ոչ մի ուժ նրան չի իջեցնի անարգության այն պլունից, որին գամել է նրան հայ ժողովրդի հավիտենական ճգնաժամը: Դավաճան է նա, ով սուր է


քառորդացնում իր սեփական ժողովրդի վրա, ով այրիացնում է մայրերին, ով որքացնում է մանուկներին: Լալ է դժոխքը արդարությամբ, քան արքայությունը դավաճանությամբ: Թող հավիտենական կրակը կլամի մեզ, թող բոցեղեն լեզվակներով խորովի մեզ: միայն թե, ո՞վ եղբայրների, «արիության վատություն չխառնենք, մեթամոսների բազմության առաջ թիկունք չդարձնենք»: Ահա Վարդանը, ահա հայ ժողովուրդը: Վարդանը հայ ժողովրդի ամենամեծ սրբությունն է, նրա խիղճն է ու պատիվը, նրա շուշանամայրին հոգու գրահավորյալ նահատակը:



Վարդանի հետևից հոսել է ժամանակը: Այսօր ավելի քան 15 դար է անցել այն օր-

վանից, երբ տեղի ունեցավ Վարդանանց պատերազմը: Այսօր ոչ Վարդանը կա, և ոչ էլ նրա 1036 այն քաջ նիզակակիցները, որոնք իրենց արյամբ ուտեցին Ավարայրի դաշտը: Չկան նրանք, բայց կանք մենք, կա հայ ժողովուրդը, կա՝ մանավանդ, հավետ պայծառ գլուխ է մեր լեզուն, մեր հայրենավանդ, մեր քաղցրաբառ հայոց լեզուն: Ել ինչո՞ւ վիճել, ինչո՞ւ հարցնել, թե Վարդանանց պատերազմը կրոնակա՞ն էր, թե՞ ազգային-ազատագրական. ինչո՞ւ Վարդանանց պատերազմի խորհուրդը փնտրել այնտեղ, որտեղ այն չկա: Վարդանանց պատերազմի խորհուրդը մեր ժողովրդի գոյության փառսի մեջն իսկ է: Վարդանը մենք ենք:





ՊԱՐԳԵՎ ԸՆՀԱՍՁՅԱԿ

(Մեկուկուսական)

ՀԱՅԱՍՏԱՆՅԱՅՑ ԵԿԵՂԵՑԻՆ

ԵՎ ՄԻՍԱԷ ՄԵԾԱՐԵՆՑԻ ԳՐԱԿԱՆ ԺԱՌԱՆԳՈՒԹՅՈՒՆԸ

Քսաներորդ դարի սկզբի արևմտահայ գրականության անմոռանալի փառքերից մեկի՝ Միսաք Մեծարենցի գրական ժառանգությանն անդրադառնալիս՝ մեր մտածումն սկսած, բնական մի մղումով գնում ու կանգ է առնում հայ ժողովրդի հոգևոր ստեղծագործության ամենավաղերակն ու կատարյալ արտահայտություններից մեկի՝ Հայաստանյայց եկեղեցու վրա, որն իր հոյակապ իրագործումներով դարեր շարունակ հսկայական դեր ու նշանակություն է ունեցել մեր ժողովրդի կյանքի ու գործունեության բոլոր ասպարեզներում ընդհանրապես և ինքնատիպ հայ գրականության ստեղծման գործում մասնավորապես։ Արդարև, Հայաստանյայց եկեղեցին, լինելով հայ ժողովրդի ազգային ամենաբնորոշ հատկանիշների, նրա հավաքական նկարագրի, նրա ամենամիտական իդեոլոգիայի և ասպարեզների կենդանի ու շքեղ հանդիսարանը՝ միշտ և ամեն տեղ, հայրենի երկրում, թե օտար հողերում, հերձնչման անսպառ աղբյուր է հանդիսացել մեր գոսանների, տաղասացների ու բանաստեղծների համար և դրանով իսկ իր խոր ու տևական ազդեցությունն է դրոշմել մեր ոչ միայն հոգևոր, այլև աշխարհիկ բանաստեղծության վրա։ Ոչ մի ժողովրդի մոտ, ոչ մի ժամանակ կրոնական բանաստեղծությունն իր խոշոր ու արժեքավոր մասով այնպես չի ներթված, չի ներթափանցված իր եկեղեցու խորհրդով ու ավանդություններով, ինչպես հայ բանաստեղծությունը։ Նմանապես ոչ մի այլ եկեղեցի, իր առանձնահատուկ փայլով ու թուլանքով, այնքան հարազատորեն չի ճառագայթել որևէ ժողովրդի ազգային բանաստեղծության մեջ,

որքան հայ եկեղեցին։ Եվ այս՝ նրա համար, որ ոչ մի եկեղեցի այնպես չի ծոված, չի նույնացած իր ժողովրդի հետ, ինչպես Հայաստանյայց եկեղեցին՝ հայ ժողովրդի հետ։ Բավական է այքի առաջ ունենալ միայն վերջին հարյուրամյակի ընթացքում ապրած ու ստեղծագործած մեր լավագույն բանաստեղծներից շատերի գործերը, և դժվար չի լինի հաստատել այդ ճշմարտությունը։ Մեր ազգային գրականության ամենապայծառ դեմքերից՝ Դուրյանի, Հովհաննիսյանի, Թումանյանի, Իսահակյանի, Սիմանյանի, Մեծարենցի, Թեքեյանի և դեռ շատ ուրիշ մեծարժեք բանաստեղծների դասական ընտիր գործերից շատերը իրենց տոհմիկ գրավչության նպաստը բերում են մեր ժողովրդի ազնվագույն զգացումներն ու հույզերը իրենց մեջ թլուրեղացնող մեր շարականներից ու օրհնասացություններից։

Մեր գրականության այս նվիրական ուխտյալների մեջ Միսաք Մեծարենցը թերևս այն միակ բանաստեղծն է, որի ստեղծագործություններն ակնհայտ կերպով, ավելի քան որևէ այլ բանաստեղծի գործերը, իրենց վրա կրում են հայ եկեղեցու ազդեցությունը ոչ միայն իբրև նյութեղեն իրականություն, գիծ ու պատկեր, այլ մանավանդ իբրև ներքին զգացողություն, արյան ժառանգություն, ասքում, ոգի։ Հիրավի, Հայաստանյայց եկեղեցին իր խորհրդով, իր նվիրագործված դարավոր ավանդություններով, իր ծեսերով ու արարողություններով, իր ոգեկան մթնոլորտով հզոր ներշնչարան է հանդիսացել այս գտարյուն գավառացի բանաստեղծի համար նրա ստեղծագործական կարճատև կյանքի

շրջաններում, և այդ տեսանկյունից էլ հրապարակում ուղջ ժառանգությունը արժանի է լլջմիտ ուշադրության: Ներկա ուսումնասիրությամբ մեյ, նպատակը չէ անշուշտ նշել նրա բարձր ու ինքնատիպ արվեստի հիմնական գծերը: Այդ ուղղությամբ թե՛ անցյալում և թե՛ մանավանդ մեր ժամանակներում արժեքավոր հսկայական աշխատանք է կատարել հայ քննադատական միտքը՝ հայ գրականությանը տալով առանձին հոգվածների, ուսումնասիրությունների և մեծագրությունների մի ամբողջ շարք, և, հսկայական դրան, Մեծարենցի գրական վաստակի վերլուծությունը դեռևս չի սպառվել, որովհետև նրա ներքին հարուստ աշխարհի և բանաստեղծական ինքնատիպ արվեստի շրջանակներն այնքան լայն են, որ միշտ էլ պահանջ է զգացվելու նոր խոսքի: Սույն աշխատությամբ մեր մտահոգությունն է սեղմ գծերի մեջ քննության առնել Մեծարենցի գրական ժառանգության առնչակցությունը հայ եկեղեցու հետ և այդ լույսի տակ էլ արժևորել նրա գործը:

Մեծարենցի ապրած ժամանակաշրջանն ու միջավայրը, նրա անհատական կյանքի պայմանները, անձնական ճակատագիրը և մի շարք այլ հանգամանքներ, նրա պատանեկության առաջին տարիներից իսկ ինքնել մի նախասիրություն, բնական մի հակում ու տրամադրություն են առաջացրել նրա մեջ դեպի հայրենի բնությունը, նրա կախարհական գեղեցկությունները, մի անզուսպ սեր ու անձկագին կարոտ են վառել նրա հոգում դեպի առանձնությունը, դեպի երազների աշխարհը: Ծնված լինելով և իր մանկությունն ու սարսուռն պատանեկությունն անցկացնելով ազգային ավանդություններով ու հավատալիքներով հարուստ հայկական մի գյուղում և, բացի այդ, ի բնե լինելով խիստ տպավորվող երեխա, նա իր հոգու ամենանվիրական անկյուններում կանխահասորեն կուտակել է հայրենական բնակարանների, գյուղական կենցաղի հիասքանչ պատկերների մի ամբողջ աշխարհ: Կենսագրական բավականին մանրամասն տվյալներ մեզ առում են, որ Մեծարենցի ծննդավայրը՝ Բինկյանը, Արածանի գետի ափին, այգիների և ծառատանների մեջտեղում, ծեռուտ մի խորշի մեջ ամփոփված, պարզ ու չարքաշ հողի աշխատավորներով բնակեցված մի գյուղ է եղել, և Մեծարենցին է վիճակվել նրա առաջին «մտքի գինովը» լինել և իր քանաստեղծությունների մեջ վերապրեցնել այդ չքնաղ գավառակը՝ «խանդավառելի մանկականությամբ մը հիշակերտված»: Եվ իսկապես, հսկայական դրան, որ կյանքի դառն պայմանները հարկադրել են նրան շատ վաղ հեռանալ իր ծննդավայրից և իր ստեղծագործա-

կյան կյանքն անցկացնել քաղաքային կյանքի թոհոթոհի ու ժխորի մեջ, սակայն պատանեկան հուշերով և ավրումներով բորբոքված նրա երևակայության մեջ միշտ էլ կենդանի է մնացել իր հարազատ միջավայրի պատկերը, իր մանկության ուկեշող պարտեզը, իր երազների աշխարհը: Ահա թե ինչու՞ Մեծարենցն իր ամբողջ էությամբ ծուլված է բնության տարերքին և հաղորդակից է նրա խորհուրդներին ու արքեցություններին: Ոչ մի հայ քանաստեղծ այնպես չի երգել բնության ծով շքեղությունը, նրա գույներն ու ձայները, նրա խորհրդավորությունն ու իմաստությունը, ինչպես այս գավառացի երիտասարդը: Բնության այս պաշտամունքի մեջ էլ արտահայտվում է Մեծարենցի միստիկականությունը, որը մոայլ չէ, այլ լի պայծառություններով ու ցուլանքներով: Երբ ժամանակին բանաստեղծության անուրով ճառող, բայց բանաստեղծությունը սրբապաճող պանդուրների մի երջանիկ քարավան անխնա լուտանքներ էր թափում նրա արվեստին, Մեծարենցը, ձերբագատված «տալ-տրկալի եսին ոչնչաբանություններեն», հավատարիմ իր ներքին ձայնին, առեն ինչ, կյանքի թուր երևույթների, բնության ամեն մի շյուղի մեջ «գերագույն էակի» ներկայությունն էր ուզում տեսնել, ենթարկվել այս ճակատագրական ուժին, կորցնել ինքն իրեն, ձուլվել, խառնվել տիեզերական գործությանը: «Բանաստեղծին ձայնը տիեզերական հարաբերականության մը լարը պետք է լլլա, թուր գույներուն համադրական թրթրոտմովը տրոփուն», սահմանում է նա ճշմարիտ քանաստեղծի կոչումը իր «Ինքնադատության փորձ մը» հայտնի հոդվածում: Բնությունն այսպես իր շտալ գեղեցկությունների մեջ սանձող, իր թաղուն ու քողարկված հոգումների մեջ հետապնդող Մեծարենցի մայվածքը սակայն չի գործածվել քեռեռու համար մեզ օտար ու խորթ հորիզոնների նշվաղկոտ գեղեցկությունները կամ հեռավոր երկրների տարաշխարհիկ հրապույրները, որովհետև նա ուներ պատրաստի պատկերների մի գմայլելի շարք իր մտքում ու աչքերի առաջ: Այդ պատկերները գալիս էին իր գյուղից ու անդրագույն մի պատանության հորիզոններից: Այս իմաստով էլ Մեծարենցը, որպես քանաստեղծ, ամենից առաջ պարտական է իր հողին, թերևս շատ ավելի, քան կարծում ենք մենք: Այսպես ուրեմն, նա իր ամենահզոր ներշնչումները քաղել է արևոտ ժայռերի մեջ մրափող իր հեռավոր, իր տոհմաշունչ բնօրրանից, նրա քաղում գեղեցկություններից, որոնք տարիների մշուշի միջից երկարաձգվել են նրա հիշողության մեջ ու երկարաձգվելով՝ խտացել ու վերածվել են դյուրակա մի տեսիլքի: Եվ Մեծա-

րենցն իր տեղծագործական կյանքի այլ ընթացքում չի կարողացել ձերբազատվել կախարդական արյ շրջանակից:

Այդ կախարդական շրջանակի կենտրոնում, անտարակույս, առավել ցայտուն գծերով, որպես հին օրերի մի քաղցր վերադարձ, ճառագայթել է գյուղական խոնարհ մի ժամատան ընտանի ու մտերիմ պատկերը, իր խորհրդավոր շրջափակով, իր հնամենի զանգերի հրավիրակ դողափայլերով, ժամավորներով ու ժամասացներով, կիրակնօրյա պատարագով, իր սրբազան կամարներն ի վեր բարձրացող օրհնածիր մեղեդիներով ու խնկի ծխերով, տոնական օրերին շրջակա ավաններից խումբ-խումբ ուխտի եկող գեղջուկ հավատացյալների ցնծագին ծխորով ու դեռ հագար ու մի սրբություններով, որոնք տևապես առիցքնել են նրա հոգին և իրենց ուժեղ դրոշմը դրել նրա անհատականության վրա: Այս հանգամանքով պետք է բացատրել առավելապես նրա հոգեհարազատությունը հայ եկեղեցու ու նրա սրբությունների հետ: Այդ հոգեհարազատությունը իր վառ արտահայտությունն է գտել ոչ միայն Մեծաբնիցի տաղարանում ընդգրկված առանձին քերթվածների գմայելի մի շարքի մեջ, ինչպիսիք են՝ «Կիրակնօր»-ը, «Աստվածամար»-ը, «Խուռն և արցունք»-ը «Հոգեհանգիստ»-ը, «Արդի մարդուն Հայր մերը»-ը և այլն, այլև բազմաթիվ համեմատությունների, առանձին պատկերների ու փոխաբերությունների մեջ, որոնք ցրված են նրա գրեթե բոլոր բանաստեղծություններում:

Ահա նրա գողտրիկ մեկ քերթվածը՝ «Այգերգ»-ը, որով բանաստեղծը ուրվագիծ պատկերն է տալիս հայրենական իր գյուղի: Քերթվածի հենց առաջին տողը հինավուրց հայկական մի վանքի պատկերն է կանգնեցնում այդ ուրվանկարի կենտրոնում՝ ստեղծելով պահ ու շրջանակ:

«Սարերուն մեջ կկոծկոծի այգուն՝ կոչնակը վանքին»:

Կամ՝

«Վանքին քովի արահետեն կարավաններ կանցնին»:

Մի ուրիշ ծանոթ քերթվածում, այս անգամ դաշտային աշխատանքի ու գեղջուկ ջրվորի գովքը հյուսող, մենք հանդիպում ենք նույն հարազատ պատկերին՝ գունագեղ մանրամասների ներդաշնակ հարակցությամբ:

«Վանքին բակը կաղտեն հսկա ծառեր տարորեն,
Որոնց տամուկ շուքին մեջ Աստվածամարն է կայներ: (Ջրտուր)»:

Սա ընտանի տեսիլն է նրա մանկության՝ Բինկյանի Աստվածամոր եկեղեցին, որը գտնվելիս է եղել բանաստեղծի տան շատ մոտիկ, մեծ ծառերով շրջապատված: Ահա այս տեսիլն է, որ, ինչպես առավոտյան լույսը, բանաստեղծը տառու է միշտ իր հետ, հոգու մեջ սեղմած թանկագին լուսանկարի, սուրբ մասունքի պես: Նույն ծանոթ պատկերի միջամտությունը գրավում է մեզ Մեծաբնիցի արձակ գրվածքների մեջ ևս, ուր միշտ հայրենի գյուղի նույն զանգերն են դողափայլում «տակեծայր թակաղներով», վերջապես իսկ խաղաղ պահերին «գետեզրին մոտեն լավող կոչնակին զանգյունն է... որ խորհրդավոր կերպով կօրրե գագամունքները», գյուղի նույն ընտանի գետն է, որ իր ցասման օրերին վեր է բարձրանում «ջուրին ծոցը իջող վանքին քարե սանդուխներեն» և միշտ նույն «սպիտակ, գմբեթարդ Աստվածամայրն է, որ կծպտի քանուշ... բարի Աստվածամայրը, որ ստվերի խուռն մը, օրհնություն մը կթոթվե» (Ջրին ծառը): Եվ ա յսպես, բանաստեղծի անհանգիստ երևակայությունը ուր էլ որ թափառի, նրա միտքը ինչպիսի կայքերի վրա էլ սավառնի, ինչպիսի անանուն հուզումներ էլ ալեկոծեն նրա հոգին, նրա երազկոտ աչքերը ամեն թվի ու ծառի մեջ միշտ տեսնում են խաղաղ ու խոնարհ հայկական մի մատուռ, ամեն խորշի մեջ՝ սրբազան մի դաբիրա:

Հայ եկեղեցին գերագույն ներդաշնակությունների ու արվեստի աղբյուր է հանդիսացել Մեծաբնիցի համար: Նրա խորհուրդն ու ալանդությունները «սրբասաց» բանաստեղծի վրձինին տվել են գիծ, գույն, արև ու գեղեցկություն ու ճառագայթ, ոգի ու ուժ, նա ամբողջապես տիրապետված է եղել արարչագործ նրա լույսով, այն դարձրել է պաշտամունքի ու հսկումի խորան: Նրա ծայրում, ծափով ու ծնծղայով է հորինել իր ամենադաշնավոր տաղերը: Նրա «աստվածարյալ» հոգին ամեն թույն տարուբերվել է նրա զանգերի երկնամեմ դողափայլերով, լույս ու հույս շատրվանող նրա դյուխական կանթեղներով, թավջանման խնկով, խորանից ծուփ-ծուփ բարձրացող խնկանման ալեկոծություններով: Ահա այս միջավայրն է եղել նրա մանկության նորաքայլ հավատքի առաջին սեմը: Ունե առաջին ավագանը նրա հոգու մկրտության, ուր նրա սրտի ականջն ի վեր կարկաչել են գրաբարի ոսկեդիմիկ բաները: «Ի՞նչ արքեպոստամք» է ըմպել նա նրա տաղերի ու շարականների ոսկեպաղպաջ նեկտարը: Մի անգամ քաժանվելուց հետո հայրենի եկեղեցու հարազատ միջավայրից, այնուհետև միշտ նրա սիրտն ու աչքերը որոնած, քաջած, կանչած են նրան, և նա հայ հոգու մագնիսական այդ դաշտից երբեք չի

կարողացել լավահամբերել ու հեռանալ: Եվ ինչ-
քան թափամեղել է նրա լույսերին ու հույզե-
րին, ույնքան ավելի սրտասպինո վարվել է
նրան, ծանոթացել նրա երգերին ու վերքե-
րին, անաչել նրան իր իսկության ու աշխու-
նի մեջ ու սիրել է հայ հոգին: Ինչքան լսել
է նրա մեղեդիներն ու շարականները, այն-
քան ավելի նրանց խունկն ու հունչն է վեր-
բարձրացել է դեպի կայքերն «աստվածա-
ձայն»: Ամեն Զատիկի ու Ծաղկազարդի, տո-
նական կիրակիներ են արշալուսվել նրա հո-
գու եղբերում: Նրա մանկական դեռահիշող
շուրթերը թոթովել են հրաշարվեստ գանձե-
րը հայ տաղարանի. «Զարթո՛ք, փառք իմ,
զարթո՛ք...»:

Պատահական է արդյոք, որ Մեծարենցի
բանաստեղծությունների մեջ հանգիստության
եզր կազմելու կոչված բազմաթիվ պատկեր-
ներ, գեղարվեստական խոսքի նորօրինակ
գուգահեռներ, լայն ու ընդարձակ փոխաբե-
րություններ, որպես աստղծ ունեն հայ եկե-
ղեցու՝ դարերով նվիրականացած սրբու-
թյունների մի ամբողջ գոհարաշարք: Այդ
սրբությունների նվիրական բեկորներն են
ահա, որ զանազան առիթներով, տարբեր
քերթվածների մեջ, ի հայտ են գալիս ար-
վեստագետ բանաստեղծի երեք հզոր զգա-
լարանների ճամփով՝ տեսողության, հոտա-
ռության և լսողության: Այսպես է, որ բանա-
ստեղծը ծառերը աղոթող քահանաների նը-
ման կանգնեցնում է վանքի քակերում, նրա
նայվածքի տակ անտառները աղոթող սրբեր
են դառնում, նրա մտածումը անձնավորվում
է «հե՛ք, ճծդեն քահանայի» կերպարով, որ
«խաչ հանելով կըսե բառեր լուսեղեն» («Մե-
ղեղոց»), անձրևոտ գիշերը նույնպես (տար-
օրինակ է) նրան թվում է մի «բարեբարի,
գթած քահանա», որ բանաստեղծի ծարա-
ված հոգու մեջ թողվում է մի «սրբեցի տե-
ղատարափ, գերթ մասունքի ջուր» և Լուսա-
վորչի հիասքանչ տեսիլքի մեջ երևացած
հրեշտակի նման հնչեցնում է իր բարբառը՝
որպես «ոսկի մուրճ» («Անձրև»), նրա ա-
կանջին սոսիների խաղաղիք «թախծոտ
օրհներգ»-ի պես է հնչում, կապտորակ դաշ-
տերը երգում են «դուսին ոսկի պատարագը»,
նրա սիրտը իբրև ընծա վարդի պես բաց-
վում է «լուստոգ պատարագին սրբանվեր»,
վերջալույսի արևը մերթ «հրիկվան ոսկի
հրեշտակն» է և մերթ «կարմիր, նախշուն մի
հավկիթ», որ «կերթա իր Զատիկին», թռչուն-
ների դալլալը նրան ծննդաների ձայն է հի-
շեցնում, կամ նրա հոգում հուշերը ծափ են
զարնում «ծննդաներու պես ցնծուն», հարե-
վան հեղեղատի ձայնը «լուսաշող ալելու»
է, գյուղի արահետները խնկի գույն ունեն,
իսկ այգիները՝ խնկի բույր, առավոտյան
սյուրը մյուռուհի հոտ ունի, բլրակները իրենց

կամայ նակասին «եղինած ծաղիկե կարուս»
են կարում, արևի հրեղեն գույնը մի բուր-
վառ է, կի՛նը՝ «աստվածածնու եղև», հնդի-
նակը երբեմն գիշերացին խալարը «նակումի
խորան» է դարձնում, երբեմն արևին է ըս-
պասում ցնձապատար՝ «ունկնդրելու զան-
գակն ամրո պատարագին», երբեմն սուսվո-
ւորն է ուգում լինել՝ վշտահար հոգիների սե-
ղանի վրա «լուսածուխի մուկեր վառելու հա-
մար», կամ առավոտյան ձյան վրայից գյու-
ղի փողոցներով եկեղեցի գնացող գեղջկու-
հու քայլերի կշռույթը բանաստեղծին հիշեց-
նում է «կոչնակին ձայնը ծառուն» և այլն, և
այլն: Ու այսպես Մեծարենցի երթագիտակ-
ցական ամբողջ աշխարհը լի է հայ եկեղե-
ցուց, նրա խորհրդից ու ավանդություններից
ծնունդ առած մտապատկերներով: Կյանքի
ու բնության մեջ նրա նուրբ զգայարանների
տակ ընկնող ամեն իր ու երևույթ, նրա հո-
գում ծնունդ առնող ամեն մի զգացում զար-
մանալիորեն գուգորդվում և ներդաշնակվում
է այդ մտապատկերների հետ: Առավել հատ-
կանշական է այս տեսակետից նրա բառա-
պաշարը, որի ծանրակշիռ մեկ մասը բաղ-
կացած է մեր եկեղեցական կյանքի, մեր կրո-
նական ծեսերի ու արարողությունների հետ
անմիջականորեն կապված բառերից, ինչ-
պիսիք են, օրհնակ՝ մոմ, աշտանակ, նարոտ,
պատարագ, օրհներգ, աղոթք, հաղորդու-
թյուն, ուխտավոր, խունկ, տաղ, մեղեդի, ե-
ղև, ծննդա, շուշիա, մյուռուց, սրբանոթ,
խաչ, զվարթուն, մափոթտ, խնկաման, բուր-
վառ, նշխար, ջահ, խորան, արևագալ, լու-
սակալ, մեղրամոմ, շուրջառ, ստաշխ և
սրանց նման բազմաթիվ այլ բառեր ու նրանց
ով կազմված ածանցումներ ու բարդություն-
ներ, որոնք նրա բանաստեղծությունների
մեջ հանդես են գալիս նաև որպես մակդիր-
ներ: Պետք է նկատի ունենալ սակայն, որ
նման բառերի հաճախակի կիրառությունը
հեղինակի կողմից լույս ինչ-որ նախասիրու-
թյան արդյունք չէ, այլ բխում է ավելի խոր
պատճառներից: Այդ բառերը նրա քերթված-
ների մեջ չեն գործածված որպես արտաքին
պաճուճանք, դեկոր ու փայլ, այլ որպես ներ-
քին զգացողություն:

Մեծարենցի ստեղծագործության մեջ ա-
ռանձնապես ուշագրավ են մի շարք բանա-
ստեղծություններ, որոնք, ինչպես արդեն
նշել ենք, ուղղակիորեն կապված են հայ ե-
կեղեցու, նրա խորհրդի ու ավանդություննե-
րի, մեր ժողովրդի կրոնական հավատալիք-
ների հետ, և որոնք խորապես դրսևորում են
բանաստեղծի հուզական աշխարհը, նրա
հիմնական տրամադրությունները: Քերթ-
վածների այդ շարքին է պատկանում, օրի-
նակ, ժամանակակից հայ բանաստեղծու-
թյան ամենաընտիր գոհարներից մեկը՝ «Կի-

լուսինամուր»-ը, ուր հեղինակը հայ եկեղեցու խորհրդով նավշտակված, մորի ու հոգու զերպագույն լալումի մեջ, ապրում ու իր հետ ապրեցնում է մեզ պաշտամունքի սրբագույն պահերից մեկը: Այդ քերթվածը մեզ տաճում է հայկական պարզուկ մի տաճարի կիսա-ստվերից ներս՝ հաղորդակից դարձնելու մեր եկեղեցիներում կատարվող շաքաթ երեկոյան ժամերգության խորհրդին: Երկարածը՝ վուլ երազային երեկուն, որ հանդարտորեն հիրհում է մեր ժամերից ներս, հանկարծակի վերափոխվում է կամարներից իջնող լույսի մեծ գծերից: Պատերի վրայից հալած կարմիրը կարծես քայլում է հայտնի քայլերով:

«Հուշի՜կ փախչող իրիկվան ծիրանի լույսն է զվարթ...»:

Երեկոյան արևը շուտով փախչելու է: Ու նրա պայծառությունը, հակառակ իր ծիրանի զվարթ գույներից, ինչ-որ տխուր մի բան ունի իր մեջ պահած:

«Ոսկի թելեր՝ պլլվող խուցկի թավիշ մշուշին:

Կապույտ ծուպեր, ծիածա՜ն, ծփում ձայներ, միսոխ՝ ք վարդ,
Լույսն արցունք մոմերու, որոնք հանդարտ կը մաշին»:

Եվ ապա՝

«Խուցկի ծարավ իմ հոգիս կծծես պահն այս հանդարտ,

Ոսկեկյուսկ աչքերով քուրվառներն երբ կը ճոճին,
Պակուցում մը հոգեգրավ հոն կթողու զիս անթարթ,

Կզգամ համբույրն՝ իմ հոգիս պարտորող թիլ մարմաշին»:

Կամ՝

«...խորհուրդին եմ ծնրադիր, բազուկներս խաչանիշ,

Ու կսպասես, որ ծագի հոգվույս պայծա՜ռ կիրակին»:

Պետք է տեսած լինել խնկի այդ մշուշը, որ, սկզբում աղոտ, սակայն հանկարծ կրակ ու ոսկի է դառնում՝ թափանցվելով արևի սյունակից: Ու մեզ թվում է, որ ահա ուր որ է մեր առաջ բացվելու են ներքին կյանքի դռները, և մենք հաղորդակից ենք լինելու նրա հոգու վեհագույն խորհուրդներին, վերանայու ենք նրա հետ եկեղեցու նյութական կամարներից դեպի մեծ կամարումը տիեզերական աշխարհների ու թևելու ենք դեպի անըմբռնելի խորությունները, որոնք բացվում են մեր գրվալներում:

Անտարակույս, բանաստեղծը իր այս ներշնչումը պարտական է պատմության տալիսներից իր հիշողության մեջ երկարած ու

երազով տալու մասած սրտակերպումներին: Եվ ամեն մեկ աչքերի դիմաց, իր գյուղի եկեղեցու դասում, կանթելների մեղրածուրուն լույսի տակ գալիս և կանգնում է մի հեզ ու ամաչկոտ մանչուկ, որ դպիրների կողքին, մյուռոնի նման փայլուն դեմքով ու երազկոտ աչքերով, քուրվառներից դուրս ժայթքող խնկի քույրներով հագեցած ռուզգերով, հի-հար մի մոմ բռնած ձեռքին, վտիտ մարմինը սպիտակ շապիկի մեջ պատանքած՝ երգում է երազո՜ւն, շարականների շուշանային ջր-շունջը սրտում: Այս պատկերով միայն հնա-յապոր է բացատրել այդքան գուլալ մի ներ-շնչում: Բանաստեղծի հիշողության անավոր պրկումի, լարումի շնորհիվ է միայն, որ ըն-տանի ձևերն այսպես դուրս են գալիս իրենց անհայտ դամբարաններից ու իրենց մեռած գծերի լքումը հավաքում: Արվեստագետը հարություններ իրագործող Աստված է այս-տեղ: Երբ ուզում է հավատարիմ մնալ նրանց պատկերին, տարիների մշուշը գալիս աղո-տացնում է շատ բան, և շատ նայելուց այս-ցունքոտված նրա աչքերը եղծելով գծագրու-թյան հստակ հենքը՝ տարվում են անիրա-կան, կեք իրական, գրեթե թրթռում ոգելի-նացման: Այսպես է, որ բանաստեղծը թա-փանցում է իրերի արտաքին նկարագրից դեպի ներս, սուզվում հայ եկեղեցու սրբու-թյունների՝ շարականների, ժամագրքերի, աշտանակների, քուրվառների ու մոմերի ներքին խորհրդի մեջ ու գտնում այն նոր ներդաշնակությունը, որ խուսափում էր նրանց մակերեսներից: Ահա թե ինչո՞ւ Հա-յաստանայաց եկեղեցին իր ամենալայն ու ամենախոր իմաստով, Մեծարենցի արվեստի գլխավոր հրապույրներից մեկն է կազմում:

Վերևում հիշատակված բանաստեղծու-թյունների թվին է պատկանում նաև «Աստ-վածամար» հրաշալի քերթվածը: Սա հատ-կանշական մի օրինակ է ազնվագույն ներ-շնչումի, կրքոտ երևակայության, ուր բանա-ստեղծը իր անձը, ցանկությունների ճամփով, հազար ձևի ու հազար նշխարի բաշխելուց հե-տո, ուզում է ելնել իր «ցավին սարակն ի վեր» ու ասել Աստուծո մոտը:

«Եվ իդձերուս կապույտին վրա, վարդ

ամպը դուռ,

Վարդ ա՜մպն եղիր, մերթ լուսնկան

պատմունճառող:

Դո՛ւն, աստվածյան գեղեցկության այս-

փավո՛ր հարս,

Սրբության կո՛ւյսը ձյունածիր ու հրա-

վարս:

Գիշերին մեջ կիջնե դեռ ողորդ լուսն-

դեն,

Կաթի՜լ մը կաթ՝ ծովացած քու սրբու-

թեմեն»:

Հայ եկեղեցու նվիրական կամարներից «աստվածյան ձայնին վայրէջքը» լսող և իր «աստվածաբայալ» հոգու համար Աստվածամոր «ծովացած» սրբությունից «կաթիլ մը կաթ» աղերսող բանաստեղծը այստեղ մեզ հիշեցնում է աղոթաապ մեր մյուս բանաստեղծի՝ Նարեկացու՝ Աստվածամոր նվիրված հրաշալի տաղը: Երկուսի ներշնչումներն էլ բխում են նույն հոգր աղբյուրից՝ նրանց հոգին դիեցնող Հայաստանայաց եկեղեցուց: Եվ արդեն Նարեկացու նկատմամբ Մեծարենցի՝ պաշտամունքի հասնող հիստորիան ու անվերապահ մեծարանքը, նրա հոգեհարազատությունը գալիս են ոչ այնքան այդ «գրական հսկայի» բարձր արվեստից, ոճի և լեզվի անսպառ հարստությունից ու ճոխությունից, որքան այս երկու հեղինակների ստեղծագործությունների շփման կետերից, նրանց ստեղծագործությունների արեհակցությունից:

Հայ եկեղեցու սրբազան ավանդությունների լուսավոր մթնոլորտով է ներթափանցված նույնպես Մեծարենցի «Խումկ և արցունք» բանաստեղծությունը: Ահա մի հատված այդ քերթվածից.

«Ժիթ մ'արցունքով կաթիլ մը խումկ,
Սրբանորթին մեջ կցանցե
Մայրս որ կանցնի անտես դոնե,
Եվ երջանիկ՝ կոնե ունկ
Անդրաշխարհն եկող ձայնին:
Աչքերուն, որ զինք կդիտեն

Կիրակմուտքի խումկին ատեն՝
Ձեռքն անընդհատ կուտա խնչն հին»:

Այս քերթվածը, ինչպես ինքը՝ հեղինակն է ասում, հիմնված է ժողովրդական մի հավատալիքի վրա: Կիրակմուտքի խնկարկությունների ընթացքում լուսեղենները իրենց սիրելիների կայքերն էին գնում՝ ստանալու համար իրենց ընծայված խումկն ու արցունքը, կամ հուսավերեալ, գլխիկոր ետ դառնալու և նրանց հիշատակի ոգեկոչումով վերապրեցնելու սիրելի հոգիները:

Նույն շարքից ահա մի ուրիշ քերթված՝ «Հոգեհանգիստ» խորագրով, որ նույն հարազատ մթնոլորտի, նույն ապրումի դրոշմն է կրում:

«Կը թրվոա գանգակին ձայնը թոչուն.
Ոսկի մափոտտ հագած շաբաթ՝ իրիկ-
վան
Տիրանվեր քղանցքին տակ դողդոջուն,
Ու ծուխին մեջ մթնշաղիմ երկևան:

Նրբանցքին մեջ մայրս աղոթք մը
կհեծե,

Կապրեցընե սիրելիներն իր ամեն:

Աներկրային խաղաղ ձայնը կլսե
Մեռածներու հուշքին՝ հոգիս իմ
հանգիստ»:

Կամ «Ջրտուր» բանաստեղծության հետևյալ տողը, որ հետափոր դարերից եկած և քրիստոնեության ճամփով մեր եկեղեցու կողմից «Տյառնդդառաջ»-ի խորհրդի մեջ սրբագործված ու դրանով իսկ հայ ժողովրդի հոգում արմատավորված մի հին ավանդության բանաստեղծական արձագանքումըն է:

«Խարույկները՝ ոսկեբաշ՝ ուրեք ուրեք
կվառին»:

Ինչպես չհիշել դեռ Մեծարենցի մի այլ գողտրիկ տաղը, որն ունի շատ անսովոր մի վերնագիր՝ «Սիրերգ»: Անսովոր, որովհետև այդ բանաստեղծությունը բառիս ընթացիկ իմաստով սիրտ մի երգ չէ՝ հին ու ծանոթ ըզզացումների տուրք տվող, այլ բանաստեղծի երևակայության մեջ տեսլացած մի սուրբ հիշատակի ոգեկոչումը՝ առաւելության կոչնակի ձայնի հետ եկեղեցի շտապող մանկահասակ մի աղջկա պատկերով: Այնպիսի՝ ջերմ աղապատանք, անսահմ կարոտ, հայրենի և կրոնական սրբությունների նկատմամբ հավատքի ու պաշտամունքի այնպիսի՝ անկեղծ մի շեշտ կա այնտեղ, որ մարդ վարանում է հատվածել քերթվածի շքեղ կառուցվածքի ներդաշնակ ամբողջականությունը:

«Ջյունին վրայեն կերթաս, արև՝ ձյուն-
նաճաղիկ,
Քալիդ չափն է կոչնակին ձայնը ծա-
մուն,

Ծուրջդ է ծիածան, ո՛հ, առտըվան այս
ծամուն,
Սիրտդ՝ ուխտադիր սրբության մը
խաղաղիկ:

Ջյունին վրայեն կերթաս, արև՝ ձյուն-
նաճաղիկ,
Մնջելով ունկն ի վար աղոթքդ անձա-
նոթ,

Ու շփելով շուրթիս սյուք մը մյուռոն-
հոտ.

Հիմա կերգեն, ո՛հ, «Ջարթի՛ք, փա՛ռք
իմ, գարթի՛ք...»:

Ահա նրա «Տո՛ւր ինձի, Տե՛ր» բանաստեղծությունը, որն ընթերցողի հոգու մեջ բաց է անում սրբագույն գալուցությունների պայծառ մի տիեզերք: Իր քյուրեղյա պարզությամբ, մարդկային ամենաազնիվ բաղձանքների դրսևորումով՝ այս քերթվածը իրո՛ք կոչված է ծամանակակից մարդու Հայր մեր-ը լինելու: Աստծուց «անսահմանական» ուրախություն աղերսող բանաստեղծի հոգու ամեն խորշե-

րից տիեզերական համակարգությունը իր ոսկյա ընձյուղներն է նետում դեպի դուրս: Այնքան անկեղծ, այնքան սրտաբոխ գեղում կա այս բանաստեղծության մեջ, որ մարդ ակամա պատրանքն է ունենում շատ հին օրերի աղության խոհանոցը լսելու:

«Տո՛ւր ինձի, Տե՛ր, ուրախությունն անհամակարգ.

Զայն սրբասաց իմ հոգյակիս ընձմ խորան՝

Զայն իմ մտքիս ծխեմ՝ գերթ խոնկ բազմաբուրյան»:

Կամ՝

«Տո՛ւր ինձի, Տե՛ր, ուրախությունն անհամակարգ.

Ու սեղանիս վրա դրված մեն մի նկան Զույգ մը խիմղեր գեթ ունենա թող խաչանիշ»:

Եվ վերջապես «Ըլլայի»-ների ոսկեշարը, ուր մարդկային վսեմ ցանկությունների շքեղ մի տողանցք կա: Այս շարքի ամեն մի քերթվածի մեջ բանաստեղծն ապրում ու շնչում է մի լայն, համայնապարփակ սիրով, մարդասիրական խորունկ բաղձանքներով ու զգացումներով: Այս մարդասիրությունը, համայնական սիրտ այս խենթ պոռթկումը, բնության ամեն մի մասնիկի նկատմամբ պաշտամունքի այս խոր զգացումը, որ Մեծարենցի ստեղծագործության ամենաբնորոշ գիծն է կազմում և որը ցայտուն նորություն էր առևմտահայ գրականության մեջ, Հայաստանյայց եկեղեցու ու նրա հոգևոր ծառանդության՝ հեղինակի վրա ունեցած ազդեցության անձխտելի վկայությունն է հանդիսանում: Մեծարենցի ժամանակակիցներն ասում են, որ նա Ակնա բարբառով բազմաթիվ աղությաններ և օրհնության տարազներ էր հավաքել, որոնք խնամքով պահում էր մոտը և հաճախ ընթերցում: Այդ օրհներգներն ու աղությունները, որոնք միանգամայն ներդաշնակվում էին նրա ընդհանուր տրամադրություններին ու մտայնությանը, անկասկած իրենց առանձնահատուկ դրոշմն էին դրել նրա հոգու մեջ և ուժեղ ներշնչանքների առաջնորդել բանաստեղծի պատանի հետաքրքրությունը: «Ըլլայի»-ների ամբողջ շարքը մեկնում է ժողովրդական և կրոնա-ազգային այդ երգերի մոտիվներից:

Բերենք այդ շարքի ամենաընտիր կտորներից մեկի՝ «Իրիկունը» քերթվածի հետևյալ քառյակը, որի մեջ ընտանի արծազանքը կա տոհմաշունչ այդ զգայության: Համատարած խաղաղ երեկոն բանաստեղծի ներքին տեսողության ուժով թանձրանում, ձև ու մարմին է ստանում հսկայական մի ժամատան խորհրդավոր պատկերով:

«Սա իրիկունն ըլլայի ես,
Լի զանգակին դողանքներովն երկնա-
նեմ.

Խնկապաշտար, օծուն, ջահված ժամի
պես

Սա իրիկունն ըլլայի ես»:

Երեկոյան այս կոչնակի ամբարձույթ դեպի երկինք ու նրա հետ զուգորդարար՝ եկեղեցու զանգվածեղ ուրվանկարի օծուն ու շիջանուտ նշույնը սրբազան մի խորհուրդ ունի իր մեջ: Բանաստեղծի նայվածքը, նրա ներքին աչքը չէ այն ոսպնյակը, որի մեջ առարկաների, տեսարանների գծագրությունն արտացոլվում է հորինվածքի մանրանկարով կամ բաղկացուցիչ տարրերի հավատարիմ շենքով, այլ մի գորավոր զգայարանը, որն ընդունակ է ընկալված պատկերի քողարկված ճառագայթումն արձանագրելու:

Ի դեպ պետք է ասել, որ եթե կրոնական զգացումը, բառիս ավանդական իմաստով, տեղ չունի կամ շատ թույլ է արտահայտված Մեծարենցի բանաստեղծությունների մեջ, ապա դրա փոխարեն, սրբության զգացումը, բառիս ամենալայն իմաստով, առանցքն է կազմում նրա ողջ ստեղծագործությունների: Ոչինչ ավելի առիճնող է և վեհորեն հուզիչ, քան այդ «սրբագործումը» մարդու և բնության, ինչ որ ունեն նրանք իրենց մեջ անքայքայելի ու հավերժական, ոչինչ ավելի հրգոր է, քան բանաստեղծի լայն ու ազատ թռուիչքը դեպի կյանքն ու համայնական սերը և ոչինչ ավելի ներշնչող, քան նրա լուռ հաղորդակցությունը բնության մեծ ուժերի հետ: Այս տիեզերազգացողությունն ահա, միացած գեղագետ բանաստեղծի նրա մյուս արժանիքների հետ, յուրօրինակ մի փայլ ու գրավչություն է հաղորդում նրա բանաստեղծություններին: Բնության ամեն մի տեսարան, ամեն անկյուն ու խորշ, ծառ ու ծառիկ բանաստեղծի համար անանուն մի սրբարան է, անհուն տիեզերք մի սրբություն է, ապրող ու շնչող ամեն էակ նրա հոգում կաթեցնում է երկյուղած պաշտամունքի սրբազան մի սարսուռ: Ահա թե ինչու՝ առավոտյան «հինայի կարմրություններ հագած» հորիզոնի առջև խաչ հանելու և ծնրադրելու անդիմադրելի տենչով է բռնվում բանաստեղծը, կամ այնքան ուժգին ցանկանում է «պարզկա ցալգուն անուրջին մեջ լվալ» հոգին, «պատկերն ըլլալ սրբազանցած համայնին» և կամ ամբողջությամբ հանձնվել «ցնորաբեր» գիշերվա միստիկ կախարդանքին: Եվ նրա այս լքումը, անձնատվությունը բնության խորհրդի ու տիեզերական ներդաշնակության դիմաց թուր ուժեղ զգայությունների նման մեզ համակում է իր անկեղծության, խորության, քաղցրության համար:

Մեծադեմքի այս նամատուլածյան տրամադրություններն ու բնութենապաշտ նականները, ինչպես արդեն նշեցինք, ներքին խոր ընդհանրություններով կապված են մեր եկեղեցական տաղերի, արևազալի երգերի, մեր շարականների ու տոնական մեղեդիների հետ, որոնց մեջ այնքան վսեմ գեղեցկությամբ արտահայտված է գարնան, լույսի, արևի, բնության բոլոր տարրերի, համայնական սիրո ու խաղաղության մեծ խորհուրդը։ Նույն ոգու անաղարտ արտահայտությունն են նաև Մեծարենցի բանաստեղծությունները, որոնք կարծես Շնորհալու շարականների մեջ դրսևորված սուրբ զգայությունների քնքշանքը, Նարեկացու տաղերի հորդարույն, արևալին պայծառ գույների

ներդաշնակ գեղեցկությունն են լերում մեզ։ Այս իմաստով էլ Մեծարենցը որպես բանաստեղծ, հարազատ ծնունդի և Հայաստանյայց եկեղեցու, և նրա ստեղծագործությունները, մեծ չափով, նրան են պարտական մեզ այնքան առիճնող իրենց հայեցի բույրն ու քաղցրությունը։ Ու մենք համոզված ենք, որ Մեծարենցի տաղերի ներշնչող ուժը երբեք չի թուլանա մեր ժողովրդի մեջ, ևս կմնա մեր նոր քնարերգության անմահ անունների կողքին այնքան ժամանակ, որ հայ եկեղեցին իր խորհրդով ու ավանդություններով, իր հոգևոր ժառանգությամբ, որպես հայ հոգու հարազատ պատկերը, շարունակի ճառագայթել ու կայծկլտալ յուրաքանչյուր հայի սրտում։





Ս. ԱՆԹՈՍԱՆՆ

(Բանասիրական գիտությունների թեկնածու)

ՀԱՅ ՄՇԱԿՈՒՅԹԸ ԵՎ ՆՐԱ ՀԱՄԱՇԽԱՐՀԱՅԻՆ ՆՇԱՆԱԿՈՒԹՅՈՒՆԸ¹

«Թեպետ և եմք անու փոքր և թուով
յով ընդ փոքու սահմաննայ և զօրու-
թեամբ տկար և ընդ այլով յով անգամ
նուանեալ յազատութեամբ, սակայն
բազում գործք արութեան զտանին գոր-
ծեալ և ի մերում աշխարհիս և արժանի
գրոյ յիշատակի»:

Մ. ԽՈՐԵՆԱՅԻ

Բնական է, որ ամեն մի ժողովուրդ ստեղծել է և շարունակում է ստեղծել հոգևոր արժեքներ, որոնք նրա հոգեկան կառուցվածքի, ստեղծագործ ոգու ու հավաքական իմացականության դրսևորումներն են: Նույնքան բնական է, որ ժողովրդի զավակները ուսումնասիրեն, արժեքավորեն և այլ ժողովուրդների ծանոթացնեն նախնյաց մշակույթին:

Մշակույթ բառն, անշուշտ, ընդգրկում է հոգևոր արժեքների այն ամբողջականությունը, որ ստեղծում է որևէ ժողովուրդ, այն է՝ ճարտարապետություն, մատենագրություն, բանաստեղծական արվեստ, նկարչություն, երաժշտություն, պարարվեստ ևլն: Ներկա դասախոսության մեջ մենք կանգ կառնենք առաջին երեքի վրա, այն է՝ ճարտարապետություն, մատենագրություն և բանաստեղծական արվեստ, որոնք, մեր համոզմամբ, առավել՝ ամբողջական կերպով կարող են գաղափար տալ մեր ժողովրդի մշակույթի պատմական ու համաշխարհային արժեքների մասին:

Բազմաթիվ են օտար մտածողներ, որոնք իրենց հիացմունքն են հայտնել հայ ժողովրդի մասին: Նրանցից շատերը հապացույց իրենց վառ հայրենասիրության իրենց կենցաղում պահել են հայկական սովորություն-

ները, ընտանիքում պարտադրաբար խոսել հայոց լեզվով, որդեգրել հայազգի անուններ: Մենք կուզենայինք այստեղ մեջ բերել անգլիացի հանճարեղ բանաստեղծ Բայրոնի՝ մեր ժողովրդին տված գնահատանքի խոսքերը. «Գուցե դժվար կլիներ որևէ այլ ազգի տարեգրությունները գտնել ավելի նվազ արատավորված ոճի ու լեզվով, քան հայոց, որոնց առաքինությունները խաղաղասիրության արգասիք են, իսկ թերությունները՝ ճնշման հետևանք: Սակայն ինչպիսին էլ եղած լինի նրանց ճակատագիրը, — իսկ դա անցյալում դառն է եղել, — ինչպիսին էլ լինի նա ապագայի մեջ, նրանց երկիրը հավետ պիտի մնա որպես աշխարհի ամենահետաքրքրական երկրներից մեկը»²: Ազատասիրության մեծ ասպետը անհուճորեն սիրեց մեր ժողովրդին, Մխիթարյան հայրերի մոտ սովորեց հայոց լեզուն այն աստիճան, որ նույնիսկ բառարան ու հայերեն լեզվով քերականություն գրեց: Հանճարեղ բանաս-

¹ Արտատարմանական դատախազություն՝ կարդացված հոգևոր ճեմարանի ուսանողության համար:

² Byron's letters and Journals, 1924, էջ 125—127: Տե՛ս ևս Դաշտենցի «Բայրոնը և հայերը» զրբոյկը, Նքեան, 1959:

տեղծի կենսագիրներից մեկը՝ Էրիզ Մաքելը, ճշտորեն նկատել է, որ հայրուհը «սիրում ու հարգում էր այն բոլոր ազգերին, որոնց սիրելի էր անկախության ոգին: Այս էր գուցե հայերի նկատմամբ ունեցած իր հիացմունքի բանալին, որովհետև նա գտավ նրանց մեջ մի ազգ, որին բնությունն ու ազգության կոյուստը չէր կարող աղավաղել կամ ղնկճել, սի ազգ, որ հակառակ իր պարտության՝ անաղարտ է պահել իր ավանդույթների վեհությունը և իր հին համոզմունքների գեղեցկությունը»¹:

Եվ իրոք, եթե համառոտակի բնութագրենք մեր ժողովրդի անցած պատմական ուղին, կտեսնենք, որ այն լի է ազատասիրական բռնկումներով և ամենամաղ օրերին իսկ ստեղծված մտավոր ու հոգևոր մշակույթի գոհարներով: Նույնիսկ հայերեն գրերի բացակայության պայմաններում հայ ազգի որդիները օտար լեզվով էին ստեղծագործում, իսկ մեր պատմահայր Մ. Խորենացու, Ագաթանգեղոսի և Գրիգոր Մագիստրոսի ժառողքեն մեզ ավանդած ժողովրդական ստեղծագործության պատահիկները իրենց արվեստով համահնչում են նույնիսկ մեր ժամանակի բանաստեղծական բարձր արվեստին:

«...Ընդ եղեգան փող ծուխ ելաներ,

Ընդ եղեգան փող բոց ելաներ,

Եւ ի բոցոյն վազեր խարտեաշ պատանեկիկ»

կամ՝ «...Ո՛ տայր ինձ գծուխ ճխանի

Եւ գառառտն Նառասարդի.

Զվազելն եղանց և զվարգելն եղջերուաց...»

Հայ ժողովրդի մշակույթի փառավոր էջը սկսվում է հատկապես 5-րդ դարում, երբ մեր նախնիները այն ժամանակվա քաղաքակիրթ ժողովուրդներին հավասար ստեղծում են իրենց սեփական գիրն ու գրականությունը: Հայտնի է, որ 4—5-րդ դարերում հայ ժողովուրդը երկրագնդի այս մասի 2 աշխարհակալ պետությունների կռվախնձորն էր: Հեռատես հոգիները կարողացան տեսնել, որ Արշակունիների կիսանկախ հարցստությունը շուտով կփչուզվի, և հայ ժողովուրդը կմատնվի հավիտենական կործանման: Հարկավոր էր կարծես հրաշք գործել:

Իմաստուններն ասում են, որ մեն մարդիկ ծնվում են հենց այն ժամանակ, երբ պատմությունը նրանց ոգեկոչում է, և ծնվում են, որպեսզի նոր լուսավոր մայրուղիներ բացեն իրենց ժողովրդի առաջ: Այդպես էր մեր

պատմության 5-րդ դարը, երբ հասարակ մի այր՝ Մաշտոց անունով, իր սուրբասուրբ աշով գրեց հայերեն 36 տառերը: Դարեր անցան, կողմանվեցին հայոց ամրասամուր բերդերը, ժողովուրդն անհետ կորցրեց իր քաջագործ հերոսների գերեզմանները, սակայն իր հիշողության մեջ պահեց միայն մեկ անուն, մեկ գերեզման՝ Մեսրոպ Մաշտոցի գերեզմանը Օշականում: Իզուր չէ, որ հայ բանաստեղծները Մաշտոցին համարում են երեսունվեց անաղիկ ամրոցների նարտարագետ: Սակայն Մաշտոցի գյուտի նշանակությունը շատ ավելի մեծ է, քան համանուն երեսույթ մեկ ուրիշ ժողովրդի համար: Խրդնդիրն այն է, որ հանճարեղ լուսավորիչը հարևան երկու քրիստոնյա եղբայրական ժողովուրդների հանդեպ տաժած հարգանքի ու սիրո շնորհիվ՝ նրանց համար ևս գրեթե ստեղծեց: Նկատի ունենալով, որ այս խնդիրը ինչպես անցյալում, այնպես էլ այժմ վեճեր է հարուցում, մախ խոսքը տանք Մաշտոցի աշակերտ ու կենսագիր Կորյունին: «Դարձյալ՝ մեջտեղում մի ժամանակ անցնելուց հետո, Քրիստոսի սիրելին մտածեց հոգ տանել նաև բարբարոսական կողմի համար: Եվ սկսեց տիրոջից իրեն շնորհվածի համեմատ նշանագրեր հորինել վրացերեն լեզվի համար: Գրեց, դասավորեց ու օրինավոր կերպով հարդարեց և իր աշակերտներից մի քանի լավագույններից հետո առաւ, վեր կացավ գնաց, իջավ Վրաց կողմերը... Եվ նա (Մեսրոպ Մաշտոցը—Ս. Ա.) իր արվեստն առաջարկելով՝ խրատեց, հորդորեց նրանց, և այն ժամանակ ամենքը հանձն առան նրա ուզածը կատարել»²:

«Այն ժամանակ եկավ, հանդիպեց նրան մի երեց մարդ, ազգով՝ աղվան, անունը՝ Բենիամին: Եվ նա (Մեսրոպ Մաշտոցը—Ս. Ա.) հարցրեց ու քննեց աղվաններն լեզվի բարբարոս խոսքերը, ապա վերուստ պարզեցված իր սովորական կորովամտությամբ նշանագրեր հորինեց և Քրիստոսի շնորհքի աջողությամբ՝ կշռադատեց, կարգավորեց, հաստատեց»³:

Այս ճշմարտությունն ընդունել են նաև օտար հայագետները: Գերմանացի խոշոր լեզվաբան ու հայագետ Հ. Մարկվարտը հատուկ ուսումնասիրություն է գրել Մեսրոպ Մաշտոցի և հայոց այբուբենի ծագման մասին, որտեղ, քննելով այն պայմանները, երբ գրեթե ստեղծվեցին, Մաշտոցին ու Սահակ Պարթևին ամհամեմատ բարձր է գնահա-

¹ Կորյուն, Վարդ Մաշտոցի, Նրևան, 1962, էջ 109—110, 114:

² Կորյուն, Վարդ Մաշտոցի, Նրևան, 1962, էջ 109—110, 114:

³ Mackey, Lord Byron at the Armenian Convent, Venice, 1870, էջ 40:

տում, քան իր հայրենի գրերի գյուտարարներին: Ահա նրա խոսքը. «Երբ մենք քննում ենք այն պայմանները, որոնց մեջ Մաշտոցն ու Սահակն իրենց մտքի ուժով հայ ժողովրդին եկեղեցական ու ազգային ինքնագիտակցության զարթոնքի հասցրին, և այս ամենը հասնեմատում ենք այն դանայան պարզի հետ, որը մերանկ Պիպինը, քաղաքական ու եկեղեցական իշխանության բոլոր միջոցներն իր ձեռքն ունենալով, ընծայեց գերմանական ժողովրդին, տեսնում ենք, որ Պիպինը և նրա զինակից Վինգիլդը ողորմելի թգուկներ են երևում մտքի այդ երկու հսկաների (Սահակի ու Մեսրոպի—Ս. Ա.) հանդեպ: Մի ժողովուրդ, որը ծնել է այսպիսի մարդիկ և նրանց մեծարում է որպես իր դյուցազնեոհի, քանի դեռ հետևում է նրանց օրինակին՝ երբեք չի ոչնչանա»⁴:

Այնուհետև Մարկվարտը, քննելով մաշտոցյան վրաց այբուբենի խնդիրը, գրում է. «Հենց այսպիսի մի հիմք է անկասկած դրսևելորում վրացիների հնագույն եկեղեցական այբուբենը, խուցուրին, որի մեջ մենք տեսնում ենք Մաշտոցի գյուտը»:

Ամեն ինչ ասված է պարզ ու մեկին:

Այսպիսով, հայոց գրերի գյուտը օգնեց ոչ միայն հայ ժողովրդին, այլև ընդհանրապես նպաստեց Անդրկովկասի գրավոր մշակույթի զարգացմանը:

Հասկանալի է, որ գրերի գյուտից անմիջապես հետո ստեղծվեց հայատառ գրականություն: Դեռևս Մ. Մաշտոցը հայրենիք վերադառնալիս՝ ասորերենին ու հունարենին հմուտ իր աշակերտների միջոցով մագաղաթի վրա արձանագրած բերեց Աստվածաշնչի մի հատվածի թարգմանությունը: Նա իր ժողովրդի բախտը և գոյատևումը կապեց լույսի, բանականության, իմացականության հետ: Այս տեսակետից ինչքան ներդաշնակ է նրա թարգմանած առաջին հայերեն նախադասության միտքը իր առաքելության ոգում. «Ժամայել զիմաստութիւն և զխրատ, իմանալ զքանս հանճարոյ... Ի միտ առնուլ զարդարութիւն ճշմարիտ և ուղիւ զիրաւունս»:

5-րդ դարի հենց միայն առաջին երեք տասնամյակում թարգմանվեցին ու գրվեցին տասնյակ գրքեր, որոնցից 41-ը մեզ է հասել. դրանց թվում են՝ Աստվածաշունչը, որ ֆրանսիացի բանասեր Լակրոզը «Թագուհի թարգմանութեանց» անվանեց, Ոսկեբերանի՝ Հովհաննու մեկնության Ա—ԺԳ ճառերը,

Եվսեբիոս Կեսարացու «Քրոնիկոնը», ինչպես նաև հայ հեղինակներ Ագաթանգեղոսի ու Բուզանդի «Հայոց պատմությունը», Կորյունի «Վարք Մաշտոցի» երկը և Եզնիկ փիլիսոփայի «Եղծ աղանդոց» իմաստասիրական աշխատությունը:

Նշենք, որ մեր ուսումնասեր ու իմաստասեր նախնիների շնորհիվ հին աշխարհի մտքի զանձերը պահպանվեցին հայերեն թարգմանությամբ: Այսպես՝ Եվսեբիոս Կեսարացու «Քրոնիկոն» արժեքավոր երկի հունարեն օրինակը կորած է. և ահա 1787 թ. Պալատեցի Գևորգ Դպիրը Շամախիում գրտալ 5-րդ դարում նրա հայերեն թարգմանված օրինակը: Բազմահմուտ գիտնական Հ. Մկրտիչ Ավգերյանի ջանքերով 1818 թ. «Քրոնիկոնը» վեցնտիկում, Սուրբ Դազար կղզում թարգմանվում է լատիներեն, իսկ շուտով այն թարգմանվում է եվրոպական գիտավոր լեզուներով՝ փառավորելով հայ մշակույթն ու հայ ժողովրդին:

Հին աշխարհի գրավոր մշակույթից միայն հայերեն թարգմանությամբ պահպանված գործերից են նաև Զեմոն Ստոիկի «Յաղագս բնութեան» ուսումնասիրությունը, Թևոն Ա. լեքսանդրացու ճարտասանական երկը, Փիլոն Եբրայեցու փիլիսոփայական, մեկնողական երկասիրությունները ևն, ևն:

Պակաս արգասավոր չեղավ նաև 5-րդ դարի երկրորդ կեսը. այս շրջանում հանդես եկան հայ մատենագիրներ Ղ. Փարպեցին ու Մ. Խորենացին, ինչպես նաև Եղիշեն: Նշենք, որ առավելապես այս շրջանի հեղինակների գործերը եվրոպական բոլոր գրավոր լեզուներով տասնյակ հրատարակություններ ունեն: Հասկանալի է, որ Արևելքի պատմությամբ զրադվող բանասերի համար ժամանակի հայ պատմիչները անգնահատելի սկզբնաղբյուրներ են: Մյուս կողմից՝ այդ երկերը մեծ հետաքրքրություն են ներկայացնում նաև մարդկային խոսքի բանաստեղծական ձևավորման և շատ այլ տեսականներից:

5-րդ դարի հայ գրականության մեջ գեղարվեստական խոսքի իմաստով իր ժամանակից շատ բարձր է կանգնած Եղիշեն, որը, Մարկվարտի ճիշտ բնութագրմամբ, ավելի մեծ է, քան իր ժամանակի այլագրի հեղինակները: Սակայն հեղինակն ավելի գեղեցիկ է ձևակերպել, ուստի խոսքը տանք նրան. «Միջնադարյան ո՞ր ժողովուրդը կըկարողանա պարծենալ, թե երբևիցե կարողացել է իր սեփական լեզվով կամ թեկուզ միայն բախտավոր լատիներենով հրապարակ հանել Վարդանի և իր ընկերների դյուցազնամարտի այնպիսի մի նկարագրություն, ինչպիսին է Եղիշե վարդապետի նը-

⁴ Jos. Marquart, Über den Ursprung des Armenischen Alphabets in Verbindung mit der Biographie des heil. Mesrop. 1911—1912 թթ.: Տե՛ս «Միտոսոյ Մաշտոցաբարձումը, Երևան, 1962:

կարագրածը» (տե՛ս Մարկվարտի վերոհիշյալ աշխատությունը. «Մեսրոպ Մաշտոց» ժողովածու, էջ 127): Եվ իրոք, այսօր իսկ, ելլե՛ք բանաստեղծական ներքին խոսք լսելու պահանջ ենք զգում, Եղիշեն լիուկի կարող է գոհացում տալ մեզ: Փորձենք արտասանել լեկուզ նրա «Տիկնայք փափկասունը» ոսկեբառ հատվածը. «Անարիմ հիպոանց մամեցին, որ երգոյն քաղցրութեամբ առանց կերակրանաց կեան, կենդանի են միայն զօղոն ծծելով՝ զանմարմնոցն քերեն զմահություն»: Եղիշեի այս գործի շատ մատվածներ, անտարակույս, կարող են դըրվել մարդկային խոսքի հանճարեղ վարպետների երկերի կողքին:

5-րդ դարի հայ գրականությունն իր լեզվական հարստությամբ ու կատարելությամբ և գեղարվեստական խոսքի վարպետությամբ մարդկային մտքի մի զարմանահրաշ արտահայտություն է: Իրականում 5-րդ դարի հայ գրականությունը բանավոր ստեղծագործության հազարավյա ավանդույթ ունեցող քաղաքակիրթ մի ժողովրդի ստեղծագործ ոգու դրսևորումն է՝ անհատ հանճարների գրչի տակ հղկված, հարստացած, առնականացած:

Հետագա դարերում ևս հայ ժողովուրդն ստեղծեց մշակույթի շատ ստեղծագործություններ՝ Սեբեոս, Ղևոնդ, Երեց, Թովմա Արծրունի, Ասողիկ, Դրասխանակերտցի և ուրիշներ, որոնք նույնպես յարգմանված են եվրոպական լեզուներով: Սակայն այս բոլորի մեջ առանձնակի ուշադրության արժանի է 7-րդ դարի մաթեմատիկոս Անանիա Շիրակացին, որը հայոց լեզվով կարդաց թվերի աշխարհի և տիեզերքի խորախորհուրդ գաղտնիքները: Շիրակացին, անկասկած, մեծ նպաստ ունի երկրագնդի այս մասում թվաբանական գիտության զարգացման խնդրում:

Ահա և 10-րդ դարը, ինչպես ընդունված է ասել, հայոց վաղ վերածննդի դարաշրջանը: Մեր առաջ կանգնած է հսկայակերպ Նարեկացին, որը օտարազգի բանասերների իսկ գնահատությամբ տիտանականորեն մեծ է և մարդկայնորեն՝ նույնիսկ անըմբռնելի: Սխալ արած չէինք լինի, եթե ասենք, որ հայազգի այս տիտանն իր ստեղծագործություններում շնչում է այն նույն օդը, ինչ որ մոտ երեք դար հետո ավելի համարձակ ու ընդհանուր ձևով պիտի արտահայտվեր եվրոպական վերածննդի հսկաների մոտ:

Ռուս մեծատաղանդ բանաստեղծ ու քանդակիչ Վալերի Բրյուսովը գտնում է, որ Նարեկացին բանաստեղծական ձևը բարձր կատարելության հասցրեց՝ մշակելով նրա հնչելությունը շատ ավելի առաջ, քան այն կծաղ-

կեր պարսկական և արաբական քնարերգության մեջ: Այս տեսակետից նա Նարեկացուն համարում է միջնադարյան «սրբազան» քնարերգությունն իրականացնող հեղինակ: Սովորաբար ընդունված է ասել, որ, եթե Նարեկացին վրձնի վարպետ լիներ, նրա կտավները ոչնչով պակաս չէին լինի վերածննդյան իտալական նկարիչների կտավներից: Եվ իրոք, մի՞թե Ռաֆայելի ու Դավինչիի «մադոնաները» շատ ավելի մեծ արվեստով են նկարված, քան այն երգել է Նարեկացին իր «Ծննդյան մեղեդի» տաղի մեջ.

«Աչքն ծով ի ծով ծիծաղախիտ
Ծաւալանայր յառաւօտուն,

Երկու փայլակնաձև արեգակն հման.

Ծողոն ի ժմին իջեալ յառաւօտ լոյս

...Բերանն երկթերթի, վարդն ի շրթանց

կաթեր,

Լեզուին շարժուլին քաղցր երգանայր տա-

փղն—

...Վարսիցն երամից զարդ՝ երամից զարդ

Ոլորս են առեալ եռահիսակն քոլորեալ

այտիք.

Ծոցն լուսափայլ, կարմիր վարդով լըցեալ,

Ծղիքն ծիրանի մանուշակի հողլ»:

Մենք բախում ենք արդեն միջնադարյան հայ տաղերգության ոսկե դոները: Վալերի Բրյուսովը միջնադարյան հայ քնարերգությունը համարել է հայ ժողովրդի բանաստեղծական արվեստի առավել ինքնուրույն և բարձրագույն ստեղծագործությունը: Քրքնելով այն հարցը, թե արդյոք հայ բանաստեղծական արվեստը ի՞նչ չափով է ազդվել արևելյան բանաստեղծական արվեստից, նա նրբորեն դիտում է, որ դեռ Նարեկացու ստեղծագործության մեջ և նրանից էլ առաջ հայ բանաստեղծական միտքն օգտագործել է դրսևորման այնպիսի ձևեր, որոնք արեվելյան բանաստեղծների մոտ շատ ավելի ուշ երևացին: Ահա ինչու նա գտնում է, որ Առաջավոր Ասիայի ամբողջ մշակութային աշխարհը, այդ թվում և հայերը, միատեղ աշխատեցին ստեղծելու այն ոճը, որը բնորոշ դարձավ ինչպես արաբների ու պար-

«Աչքերը հով ծավալվել են

Ծիծաղախիտ ծովի վրա առավոտյան՝

Երկու փայլակնաձև արեգակի նման,

Ինչպես շողոն է իջնում լույս առավոտից:

...Բերանն երկթերթի, վարդն էր շրթներից կաթում,

Լեզուն նման էր քաղցրամկազ տսվիդի:

...Վեղելի վարսերը, վեղելի վարսերը

Եռանդու բոլորել են այտերը:

Ծոցը լուսավառ, կարմիր վարդով լըլըն,

Դառաւօտեանը՝ ծիրանի մանուշակի վազներ»:

սիկների, այնպես էլ միջնադարյան հայ քնարերգության համար:

Մյուս կողմից՝ քննելով եվրոպական բանաստեղծական արվեստի հնարավոր ազդեցության խնդիրը, նա գրում է. «Միջնադարյան հայ քնարերգությունը գրեթե ոչ մի կախում չունի եվրոպական քնարերգությունից: Արդարև, ինչ կարող էր տալ քնարական ստեղծագործությանը 13—14-րդ դդ. արևմտաեվրոպական քնարերգությունը, որը դեռ նոր էր սաղմնավորվում բոլոր երկրներում՝ ներառյալ նաև առաջավոր Իտալիան»⁷:

Եվ իրոք, ազդեցությունների խնդիրը քարոզ է: Մի բան պարզ է. քարերար որևէ ազդեցություն չի կարող արվեստի ստեղծագործության պտուղներ տալ այնտեղ, ուր պարարտ հող ու հունդ չկա: Իրականում միջնադարյան հայ բանաստեղծությունը համաշխարհային պատմության մեջ հայ ժողովրդի ստեղծագործ ոգու մեկ դրսևորումն է, քարձր՝ իր բովանդակությամբ և գերազանց՝ իր արտահայտչական ձևերով: Այդ մեզ համար բոլորովին զարմանալի չէ, քանի որ մեր նախնիների, հատկապես Գողթն գավառի երգիչների ստեղծագործությունները, ինչպես կարելի է դատել մեզ հասած հատուկտոր պատահիկներից, իրական ստեղծագործ ոգու արտահայտություններ են: Ահա այդ ստեղծագործ ոգին է, որ դարերի ընթացքում պահպանվեց մեր ժողովրդի մեջ, ավանդվեց սերնդից սերունդ և նոր ժամանակներում, ինչպես գրում է Վ. Բրյուսովը, փայլատակեց ծիածանի բոլոր 7 երվինբրանգներով, շողաց բոլոր թանկագին քարերի փայլով:

Կարող է հարց առաջանալ. ի՞նչ իրական կապ կա մեր նախնյաց բանահյուսության և միջնադարյան հայ քնարերգության միջև: Կպատասխանենք. այդ կապը դարեր շարունակ պահպանվեց հոգևոր երգերի, մասնավորապես շարականների միջոցով, որոնք դարեր շարունակ վառ պահեցին հայ ժողովրդի բանաստեղծական ոգին ու երևակայությունը: Պատահական չէ, որ Վ. Բրյուսովը հայ եկեղեցական բանաստեղծությունը դիտում է իբրև մի տաճար, որ իր մեջ պահած ունի շատ իրական բանաստեղծներ, որոնց հիմները շնչում են նույն այն ոգևորությունը, ինչ որ հունական և հռոմեական լավագույն մոտիվները, սակայն հայկականներն իրենց կիրառած գեղարվեստական միջոցների նրբագզացողությամբ մոտենում են ար-

դեն նոր ժամանակների բանաստեղծություններին, ընդհուպ մինչև Վեդենի ներշնչումը: Այժմ համառոտակի քննենք մեր միջնադարյան տաղերգուների ստեղծագործությունները: Արտաքինից թվում է, թե բոլորն էլ ոգևորության նույն աղբյուրն ունեն. երգում են սոխակ ու վարդ՝ այլաբանելով աշխարհիկ սեր: Իրականում մեր հեղինակներից ամեն մեկն ունի իր աշխարհը: Ահա Ֆրիկը, որը դեռևս 14-րդ դարում բողոքում է ճակատագրի, հասարակական անարդար կառուցվածքի դեմ: Ֆրիկն, անշուշտ, մեծ պատմության այն ժամանակներում լայնորեն դրսևորված ժողովրդի արդար ըմբոստության արտահայտությունն է.

Մէկն ի պապանց պարոնորդի,
Մէկն ի հարանց մուրող լինի.
Մէկին՝ հազար ձի և ջորի,
Մէկին՝ ո՛չ ուլ մի, ո՛չ մաքի....
Մէկին՝ հարամըն յաջողի
Մէկին՝ հալալն կորուսի....

Ահա Կոստանդին Երզնկացին, որի «Գարուն» ծավալուն բանաստեղծությունը Վ. Բրյուսովի գնահատությամբ լի է հեթանոսական շնչով: «Իր ուժով, լեզվական ու բանաստեղծական ավյուրով,—գրում է Բրյուսովը,—այդ բանաստեղծությունը կարող է մաս կազմել այն դարաշրջանի Արևմտյան Եվրոպայի ցանկացած գրականության. նույնիսկ Եվրոպան ոչինչ չունի նրան հակադրելու»⁸: Հեղինակի կարծիքով Կոստանդին Երզնկացին Եվրոպայի Վերածննդի մի արտահայտությունն է հեռավոր Հայաստան լեռնաշխարհում: Անվիճելի է, որ Կոստանդին Երզնկացու ստեղծագործությունը մեծապես ազդեց 14—17-րդ դդ. հայ բանաստեղծների վրա:

Նույն հեղինակի կարծիքով Հովհաննես Թլկուրացու արվեստը իր մեջ թաքցրած ունի այնպիսի խորը զգացմունքներ, որոնք միայն 20-րդ դարում լայնորեն մատչելի դարձան բանաստեղծական արվեստին: Վստահորեն կարելի է ասել, որ Թլկուրացին 2—3 դարով առաջ է ընկած իր ժամանակից: Վ. Բրյուսովը գտնում է, որ ո՛չ Պետրարկայի սոնետներում, ո՛չ էլ Ռոնսարի սիրային երգերում չկան իրական զգացմունքի այնպիսի բացականչություններ, ինչ որ Թլկուրացու մոտ, որը նրանցից մի ամբողջ հարյուրամյակ առաջ է ապրել:

Յանկարծակի մէկ մի տեսալ որ կու ցողայր գոյն երեսն.
Թալցոյ անկիայ ի տեղեանէն. շալայր կաթիլ լոյսն ի վզէն.

⁷В. Брюсов, Поэзия Армении, Москва, 1916, էջ 42: Վ. Բրյուսովից բխում մյուս բոլոր մեջբերումները սույն գլխից են:

⁸ Վ. Բրյուսով, Գիտելիշյալ աշխատությունը, էջ 50:

Աչքերն է ծուլ, ունքն է թուխ ամպ, մազն է
դեղձան ոսկի թելէն.
Զինքն ճոճար՝ գէտ գոռի ճեղ, հրով այ-
րէր գերկիր ամէն:

Ահա և Քուչակը, որի ստեղծագործու-
թյունները հայ քնարերգության շողշողուն
մարգարիտներն են: Միջնադարի բոլոր մյուս
ստղերգուների մեջ իսկ նա առանձնանում
է իր բանաստեղծական անմիջականությամբ
և ժողովրդականությամբ: Արվեստակյալ ոչ
մի քառյակ իսկ չի կարելի ցույց տալ նրա
ամբողջ ստեղծագործության մեջ:

Ամեն մի ստեղծագործողի համար գերկա-
տար երանելություն է ձուլվել ժողովրդին,
նույնանալ նրա ստեղծագործության հետ:
Քուչակն այդ փառքին հասավ՝ դարեր հետո
առեղծված դառնալով գիտնականների հա-
մար իր անձնավորությամբ և ստեղծագոր-
ծությամբ. այն աստիճան, որ նրան հավա-
րեցին ժողովրդական երգ ու բանի հավա-
քող: Մինչդեռ քառյակներն ուշադիր ու-
սումնասիրողը նրանցում կգտնի անհայտ
հանճարի ստեղծագործության շունչը.

«Ես աչք՝ ու դու լուս, հոգի՝, առանց լուս՝
աչքն խաւարի,
Ես ձուկ՝ ու դու ջուր, հոգի՝, առանց ջուր՝
ձուկն մեռանի:
Երբ ձուկն ի ջրէն հանեն, ջուր մըն ալ
ձգեն նա, ապրի.
Երբ գիս ի քէնէ զատեն, քանց մեռնիլ այլ
նար չի լինի»:

Եվ կամ՝

«Այս աստնվորիս վերայ, դու մատնի, ես
ակն ի վերայ.
Դոր որ պաղ աղբիւր մի կայ, դու կանաչ,
ես ցողն ի վերայ.
Խնձոր ես ծառի ճղին, ես կանանչ թփիկ
ի վերայ.
Վախեն թե աշունն գայ, գըեզ քաղեն,
թուփս չորանայ»:

Հայ մեծատաղանդ բանասեր Արշակ Զո-
պանյանը, Քուչակին համեմատելով պար-
սից բանաստեղծներ Սաադու, Հաֆիզի և
Օմար Խայամի հետ, իրավացիորեն գտնում
է, որ վերջիններս արքունի բանաստեղծներ
էին, մինչդեռ Քուչակը մոտ է հասարակ ժո-
ղովրդին. նա երգել է ոչ թե այս աշխարհի
հզորների համար, այլ հասարակաց հավա-
քություններում: Քուչակի միակ արքան, որին
գլուխ է խոնարհել, եղել է նրա հավիտենա-
կան կուռքը՝ սերը: Ահա ինչու Ա. Չոպան-
յանը՝ Ն. Քուչակին իրավացիորեն համեմա-
տում է նոր մամանակների մեծ բանաստեղծ-
նւթ Հայկնի և Վեպեկի հետ, լամի որ հա-
յագի բանաստեղծը դեռևս 16-րդ դարում

տվել է իրական բնարերգության նմուշներ՝
այս մտքի ներկա հասկացությամբ. ամ-
հատական և ազատ բանաստեղծություն,
որն իր առաջ դնում է միայն մեկ նպատակ՝
արտահայտել տվյալ պահին բանաստեղծին
պատած հուզաշխարհը:

Վ. Բրյուսովը, քննության առնելով Զո-
պանյանի այս մտածումները, բացականչում
է՝ это срабедство—այդպիսացի է:

Միջնադարյան հայ բանաստեղծական
արվեստի գլուխ-գործոց է Սայաթ-Նովան:
Այսօր էլ մեզ համար հանելուկ է, թե ինչպես
նա իր հանճարի ուժով աշուղական արվես-
տը բարձրացրեց անհասանելի բարձունքնե-
րի՝ առաջինը ապացուցելով, թե ինչ հզոր
ուժ կա թաքնված ժողովրդի բանաստեղծի
ձայնի մեջ: Իր հանճարի ուժով նա ապացու-
ցեց, որ Քուչակից հետո հայ բանաստեղծա-
կան ոգին ոչ միայն չի խամրել, այլև ան-
համեմատ կատարելագործվել է:

«Յա՛ր, մըտիլ իս բաղչի մեչքն, աջսդիբ
սեյրան իս անուլ.

Շուխլըդ արեգակի նման է՝ տեսնողին
հեյրան իս անուլ.

....«Շուխլըտ աշխարքս բրոնիլ է՝ արե-
գակի դեմըն փար իս.

Հոտով հիլ, միխակ, դարչին, վարթ, մա-
հիշակ, սուսանբար իս,

Կալմըլյագուն՝ դաշտի ծաղիկ, հուլտաց
շուշան իս ինձ ամա»:

Սայաթ-Նովան համակ սեր է, աշխարհին
կարոտ, աշխարհով ինչ: «Մեր վիթխարի Սա-
յաթ-Նովան,—գրում է Հ. Թումանյանը,—մի
հոյակապ սիրահար է, բռնված ու բռնկված
սիրտ հրդեհով, նրա լույսի տակ էլ նկատում
է աշխարքն ու իրերը, զգում է, որ էրվում,
վերջանում է ինքը, բայց մնում է արի ու քա-
րի, վեճ ու վսեմ, որպես աշխարքի ու մարդու
մեծ բարեկամ»:

Վ. Բրյուսովը, խոսելով Սայաթ-Նովայի
մասին, նրան անվանում է «նրբեղանգների
բանաստեղծ», որը դեռ մեկ դար առաջ իր
ստեղծագործություններում գործնականում
կիրառել է ավելի ուշ Վեպեկի կողմից ձևա-
կերպված հետևյալ արտահայտությունը.

Pas la couleur, rien que la nuance!

«Ոչ թե գույն, այլ միայն նրբերանգ»:

Այնուհետև՝ Վ. Բրյուսովը Սայաթ-Նովային
համարում է երկնքի պարզև, որն ողորկ-
վում է ոչ բոլորին և ոչ էլ՝ հաճախ: Մեր բա-
նաստեղծը «նախախնամության ընտրյալն
է, որը փառաբանում է իր դարն ու իր հայ-
րենիքը»:

Միջնադարյան հայ բանաստեղծությունը
կարելի է նմանեցնել մի հոյակապ տաճարի՝
մուտքին կանգնած է սիտաբական հույս-և-

կացից, իսկ ելքին՝ հանճարեղ Սայաթ-Նովան. համահանճար ստեղծագործողներ՝ իրենց բանաստեղծական անհատականությամբ:

Պատահական չէ, որ Վ. Բրյուսովը բացականշում է. «...Որպես բանաստեղծ, որպես արվեստագետ հայ բանաստեղծության մեջ ես տեսա ինձ համար նոր, մինչ այդ անծանոթ, գեղեցիկ մի նույնպիսի աշխարհ, որի մեջ փայլատակում ու շողշողում էին ամենահիրական գեղարվեստական ստեղծագործության բարձր դրսևորումները»: Բանաստեղծը ցավում է, հանդիմանում իրեն, թե ինչպես ավելի առաջ ինքն այդպես անտարբեր անցել է այդ աշխարհի մոտով:

Հայ ժողովրդի համար ստեղծված այդ աղետալի օրերին (1916 թ.) մեծ հոգու տեր բանաստեղծը գրում է. «...Հայերը առավել մեծ իրավունք ունեն ինչպես մեր, այնպես էլ աշխարհի ուշադրությանը արժանանալու. այն բարձր մշակույթը, որ հայ ժողովուրդը ստեղծել է իր ինքնուրույն գոյության ներկար դարերի ընթացքում և այն բացառիկորեն հարուստ գրականությունը, որը Հայաստանի անգնահատելի լուսման է մարդկության ընդհանուր գանձարանում»: Նա իրավացիորեն գտնում է, որ ամեն մի կրթված մարդու համար հայ բանաստեղծությանը ծանոթանալը պարտադիր է (ընդգծումը իրենց է), ինչպես նրա համար պարտադիր է ծանոթ լինել հույն ողբերգակներին, Դանթեի «Աստվածային կատակերգությանը», Օեքսպիրի դրամաներին, Վ. Հյուգոյի պոեմներին:

Եթե այսօր հարց տրվի, թե ի՞նչն է Հայաստանում առավել շատ հետաքրքրում օտարերկրյա զբոսաշրջիկներին, անվարան կարելի է պատասխանել՝ հայ ճարտարապետությունը: Հայտնի ամերիկացի արվեստագետ Ռոքուել Քենտը գրում է. «Երևանի Լեոնին հրապարակը ճարտարապետական գլուխ-գործոց է համաշխարհային չափանիշով: Եթե հազար բժախնդիր մասնագետ այսօր կազմելու լինեն աշխարհի յոթ հրաշալի հրապարակների ցուցակը, ապա երեկանյաը կմտնի դրա մեջ»: Հեղինակն իրավացիորեն հրապարակի ճարտարապետական ձևավորման բարձրության գաղտնիքը գտնում է հայ ժողովրդի 3000-ամյա կառուցողական վարպետության ավանդույթների կիրառման մեջ: Հայաստան աշխարհը, հիրավի, բացօթյա մի մեծ թանգարանի է նման, 3000-ից ավելի հնության կոթողներ գարդարում են այդ երկիրը:

Դեռևս Թ. Թորամանյանը խոսելով այդ մասին ասում է. «Են քավակլան չէի նույնիսկ ներկա Հայաստանի նույն վրա ջրված ամբողջ հին հուշարձանները հետազոտելու և

անոցն ճարտարապետությունն ուսումնասիրելու»:

Հայաստանում գրեթե չկա մի շրջան, աշխարհագրական մի անկյուն, ուր ճարտարապետական մեկ կամ մի քանի կոթողներ չլինեն:

Հայ ճարտարապետությունը, անտարակույս, հայ ստեղծագործ ոգու մի արտահայտություն է՝ քարե բանաստեղծություն կամ ավելի շուտ՝ քարի վրա դրոշմված բանաստեղծություն: Այդ ոգին այնքան հարազատ է հայ ժողովրդին, որ նույնիսկ իր դժբախտ օրը լալիս հայ մարդը իրեն համեմատում է ավերված տան հետ.

«Աիրտս նման է եմ փլած տներ,

Կտրեր գերաններ, խախտել է սկեր...»: Անցյալի մեր մատենագիրներն անհուն սիրով ու երախտագիտությամբ են գովաբանում շինարար արքաներին ու իշխաններին: Բերենք թեկուզ մեր պատմահոր Ուրազրած Երվանդակերտ քաղաքը, որը համեմատվում է մարդու դեմքի հետ և, ըստ երևույթի, միակը՝ համաշխարհային գրականության մեջ: «Ինձ քաղցր է պատմել նաև գեղեցիկ Երվանդակերտ դաստակերտի մասին, որ նույն Երվանդը շինեց գեղեցիկ և չքնաղ հորինվածքով: Որովհետև մեծ հովտի միջին մասը լցնում է բնակչությամբ և պայծառ շինություններով՝ լուսավոր, ինչպես աչքի բիթը. իսկ բնակության շուրջը կազմում է ծաղկանոցներ և բուրաստաններ՝ ինչպես բքի շուրջը աչքի մյուս բոլորակը: Իսկ այգիների բազմությունը նմանվում էր խիտ արտևանունքի գեղեցիկ գծին, որի հյուսիսային կամարածն դիրքը իսկապես համեմատվում էր գեղեցիկ կույսերի հոնքերի հետ: Իսկ հարավային կողմից՝ հարթ դաշտերը [հիշեցնում էին] ծնոտների գեղեցիկ ողորկությունը: Իսկ գետն իր երկու ափերի բարձրություններով նման էր մի բերանի՝ իր երկու շրթունքներով: Եվ այս գեղեցիկ դիրքը կարծես անթարթ հայացքն ուղղել է թագավորանիստ բարձրավանդակի վրա»:

Թ. Թորամանյանը հայ ճարտարապետության մոտ 2000-ամյա հասակը (մ. թ. ա. 5-րդ դարից սկսած մինչև 15-րդ դարում նրա անկումը) շրջանաբաժանում է չորս վերածնունդների: Առաջին վերածնունդը երկարում է մինչև մեր թվականության 5-րդ դարը: Այս շրջանի կառույցներից ամենաշահնավորներն են, բացի մեր պատմիչների վկայած կառույցներից, Տեկորի տաճարը,

⁹ Թ. Թորամանյան, Հայկական ճարտարապետություն, Երևան, 1942, էջ 53: Հետագու րպր մեջբերումները արված են Թորամանյանի այս գրքից:

Գառնիի հեթանոսական տաճարն ու սուրբ Էջմիածինը: Դժբախտաբար առաջին երկուսը ավերակ, իսկ երկրորդը՝ այսօր էլ ամենացեղանի հիացմունք պատճառող:

Հայ ճարտարապետության «ուկեղարը» 7-րդ դարն է, երբ Հայաստան աշխարհում ստեղծվեցին այնպիսի մեծագործ հուշարձաններ, որոնք հետագայում իսկ շատ բանով չկրկնվեցին: Այս շրջանի սքանչագործություններից են Մաստարայի եկեղեցին, Օձունը, Գալանեն, Հոփսիսմեն և հատկապես Ջվարթնոցը: Հայտնի է, որ բյուզանդական կայսր Հուստինիանոսը ի բավարարումն իր փառասիրության կառուցել տվեց Կոստանդնուպոլսի Սուրբ Սոֆիա տաճարը, որը աշխարհի հրաշալիքներից մեկն է համարվում: «Ս. Սոֆիայի կանգնումեն դար մը հետո Հայաստանի սրտին վրա կանգնվեր է Ջվարթնոց եկեղեցի մը, որուն հանճարեղ կազմությունը դարձյալ կոչված է ընդմիշտ զարմացնելու արվեստագիտական աշխարհը», — գրում է Թորամանյանը (անդ, էջ 73):

Մովսես Կաղանկատվացի պատմիչն ասում է, որ բյուզանդական Կոստանդինոս կայսրը, որը նյութապես օգնել էր Ջվարթնոցի կառուցմանը, եկեղեցու օժման հանդեսին ներկա լինելով, հիացած՝ Բյուզանդիա է հրավիրում հայ ճարտարապետներին, որպեսզի ի հեճուկս Հուստինիանոս կայսեր, կայսերական քաղաքում կառուցի Նոր Ջվարթնոց, ըստ երևույթին, Սուրբ Սոֆիայից գերազանց մի հույակերտ տաճար, մի բան, որ նրա վերահաս մահվան պատճառով չի իրականացնում: Թե իր ժամանակի համար ինչպիսի սքանչագործություն էր Ջվարթնոցը, այդ կարելի է իմանալ նույնիսկ մեր օրերի հետևյալ դեպքից. երբ Թ. Թորամանյանը իր տաղանդի երևակայության ուժով ճշտագույնս չափագրեց ու վերականգնեց Ջվարթնոցի նախնական տեսքը, մասնագետները թերահավատ գտնվեցին՝ չհավատալով, որ այդքան հույաշեն է եղել այդ եկեղեցին: Մինչդեռ հետագա հայտնագործումները հաստատեցին, որ Թորամանյանը միանգամայն ճիշտ էր: Ջվարթնոցի գրեթե կրկնօրինակումներն են Անիի Գազկաշեն Ս. Գրիգոր և Բանայի եկեղեցին: Թորամանյանի կարծիքով «Հայ ճարտարապետության գոհարներից մեկը» ևս, Հովվի եկեղեցին, կառուցված է Ջվարթնոցի նմանողությամբ, նրա «մանրանկարով»: Իրավացի է Թորամանյանը, երբ, համեմատելով հայ ճարտարապետությունը բյուզանդականի հետ, գրում է. «Հայաստանը, որ Բյուզանդիայի վաթուույցուրս մանանկներեն մեկն էր միայն.... եթե ոչ ծավալով կամ բանական, այնուամենայնիվ ավելի բարձր կանգնեց իր որակով որոշ

կետերի մեջ՝ հակառակ իր փոքրության և անտեսական հաճատ վիճակին» (անդ, էջ 48):

Հնում՝ ընդունված մի իմաստում արտահայտություն կար. գիտությունը և արվեստները ծաղկում են խաղաղության պայմաններում, ուստի խաղաղությունը գիտության և արվեստների մայրն է: 10-րդ դարում վերստին ծաղկում է հայ ճարտարապետությունը: Այս անգամ արդեն Ծիրակը, Անին ու Վասպուրականն են զարդարվում բարձրարվեստ կոթողներով: Այս շրջանի հրաշակերտություններից են Տաթևը, Անիի մայր տաճարը և Աղթամարի քանդակալերտ հույակապ եկեղեցին:

Այս արդեն հայ ճարտարապետության 9-րդ վերածնունդն է (10—11-րդ դդ.), սակայն նախորդների համեմատությամբ այն առավելությամբ, որ աշխարհիկ կառույցներ են կերտվում: Թորամանյանը վկայում է, որ մեր օրերում իսկ ջրի մեջ՝ 3—4 մետր խորությամբ, հետաքրքրասերները կարող են նկատել Գազիկ Արծրունի թագավորի կառուցած նավահանգստի պարիսպների մնացորդները՝ վաճառ ծովում: Թուլմա Արծրունին մանրամասն և հիացական խոսքերով նկարագրելով այդ կառույցը, գրում է. «Ջմաւն ինչ ծովուն ի կղզին կոյս հատանելով՝ հրաշալիս իմն ներգործեաց, բազում նաւաք յօրինեալ յաղաղ և անցոյթ նաւահանգիստ, բարձրագոյն հրաշակերտեաց, քան զԱղեքսանդրին ի Մակեդովն քաղաքի, և որպէս ինձ թոյի՝ զանցոյց զարմանալեօք զՇամիրամեանս փորումաժոյ սենեկօքն և զամբարտակաւ գետոյն որ առ ստորոտով լերինն Վարազաւյ. գի նորայն գոնեա ի վերայ ցամաքի, իսկ սա ի մէջ խորոց ծովուս արունետակեալ՝ հարստահարէ զամենայն միտս և զգործս իմաստնոցն առ ի քան զինքն եղելոց»¹⁰:

Այդ բոլոր կառուցումներին ականատես պատմիչը հետևյալ կերպ է նկարագրել Ռոտանում Գազիկ Արծրունու կառուցել տված պալատը. «Ամրոցի զազաթը ծովահայաց է և հույժ վայելույ: Երբ, հուլմերից հուզված, ալեկոծվում է ծովը, նրա ծաղկաձև ալիքները գեղեցիկ, զմայլիչ են երևում, իսկ երբ որ քամուց ազատ է լինում, ամենքի աչքը գրավում է՝ դիտելու իր ծավալումը: Այդ պատճառով էլ արքան ձեռնարկեց նրա մեջ շինել պատկերակերպ ու պեւ-պեւ. զարդերով հարդարված հրաշալի ապարանքներ, սենյակներ ու փողոցներ: Պարուպեց նաև ծովալողը գորավոր վեներով, նրանց հիմքերը դնելով անչափ խորության մեջ, իսկ պարու-

¹⁰ Թ. Արծրունի, Պատմություն տանն Արծրունեաց.

11. Պետերբուրգ, 1887, էջ 294:

պի վերևում, ծովի դիմաց, կառուցեց մի ճեմատանիկ՝ ուժեղացրել և բազմապատկել հերկերով պաշտպանված, արեգակնամերս ճառագայթաձև՝ իր և իրեն արժանիների աչքի խողտանքի և սրտի թերկրության համար: Իսկ դռները կառուցեց կամարաձև, օդարեր, զովացուցիչ, միաժամանակ նաև լուսնացույց շողախաղաց, որոնց միջով արեգակը ծագելիս և մայր մտնելիս փայլատակելով ծովի վրա, իր շաղերն էր գցում դահլիճի սիրտը, և պատկերաբարակների ու բազմազան զարդարանքների գունալսաղն ու երվման փոխությունը հիացնում էր տեսողներին՝ պատմելու ամեն մի կարողությունից վեր»:

Ժամանակի պատմիչը մեզ ավանդել է նաև հանճարեղ ճարտարապետի անունը՝ Մանուկը. «ճարտարապետ արուեստին էր Մանուկը, ...այդ ի իմաստությունը և զօրաստ ի գործս իր»։ Ի դեպ, նշենք, որ Խումիցիայի՝ Արճեշի աշխարհահռչակ եկեղեցին ըստ ավանդության կառուցել է Մանուկ անունով մի ճարտարապետ, որը, ըստ երեւելույթին, հետախոր մի հուշ է հայազգի նույն Մանուկ ճարտարապետի մասին: Ժամանակի պատմիչ Ստ. Ասողիկը վկայում է, որ սելջուկների արշավանքի հետևանքով Աննեքերիմ Արծրունի թագավորը 1021 թ. հոծ զանգվածով անցել է Վասի կայսեր հովանավորության տակ: Թ. Թորամանյանը հավանական է համարում, որ Վասի Բ կայսեր զաղթեցրած հայերի մեջ գտնվեին նաև Հայաստանի Արճեշ զավառի բնակիչներ: Մյուս կողմից՝ համաշխարհային ճարտարապետության մեծ տեսարան Շուազի, նշելով ամբողջ Դանուբի հովիտում հայ ճարտարապետության ազդեցության մասին, մասնավորապես կանգ է առնում ռումինական Արճեշի հայկական ոճի խառնուրդի հարցի վրա:

Հարկ է նշել նաև, որ, ինչպես վկայում է ժամանակի պատմիչ Ստ. Ասողիկը, 989 թ. Ս. Սոֆիայի գմբեթը վերանորոգողը հայազգի հանճար Տրդատ ճարտարապետն էր, նույն ինքը Անիի կաթողիկեի ճարտարապետը:

12—14-րդ դդ. նոր վերածնունդ է ապրում հայ ճարտարապետությունը. այս շրջանի ճարտարապետական կոթողներն առավելապես կանգուն են մնացել. դրանցից են Սանահինն ու Հաղպատը, Հատիճավանքը, Սաղմոսավանքը, Գոշավանքը, Հաղարծիւնը, Կեչառիսը, Մարմաշենը և այլն:

Հիմնականում այս շրջանում են ձեռագործվում համաշխարհային հռչակ ստացած հայոց խաչքարերը, որոնք միայն, մասնագետների գնահատությամբ, բալական պիտի լինեին մի ամբողջ ժողովրդի ճարտարապետության համար:

13-րդ դարի գլուխ-գարծու է նաև Կեղարդի վիճակալու տաճարը կամ ինչպես անվանված է ասել՝ Այրիվանքը: Աշխարհիկ կառույցներից հպտելի են Սանահինի կամարը, Սելիմի քարվանսարան ու հռչակալուր Ամբերդը:

Թորամանյանը, գնահատելով այս շրջանը, գրում է. «4-րդ վերածնությունից մեզ ժառանգություն մնում են ոչ միայն շինարարական կատարելություններ, այլև ոճերու այնպիսի նշանակալից ու հանդուգն ձևակերպումներ, որոնց համար մենք միշտ հսկարտ պիտի լինենք» (անդ, էջ 54):

Հասկանալի է, որ ճարտարապետական կոթողներով սուրբան հարուստ մի երկիր չէր կարող վրիպել եվրոպացի մասնագետների ուշադրությունից: Մինչև 19-րդ դարը Հայաստան այցելած օտարերկրացիները՝ մասնագետ թե սիրող, ամենահակառակն կարծիքներ են արտահայտել հայ ճարտարապետության մասին: Սակայն 19-րդ դարի կեսերին հայ ճարտարապետության մասին հատուկ հողվածներ ու աշխատություններ են գրվում: Ֆրանսիացի ճարտարապետ Տերսինն մի քանի ամիս Հայաստանում շրջելուց հետո ի լուր աշխարհի հայտարարեց, որ պայտաձև աղեղները (fer à cheval) հայ ճարտարապետության սեփականությունն են:

Էլ ավելի խորը վերլուծումներ մենք գտնում ենք համաշխարհային ճարտարապետության հիմուն մասնագետ Շուազիի մոտ. նրա կարծիքով հայ ճարտարապետությունը Փոքր Ասիայով, Սև ծովի ափերով՝ Դանուբի վրայով հասել է մինչև Ֆրանսիա՝ մեծապես օժանդակելով 11-րդ դարում վերածնվող ռոմանական ոճին:

Հենց վերջերս գերմանացի ճարտարապետ Պաուլ Ֆրանկը, ռոմանական ճարտարապետության վրա ազդեցությունների խընդիրը քննելիս խոսքը մասնավորեցնելով Պիզայի հուշարձանների խմբին (մկրտարանը, կաթողիկեն, աշտարակը և գերեզմանատունը), գրում է. «Եթե աչքի առաջ ունենանք 7—10-րդ դարերի հայկական ճարտարապետությունը, ապա պարզ կլինի, որ հետագա դարերում կառուցված եվրոպական այնպիսի հուշարձաններ, ինչպիսիք են Կանտուի Գալիմոյի մկրտարանը՝ իր եռանկյունաձև խորշերով և երկրորդ հարկով և Բիելլայի մկրտարանը իր փոքր վերահարկով, իրոք որ պետք է համարել հայկական արվեստից փոխադրված կամ ուղղակի սերված կառույցներ»¹¹: Ծարտարապետություն-

¹¹ Տե՛ս «Սովետական արվեստ» հանդեսի 1987 թ. 2-րդ համարում Պաուլ Ֆրանկի հոդվածը:

իւից բիշ լսան հասկացող մարդն իսկ անմիջապէս կարող է նկատել, որ Պիզաւի միջրտարածք գրեթէ Թորամանյանի վերականգնած ձեռք մի Զվարթնոց է, կարծես, հայ ճարտարապետության մի կոթող:

Այնուհետև Շուազին, խոսելով հայ ճարտարապետության՝ Դանուբի հովտում թողած ազդեցության մասին, գրում է. «Դանուբի հովտի մեջ՝ Սերբիա, Ռումինիա, Մոլդավիա հայկական զարդաքանդակների հատկանիշն է, որ դրոշմված է մինչև այսօր... Բուրբուս դ'Արմեշի, Թեկովիցի, Տրակովի-րայի եկեղեցիների վրա չկա մի զարդաքանդակ, որ Հայաստանին չպատկանի: Զարդաքանդակների ճարտարապետության տեսակետից Դանուբի հովտը հայկական գաղթավայրի է նմանվում»:

Մեր մեծ վարպետ Մարտիրոս Սարյանն, անշուշտ, նման ստույգ փաստեր աչքի առաջ ունենալով է, որ ասում է. «Մարդու ստեղծարար հանճարի այս քարաստան երկրում փայլատակած ճառագայթներից տաքացել է նաև եվրոպան»:

Հարկ է նշել նաև, որ հայազգի ճարտարապետները մեծ ավանդ են ներդրել իսլամական արվեստի մեջ: Մուսուլմանական արվեստի գիտակ Միժոնի կարծիքով Գոնիայի Ալայեդդիյի հռչակավոր մզկիթը զարդարված է մեծ մասամբ հայկական զարդաքանդակներով, իսկ ներսը՝ հայկական ութանկյուն կաթողիկեի գմբեթներով կառուցված¹²: Հեղինակի կարծիքով մզկիթի ճարտարապետը հավանաբար մի դավանափոխ հայ է եղել: Մյուս կողմից՝ Գոնիայի ինքն միներալի մեդրեսե կոչված շինության վրա (1251 թ.) արձանագրված է Գալուստ անուհով մի դավանափոխ հայի անունը: Հայազգի ճարտարապետ Գալուստը կառուցել է Սերաստիայի մզկիթը, Թագավորը՝ Մալաթիայի մզկիթը և:

«Սելջուկյան շատ կառուցվածքների նույնիսկ հատակագծային ձևերում,—գրում է Ս. Մնացականյանը,—պարզ կերպով կարելի է տեսնել հայկական ճարտարապետության մեջ մշակված հորինվածքների ուղղակի ազդեցությունը, իսկ սելջուկյան դամբարաններ-

ըն ոչ այն ինչ են, քան հայկական եկեղեցիների գմբեթների պայծառ ընդօրինակումը»:

Թուրք ճարտարապետության պատմության մեջ հայտնի է հայազգի Սինանը, որը Պուստում կառուցել է մոտ 300 շենք, որոնցից 34-ը՝ պալատներ: Վերջապես, Պալան գերդաստանը, որոնք մոտ 9 դար (17—20-րդ դարի սկիզբը) Օսմանյան կայսրության արքունի ճարտարապետներն էին: Նրանք են զարդարել Պոլիսը իրենց ստեղծագործ երկվակայությամբ, նրանք կառուցեցին արքունական պալատները, որոնց մեջ և աշխարհահռչակ Տոլմապահչեն: Հայասեր այս գերդաստանի մի մեծ ներկայացուցիչ՝ Սարգիս րեյ Պալանի մասին դրվատանքով է խոսում նույնիսկ երգիծաբան Հ. Պարոնյանը: Հայտնի է, որ Սարգիս Պալանը միաժամանակ «Արաքսի արտասուքը» հայտնի բանաստեղծության երաժշտության հեղինակն է: Բոսֆորի եվրոպական ափին՝ Գուրու-Չեքմե կղզյակի վրա այսօր էլ կանգուն է նրա կառուցած ձեռակերտը:

Իր հարեցնիքում դարեր շարունակ ասպատակությունների ենթարկվող հայ ժողովուրդն աստիճանաբար գաղթում էր օտար երկրներ: Այսօր էլ ինչպես Բալկանյան երկրներում, այնպես էլ մեր մոլորակի շատ անկյուններում կարելի է ցույց տալ հայ հին ու նոր գաղթականությունների կառուցած ճարտարապետական կոթողներ:

Հայ ժողովրդի կառուցողական հանճարն իր ամենալայն դրսևորումները գտավ հատկապես Հայաստանի խորհրդանշանաբան հետո, և Հայաստան աշխարհը ծածկվեց ճարտարապետական նորակառույց կոթողներով: Դրանցից առավելապես նշանավոր են մայրաքաղաքի Լենինի անվան հրապարակի ճարտարապետական կառույցները, Երևանի օպերային թատրոնի շենքը, Մատենադարանի շենքը, ինչպես նաև բազմաթիվ նորակառույցներ:

Շրջանելով մեր պատմահոր հայտնի խոսքերը, որ մեջ ենք բերել որպես բնաբան, ամենայն իրավամբ կարող ենք ասել, որ հայ ժողովուրդը, հակառակ իր պատմական դառն ճակատագրին, իր անցած բազմադարյան ուղու վրա թողել է այսօր էլ աշխարհին հիացմունք պատճառող մտավոր ու հոգեկան մշակույթի գոհարներ և ընդօրինակելու աստիճան ուսանելի ճարտարապետական հուշարձաններ:

¹² G. Migeon, Manuel d'art musulman, tome II. Տե՛ս Թ. Թորամանյանի «Հայկական ճարտարապետություն» աշխատությունը, էջ 180:

¹⁴ Ավանդի հայ ճարտարապետության պատմության, Երևան, 1984, էջ 208:





ՀՈՎՀ. ՔԷՆ. ՄԱՐՈՒԹՅԱՆ

ԿՐՈՆԱԿԱՆ ԱՌԱՐԿԱՆԵՐԻ ԴՐՎԱԾՔԸ ԵՎ ԱՐՏԱԴԱՍԱՐԱՆԱԿԱՆ ԱՇԽԱՏԱՆՔՆԵՐԸ Ս. ԷԶՄԻԱՇՆԻ ՀՈԳԵՎՈՐ ԺԵՄԱՐԱՆՈՒՄ

Մանկավարժությունը սիշտ էլ զբաղվել է երեխաների դաստիարակության գործով: Յուրաքանչյուր դպրոց ունեցել է իր նպատակը և ըստ այնմ էլ հատուկ ծրագրով գիտելիքներ է հաղորդել աշակերտներին՝ տալով նրանց ընդհանուր և մասնագիտական կրթություն: Ինչպիսի ծրագրով կամ ինչպիսի թեքումով էլ, որ եղած լինեն դպրոցները, մանկավարժները ջանք չեն խնայել երեխային որպես մարդ դաստիարակելու, հոգեկան, մտավոր և մարմնական կարողությունների սահմաններում:

Հայ դպրոցի պատմության մեջ դաստիարակության հարցը ևս զբաղվել է հայ մանկավարժների ուշադրությունը՝ Մեսրոպ-Մաշտոցյան օրերից սկսած մինչև մեր օրերը:

Հոգևոր դպրոցների, ճեմարանների, ժառանգավորաց վարժարանների նպատակն է եղել եկեղեցու, հայ ժողովրդի համար պատրաստել զարգացած աշխարհիկ և հոգևոր մշակներ, որպեսզի նրանք իրենց թե՛ մտավոր և թե՛ հոգեկան բարեմասնություններով և կարողություններով օգտակար լինեն ժողովրդին:

Մեր այլ հոգևոր դպրոցների հետ այսօր էլ այդ դերը կատարում է ս. Էջմիածնի հոգևոր ճեմարանը, որը իր մեջ խտացնում է անցյալի մեր բոլոր դպրոցների նվաճումները և փորձերը:

Դաստիարակությունը լինում է ֆիզիկական, մտավոր և բարոյական:

Սեր նպատակը չէ այստեղ մեկ առ մեկ նշել վերոհիշյալ բաժինների կարևորությունը և դրանց դրվածքը հոգևոր ճեմարանում: Մենք կանգ կառնենք արտադասարանական մի քանի աշխատանքների վրա, որոնք նըպաստում են ճեմարանականների մտավոր, բարոյական դաստիարակությանը, գեղագիտական ճաշակի զարգացմանը և կնշենք նաև կրոնական առարկաների մասին:

Հոգևոր ճեմարանից ներս կատարված դաստիարակչական աշխատանքի մասին խոսելիս պետք է նկատի առնել, որ այստեղ ընդունվում են ո՛չ միայն տղայի քաղաքում ապրող երեխաներ, այլ հեռավոր քաղաքներից ու գաղթաշխարհից եկած հայ պատանիներ, որոնց հոգիները և մտքերը հայաբույր այս կամարների տակ տարիների ընթացքում լույս, ջերմություն, հավատքի կայծ են ստանում, հետագայում լուսավորելու և ջերմացնելու համար իրենց շրջապատի մարդկանց հոգիներն ու սրտերը: Ամեն մի պատանի, որ գալիս է իր մատաղ տարիները անցկացնելու ճեմարանի հարկի տակ, օրըստօրե աճում, զարգանում է՝ մի օր կոչվելու համար եկեղեցու և ժողովրդի ծառայության ծանր ու պատասխանատու աշխատանքներին: Սկզբնական օրերին հոգևոր



Հայոց լեզվի և գրականության քննություն

(Բ. լսարան, 1987 հունիս)

ճեմարանի տեսչությունը մեծ դժվարությունների առաջ է գտնվում, երբ տարբեր վայրերից և երկրներից ընդունված սաները իրենց սովորություններով, գիտելիքներով և հոգեբանությամբ ու տարիքային առանձնահատկություններով տարբեր են և նույնիսկ միմյանց ժխտող: Տարիների աշխատանքը, սակայն, նրանց դարձնում է միասիրտ և միակրոն, սոցիորված նույն պայծառ տեսիլքներով և աշխատանքային նվիրվածությամբ:

Ա. Էջմիածնի հոգևոր ճեմարանի նպատակը հոգևորական պատրաստելն է: Ըստ այնմ էլ դպրոցական ծրագիրը կազմված է այնպես, որ սաները խորը գիտելիքներ ձեռք բերեն հայագիտական առարկաների մեջ, լինեն գիտակ մեր պատմությանը, գրականությանը, լեզվին և մշակույթին: Բացի հայագիտական առարկաներից, հոգևոր ճեմարանի ուսումնական ծրագրի մեջ մեծ տեղ է գրավում կրոնական առարկաների դասավանդությունը, որպեսզի սաները զինվեն նաև կրոնական կայուն գիտելիքներով և լուսավորվեն Ավետարանի լույսով:

Ա. Էջմիածնի հոգևոր ճեմարանում ուսման տևողությունը վեց տարի է: Ժեմարանը կազմված է դասարանական և լսարանական բաժիններից: Ըստ այնմ էլ հոգ. ճեմարանի տեսչությունը կրոնական առարկաների դասաբաշխումը կատարել է վեց տարիների

վրա: Դասարանական երեք տարիների ընթացքում հոգ. ճեմարանի սաները յուրացնում են Հիմ կտակարանի, Նոր կտակարանի պատմության բովանդակությունը և ներանց ներածությունը: Երեք տարվա ընթացքում նրանք ծանոթանում են Աստվածաշնչին, որպես Աստծու քաջված գիտության աղբյուրի, բովանդակությանը, գրության թվականի, հեղինակի, լեզվի, բնագրի, նպատակի, արժեքի մասին: Բ և Գ դասարաններում հոգ. ճեմարանի սաները անցնում են քրիստոնեական և ծիսագիտություն, որտեղ ճերանք ստանում են գիտելիքներ՝ հավատքի և նրա բովանդակության, եկեղեցու յոթ խորհուրդների և նրանց պատմության մասին: Ընդհանուր ծանոթություն և գիտելիքներ է տրվում հայ եկեղեցու ծեսերի կատարման մասին՝ ժամերգությունների խորհուրդների, տոների և զանազան հոգևոր քարեպաշտական արարողությունների մասին:

Դասարանական բաժնում դասավանդվում է նաև հայ եկեղեցու պատմություն և եկեղեցական երաժշտություն: Առաջին և երկրորդ դասարաններում ուսանողները անցնում են հայ եկեղեցու համառոտ պատմությունը, իսկ Գ. դասարանում սկսվում է ամբողջական պատմության դասավանդումը:

Հուլ. ճեմարանի դասընթացքի լսարանում բաժնում ավելի շատ մասեր են հատկացվում մեր սաներին կրոնական գիտելիքներով զինելու համար:

Այստեղ շարունակվող կրոնական առարկաները երկուսն են՝ եկեղեցական երաժշտություն, որը շարունակվում է մինչև Գ լսարան և հայ եկեղեցու պատմություն, որը շարունակվում է մինչև Բ լսարան՝ իր մեջ ընդգրկելով մինչև մեր օրերի հայ եկեղեցու պատմությունը: Իսկ կրոնական մյուս դասավանդվող առարկաները սկսվում են միայն լսարանական բաժնում: Այս առարկաները կարելի է բաժանել երկու կարևոր խմբերի. ա. ընդհանուր քրիստոնեական, կրոնական և եկեղեցական գիտելիքներ հաղորդող առարկաներ (Ավետարանի մեկնություն, Մեկնություն ա. Գրոց, ընդհանուր եկեղեցու պատմություն, Քարոզխոսություն): բ. Զուտ հայ եկեղեցու դավանանքի, պատմության, իրավունքի, տոմարի, մատենագրության

շուրջ խորը գիտելիքներ տվող առարկաներ (Աստվածաբանություն, Հայոց եկեղեցի, Հայ եկեղեցական իրավունք, Տոմարակալություն, Հայ եկեղեցու մատենագրություն):

Մեր սաները արդեն պարտավոր են հասկանալ ս. Գիրքը ըստ էության, և իրենց համար հստակ պետք է լինի ընդհանուր եկեղեցու անցած ուղին, մեր և քույր եկեղեցիների փոխհարաբերությունը: Նրանց հաղորդվող տեսական, մեկնողական, եկեղեցագիտական, մատենագրական, պատմական, կրոնական գիտելիքները նրանց դարձնում են հոգևոր ասպարեզում ընդգրկվելու համար պատրաստ անձնավորություններ: Մեղում է նրանց՝ հետագայում ինքնաշխատությամբ և ընթերցանությամբ իրենց կրոնական գիտելիքները խորացնելու և ճոխացնելու աշխատանքը: Այստեղ ներկայացնում ենք հոգ. ճեմարանում ըստ դասարանների դասավանդվող կրոնական առարկաների պատկերը.

Ժամեր ըստ դասարանների

Առարկաներ	Ա. Դ.	Բ. Դ.	Գ. Դ.	Ա. Լսարան	Բ. Ժ.	Գ. Բ.
Կրոն (Բիճ ուխտ)	3					
Կրոն (Շոր ուխտ)		3				
Ներածություն Բիճ կտակարանի		2				
Ներածություն Շոր կտակարանի			2			
Քրիստոնեական			2			
Ծիսագիտություն			2			
Հայ եկեղ. պատմություն	2	2	2	2	2	
Աստվածաբանություն				2	2	
Մեկնություն 4 Ավետարանայ				2	-	
Մեկնություն ա. Գրոց				-	-	2
Հայոց եկեղեցի				-	2	2
Հայ եկեղեցու իրավունք				-	-	2
Տոմարակալություն				-	-	2
Ընդ. եկեղեցու պատ.				2	2	-
Հայ եկեղ. մատենագրություն				2	2	2
Քարոզխոսություն				-	-	2
Եկեղեցական երաժշտություն	2	2	2	2	2	2
Ընդ. քանակը	7	9	10	12	14	14

Հոգ. ճեմարանի սաները իրենց մտավոր, բարոյական, գեղագիտական դաստիարակությունը ստանում են հիմնականում դասերի ընթացքում և ճեմարանի վանական մթնոլորտում: Յուրաքանչյուր դասախոս ո՛չ միայն գիտելիքներ է հաղորդում, այլև դաստիարակում է սաներին ապագա մեծ գործի համար:

Արտահասարանական ինչպիսի՝ աշխատանքներ են տարվում հոգ. ճեմարանի սաների առօրյան լցնելու և նրանց դաստիարակելու համար:

Դասերի ընթացքում, բացի կիրակի օրերը, ուսանողները առավոտները ժամերգու-

թյունից առաջ 15—20 րոպե զբաղվում են մարմնամարզությամբ՝ մարզանքի ուսուցչի գլխավորությամբ: Իսկ դասերից հետո, կեսօրին, երբ եղանակը նպաստավոր է սեղանի թեճիսի, բասկետբոլի, վոլեյբոլի, ֆուտբոլի խաղեր և մրցումներ են կազմակերպվում հոգևոր ճեմարանի կամ Էջմիածնի քաղաքային դաշտում: Այս բոլորը նպաստում են, որ մեր սաները լինեն նաև ֆիզիկապես առույգ, առույզ, առողջ միտք՝ առողջ մարմնի մեջ սկզբունքով:

Մեծ ուշադրություն է դարձվում արտահասարանական ընթերցանությանը: Յուրաքանչյուր առարկայի դասախոս տալիս է

ծրագրով նշված գրականությունը, որի ընթերցումը և մշակումը պարտադիր է և ստուգումը կատարվում է դասարանում: Բացի հանձնարարված գրականությունից ուսանողները հնարավորություն ունեն օգտվելու հոգևոր ճեմարանի գրադարանից, կարդալու օրաթերթերը, ամսագրեր հայերեն, ռուսերեն և այլ լեզուներով՝ հազարից տալով իրենց նախասիրություններին:

Հաճախ հյուրարար Մաքր Աթոռ եւ ժամանում քույր եկեղեցիների քարծրաստիման հոգևորականներ, որոնք ճեմարանի հարկի տակ հանդիպում են մեր տաներին՝ և ծանոթություններ տալիս քույր եկեղեցիների կյանքի շուրջ:

Հոգ. ճեմարանի տեսչությունը ուսանողների մտավոր զարգացման համար տանում է ծրագրված հատուկ աշխատանք: Երկու



Տեսչի Ս. Ներսես Ծ. Վարդապետը, վերակազմերով և մոր ձեռնադրված սարկավազներով

Ափյուռքահայ մշակութային, եկեղեցական կյանքին և ծանոթացնում են սաները արտադասարանական բանախոսություններով, հանդիպումներով: Ամեն մի հայ հոգեվորական և մտավորական, որ այցի է գալիս և. Էջմիածին, իր սրտի պարտքն է համարում լինել հոգ. ճեմարանի հարկի տակ և զեկուցումով, գրույցով հանդես գալ ուսանողների առաջ՝ նրանց ծանոթացնելով ափյուռքի հայության մշակութային և եկեղեցական կյանքին: Հաճախ տալիս են նույնիսկ գիտական, գրական, կրոնաշունչ բանախոսություններ, որոնք ընդլայնում են մեր սաների մտահորիզոնը:

շաբաթը մեկ անգամ կազմակերպվում են զեկուցումներ գրական, գիտական, մշակութային, կրոնական, առողջապահական նյութերի շուրջ: Բանախոսներ հրավիրվում են Երևանից: Բանախոսում են նաև հոգ. ճեմարանի դասախոսները: Իսկ կրոնաշունչ բովանդակությամբ քարոյագիտական նյութերի շուրջ գրույցներ են անցկացնում հոգ. ճեմարանի տեսչը, վերակազմները, հատկապես Վեհափառ Հայրապետը:

Դասախոսություններից և գրույցներից բացի հոգևոր ճեմարանի տեսչությունը կազմակերպում է ուսանողների շարադրությունների, քարոզների ընթերցում և քննարկում:

կազմակերպվում են նաև այստասանական երեկոներ և մրցույթներ, որտեղ ուսանողները իրենց ունակություններն են մշակում և զարգացնում:

Գեղագիտական ճաշակը զարգացնելու համար տեսչությունը ուսանողներին տալիս է նկարիչների ցուցահանդեսներին, Մատենադարան, պատմության ու գրականության թանգարանները: Ամեն շաբաթ գրում են կինո, թատրոն, սպերա և երաժշտական համերգների:

Այս ուղղությամբ կատարված աշխատանքներից մեկն է նաև երկարօրյա կամ օրական պատույտները Հայաստանի այլևայլ վայրերը, այցելություններ տաճարներին, վանքերին, հին հուշարձաններին, որոնք մեր ժողովրդի հավատքի ու տեսիլքի մի-մի վկաներն են: Հայաստան աշխարհի բաց թանգարանում հաճախ զբոսնում են մեր սաները: Այդ հիշարժան վայրերում ուսուցչի քացատրությամբ մի անգամ ևս վեր են հանում անցյալի այն ուրախ և տխուր օրերի շարանը, որի ընթացքում մեր պապերը պայքարում էին հանում հայրենիքի, հավատքի: Այդ մղձավանջային պայմաններում դարձյալ երկնում էր մեր ժողովուրդը՝ գրում, ծաղկում էր գրիչը, կառուցում ու քանդակում էր շինարարը՝ ավանդ թողնելով մեզ միշտ կառուցելու, ստեղծագործելու ոգին:

Մայր Աթոռ Ս. Էջմիածնի հոգևոր ճեմարանը այն դարբնոցն է եղել, որտեղ բազում դարեր մեր ժողովրդի մատաղ սերնդի ներկայացուցիչները Ավետարանի սնունդ են ստացել, նրանց հոգին լցվել է ժողովրդին ու պատարկելու սուրբ տենչերով: Ս. Էջմիած-




Ծաղկամշակություն

նի խնկարույն այս կամարների տակ, հայրենի սուրբ հողին արմատավորված ամեն մի սան հետագայում դառնալու է մի ծիլ ու ծաղիկ հայ եկեղեցու անդաստանում:

Հայրենի շնչով, Ամենայն Հայոց Հայրապետի հովանու տակ մեր սաները աճում են մի օր ծառայելու համար Աստուծո, հայրենիքի նվիրական ս. սեղանների առաջ:





ԱՄԱՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հունիսի 17-ին՝ շաբաթ օրը, ժամը 12-ին, հոգևոր ճեմարանի հանդիսության սրահում տեղի ունեցավ 1866—1867 ուսումնական տարվա ամավերջի հանդիսությունը:

Հոգևոր կրթական այս նվիրական հաստատության ներքո հավաքվել էին մի անգամ ևս ուսանող ու դասախոս՝ իրենց պարտականությունը կատարած մարդկանց արդար հպարտությամբ և խաղաղ խղճով, փակելու համար ուսումնական հոգևոր ու բարոյական արդյունքներով, բարի աշխատանքներով անցկացրած մի տարի:

Որոշյալ պահին ժամանում է Վեհափառ Հայրապետը՝ շրջապատված Մայր Աթոռի եպիսկոպոսներով, Գերագույն հոգևոր խորհրդի և Վերստուգիչ հանձնաժողովի անդամներով, հյուր մտավորականներով և պաշտոնական այլ անձնավորություններով:

Վեհափառ Հայրապետի մուտքը սրահ ողջունվում է հոգևոր ճեմարանի դասախոսական կազմի, ուսանողների և բոլոր ներկաների ծափահարություններով:

Հանդիսությունը սկսվում է Հայկական ՍՍՀ պետական հիմնի նվագով և հոգևոր ճեմարանի քայլերգով:

Այնուհետև հանդեսի բացումը կատարում է հոգևոր ճեմարանի վերակացու արժ. տ. Նշան քհն. Բեյքերյանը:

Ամավերջի հանդիսությունը քաղկանում էր երկու մասից. գեղարվեստական բաժին և տեսչական տեղեկագրի ընթերցում ու մրցանակաբաշխություն:

Գեղարվեստական բաժնում ելույթ ունեցան ճեմարանի ուսանողները՝ իրենց երգե-

րով, արտասանություններով, նվագով, այդ թվում՝ ճեմարանի երգչախումբը, երաժշտության դասատու Խորեն Մելիսանյանի ղեկավարությամբ, կատարեց Կոմիտասի «Քաղհան»-ը, «Գութանի երգ»-ը, Գ դասարանի ուսանող Ղազարոս Կյուրեղյանը արտասանեց Խրիմյան Հայրիկի «Ցանք»-ը, Ա լսարանի ուսանող Հովհ. Գրվրգյանը՝ Զավեն Սյուրմեյանի «Ասացված ծառ տնկելու առթիվ», Բ դասարանի ուսանող Խաչիկ Խաչատրյանը՝ Մարո Մարգարյանի «Երգ Երևանին», և Գլխիցոր սրկ. Բունիաթյանը՝ Պարույր Սևակի «Այդ մի Մաշտոց անուն», Ա լսարանի ուսանող Արարատ Գալստյանը՝ դաշնամուրի վրա նվագեց Ա. Տիգրանյանի «Տուն արի»-ն, և Գ դասարանի ուսանող Վարդան Տյուվնեկյանը՝ «Մաքապար» (վալս):

Հանուն հոգևոր ճեմարանի ուսանողության Բ լսարանից Սասուն սրկ. Վարդանյանը ընթերցեց, երախտագիտության զգացմունքներով գրված, հետևյալ շնորհակալական ուղերձը՝ Վեհափառ Հայրապետին ուղղվալ.

«Լուե՛ եմ զանգերը, էլ չեմ հնչում, էլ չեմ կանչում մեզ դասի:

Ցանքսն ու հունձքը ավարտված է:

Եվ մե՛նք՝ ուսանողներս, վատնակած, և դո՛ւք՝ դասախոսներդ, վատնած, եկել ենք հիմա մեր չկիսվող բերքը կիսելու:

Հոգևություն կա մեր և Զեր դեմքերին, շարժումների մեջ, ժպիտների ծայքերում անգամ: Մեր նստարաններն էլ են հոգնել, գրքերը՝ նույնպես: Լսարաններում հոգնու-



Հոգևոր ժեմարանի սեղանատունը

թյան փոշի է իջել: Սակայն դա մոռացումի, վատնումի հոգնությունը չէ, այլ տքնումի, հատնումի:

Այդպես իրիկնամուտին հոգնած հնձվորը կժայտա՝ իր հնձած արտը դիտելով: Այդպես դադրած ու հուսալից սերմնացանը կօրհնի իր հոգնությունը՝ հուրթի հասկերով ոսկեշող ծփանքով արքած: Այդպես, հենց նոր իր բույնը հյուսած հայոց կանաչ քարդուն հանգչող կոունկը, հովի շոյանքից խենթացած, հանկարծ երկինք կսլանա՝ սադալիե փետուրները իբրև սաղմոսներ, օրհներգություններ շաղ տալով երկունքի սրբազան ցավերով քոնված դաշտերին, և ապա ընկեր կփնտրի՝ կյանքի անհատնում բերկրանքը կիսելու համար:

Դուք՝ հնձվոր ու սերմնացան: Մենք՝ արտ ու քարդի:

Դուք անխոնջ, բարի մշակներ տքնումի, վատնումի սովոր, ու մենք լոկ շիթը Ձեր լուսե հավատի: Մենք փոքրիկ մի այգի, ու Դո՛ւք ամեն շիվի ու շյուղի, բողբոջի ու ծաղկի համար դողացող այգեպան:

Գուցե արտում կղզյակներ են մնացել ու լեցուն հասկերի կողքին մրիկներ՝ էլ կան: Եվ կամ գուցե այգում դալարուն շիվերի կողքին կան մեկ չորացած ճյուղեր:

Հնարավոր է:

Սակայն սիրով ապառաժն անգամ վարդատան կղաղնա, համբերությամբ և աշխատանքով անասյառը՝ այգեստան:

Հայտնություն չէ սա, ոչ էլ նորություն: Ամենրո գիտենք և հավատում ենք:

Թայց ամենից սվկի հավատում է այգեպանը, որ յուրաքանչյուր գալիք տարի այ-

գում, ծառ ու ծաղկին առատություն է քերում, լիություն քաշխում:

Մենք անմշակ հող ենք. եթե գարի ցանք՝ գարի կրուսնի, ցորեն ցանք՝ ցորեն: Սակայն հողն էլ պետք է հարմար լինի: Կավահողի մեջ գարի ցանվի թե ցորեն՝ մեկ է, ոչինչ չի քուսնի: Այդ ճշմարտություն է:

Սերմնացանը Դուք եք, Վեհափառ Տե՛ր:

Եթե հունդը լիաքուռն շատ տաք (ի՛նչ փուլթ, թե ո՞մանք էլ ապառաժների վրա կընկնեն)՝ հունձը վստահաբար առատ կլինի:

Արտի, այգու համար նույնպես խնդություն է, երբ այգեպանը գոհ է մնում և ոչ դատարկաժնոն:

Վեհափառ տե՛ր,

Մենք կաշխատենք, չենք խնայի ոչինչ, որ, Դո՛ւք և սիրելի դասախոսներ, գոհ մնաք: Թերևս միակ հնարավորը, որով մենք հատուցած կլինենք մեր երբեք չհատուցվելիք պարտքը: Եվ մեզանից յուրաքանչյուրը պետք է որ երջանիկ զգա իրեն և հայարտ, որ իրեն տվածի փոխարեն հատուցվի, եթե ոչ տրվածի, գոնե կարողացածի չափով...

Վեհափառ Հա՛յր:

Ամավերջի այս հուզիչ պահին օրհնեցեք մեզ՝ Ձեր հոգևոր զավակներին, և ընդունեցեք մեր որդիական ամենախորին երախտագիտությունը այն քոլորի համար, ինչ տվեցիք մեզ այս տարի էլ որպես հավատք, ոգի և պատգամ:

Թույլ սվկեք, հանուն ուսանողության մատչեն ի համբույր Ձեր ու Աջինք:



Հոգևոր ժեմարանի ննջարանը

Ա լսարանի ուսանող Հովհ. Գրվրգյանը սենեորգեց Վարդավառի «Այսօր ցնծա» տաղը:

Այնուհետև հոգևոր ժեմարանի տեսուչ հոգ. տ. Ներսես Ժ. վրդ. Պողոսյանը հանդես եկավ 1966—1967 ուսումնական տարեշրջանի ընդհանուր պատկերը ներկայացնող բովանդակային և խնամյալ գեկուցագրով, որը լույս է տեսել «Էջմիածին» ամսագրի սույն համարում (էջ 8—13):

Զեկուցագրի ավարտին տեսուչ-վարդապետը մրցանակների ներկայացրեց անուցները հետևյալ աշակերտների, որոնք իրենց ուսումնական առաջադիմությամբ հանդիսացել էին առաջավորների՝ գրավելով առաջին և երկրորդ տեղերը իրենց դասարաններում.

Բ լսարան

Առաջին տեղ—Վրեժ սրկ. Ներսիսյան
Երկրորդ տեղ—Հովսեփ սրկ. Հակոբյան

Ա լսարան

Առաջին տեղ—Հովհաննես Գրվրգյան
Երկրորդ տեղ—Արարատ Գալստյան

Գ դասարան

Առաջին տեղ—Ղազարոս Կյուրեղյան
Երկրորդ տեղ—Վարդան Տյուվեկյան

Բ դասարան

Առաջին տեղ—Սամվել Եղիազարյան
Երկրորդ տեղ—Տիգրան Սահակյան

Ա դասարան

Առաջին տեղ—Հակոբ Խաչատրյան
Երկրորդ տեղ—Հակոբ Բյուրեղյան
Հոգևոր ժեմարանում ուսման մեջ առաջավորները նվեր ստացան Վեհափառ Հայրապետից՝ աջահամբույրով, ներկաների ջերմ

ծափերի և շնորհավորանքների ներքո:

Արտադասարանական աշխատանքների համար մրցանակների արժանացան՝ Ա լսարանից Հովհ. Գրվրգյանը և Արարատ Գալստյանը՝ ծաղկամշակության մեջ: Արարատ Գալստյանը արժանացավ մի այլ մրցանակի ևս՝ եկեղեցասիրության մեջ:

Մրցանակաբաշխության ավարտին Վեհափառ Հայրապետը օրհնության հայրական խոսք ասաց հոգևոր ժեմարանի տեսչության և դասախոսական կազմին՝ ճեմարանում կատարած թարեխիղճ և շինարար հոգևոր, դաստիարակչական, կրթական աշխատանքների համար, և ուսանողության՝ իրենց ջանասիրության, կարգապահության և եկեղեցասիրության համար:


Վեհափառ Հայրապետի սրտից բխած պատգամն ու խրատականը ջերմորեն ընդունվեցին հոգևոր ժեմարանի տեսչի, դասախոսական կազմի և ուսանողության կողմից՝ որպես հայրապետական հրահանգ և պատվեր՝ հառաջիկա ուսումնական տարում չթուլացող եռանդով, նվիրումով և արդյունավորությամբ շարունակելու նվիրական այն գործը, որ հոգևոր ժեմարանիցն է:

Հոգևոր ժեմարանի ամսվերջի հանդիսությունն ավարտվում է խմբովին երգված տերունական աղոթքով և Վեհափառ Հայրապետի «Պահպանիչ»-ով:

Ժամը 3-ին ժեմարանի սեղանատանը ուսանող և դասախոս հավաքվում են նույն սեղանի շուրջ, ուսումնական տարին փակելու համար նոր առաջադրանքներով, նոր հոգևերով և նոր ներշնչանքով, ամառային արձակուրդներից հետո:



Հոգևոր ժեմարանի խոհանոցը





ԲԱՐՍԵՂ ԹԱՇՈՅԱՆ

(Կերականացու Հոգ. Մեծարամի)

ՈՒՆՏԱԳՆԱՅՈՒԹՅՈՒՆ ԴԵՊԻ ՀԱՂԲԱՏ ԵՎ ՍԱՆԱՀԻՆ ՎԱՆՔԵՐԸ

Հունիս 20-ն է՝ օրը երեքշաբթի:

Վերջացել է հոգևոր ճեմարանի ուսումնական տարին: Վեհափառ Հայրապետի կարգադրությամբ ուխտագնացություն ենք կատարելու դեպի Հաղբատ և Սանահին:

Առվորական ժամից շուտ զարթնել ենք բոլորս ու պատրաստ՝ մեկնելու դեպի Լենինական, ուր հասնում ենք ժամը 9.30-ին և մտնում ս. Աստվածածին եկեղեցին:

Ճանապարհը շատ գեղեցիկ է, օդը հագեցած զարնանային փաթթած կանաչի և ծաղիկների թալան բուրմունքով: Մեքենաները սուրուն են անփախապատ ճանապարհներով. բայրձր է բոլորիս տրամադրությունը. մեքենայի մեջ թնդում են հոգևոր և աշխարհիկ երգերն ու մեղեդիները:

Անձրևային է եղանակը, երբ ուղղություն ենք վերցնում դեպի Կիրովական, երբեմնի Գուգարաց աշխարհի Տաշիրը գավառին մեջ, դարբազեղ քյուրների լանջին հրաշալի դիրքով, և որի վրա իշխում է Մայմեխ լեռնազագաթը:

Անձրևային է եղանակը տակավին, երբ Կիրովականից մեկնում ենք՝ կեսօր է վերջը՝ ժամը 3.30-ին. ճանապարհը այժմ անցնում է ճոխ բուսականությամբ և թանձրախիտ անտառներով ծածկված լեռնաշխարհով. առաջանում ենք հովտի մեջ հոսող ջրերի եզերքից կամ բայրձրանում ենք դեպի վեր խոյացող պալապանման լեռների լանջերից. մեր մեկնելուց ելվու ժամ հետո անցնում ենք ավելի բան 2000 մետր բարձրությամբ Պուշկինյան լեռնանցքը, հետո՝ դեպի Ալավերդի,

ոլորապտույտ ճանապարհով իջնում ենք Ջուրագետի հովիտը:

Երեկոյան ժամը 6-ին հասնում ենք Ալավերդի, որտեղ այնք է գիշերենք:

Մտաբերում են, մանավանդ, Կիրովականից սկսած իմ ճանապարհորդությունը. ամբողջ ճամփու ընթացքին մեր աչքին պարզվել էր հայոց աշխարհի հեքիաթային, վայրի գեղեցկությունը, իր անդհախիտ մութ ձորերով և կիրճերով, և ամպերի մեջ մխրճված իր լեռնազագաթներով. այս է ուրեմն երկիր-դրախտավայրը, իր կուսական գեղեցկությամբ, այն երկիրը, ուր ապրել են մեր պապերը և մեր նախահայրերը. այն երկիրը, որ թվում է, թե անձանդ չէ ինձ, ու թվում է մանավանդ, թե միշտ այս երկրին մեջ ապրել են ես, քանի որ չեմ կարող հավատալ, թե հայրենիք պերադարձած եմ, կամ հրաշքով՝ մոգական գավազանի մեկ հպումով փոխադրված խորհրդավոր մի ուրիշ աշխարհ, ուրիշ երկրից. չեմ կարող հավատալ, թե գոյություն են ունեցել այն տխուր օրերը, որ դարեր ամբողջ ճնշել են ըստ մեր պատմության գրքերի հայրենիքի և ժողովուրդի վրա. վատ օրերի հիշողությունը մղձավանջային մի երազի տպավորություններն են անպայման:

Հունիսի 21-ը՝ չորեքշաբթի:

Առավոտյան ժամը 9.30-ին մեքենաներով մեկնում ենք Ալավերդից դեպի Սանահին, անցնելով երկաթուղու կայարանի մոտ գտնվող համբավավոր կամուրջից, կառուցված ԺԳ դարում, Ջաքարե և Իվանե տպատպարների քույր Նանա թագուհուց, ի հի-

շատակ իր ամուսնում՝ Լուի-Տաշիրցի Կյուրիկյան Աբաս Բ թագավորի: Բարձրանում ենք սարերի լանջերով և կես ժամ հետո արդեն հասնում ենք բարձունքի վրա ընդարձակ մի ծառատանի մեջ գտնվող գյուղը՝ Սանահին, որտեղ գտնվում է պատմական վանքը:

Ուխտավորի երկյուղածությամբ մտնում ենք դարբասից ներս ու հափշտակությամբ և խռովքի տարօրինակ զգացումով մի րոպե կանգ առնում այս հազարամյա սրբավայրից առջև, չէ՛ որ գտնվում ենք հավատի ու գիտության օջախ այն վանքին մեջ, որ հանդիպակաց բարձունքի վրա գտնվող մյուս վանքի նման հիմնադրվել է Ժ դարում, Ռոմանոս Ա Լեկաբեճոս (818—844) հայազգի կայսեր ժամանակ, քաղկեդոնական վեճերի պատճառով քյուզանդական սահմաններից հայաձևական հայ հոգևորականների կողմից:

Այժմ գտնվում ենք վանքի ս. Աստվածածին հիմնավորից մայր տաճարի կամարների տակ, ուր տեղի է ունենում սրբազան երգեցողություն՝ մասնակցությամբ բոլորիս. թվում է, թե լսում ենք նորից տաճարի զանգակների երբեմնի դողաճը, որ հավատացյալներից հրավիրում է աղոթքի և խոկմունքի:

Կրոնական սրտառույշ այս արարողությունից հետո, առանձին խմբերով, այցելում ենք վանական մյուս կառույցները՝ դուրս գալով տաճարից, որ կառուցվել է 935—945 թվականներին:

Վանքը ներկայացնում է կառույցների հրաշալի մի ամբողջություն, հակառակ յուրաքանչյուրի ճարտարապետական առանձնահատկություններին:

Ամփոփապես նկատում են, եկեղեցուց դուրս, արևելյան պատին ներքև, եռանկյունաձև միակտուր երկու գերեզմանաքարեր, որոնց արձանագրություններից և պատի վրա հուշարձանների պաշտպանության ցուցանակից իմանում են, որ նրանցից մին գերեզմանն է Բագրատունի Աշոտ Գ Ողորմածի որդի, Գուգարքի առաջին թագավոր Գուրգենի, իսկ մյուսը՝ Ողորմածի թոռ՝ Դավիթ Անհողիցի, որ պատմության մեջ ծանոթ է նաև Աղվանից թագավոր անունով:

Ըստ պատմական տեղեկությունների, ժամանակին այս գույգ գերեզմանները գտնվել են մատուռի ձևով մի շենքի մեջ, որ 1836 թվականին քանդվել է Սանահինի վանահայր Հարություն եպիսկոպոսի կողմից, որպեսզի շենքի քարերով վերանորոգվի վանքի այլ հուշարձանները:

Եկեղեցու արևելյան կողմը գտնվում է նույնպես ս. Գրիգորի մատուռը, որ փոքր, լայն շատ ավելի մի հին կառույց է, հավանաբար Ը—Թ դարերից. իսկ արևմտյան

կողմը՝ նախագավիթը, կամարակապ ընդարձակ մի սրահ, որ կառուցվել է 1211 թվականին, Զաքարե սպասալարի հազարապետ, իշխան Վաչե Վաչուտյանի կողմից. նախագավթի ձեղունը հանգչում է վեց սյուների վրա, իսկ հատակը ծածկվել է իշխանների և հոգևորականների տապանաքարերով. այսպես, դռան մոտ, մի մեծ պատվանդանի վրա, գտնվում է Գրիգոր իշխանի մահարձանը, կառուցված իր որդու՝ Դավիթ իշխանաց-իշխանի կողմից, իսկ արևելյան պատին ներքև՝ Սանահինց գյուղի տեր Սարգիս իշխանի և Մղարթ գյուղի տեր Սարգիս իշխանի քանդակազարդ խաչքարերը, և վերջապես արևմտյան որմնի մեջ գեղաքանդակ երկու մեծ խաչքարեր՝ Քրդի Խորիշահի և Սմբատի որդի Համազասպյան Սարգսի:

Այնուհետև այցելում ենք վանքի ամենեք փառավոր հրաշալիքին՝ ներքուստ խաչաձև, չորս անկյուններին կրկնահարկ խորաններով, անսյուն և գմբեթավոր ս. Ամենաիրկիչ եկեղեցուն՝ կառուցված 861—872 թվականներին, Աշոտ Գ-ի կին Խոսրովանուշ թագուհու կողմից, արևշատություն իր երկու որդիներից՝ Սմբատի և Գուրգենի, որոնց բարձրաքանդակ պատկերները կարելի է տեսնել եկեղեցու արևելյան ճակատին վրա, մի քիչ վերև, իրենց ձեռքից եկեղեցու մանրանկար կաղապարը. եկեղեցին նորոգված է 1752 թվականին, առաջնորդ Առաքել Եպիսկոպոսի և Սողոմոն Արղությանի կողմից, վանքի հարավ-արևմուտքից, սպասալարների գերեզմանատան արևելյան կողմում գտնվող ս. Սարգիս եկեղեցու քարերով:

Ս. Ամենաիրկիչ եկեղեցու առաջ գտնվում է ժամատունը: Զանգվածային չորս սյուների մի կամարագոտու վրա հաստատված գմբեթավոր եղիկով ընդարձակ մի սրահ, որ եկեղեցու հետ հաղորդակցվում է, իր արեվելյան որմնի մեջ բացված կամարակապ դուռով, և որի շինության համար գործածվել են մեծղի քարեր. կառուցվել է 1185 թվականին վանահայր Հովհաննես արքեպիսկոպոսի կողմից, հրամանով Կյուրիկե թագավորի դստերին. այստեղ ևս տեսնում ենք մեծանուն եպիսկոպոսների և վանքի վանահայրերի տապանաքարերը:

Ս. Գրիգոր մատուռի և նախագավթի հյուսիսային կողմը, ս. Աստվածածին և ս. Ամենավրկիչ եկեղեցիների միջև գտնվում են վանքի ամենահետաքրքիր և ամենասիրուն կառույցներից մեկը՝ դպրանոցը (կամ Գրատուն-Մատանդարանը)՝ կառուցված 1063 թվականին, Դավիթ Անհողիցի դուստր Հրուհուշ թագուհու կողմից, և Գրիգոր Մալխասյանի ճեմարանը:

Դպրանոցը քառակուսի հատակագծով և որմերին բազմաթիվ խորշերով, առանց պլուհի կամարակալ մի շենք է, որի մուտքի կամարին և ճակատի մեծ քարին վրա արձանագրվել են Եկիրատուների անունները. իսկ ճեմարանը՝ կամարակալ փոքր մի շինություն, որի առաստաղը հաստատվել է 16 որմնապույունների վրա ճեմված 8 կամարների վրա. հատակը ծածկվել է հոգևորականների տապանաքարերով, մեծ մասամբ առանց արձանագրության. միայն մեկի վրա կարդում են՝ «Վարդան Սարկավազ»:

Մեր այցելությունը տևում է շուրջ երկու ժամ: Այնուհետև դուրս ենք գալիս եկեղեցական կառույցներից ու դիտում շուրջս. հույակալ է վանքի համայնապատկերը. աչքերով փնտրում են Սևորդյաց «ամատչելի խոխով»-ներով լի ձորը, որտեղ, այդ խոխովներից մեկին մեջ, հավանաբար, երեք վարդապետներ և 12 սարկավազներ Լեմկոթիմուրի արշավանքների ժամանակ պահել են վանքի սրբությունները և վերադարձին նահատակվել՝ առանց հայտնելու սրբազան անոթների թաքստոցը. Սևորդյաց այս ձորը հավանաբար մին է այն երեք ձորերից, որոնք Սանահինը բաժանում են 8 կիլոմետր հեռու, բարձունքի վրա թառած Հաղբատի վանքից, տարբեր ուղղությամբ, ուրիշ բարձունքի վրա տեսնում են ս. Կարապետի եկեղեցին, իսկ ավելի բարձր դիրքի վրա՝ ս. Սարգիս մենաստանը:

Շուրջ տասը ժամ անցկացրինք Սանահինի հովանու տակ. այժմ ժամանակն է վերադառնալու. հուզումով հեռանում ենք վանքից, որը մի մասնիկ մեր անցյալից, հետզհետե անհետանում է մեր աչքից:

Գիշերում ենք Ալավերդիում:

Հուլիսի 22՝ հինգշաբթի:

Առավոտյան ժամը 10-ին ուղղվում ենք դեպի Հաղբատ, որը գտնվում է Սանահինի հանդիպակաց լեռան գագաթին, կանաչապատ մի հայրության վրա:

Հաղբատի ճանապարհը, սակայն, ասֆալտապատ որոշ տարածությունից հետո ավելի դժվարագնաց է և եղ դարձվածքներով՝ իր ոլորապատյալ ընթացքին մեջ, ավելի թեք. նախընտրում են մագլցել սարերն ի վեր, ոտքով, ավելի խորը և անմիջականորեն ըմբռնելու համար հայկական լեռնաշխարհի գեղեցիկ բնությունը:

Ու բարձրանում են դեպի վեր. հեռուն՝ Դեբեդի ձորը արդեն իսկ անհետացած է անտառապատ տարալանջերի միջև, իսկ գլխի սուղակի վերև, իրեն ամբակոտ անհաղթահարելի պարիսպ, արձանացում են Լոռիի անտառներով ծածկված լեռները՝ խրված

երկնքի կապույտին մեջ. ջանում են գուշակել իմ ճամփան, բայց խուսափում են առաջանալ արահետներով, որոնք ապահովաբար ավելի շուտ պետք են հասցնել իմ դեպի բարձրադիր գյուղը և վանքը, որ չի երևում. հետևաբար նախընտրում են հետևել մեքենաների սովորական, բայց ավելի երկար ճամփուն, որ հաճախ եզերում է խոր անդունդը. հաղթահարում են իմ հոգնությունը և անցնում 8 կիլոմետր ճանապարհ, վայելելով Գուգարաց աշխարհի ծաղկալեռ և կանաչապատ լեռների և անտառների մեջ կորսված ձորերի առասպելական խրհրդավոր գեղեցկությունը. վայրի բնության ծոցում, ճամփու յուրաքանչյուր դարձվածքին բազմերանգ մի նոր տեսարան է, որ բացվում է իմ աչքին, և հասկանալի է դառնում Մայրտիրոս Սարյանի այնքան պարզ, բայց և այնքան հարազատ ցկարչական արվեստը:

Ի վերջո, մեկ ժամ և 15 րոպե հետո հասնում են սիրուն և գեղատեսիլ գյուղի ճանապարհին և դիտում շրջապատը. նոր միայն տեսնում են հանդիպակաց բարձունքի վրա Սանահինը, իր կարմիր երդիկե տներով և վանքի վերասյաց գմբեթով, որ իմ աչքին այժմ երևում է ավելի վեհապանծ և ավելի առիքնող, կապույտ և կանաչի խորհրդավոր ֆոնի վրա. ութ կիլոմետր միայն հեռու է Հաղբատը Սանահինից, բաժանված երեք ձորերով. նայվածքիս առաջ տարբեր բարձունքների վրա կանգուն են Հաղբատն ու Սանահինը՝ կոթողային վկաները հավերժական հայ մշակույթին:

Այժմ Հաղբատում ենք: Հիացմունքով և երկյուղածությամբ մտնում են հավատքի և մշակույթի, գիտության և ստեղծագործ հանճարի կոթող այս դարավոր մենաստանի դարբասից. եկեղեցական կառույցների նույն ամբողջությունը, խորհրդավոր նոր միջավայրով, խոսում է մեր զգացումներին, մանավանդ, որ ճիշտ այս րոպեին հանկարծ մթազնում է երկիրը, երկնքի սև-սև ամպերով. շուտով մշուշը պատում է հանդիպակաց բարձունքներն, ու սկսում են փայլատակումները, անեղադրորդ որոտումներով. կրակի մի յոջանակի մեջ է կարծես երկինքը. սկսում է նաև հեղեղային անձրևը, որը շուտով վերածվում է կարկուտի:

Շտապում են ապաստան գտնել վանքի բակին մեջ, մյուս կառույցներից բոլորովին անջատ կանգնած զանգակատան մեջ, քառակուսի գեղակերտ վերասյաց մի շինություն է, որը կառուցվել է 1245 թվականին, Համազասպ Հովհաննիս արքեպիսկոպոսի կողմից, և ուի սուաջ, բակին մեջ, գտնվում են մեծ վարդապետներ Դավիթ Բոքայրեցու

(ԺԳ դար), Հովհաննես սարկավագ Իմաստասերի (1129), Մխիթար Գոշի աշակերտ Թորոս վարդապետի (ԺԳ դար), Հովհաննես Պյուզ Շորժորեցի վարդապետի (ԺԴ դար) և ուրիշների դամբարանները:

Շարունակվող անձրևը արգելք չի լինում Հաղբատում ևս կատարելու մեր ուխտը պատշաճ երգերով և աղոթքով, որից հետո առանձին կամ անջատ խմբերով այցելում ենք վանքի վյուս կառույցները. մտնում ենք ս. Նշան եկեղեցին, որ ըստ պատմաբանների վկայության հիմնադրվել է 967 թվականին, խոսքովաճուռ թագուհու կողմից, նույնպես վասն փրկության և արևշատության իր երկու որդիներին՝ Սմբատի և Գուրգենի, որոնց բարձրաբանդակ պատկերը գտնվում է տաճարի արևելյան պատին վրա. տաճարի շինությունը ավարտել են 991 թվականին Սիմեոն Հայր և Տիրամուն երեք, համաձայն հյուսիսային պատի վրա, լուսամուտից վեր արձանագրության:

Տաճարը, արտաքուստ քառակյտն, իսկ ներքուստ խաչաձև, ունի երկու դուռ հյուսիսային և արևմտյան կողմերին. հյուսիսային դուռն առաջ կանգնած է Ամենափրկիչ խաչարձանը, հայ քանդակագործական արվեստի անմասն կոթող, շինված Հովհաննես Արքի կողմից, 1278 թվականին, Ամիր սպասալարների տոհմից «Պարոն Սաթուն»-ի իշխանության օրով:

Մտնում են ս. Նշանի արևմտյան կողմը, եկեղեցու և դպրատան միջև գտնվող մեծ սրահը, գավիթը կամ ժամատունը. հույսկապ մի կառույց՝ շինված 1161 թվականին, Տաշքանց կամ Ջորագետի թագավոր Կյուրիկեի դուստր Մարիամի և Ռուսուգանի կողմից՝ քառասուն տարիներ ետք, 1201 թվականին, սկզբնական շինությունը քանդել է տվել վանահայր Հովհաննես եպիսկոպոս Նաչեցցին, կառուցելու համար ժամատունը իր ներկա ձևին մեջ. այժմ, 10 կիսասյուներ խաչաձևող կամարների վրա կանգնած իր գմբեթով, ժամատունը ներկայացնում է ընդարձակ մի սրահ, որի հատակը ծածկվել է տապանաքարերով:

Հյուսիսային կողմի տապանաքարերի վրա կարդում են անունները, ի միջի այլոց, Կյուրիկյան Աքաս թագավորին՝ իշխողին Մանգաբերդի, Կյուրիկե թագավորին և կնոջ Թամարի, և աղջիկներին՝ Մարիամի, Ռուսուգանի և Բավրիմայի, կենտրոնի տապանաքարերի վրա Քուրդ և Գրիգոր ամիրաների, Աթաբեկ Սաթունիի, Վասակի, Համգույի, Թայիկի, Կավթեյի, Սաուրի և Սևադայի, իսկ հարավային տապանաքարերի վրա՝ կրկին Աքաս և Կյուրիկե թագավորների:

Հետաքրքրական կառույցներ են նաև ժամատան հյուսիս-արևմտյան կողմը, կուրք-կողքի, մեկ շարքի վրա, խորանարդաձև երեք փոքր դամբարաններ, որոնք իրենց վրա կրում են քանդակազարդ գեղեցիկ խաչքարեր. դամբարանների յուրաքանչյուրին մեջ գտնվում են պատարագամատույց սեղաններ, իսկ մուտքի առաջ՝ տապանաքարեր. ցուցանակներից ճշտում են, թե նրանք դամբարաններն են Քուրդ իշխանի եղբայր տեր Բարսեղի և որդի Սմբատի, կառուցված իր որդիների՝ Սմբատի և Վահանի կողմից, 1220 թվականին, Նաջմագին իշխանի՝ որդի Սմբատի և թու Ուքանի, կառուցված իր որդիների՝ Սմբատի և Ուքանի կողմից 1211 թվականին, և Սյունյաց Պանոս իշխանի և իր կնոջ՝ Դուրանի՝ ազգեն Մամիկոնեցի:

Ժամատան հարավային կողմը գտնվում է նաև ս. Գրիգոր մատուռը, կառուցված 1005—1025 թվականին և վերանորոգված վանահայր Հովհաննես եպիսկոպոս Նաչեցցիի կողմից 1211 թվականին, իսկ հյուսիսային կողմը՝ ս. Աստվածածին մատուռը, կառուցված Նաչեցցի Հասան իշխանի կին Նաթունի կողմից, ԺԳ դարում, ի հիշատակ իր եղբայրների. իր յուրահատուկ կառուցվածքով ուշադրություն գրավում է նույնպես Դպրատունը՝ կառուցված 1257 թվականին, վանահայր Համագասպ եպիսկոպոսի կողմից:

Անշուշտ կարելի չէ հանգամանորեն խոսել այս թոռցիկ ակնարկին մեջ Հաղբատի եկեղեցական և աշխարհիկ թղթոր կառույցների մասին. ճաշից հետո հեռադիտակով դիտում են հանդիպակաց լեռները ու ձորերը, փորձելով որոշել այդ ձորերի, պատմությունից ինձ հայտնի բնական և արհեստական այն քարանձավները «ի լանջս և ի ծերպըս վիմաց», որոնք ապաստան ազնվականներին, դժվարին օրերին գավառի ազնվականներին, եկեղեցականներին և ժողովուրդին, մինչև 18-րդ դարի վերջը: Փորձում են որոշել Կյուրիկյան թագավորներու անվանի բերդերից՝ Կալան ամրոցի ավերակները, որ պետք է գտնվեն երկու կիլոմետր դեպի արևմուտք, Դեբեդ և Ժիվանքա գետերի միացման կետին, խոր ձորերով եզերված մի հրվանդանի վրա, ինչպես նաև Դուսի վանքի մնացորդները, Հաղբատի նոյնպես արևմուտքին, շինված 1233 թվականին Ջաքարե սպասալարի քրոջ որդի Հովհաննես արքեպիսկոպոսի կողմից:

Ժամերը անցնում են աննկատ, քայք քուլանդակալից. ժամանակն է արդեն հրամշտ տալու Հաղբատին, և թեկուզ ժամը չորսն է, բայց լանի որ մի անգամ ևս կուտակվում են մութ ամպերը և կրկին լուլում

հեռավոր որոտումները, խոհեմություն ենք համարում իջնել ներքև՝ անձրևը չսկսած. այժմ հանգստանում ենք Դեթեդի ձորից մի քիչ բարձր մի դարատափի վրա՝ դիտելով ձորին մյուս կողմի սեպ ժայռերու և անտառածածկ բարձունքներու գեղեցկությունը հագիվ 800 մետր հեռավորությունից: Երկու ժամ ետք արդեն Ալավերդում ենք: Ցավով մտածում եմ, թե հաջորդ օրը պետք է ճամփա ելլենք դեպի Մայր Աթոռ՝ Դիլիջան, Սեփան, Հրազդան, Լուսավան և Արծվյան ճանապարհով. բաժանվելու այդ ցավալի մտաբերումին հետ, սակայն, ունեմ մեր պատմության խորհուրդներից մեր կենդանություն և մեր ներշնչում ստացած լինելու հոգեկան խորունկ բավականության մի զգացումը:


Հուլիսի 28՝ ուրբաթ:

Առավոտյան ժամը 8.30-ին արդեն դուրս եմք գալիս Ալավերդուց, ու երկրորդ անգամ լինելով գնում ենք դեպի Կիրովական և ապա առաջանում ենք դեպի Դիլիջան. ժամը 12-ին, թեթև անձրևով, սկսում ենք բարձրանալ Դիլիջանի ծաղկավետ լեռները, ասֆալտապատ, լայն և ոլորապտույտ ճամփաներով. ի վերջո հասնում ենք սարի գագաթին, որտեղից համեմատաբար ավելի հարթ ճանապարհով ուղղվում ենք դեպի Սևանի

լիճը. անցնում ենք, ծովի մակերևույթից ավելի քան 2000 մետր բարձրության վրա գտնվող Սեմյոնովկա գյուղի միջով. եղանակը ամպամած է և ավելի զով. Ծովագյուղից քիչ առաջ, կանաչապատ բարձունքի վրայից, տեսնում ենք լիճը, մթության մեջ թաղված, որ դեպի իր ջրերը իջնող լեռնաշղթաներով մեր աչքին ներկայանում է մի խորհրդավոր գեղեցկությամբ. ժամը 1.30-ին արդեն կանգ ենք առնում լճի ափին մի քիչ հանգստանալու և ճաշելու համար: Եվ շուտով շարժվում ենք դեպի Երևան՝ հաջորդաբար անցնելով ճախկինում Վարաժնունյաց, հետո Պահլավունյաց սեփականություն Կոտայք գավառի գյուղերից և ավաններից ու հասնում ենք Մայր Աթոռ ս. Էջմիածին ժամը 5.30-ին՝ հոգեկան մեծ բավարարությամբ:

Դեպի Սանահին և Հաղթատ պատմական վանքերն ու սրբավայրերը և մեր հայրենիքի տեսարժան վայրերը կատարած մեր ուխտագնացությունները և այցելությունները մեր լիցք են տալիս և՛ դասախոսներին և՛ ուսանողության՝ մեր եռանդով վերսկսելու համար ամառային արձակուրդներից հետո մեր աշխատանքները հոգևոր ճեմարանի հարկին տակ, Մայր Աթոռ ս. Էջմիածնի հովանու ներքո:





ՎԻՐՇԱՄ ՓԱՐՍԱԴԱՆՅԱՆ
ԽՈՐԵՆ ՄԵՅՆԱՆՈՋՅԱՆ

ԵՐԱԺՇՏՈՒԹՅԱՆ ԴԱՍԱՎԱՆԴՈՒՄԸ ՀՈԳԵՎՈՐ ԺԵՄԱՐԱՆՈՒՄ

Հայ ժողովրդի երաժշտական մշակույթն ունի վաղեմի և հարուստ ավանդույթ, որը գալիս է դարերի խորքից: Եվ չնայած այն հանգամանքին, որ հայ ժողովուրդը դարեր շարունակ ենթակա է եղել բարբարոս ազգերի հալածանքներին ու նրանց դաժան, ճրճ-շիշ քաղաքականությանը, այնուամենայնիվ կարողացել է պահպանել իր ազգային ինքնությունը երաժշտական ժառանգությունը:

Նախքան գրելի գյուտը, եկեղեցական ժամերգության հիմքը սաղմոսներգությունն էր՝ հունական և ասորական լեզուներով: Բայց գրերի գյուտից հետո, երբ հիմք դրվեց հայ դպրության, ժամերգությունը սկսում են կատարել հայերեն և սաղմոսներին փոխարինում են շարականները: Ուրեմն, մեր երաժշտական պատմության վերաբերյալ ամենահին տվյալները գալիս են Ե-րդ դարից:

Հետագայում, հայոց վանքերում ծաղկում, մեծ թափ են ստանում մեր այժմյան եկեղեցական հարուստ երաժշտության տեսակները՝ շարականը, հոգևոր երգը, պատարագը, մեղեդին, տաղերը, գանձերը, ստեղիները: Որպես երաժշտական կենտրոններ՝ հայտնի են եղել Կամրջաձորի, Նարեկի, Կապուտաքարի, Հնձուց, Դպրեվանքի, Ստեփանոսի, ինչպես նաև Տաթևի և Հաղարծնի վանքերը:

Հայ մատենագիրները բազմաթիվ անուններ են թվում, որոնք հեղինակ են հանդիսացել մեր եկեղեցական երաժշտության: Ամենից առաջ հիշվում են ս. Սահակ և ս. Մեսրոպ, որոնք համարվում են հայ դպրության

հիմնադիրները՝ Մովսես Գերթոյ, Ստեփանոս Այունեցի, Հոհան Մանդակունի, Կոմիտաս կաթողիկոս, Սահակ Զորափորեցի, Հոհան Օձնեցի, Պետրոս Գետադարձ, Գրիգոր Մագիստրոս, Գրիգոր Վկայասեր, Ներսես Շնորհալի, Խաչատուր Տարոնեցի, Հակոբ Ալայեցի և այլն:

Ինչպես բոլոր քրիստոնյա երկրներում, այնպես էլ մեզ մոտ հոգևոր եկեղեցական եղանակները աղավաղումներից փրկելու և կորստից ապահովելու հարցը հմուց է գալիս: Եկեղեցական եղանակները ծայնագրելու համար հորինվել են զանազան մեծության-ձևի պայմանակ-սն նշաններ (խազեր), որոնք ունեցել են ծայնամիջների՝ նոտաների նշանակությունը:

Խազերի սխտեմը ընտրելուց հետո ծայնագրել են (խազավորել) շարականները, մեղեդիները, տաղերը, գանձերը, ստեղիները:

Թե ե՞րբ են հորինել հայ երաժշտական խազերը, այդ մասին ստույգ տվյալներ չկան: Բայց կան եմբադրություններ, ըստ որոնց

1 Ղազար Փարպեցին «Պատմության հազոց» աշխատության մեջ խոսելով 5-րդ դարում գործող Մեսրոպ Մաշտոցի գործակից Սահակ Պարթևի մասին, գրում էր, որ նա անգնամատիկ ծառայություն է մատուցել եկեղեցական կրթչի ուսուցչադպրության, յուրացման, արժատառվման լուսավառում, այն էլ սյնալիի մի ժամանակաշրջանում, իբր դեռ խորում չէր վերացվել հունական աղեղնությունը:

իրեն թե խազերը բերել են Կլիկիկացից կամ արևելքից:

Ըստ Կիրակոս Գանձակեցու վկայության, Խաչատուր վրդ. Տարոնեցին խազերը բերել է Արևելյան Հայաստան և տարածել Այուդիքում, Արարատյան դաշտավայրում, Շիրակում և այլն («Ի կողմանս յարևելից»)²:

Շշմարտությունը, սակայն, մնում է անթափանցելի: Այժմ ընդհանուր կարծիքն այն է, որ մեր երաժիշտ-հեղինակները հորինելով եկեղեցական եղանակները, միաժամանակ ստեղծել են և այդ երաժշտական խազերը:

Հայկական խազերի ուսումնասիրությամբ զբաղվել են և օտարազգի շատ երաժշտագետ տեսաբաններ: Այս առթիվ Կոմիտաս վարդապետը հետևյալն է ասում.

«Հայկական խազերով կարելի պիտի ըլլա ոչ միայն հայկական հին երաժշտությունը ուսումնասիրել, այլ և ուսումնասիրել ուրիշ ազգերու հին երաժշտությունները՝ ինչպես հունականը, որոնց մասին դժբախտաբար որևէ ուսումնասիրության աղբյուր գոյություն չունի այժմ, մինչև հայ ձեռագիրները ավելի ավանդապահ գտնված են գուրգուրանքով պահելու համար հայկական հին երաժշտության աղբյուրները, որոնցմե թերևս երաժշտագետները օգտվեին ժամանակակից ուրիշ երաժշտություններ պրպտելու համար»³:

XVIII դարի սկզբներին (1711-ին) եվրոպացի հայտնի գիտնական Շրետտերը լույս տեսած «Գանձարան հայոց լեզվի» իր աշխատության մեջ խոսում է հայկական հին խազերի վերծանման նշանակության մասին: Բայց չի ասում, թե որտեղից են այդ խազերը բերվել Հայաստան:

Խազերի վերծանման ուղղությամբ ուսումնասիրություններ են կատարել նաև անհավոր գիտնականներ Պետերմանը, Ֆերդի, Ֆելյաշեր, Օքրի, Վազներ, Բիրո և այլն: Երկար տարիներ շարունակ հայկական հին խազերի ուսումնասիրությամբ զբաղվել է նաև Կոմիտաս վարդապետը: Իսկ թե ինչ արդյունքի է հասել Կոմիտասը, հարկ ենք համարում բերել այստեղ «Տաճար» կիսամսյա հանդեսում լույս տեսած նրա մամակալատախառնի որոշ հատվածներ:

«Իրավ է, ես գտել եմ հայ խազերի բանալին և նույնիսկ կարդում եմ պարզ գրվածները, քայց դեռ վերջնակետին չեմ հասել. գի յուրաքանչյուր խազի խորհրդավոր իմաստին թափանցելու համար, նույնիսկ

ուսումնյակ ձեռագիրներ պարզելով, երբեմն ամիսներ են սահում: Իսկ ձեռքիս տակ եղած խազերը, այն էլ անուն ունեցողները, 198 հատ են առայժմ: Մի կողմ թողնենք դեռ անհայտ խազերը, որոնք խիստ շատ են:

Այսպիսի գուտ մասնագիտական խնդիրների մասին անհնարին է գրել մեր պարբերական մամուլի էջերում այս պատճառով՝ նախ պարբերական մամուլի էջերը շատ սուղ են, երկրորդ՝ գուտ գիտական, տարիներ շարունակվող ուսումնասիրություններով հասարակությանը զբաղեցնելն անհպատակ է, երրորդ՝ խոշոր ու մեծաքանակ ծախս է պահանջում, և չորրորդ՝ ուսումնասիրությանը վերջակետ չեմ դրել:

Մի այսպիսի ուսումնասիրություն կատարելության հասցնելու համար պետք է ներհում լինել տիրապետելու նրա հիմնական ուսմունքներին ու գիտություններին՝ տաղաչափության, վանկաչափության, առոգանության, շեշտադրության, կետադրության, խազաչափության, խազագիտության, լեզվի (քառերի իսկական և հին առման), իմաստասիրության (երկրաչափության, թվաբանության, աստղաբաշխության և երաժշտության՝ առմամբ), խազերի ծագման, զարգացման, անկման և արդի պատմության— համեմատական խազաբանության և այլն, և ապա կարելի է գաղտնիքն երևան հանել: Թող հայ հասարակությունը ներող, մանավանդ համբերող լինի, մինչև որ հնարավոր չափով, կատարելապես վերջացնեմ իմ տասնվեցամյակից ավելի տևող տաժանագին ուսումնասիրություններս, հույս ունիմ, թե մոտիկ ապագայում, առանձին հատորներով, հասարակության սեփականությունը պետք է դառնա»⁴:

Կոմիտասի ասածներից պարզվում է, որ նա ավելի քան տասն և վեց տարի ուսումնասիրություն կատարելով, այնուամենայնիվ խազերի վերաբերյալ կատարած իր աշխատանքները դեռ չի ավարտել և որ կարևորն է, ամբողջովին չի պարզել, թե ո՞ր գծագրական խազը, նշանը ի՞նչ նոտա է ներկայացնում և ինչպե՞ս պետք է երգել այն. ուրիշ խոսքով արտահայտած, խազերի բանալին լրիվ չափով դեռ չի պարզել և այդ ուղղությամբ աշխատանքները դեռ շարունակվում էին:

Ըստ պատմական տվյալների, հին խազերի գործածությունը ծաղկման շրջան է ապրել X դարից սկսած և տևել է մինչև XV դարի վերջը: XVI դարում նա կորցնում է իր նշանակությունը և դատապարտվում խալառ

² Կիրակոս Գանձակեցի, «Պատմություն հայոց», Երևան, 1981, էջ 212:

³ Կոմիտաս, Հոդվածներ և ուսումնասիրություններ, էջ 188:

⁴ Կոմիտաս վրդ., Հոդվածներ և ուսումնասիրություններ, էջ 186—187:

մոտացության: Իսկ XVII դարի սկզբից, արդեն ոչ ոք չէր կարողանում հասկանալ դրանց նշանակությունը:

Խազերը մոտացության դատապարտվելով, կասկած չկա որ աղավաղման և կորստյան պետք է դատապարտվեին նաև Ռոզևոր-եկեղեցական երգերը:

Երաժշտության տեսարաններն միանգամայն հավանական են համարում աղավաղման այդ վտանգը: Արևմտահայ ակադեմիկոս երաժիշտ (տիրացու) Բաբա Համբարձումը (Լիւնցյան) խորապես զգալով այդ վտանգի առկայությունը, մտածում է ունենալ երաժշտական նոր ձայնանիշեր, թե շարականների երգեցողությունը դյուրացնելու և թե Ռոզևոր-եկեղեցական երգերն աղավաղումներից և կորստից փրկելու համար:

Նա նոտաների գծագրական ձևը հին խազերից վերցնելով և եվրոպական երաժշտությանը մոտեցնելով, հնարում է հայկական նոտագրությունը:

Իսկ ո՞վ էր Բաբա Համբարձումը:

Նա խարբերդցի էր: Հայրը՝ Սարգիսը, քաղաքի հարստահարիչ հարկահանների ձեռքից ազատվելու համար, ընտանիքով տեղափոխվում է Կ. Պոլիս: Այստեղ, 1768 թվականին ծնվում է Համբարձումը: Հայրը նրան տալիս է դերձակության: Այդ արհեստը յուրացնելուց հետո նա այդ արհեստով չի զբաղվում: Լինելով ունակ երաժշտության մեջ, նա իրեն նվիրում է այդ արվեստին: Քաջածառու էր արևելյան եղանակներին: Հնուտ էր հունաց եկեղեցական խազերին և երաժշտությանը: Ահա այդ Բաբա Համբարձումն է, որ հորինում է յոթ հիմնական ձայնանիշեր հետևյալ անուններով. փուշ, եկորձ, վերնախաչ, բեկկորձ, խոսրովային, մեղք-նախաղ և պարույկ: Բայց պետք է ասել, որ այդ հիմքերը հայկական չեն, այլ արաբական: Ինչո՞ւ: Որովհետև Բաբա Համբարձումը ինքը իր փորձերն էլ կատարում էր տաճիկ-արաբական նվագարանի՝ թամբուրի վրա, ուր ամեն լար ուներ իր հատուկ արաբական անունը:

Սակայն, հետո նկատելով, որ ձայնանիշերի քաղմավանկ անուններով արտահայտել երգը-եղանակը անհնարին է, Բաբա Համբարձումը կրճատում, վերցնում է միայն անվան առաջին վանկը.

Փռ, է, վե, բե, խո, ճե, պա:

Կարծիք կա, իբր թե նախքան Բաբա Համբարձումը կային այդ ձայնանիշերը և պահվում էին ոմն Տյուգյան Հովհաննես Չելեբի-նի մոտ, որտեղից Համբարձումի ձեռքն են անցնում, որը և մշակում, հրապարակ է հանում:

Այս մասին Կոմիտաս վարդապետը վկայում է.

«Այն կարծիքը, որ իբր թե նախքան Բաբա Համբարձումը եղել են այժմյան ձայնանիշերը, հավանական չէ. ժամանակակից ակամատես անձինք այդ պատիվը վերագրում են իրավամբ Բաբա Համբարձումին: Այդ ձայնանիշերով ձայնագրեցին ինչպես Ռոզևոր-եկեղեցական, այնպես էլ ժողովրդական, գուսանական և այլ ազգային երգեր»:

Ծարականը ձայնագրելու առաջին փորձը կատարել է ինքը՝ Բաբա Համբարձումը և հասցրել մինչև ս. Ջատիկ օրհնությունը «Այսօր լարեալ» 1888 թվականին: Բայց նա շուտով մահանում է և սկսած գործը մնում է անավարտ: Այդ դեռ քավական չէր, նրա ձայնագրած բոլոր նյութերը անհետանում են:

Երկրորդ փորձը արել է երաժիշտ Եղիա Տնտեսյանը և ավարտել 1870 թվականին: Հետագայում եկեղեցական եղանակները աղավաղումներից փրկելու և անաղարտ պահելու համար Ամենայն Հայոց կաթողիկոս Գևորգ Դ-րդը 1870 թվականին Պոլսից ս. Էջմիածին է հրավիրում երաժշտագետ Նիկողոս Թաշնյանին և պատվիրում իր դեկավարությամբ ձայնագրել բոլոր շարականները, տաղերը, մեղեդիները, գանձերը, ստեղծելները:

Ձայնագրման աշխատանքներից մասնակցում էին նաև Մակար Եկմալյանը, դաիր Պողոս վարդապետ Մեպիճյան Զինկեղերցի և հմուտ երգիչներ: Մասնակցում էր նաև ինքը՝ երաժշտագետ կաթողիկոսը:

Այդ տարիներից ձայնագրվեցին շարականը, տաղերը, մեղեդիները, գանձերը, ստեղծելները և վերջապես պատարագի արարողությունը:

«Ձայնքաղ շարական»-ը առանձին հատորով հրատարակվեց Էջմիածնում, 1875 թվականին: Դրան հաջորդեց նաև եկեղեցական Ռոզևոր երաժշտության մյուս հատվածների տպագրությունը: Հաջորդվեց մոտացությունից ու կորստից փրկել երաժշտական քաղում գանձերը:

Միջանկյալ ասենք, որ այդ եղանակների մի խոշոր մասը կազմում է այսպես ասած Պոլսո կամ արևմտահայ հատվածը: Հետագայում ձայնագրվեց նաև Էջմիածնի երգահատվածը՝ Կոմիտաս վարդապետի անմիջական մասնակցությամբ:

Սակայն պետք է ասել, որ հայ Ռոզևոր-եկեղեցական երգերը ամեն տեղ միատեսակ չեն երգվել: Դա բացատրվում է նրանով, որ հայ ժողովուրդը օտարերկրյա բարբարոս ազգերի արշավանքների հետևանքով գաղ-

թի ենթարկվելով, ցաք ու ցրիվ է եղել երկրի զանազան մասերում: Ամեն մի վայրում կառուցել է իր եկեղեցին ու դպրոցը: Նա միաժամանակ ստեղծել է իր տեղական երգեցողությունը (կամ ճին տարբերակը): Օրինակ, այդ վայրերի թվին են պատկանում Պոլիսը, Երուսաղեմը, Վենետիկը, Վիեննան, Բոմբեյը, Մադրասը, Կակաթան, Թեոդոսիան, Կամենսկ-Պոդոլսկը, Լվովը, Նոր Նախիջևանը և այլ քաղաքներ: Նույն ճակատագրին են ենթարկվել նաև հայ ժողովրդական երգերը, պարեղանակները:

Անիից գալթած հայերը բնակություն հաստատելով Ղրիմում, Թեոդոսիայում, Սուրբ խաչ. հին Ղրիմ, Սիմֆերոպոլ, Ղաթաու-Բազար և այլն, տարել են իրենց հետ Անվո երգերը և երկար ժամանակ պահպանել են ինչպես ծիսական-ժողովրդական, այնպես էլ հոգևոր-եկեղեցական երգերը: Այդ երգերը ժամանակին չեն ձայնագրվել և դրա համար էլ աղավաղվել են, նույնիսկ մոռացվել:

Այժմ, շնորհիվ մեր ազգագրական գիտարշավների, գրի են առնվում այդ նյութերը: Սակայն բավականին փոփոխված վիճակում:

Բայց հայարտությամբ կարող ենք ասել, որ մինչև մեր օրերը պահպանված միակ աղբյուրը, մեր հայկական երաժշտությունն է, մեզ շատերին անծանոթ հին խազերն են և մեր այժմյան Լիմոնջյան ձայնագրությունը: Մեր հայկական միջնակարգ դպրոցներում՝ Շուշվա, Երևանի թեմական, ինչպես նաև Ներսիսյան դպրոցում և Էջմիածնի Գևորգյան ճեմարանում երաժշտության առարկան ոչ միայն եվրոպական ձայնանիշներով էին անցնում, այլ նաև հայկական: Հայկական երաժշտություն էին ավանդում նաև արևմտահայ շատ դպրոցներում: Այդ դասատուների թվին են պատկանում՝ Նիկողայոս Թաշճյանը, Գաբրիել Երանյանը, Մակար Եկմալյանը, Քրիստափոր Կարա-Մուրզան, Գևորգ Չորեքչյանը, Կոմիտասը, Արշակ Բրուտյանը, Պողոս Կարապետյանը, Սահակ Ամատունին, Եղիշե Բաղդասարյանը և ուրիշներ: Հատկապես մեծ է և նշանակալից Մակար Եկմալյանի կատարած աշխատանքները: Բայց, դժբախտաբար, հայկական այդ ձայնագրության կյանքը երկար չտևեց: Այն նույնպես դուրս է մնում գործածությունից, իսկ մեր օրերում բոլորովին մոռացության է տրված և նրանով ոչ ոք չի զբաղվում: Դա մասամբ բացատրվում է այն բանով, որ ներկայումս հարաճում կերպով զարգանում է բազմաձայն երաժշտությունը, որն արտահայտելու համար «հայկական» կոչված այդ

ձայնագրությունը (Բաբա Համարձումի) շատ անհարմարություններ ունի:

Մինչդեռ բոլոր ազգերի մոտ, ինչպես նաև մեզ մոտ XIX դարի վերջերին բոլոր դպրոցներում սկսեց կիրառվել եվրոպական երաժշտության սխեման: Ուրեմն, զարմանալի չէ, որ հայկական ձայնագրությունը տեղի տվեց եվրոպական նոտաներին: Բայց Կոմիտասը, ուր էլ լինեք, իր լսած ժողովրդական երգերը ձայնագրում էր հայկական ձայնանիշերով և երբ վերադառնում էր տուն, վերածում եվրոպական նոտաների:

Նա գտնում է, որ ավելի դյուրին է երգերը ձայնագրել հայկական ձայնանիշերով:

Պատահել է, գյուղամիջով անցնելիս, մի բակից լսել է երգ և պետք է ձայնագրեր: Սակայն թուղթ չունի իր մոտ, կամ ավելի շուտ մոռացել է իր ծոցատետրը վերցնել, այդպիսի դեպքերում, առանց ժամանակ կորցնելու, երգը ձայնագրում էր տաշեղի՝ տախտակի կամ թիթեղի թերթիկի վրա:

Նորին Ա. Օծություն կաթողիկոս հայոց Տ. Տ. Վազգեն Ա-ն, ի նկատի ունենալով այն հանգամանքը, որ հայկական ձայնագրությունը դուրս է մնում գործածությունից և որ մեր օրերում արդեն մոռացության է տրված, միտք է հղանում հոգևոր ճեմարանում դասավանդել տալ հայկական ձայնագրություն: Ներկայումս հոգևոր ճեմարանում արդեն անցնում են հայկական ձայնագրություն, յուրաքանչյուր դասարանում հատկացնելով շաբաթական մեկական ժամ: Աշակերտները հետաքրքրվում են այդ առարկայով և քանում են յուրացնել: Կան աշակերտներ, որ արդեն ազատ կերպով կարողանում են կարդալ և երգել:

Հայկական ձայնագրության և եվրոպական նոտագրության միջև մի առանձին խոշոր տարբերություն չկան: Հայկական նոտագրությունը տարվում է առանց հնգային զմեռի: Բացի այդ, գամմայում (հիմնական) կես տոն ձայները ընկած են մի-ֆա և սի-դո ձայնամիջոցներում: Հայկականում ընկած է առաջին քառյակում այնպես, ինչպես եվրոպական երաժշտության մեջ, իսկ երկրորդ քառյակում ընկած է նե-պա (որ համապատասխանում է եվրոպական երաժշտության լյա-սի նոտաներին):

Տարբեր են և դիեզ-բիմոլ գործածելու բովանդակության մեջ: Այսպես, հայկականում գործ են ածում միայն մի նշան (մի փոքրիկ գիծ, որ թեք կերպով դրվում է նոտայի գլխին և կոչվում է կիսաձայնանիշ և նայած, թե ինչպես է գործադրված, ըստ այնմ էլ նա ունենում է իր նշանակությունը, որ կոչվում է կիսվեր (դիեզ), կիսվար (բիմոլ): Օրինակ, գրված է «փո» — «է» (կիսաձայնա-

նիշ վրան) և «վե». այս դեպքում կիսաձայնակիշով «է» նոտան կարդացվում է «է» կիլովեր, իսկ եթե գրված է առաջին «փո» — «է» (կիսաձայնակիշով) և «բէ» այս օրինակում «է» նոտային հաջորդող «վե» նոտան կարդակալում է, չկա: Այդպիսի դեպքում կրաձայնակիշով նոտան՝ «է» — «ն», կարդացվում է բացակայող նոտայի անունով «վե» կիսվար և այլն:

Ինչ վերաբերում է ցերքին կանոններից, երանք համապատասխանում են իրար. տարբերությունը միայն արտաքին պատկերի մեջ է: Այսինքն, նոտաների և տևողության չափերի արտահայտության մեջ: Օրինակ, նոտայի մոտ (եվրոպական) եթե դնում ենք կետ (.), այդ կետը ավելացնում է տեղյալ նոտայի բախման կեսը: Իսկ հայկականում կետը մի քառորդ բախում է, ուրեմն նոտայի մոտ դնելով, մա ավելացնում է տվյալ նոտայի բախման վրա ևս մի քառորդ բախում և այլն:

Թանգարանի երաժշտական բաժնում կան հայկական ձայնակիշերով ձայնագրված բազմաթիվ երաժշտական գործեր: Դրանց վերծանումը (փոխադրումը) եվրոպական նոտաների և ուսումնասիրությունը վատ լույս կսփռի մեր երաժշտական մշակույթի պատմության դեռևս չհետազոտված կողմերի վրա:

Այսպես, օրինակ, հայկական երգերի և երաժշտական նյութերի ֆոնդում կան.

1. 210 էջանոց մի տետրակ, որտեղ ձայնագրված են հայկական ձայնակիշերով 1874 թվականին, Պոլսում արևմտահայ երաժշտագետ Նիկողայոս Թաշճյանի կողմից:

2. Հովհաննես Տեր-Գրիգորյանի ձայնագրած «Մեղրեցվոյ» երգերի 480 էջանոց սովոր տետրը. 1887 թվականին ս. Էջմիածնի Գևորգյան ճեմարանում ուսանելու ժամանակ ձայնագրել է մի շարք երգեր՝ հայկական ձայնակիշերով, հայ գրողների չափածո ոտանավորների հիման վրա:

3. «Մաշակ» Յարութեանց կիւրակէից, մաղթանք կայսերական տօնի և շարականք հոգեհանգստեան»: Տետրը բաղկացած է 20 թերթից և տպագրված է 1888 թվականին: Հեղինակը անհայտ է:

4. Հետաքրքրություն է ներկայացնում «Ծարական կիւրակէից և Ս. Զատիկ» վերնագրով 88 էջանոց տետրը, որը խմորատիպ է, հեղինակը դարձյալ անհայտ է:

Կարծում ենք, որ մեր թանգարանում գտնվող վերոհիշյալ բոլոր նյութերը պետք է փոխադրել եվրոպական նոտաների, պահպանելով դրանք մեր երաժշտության, մեր մեր սերնդի համար:

Մայր Աթոսում արդեն ներկայումս են և վել շարականների վերծանման մեծ գործին: Արդեն փոխադրված է եվրոպական նոտաների՝ տպագրական 380 էջ. աշխատանքները շարունակվում են:

Մենք գտնում ենք, որ մեր հին երաժշտության գանձերը անպայման պետք է փրկել մոռացումից և աղավաղումներից և դրանք վերածել եվրոպական նոտաների, միանգամ ընդմիջոտ համոզվելով, որ այդ երաժշտությունը հսկայական նշանակություն ունի հայ ժողովրդի անցյալ հոգևոր կյանքի պատկերման համար:

Հսկայական է Էջմիածնի Գևորգյան ճեմարանի կատարած դերը մեր երաժշտության պատրաստման, երաժշտական գիտելիքների տարածման, կատարողական վարպետության, խմբերգային արվեստի արվեստիցների ամրապնդման բնագավառներում: Այստեղ լուրջ հիմքերի վրա է դրվել երաժշտական առարկաների դասավանդումը, առաջին հերթին հայկական նոտագրության ուսումնասիրությունը և խմբական երգեցողությունը: Հայ երաժշտության շատ ակամավոր գործիչներ, այդ թվում՝ Մակար Եկմայանը, Գրիգոր Միրզոյանը (Սյունի), Ա. Բրուդյանը, Սահիրդոն Մեղիքյանը և շատ ուրիշներ, իրենց սկզբնական երաժշտական կրթությունը ստացել են Գևորգյան ճեմարանում: Հայտնի է նաև, որ Գեորգյան վարդապետի երաժշտական կրթության բավական հիմնավոր շրջանը ճեմարանում անցած տարիներն են եղել, երբ մա աշակերտն է եղել Սահակ վոյ. Ամատունու:

Այսօր Էջմիածնի հոգևոր ճեմարանը երաժշտական բնագավառում ևս արժանավոր ժառանգն է հանդիսանում մեր երաժշտական մշակույթի և արվեստի:

Էջմիածնի հոգևոր ճեմարանը բարձրագույն ուսումնական հաստատություն է՝ բաղկացած երեք դասարանական և երեք լսարանական բաժիններից: Այստեղ ուսանողները մյուս հանրակրթական առարկաների կողքին սովորում են նաև երաժշտություն (եվրոպական և եկեղեցական): Երաժշտական առարկաների դասավանդումը դրված է հաստատուն հիմքերի վրա, որովհետև, ինչպես Լամբրոնացին է ասում՝ «Ազգումն երաժշտական եղանակին... ընդոստուցեալ զարթոցանէ զմիտս ամենեցում առ ի տեճումն շնորհին. քանզի չիք ինչ որ գկամս մեր յեղաշրջէ յորպիսութիւն կամ ի տրտմութիւն որպէս զերգոցն ձայն, յորժամ որպէս պարտըն է լինիցի. վասն այսօրին եւ եկեղեցական աւանդութիւն ընկալաւ զայն յարտաբոցն» (Լամբրոնացի, Ի մեկնութիւն պատարագի):

Երաժշտությունը այն առարկան է, որը արթնացնում է միտքը, ազնվացնում մարդու հոգին: Երգը անբաժան է մարդուց թե՛ ուրախության և թե՛ տխրության պահերին:

Ծեմարանի երաժշտական կյանքը պիտի ասել, որ բավականին աշխույժ է. ուսանողները մասնակցում են ճեմարանի թուր հանդեսներին, որտեղ կատարվում են եկեղեցական, հայրենասիրական, ինչպես նաև հայկական ժողովրդական երգեր և խմբերգեր: Կրանք մասնակցում են նաև առավոտյան և երեկոյան ժամերգություններին, իսկ կիրակիները՝ սուրբ պատարագին՝ գործում մասնակցությունը քերելով երգեցողությանը:

Ծեմարանի ներսում գործում է ուսանողներից բաղկացած արական բազմաձայն երգչախումբը, որի փորձերը տեղի են ունենում դասերից հետո՝ երեկոյան ժամերին: Երգչախմբի փորձելը անց են կացվում բավականին հետաքրքիր, ուրախ և աշխույժ տրամադրությամբ, ուսանողների միտքը և հոգեկանը թարմացնելու համար:

Ուսանողների գեղարվեստական ճաշակը և երաժշտական դաստիարակությունը զարգացնելու նպատակով հաճախ նրանք ներկա են լինում սիմֆոնիկ նվագախմբի, Հայաստանի պետական երգչախմբի և մյուս դասական համերգների՝ հոգևոր ճեմարանի տեսչության գլխավորությամբ:

Ուսանողներից մի քանիսը մեծ ջանասիրությամբ զբաղվում են երաժշտական ա-

ռարկաների ուսումնասիրությամբ՝ խորացնելով իրենց գիտելիքները այդ բնագավառում: Այսպիսի ուսանողների նկատմամբ հոգևոր ճեմարանի տեսչությունը, ինչպես նաև Ամենայն Հայոց կաթողիկոս Վազգեն Ա Հայրապետը, հնարավորություններ և միջոցներ չեն խնայում ինչպես անցյալում, այնպես էլ այժմ:

Տեսչությունը հատուկ երաժիշտ-ուսուցիչների խնամքին և դաստիարակության է հանձնել երաժշտության մեջ մասնավոր հալում ունեցող ուսանողների երաժշտական կրթությունը:

Վեհափառ Հայրապետը և սուրբ Էջմիածնի հոգևոր ճեմարանի տեսչությունը ու դասախոսական կազմը ջանքեր և եռանդ չեն խնայում, որպեսզի հոգևոր ճեմարանն ավարտած ուսանողները, որոնք կոչվել են հովիվները դառնալու Հայաստանյայց առաքելական ս. եկեղեցվո, լինեն զարգացած, հոգով մաքուր և ազնիվ հոգևորականներ, հայ ժողովրդի դարավոր երաժշտական գանձերի և մշակույթի քաջ գիտակ, քանիմաց հովիվներ:

Ուսանողները դաստիարակվում են ա՛յս ոգով, ա՛յս գիտակցությամբ, և նրանցից յուրաքանչյուրը զգում է սեփական ժողովրդին ծառայելու ազնիվ և քաղցր պարտականությունը:





ՀԱՏՎԱԾ «ՊԱՏՄՈՒԹԻՒՆ ՏԱՆՆ ԱՐԾՐՈՒՆԵԱՅ» ԱՇԽԱՏՈՒԹՅՈՒՆԻՑ

Աղթամար քաղաքի պայծառագույն և պանծալի եկեղեցու մասին, որի պատրաստության համար շինանյութերը և քարերը բերվեցին հեռու երկրներից, և որի կառուցման դեպքն ու տեղը մենք հավաստի կհայտնենք:

Հոյակապ, հռչակավոր և հրաշալի Աղթամար քաղաքի շինության ժամանակաշրջանում մեր փրկիչ Հիսուս Քրիստոսն իր օծյալ Գազիկի բազուկները բարձրացրեց՝ սանձահարելու համար Իսմայելի գազաճարար ազգին, որին հաստատուն խորհուրդներով և պատերազմական ուժեղ զորությամբ իր ձեռքով կապեց, կարծես երասանկով նրանց կզակները ճվելով թուլացրեց սկսած Մարաստանից և Պարսկաստանից, մինչև ամբողջ Ատրպատականը և մինչև Խուժատունը:

Ում ուզում էր՝ ոչնչացնում էր, ում չէր ուզում՝ ազատ էր թողնում, շատերին իրար դեմ էր հանում և նրանցից հազարների, տասնյակ հազարների իմաստության սրով կոտորում էր: Իսկ ուրիշներից, հանդիպելով պատերազմի [դաշտում], սրի քերանց էր տալիս և անխնա կոտորում՝ երբեմն անձամբ և երբեմն էլ՝ զորքի միջոցով:

Եվ արքան, այս բաները անելով, պատերազմով դիմեց Ասորեստանի վրա և բազմաթիվ գավառներ, իրենց ամրոցներով հանդերձ, իր կողմը գրավելով, խլեց: Եվ կոտորման փոխարեն գլուխներ և անդամներ սահմաններից մոտ, տեսնելով Աղձնյաք իշխանական տանը պատկանող մի ամրոց, որը Զուրարեկ անունով մի տոհմի սեփականությունն

էր, ամբողջովին, հիմնովին ջնջեց, վերացրեց այդ տոհմը և ամբողջ հիմնահատակ քանդելով՝ նրա քարերը վերցրեց բերեց ծովի ալիքների վրայով և սուրբ եկեղեցու համար շինանյութ դարձնելով՝ պիղծ մեհյանի ձև ունեցող կառույցի տեղ կանգնեցրեց փառքի տաճար: Հենց այստեղ էր կատարվում մարգարեի կողմից ասվածը, [թե] «ով որ անարժանից պատվականն է հանում, պիտի լինի ինչպես իմ բերանը», ուր միշտ սուրբ Հոգին՝ մարդկանց առաջնորդելով դեպի անսովոր լույսը:

Եվ որովհետև արվեստի [այս] գործի ճարտարապետն էր Մանվելը, իմաստությամբ լի և իր գործում հմուտ մի մարդ, որին վերևում հիշատակեցինք, հրաշակերտում է եկեղեցին գարմանահրաշ արվեստով և, ինչպես ավելի առաջ ցույց տվեցինք, մի կրոնավորի օգնությամբ քարերի վրա ճշգրիտ նմանողությամբ՝ պատկերում է Աբրահամից սկսած մինչև Դավիթն ու մինչև մեր տեր Հիսուս Քրիստոսը, մարգարեների և առաքյալների դասերը՝ յուրաքանչյուրը հորինված գարմանալի հանդիսավորությամբ ու տեսքով: Եկեղեցական ցկարների շարքում ստեղծագործորեն, առանձին-առանձին պատկերում է շատ երեներ, թույունների և րամներ, միաժամանակ և գազանների խրմբեր՝ խոզեր և աղյուծներ, ցուլեր և արջեր՝ միմյանց դեմ ցկարված՝ այդ կենդանիների կռիվը հիշեցնող ձևով, մի բանի, որը շատ ցանկալի էր իմաստուններին: Եկեղեցու [կառույցի] դռսից՝ ամբողջ շրջագծով հետնակողմի պատերով բերեց մի գուռի՝ պան-

ծալի մանրամասն հատվածներով նորից, լամպովից խաղաղարեւոյս սրբեր՝ օղբերումներով, պաշտմանով և սուղաններով հանդերձ, որոնց կերպարանքները, այլևայլ տարբերություններով, յուրաքանչյուրն իր խմբի կերպարանքն ունի:

Իսկ սրբություններից վերև, չորս կողմերից, ճշգրտությամբ քանդակեց չորս ավետարանիչների պատկերները, որոնք արժանավորապես սուրբ եկեղեցու ուրախության պսակն են և վեր են, քան թուր սրբերը:

Քանդակված է նաև Փրկչի պատկերը, որը մեզ համար մարմին սուղով և որպես մարդ երևաց, և [սա] արևմտյան խորանի կամարին է: Նույնաման ճշգրտությամբ Փրկչի դիմաց քանդակված է նաև Գազիկ արքայի փառազարդ պատկերը, որը մեծապանծ հավատքով իր բազուկների վրա է պահում եկեղեցին, որպես մի ոսկի սափուր՝ մանահայր լի, կամ որպես մի ոսկի տուփ՝ անուշահոտությամբ լի, կանգնած է Տիրոջ առաջ՝ քանդակված այնպես, [որ] կարծես թողություն է խնդրում իր մեղքերի համար:

Թեպետև այս խոսքերը պատմությունից են, սակայն թագաւորը երբեք չի խնայել խնդրողներին պարգևներ տալ՝ հանդերձյալ կյանքում հատուցում ստանալու հույսով:

Այնուհետև՝ խորանի հարավային կողմից, եկեղեցու դռան վրա պատրաստված է մի քարձր տեղ, որ կամարաձև աստիճաններով իջնում է դեպի ցած, որպեսզի թագաւորի համար մարդկանցից հեռու աղոթելու մեկուսի տեղ լինի, ուր ինքնամփոփ, առանց ուրիշ բանով զբաղեցնելու, Աստծուն աղոթի:

Իսկ սրբությունը սրբության ներսի կողմից նորիցում է մի հրաշալիք՝ գույնզգույն ներկերով, արձաթապատ դռներով և լի ոսկե-ճուղ գաղղերով, ոսկեպատ պատկերներով, թանկագին քարերով, մարգարտաճյուս գաղղերով, տեսակ-տեսակ երևելի և պայծառ սպասներով, որ[ով] հրաշալի կերպով մեզ ցույց տվեց երկրորդ Երուսաղեմը, միաժամանակ և վերին Սիոնի դուռը:

Հենց այստեղ են իրականացնում մարգարեական [այն] երգերը, թե՛ «ուրախ եղիր, ծարավի՛ անապատ» և նորից՝ թե՛ «թող ցնծա երկիրը, և թող ուրախ լինեն բազում կղզիներ»: Իսկապես որ սա [Աղթամարը] երբեմնի մի ծարավի անապատ էր, իսկ այժմ Մեծն Աստուծո քաղաքը, որը երկու մշտաբուն աղբյուրներից՝ սուրբ ավազանից և Աստծու Որդու անապական արյունից, գետի պես հոսելով, ջուր է տալիս հոգով ծարավածներին:

Իսկ սրա օծման հանդեսը եպիսկոպոսների և իշխանների դասերով շքեղացնելով, ուրախության մեծ տոն է կատարում՝ սերնդից-սերունդ պարծանքով հիշատակվելու (արժանի):

Ահա ասացիք այն, ինչ սուրբ եկեղեցու մասին էր:


ԹՈՎՄԱՅԻ ՎԱՐԴԱՊԵՏԻ ԱՐԾՐՈՒՆԻՈՅ

Պատմություն Տանն Արծրունեաց,

1887 թ., էջ 297, գլուխ Ը:

Թարգմ.՝ Հովսեփ սարկ. Հակոբյան
(Բ. լսարան)





ԿՈՄԻՏԱՍ ԿԱԹՈՂԻԿՈՍԻ «ԱՆՁԻՆՔ ՆՈՒԻՐԵԱԼՔ»-Ը

7-րդ դարը մեր ժողովրդի պատմության մեջ քաղաքական տեսակետից թեև շատ աննպաստ, սակայն մտավոր-մշակութային իմաստով ներկայացնում է շատ հետաքրքրական և հարուստ մի շրջան:

Դարի սկզբից պարսկա-քյուզանդական արշավանքները ահավոր ավերածություններ են գործում Հայկական ողջ բարձրավանդակում: Երկիրը հետզհետե կորցնում է իր ներքին անկախությունը: Տնտեսությունը հույսալից մահանք է ապրում: Բայց այս անկումը չի խանգարում, որ ժողովրդի մեջ տեղի ունենան մտավոր խմորումներ: Մտքի շարժումները գտնում են ասպարեզ դարձյալ կրոնական հողի վրա: Այս դարում հայ ժողովրդի ստեղծագործական ընդունակությունները իրենց փայլուն արտահայտություն են ստանում եկեղեցական արվեստի և մշակույթի տարբեր բնագավառներում: Երևան են գալիս այքի ընկնող մատենագիրներ, խոշոր ճարտարապետներ, քերթող-երածիշտներ, փիլիսոփաներ:

7-րդ դարը վանական շինարարության և հոգևոր բանաստեղծության ծաղկման շրջան է: Հակառակ երկրի քաղաքական, տնտեսական աննպաստ վիճակին, հայ ժողովրդըրը հանդես է բերում զարմանալի կենսունակություն. ուժ է գտնում իր մեջ ոչ միայն պահպանելու անցյալի փառավոր մշակութային, կրոնական կենտրոնները, այլև կարողանում է ստեղծել նորերը:

Դարի սկզբից Կոմիտաս կաթողիկոսն է (615—628), որ բուց է աճում նյութական շինարարական նոր շրջանը, կառուցելով Հոփսիմեի տաճարը 618 թվին, որը հայ ճարտարապետության գլուխ-գործոցներից

մեկն է իր դասական գեղեցկությամբ, արտահայտված պարզ և ուղիղ գծերով, գերծալք շլացնող զարդարանքներից: Այս շրջանում, 631 թվին կառուցվեց ման Գայանեն: Նույն դարում 652 թվին կառուցվեց ման մեր եկեղեցական շինությունների թագն ու պսակը հանդիսացող Զվարթնոց տաճարը, Ներսես Գ (641—661) կաթողիկոսի ջանքերով: Այս տաճարը իր գեղարվեստական անկրկնելի հնարանքներով ու ճարտարապետական ուրույն մտահղացմամբ աշխարհի յոթ հրաշալիքներից մեկը կարելի է համարել: Հայ ճարտարապետական ոճն այդ ժամանակ է, որ ամբողջացնում է իր ձևերը և հասնում մի աստիճանի, որը գոյություն չունի մինչ այդ: Եթե 5-րդ դարը հայ գրականության ոսկեդարն է, ապա 7-րդ դարը կարելի է կոչել հայ ճարտարապետության ոսկեդարը:

7—11-րդ դարերում հայ գրականության մեջ կրոնա-դավանաբանական գրականությանը զուգահեռ, կարևոր տեղ է գրավում ման կրոնական բանաստեղծությունը՝ շարականներ, տաղեր, որոնք գրված են կրոնական խոր ներշնչմամբ և ունեն գեղարվեստական բարձր արժեք: Եկեղեցական բանաստեղծությունը ամենից առաջ օրհներգություն է, որը ծնվել և զարգացել է ընդհանուր եկեղեցու մեջ՝ քրիստոնեական աստվածապաշտությանը հանդիսավորություն տալու համար:

Ըստ հրեական սովորության, առաջին քրիստոնյաները Աստծուն փառաբանում էին սաղմոսներ երգելով, որը սակայն կրոնական նոր եռանդի առաջացման հետևանքով բավարարություն չէր տալիս այլ-

ևս, և այդ պատճառով էլ 2-րդ դարից սկսած հորինվում են երգերի նոր տեսակներ:

Այս երգերը իրենց նյութն առնում են Աստվածաշնչից, մանավանդ սաղմոսներից: Նրանց վրա այնքան ուժեղ է Աստվածաշնչի ազդեցությունը, որ երբեմն դրանք հարասություններ են լինում, այսինքն՝ հորինվում են նույնիմյան Աստվածաշնչի բառերով և պատկերներով:

Հայ գրականության մեջ հոգևոր երգերի սկիզբը հասնում է մինչև 5-րդ դարը. «Նախ սուրբն Իսահակ և սուրբն Մեսրոպ ասացին զույժն եղանակաւոր ձայնս և զերկու ձայն ստեղիս. Ապա սուրբն Իսահակ գլազարուն և զկարգն Ասագ շաբաթուն, և սուրբն Մեսրոպ զկարգն ապաշխարութեան»: 5-րդ դարում, երբ տեղի է ունենում հայ գրերի գյուտը, հայ եկեղեցում ծիսակատարություններն օտար լեզվի փոխարեն սկսվում են հայերենով կատարվել: Աստվածաշունչը, սաղմոսները և օրհներգությունները հայերենի են թարգմանվում, և հիմք է դրվում գրական մի քանի տեսակների: Եվ քանի որ հոգևոր երգը այդ շրջանում արդեն ծանոթ էր ընդհանուր եկեղեցուն, շատ հավանական է, որ հայ թարգմանիչները թարգմանեին ընդհանուր եկեղեցու մեջ ընդունված երգերը և ինքնուրույն կամ մասնողական նոր երգեր հորինեին: Մեր հոգևոր քանաստեղծության առաջին հեղինակներ են՝ սուրբ Մեսրոպը, ս. Սահակը, Ստեփանոս Սյունեցին, Հովհան Օձնեցին, Մովսես Բերթողը... Հայ հին գրականության սկզբնավորման հետ սկիզբ է առել նաև մեր հոգևոր երգը: Սակայն այս դարում մենք օրհներգություններ չեն գրվել կամ գրվել են, թայց մեզ չեն հասել: Սակայն 6-րդ դարի վերջերին մեր եկեղեցական քնարերգությունը պիտի բավական զարգացած և գորեղացած լիներ, քանի որ 7-րդ դարի առաջին քառորդում Կոմիտաս կաթողիկոսը գերում է իր «Անձինք Նուիրեալք»-ը, որի գեղարվեստական բավականին քարձր մակարդակը նկատի ունենալով՝ պետք է ենթադրել, որ մինչ այդ հոգևոր երգը լուրջ զարգացում ունեցել է, որի նվաճումներից օգտվելով միայն հնարավոր պետք է լիներ «Անձինք Նուիրեալք»-ի մասն մի երգ ստեղծել: Հայ եկեղեցին հնագույն շարականներ ունեցել է անշուշտ, որոնք մինչև այսօր երգվում են, սակայն նրանց հեղինակների ով լինելը անհայտ է: Կոմիտասի «Անձինք Նուիրեալք»-ը առաջինն է, որ պատմական ստուգությամբ իր հեղինակի անունն է կրում: Թեև ժամանակի լավագույն պատմիչ Սեբեոսը այդ մասին չի հասկացել, թայց ու Հռիփսիմի տաճարի մասին նրա գրածից կարելի է ենթադրել, որ նրա միգուցե ծանոթ է եղել Կոմի-

տասի քերթվածը: Սեբեոսը Հռիփսիմի մասին օգտագործում է հետևյալ մակդիրները, որոնք կան նաև «Անձինք Նուիրեալք»-ի մեջ: Օրինակ՝ «պատուական մարգարիտ, ի գիրկս սրբութեան, նուիրեալք սիրոյն Բրիստոսի, ծովածին»: Եվ վերջապես, երբ պատմիչը գրում է «խանդակալ» էր սեր քոյ. երանելին Կոմիտաս: Նա սրանով չի՞ ակնարկում արդյոք Կոմիտասի բանաստեղծական ոգևորությանը Հռիփսիմեով: Պետք է ենթադրել, որ մենք ունեցել ենք մի շարք ծողովրդական երգեր, որոնք երգվել են Հռիփսիմի տոնի առթիվ, և որոնցից օգտվելով Կոմիտասը գրել է իր այս շարականը:

Նոր հոգևոր երգերի մուտքը ժամերգության մեջ ազատ է եղել, որը և նպաստել է հոգևոր երգերի զարգացմանը: Ստեղծվել են «կանոններ» կամ հայերեն «կարգ» կոչված երգերը:

Շարականների արվեստի հատկությունները կապված են նրանց ծագման ու զարգացման պատմության հետ: Հոգևոր երգերը ստեղծվել և հարմարեցվել են եկեղեցու կարիքներին՝ ծողովրդի մեջ երգի միջոցով քրիստոնեական ուսմունքը տարածելու համար: Այդ երգերը կամ օրհներգություններ էին, կամ ապաշխարության երգեր, որոնք ունեին խրատական-փառաբանական կամ աղաչական բնույթ: Այդ բանաստեղծությունները թեև հորինված են զգացմունքի քարձր ջերմությամբ և իրենց մեջ բովանդակում են վսեմ գաղափարներ, բայց կառուցվածքով պարզունակ են և քնարերգության քարձր թոփքներ չպետք է որոնել դրանց մեջ, որովհետև ամենից առաջ դրանք ստեղծվել են ոչ թե կարդացվելու, այլ երգվելու համար: Եղանակը և երգը լրացնելով միմյանց՝ կազմում են մի ամբողջականություն, որից ստեղծագործությունն ավելի է շահում գեղարվեստական տեսակետից: Շարականների արվեստի մեջ ամենից առաջ աչքի է ընկնում ձևի միակերպությունը, որը բխում է նյութի միատեսակությունից: Այդ երգերը թուվանդակում են կարճ, ամփոփ պատմվածքներ՝ Ավետարանից կամ սրբերի կյանքից, որոնց մեջ իշխող գաղափարը քրիստոնեական դավանանքն է: Հետևաբար միատեսակ նյութը և միևնույն գաղափարները քնականորեն միատեսակ ձևով էլ պիտի արտահայտվեին:

Այդ շարականներում օգտագործված պատկերները, դարձվածքներն ու արտահայտության եղանակները, ընդհանրապես, Ավետարանից են առնված: Հոգևոր երգերի մեջ կարելի է նույնիսկ որոնել մեր հին հավատալիքների հեռավոր արձագանքները, ո-

րոնք գալիս են հեթանոսական շրջանի ժողովրդական երգերից...

7—8-րդ դարերում, ինչպես տեսանք, ճարտարապետությունը իր վերելքն ապրեց: Կառուցվեցին այնպիսի տաճարներ, որոնք մեր անցյալի ճարտարապետական ուղջ նվաճումներն օգտագործելով՝ այն մի նոր աստիճանի բարձրացրին: Պարզություն, վեհություն, ձևերի գույսի համաչափություն, ներդաշնակ, թեթև ու թիւմ՝ ահա 7—8-րդ դարերի ճարտարապետության ընդհանուր բնութագիրը: Ավելացնենք այս ամենին նաև մեր հոգևոր երգերը: Հոգևոր երգերը մի կողմից, ճարտարապետությունը մյուս կողմից, լրացնելով միմյանց, ձգտել են ընդգրկել ժամանակաշրջանը իր թովանդակ բազմազանությամբ:

7—8-րդ դարերը իսկապես իրենց արտացոլում գտել են մեր ճարտարապետության և հոգևոր երգերի մեջ: Հոգևոր պարզ, անպաճույճ երգերը նույնպիսի թեթև, ազդու, ապշելու չափ պարզ և հենց այդ պարզությամբ էլ անկրկնելի, գեղեցկորեն ներդաշնակվում են կամ լրացնում քարաշեն երգերի (Հոփիսիմե—Չվարթոնց) այն կոթողները, որոնք իսկապես եզակի հուշարձաններ են մարդու ձեռքով կերտված ոգեշեն արժեքների մեջ:

Մեր ճարտարապետները, վարպետները, տաղասացներն ու շարականագիրները կարծես զգացել են տիեզերքի և մարդու ոգու ներդաշնակումը և իրենց համատեղ, համառ ջանքերով հասել են այն քչերին մատչելի բարձունքին, որին «կատարելիություն» անունն է տալիս մարդկությունը:

Եղել են նաև այնպիսի բացառիկ անձինք, որոնք իրենց բնատուր, շնորհաշատ քանքարով կարողացել են այս երկու տարրերը (ճարտարապետություն, երաժշտություն) գեղեցիկ ներդաշնակումով հաշտեցնել, որով դժվար իսկ է որոշել, թե որտեղ է վերջանում ճարտարապետությունը, և որտեղից սկսում երգը, երաժշտությունը: Այսպիսի փոխհարաբերության մեջ են Հոփիսիմեի տաճարն ու «Անձինք Նուիրեայք» շարականը, որոնք հաճաքեղ մի մարդու անձով ի մի բերվեցին: Նույն մարդու ձեռքով, մտահղացմամբ կերտվեց Հոփիսիմեն իբրև քարեղեն մրդմունց և միևնույն ձեռքով էլ գրվեց «Անձինք Նուիրեայք» շարականը՝ նույն այդ քարեղեն կամարների տակ երգվելու համար:

Այդ հաճաքեղ անձը Կոմիտաս կաթողիկոսն է, որը մեր եկեղեցական պատմության մեջ ծանոթ է որպես շինարար, քերթող և քարեկարգիչ մի անձնավորություն: Մինչ բրա կաթողիկոսությունը, Կոմիտասի կյանքի և գործունեության մասին շատ քիչ բան

գիտենք: Հավանաբար սովորել է Դվինի հայրապետանոցում՝ աշակերտելով Թևոդորոս Քրթեմակոթին, և եղել է Հայաստանի մի շարք գավառների առաջնորդ և ապսվանահայր ու Հոփիսիմե տաճարի և հետո՝ կաթողիկոս: Ծննդավայրն է Արագածոտն գավառի Աղծք գյուղը: Կոմիտաս կաթողիկոսի վանական շինարարությունների մեջ հատուկ տեղ է գրավում սուրբ Հոփիսիմե տաճարի շինությունը:

618 թ. Կոմիտաս կաթողիկոսը ավարտում է սուրբ Հոփիսիմեի կառուցումը «հրաշապես և վայելույս և նազելի և պայծառ շինուածով»: Տաճարի կառուցման ժամանակ երևան է գալիս տապանի մեջ ու Հոփիսիմեի մասունքը (լուսաւոր և չքնաղազիտ արքունական մարգարիտ.... կուռական մարմին արքայ տիկնոջն Հոփիսիմեին» ու Գրիգորի և ու Սահակի կնիքներով դրոշմված: Կոմիտաս կաթողիկոսը չի համարձակվում բաց անել տապան-դագաղը, այլ՝ ինքն էլ կնքելով՝ հրամայում է ամփոփել նրանց սուրբ մարմինները:

Տաճարի շինությունից հետո, Կոմիտասը կատարում է նորակառուց եկեղեցու նավակառուցը և այդ առիթով գրում է կույսերի հիշատակին նվիրված «Անձինք Նուիրեայք» սքանչելի, «գեղեցկուհի» չքնաղ շարականը, որը համարվում է թուր շարականների թագն ու պսակը: «Անձինք Նուիրեայք» շարականը իր ոճի գեղեցկությամբ, կրոնա-քարոյական արժեքով կարող է մրդցել նույն կույսերի հիշատակը հավերժացնող հայրապետի բարեխաշտ մտքի ուղացումը հանդիսացող հայ ճարտարապետական արվեստի գոհարներից մեկի՝ ու Հոփիսիմեի տաճարի հույակապ կառույցի հետ:

Մեր հոգևոր երգերի մեջ այս գործը ընտիրներից մեկն է թե՛ իր իմաստով և թե՛ իր ձևի գեղեցկությամբ: Ներդաշնակ չափ, վեհա պարզություն և ճոխ համեմատություններ:

...Դիոկլետիանոս կայսրը հալածանքներ է սկսում քրիստոնեության դեմ (303—311): Ըստ աղանդության 3-րդ դարից սկսած Հռոմում գոյություն ունեւ Հոգեաց վանքը, որտեղ ապրում էին 37 կույսեր: Կույսերի դեկավարն էր Գայանեն, իսկ Հոփիսիմեն՝ ներանց միջից ամենագեղեցիկը: Երբ սկսվեցին հալածանքները, նրանք թողեցին վանքը և եկան Վաղարշապատ, որտեղ թաքավորում էր Տրդատ Գ-ը:

Տրդատը հեթանոս էր և հուլանում էր քրիստոնեությանը: Նրա լույս եկիւր կույսերի քարոյության մասին, նրանց առյույն կամեցեց՝ հարցաքննել: Տրդատին ներկայացավ Հոփիսիմեն, որը, անվախ և համար-

ձակ, ջատագովեց Տրդատի առաջ քրիստոնեությունը և հերքեց կոապաշտությունը: Տրդատը հավիշտակվեց Հոփսիսիմեի գեղեցկությանը և առաջարկեց նրան թագուհի դառնալ: Հոփսիսիմեն մերժեց, և Տրդատը կատաղած ու վիրավորված իր կրոնական զգացմունքների մեջ՝ նրան և ընկերներին չարաչար մահով սպանել տվեց: Ահա այս դեպքն է, որ Կոմիտաս կաթողիկոսը վերցնելով Ագաթանգեղոսից, նյութ դարձրեց իր քերթվածքի համար:

Հեղինակը գեղեցիկ գույներով է նկարագրում ռազմադաշտը: Ահա դեմ առ դեմ են կանգնել երկու բանակներ. մի կողմից կույսերը՝ հավատով ու առաքինությամբ զինված, իրենց հավատը որպես վահան բռնած, մյուս կողմից՝ կոքերով տարված մահը ու չնչին մարդիկ, որոնք փորձում են բռնությամբ հավիշտակել այդ անգին մարգարիտները: Սկսվում է մարտը: Հեղինակը գեղեցիկ պատկերներով է նկարագրում այն. նույնիսկ հրեշտակները հիպսում են նրանց գեղեցկության ու քաջության վրա, աղոթում նրանց հաղթանակի համար.

«Է զարմացումն և ի վեր քան զհրաշխորհրդոց և բանից հրեշտակաց և մարդկան»:

Անվարտվում է մարտը, և կույսերը ֆիզիկապես պարտվում են: Հաղթանակում է թիրառ ուժը: Նահատակվում են կույսերը, բայց բարձր են պահում իրենց հավատն ու պատիվը: Նրանց այլամ բոցից ծնվում է քրիստոնյա Հայաստանը:

Սուրբ կույսերի՝ քրիստոնեական հավատի մեջ հանդես բերած արիությունը և նրանց անձնուրաց մարտիրոսացումը ոչ միայն ամրապնդեցին հայ ժողովրդի մեջ քրիստոնեական կրոնը, այլև հավատով գոտեպնդեցին հայ կնոջը քաղոյական այն մեծ ուժով, որի շնորհիվ կյանքը իմաստավորվում, առաքինությունը գիտակցվում է իբրև ճշմարիտ իրականություն, որի համար իրոք արժեն կույսերի նման անգամ ամենաթանկ կյանքից հրաժարվել:

Կոմիտասի «Անձինք Նոսիրեալք»-ը գողտրիկ, քնարական մի ստեղծագործություն է՝ գրված անկեղծ զգացմունքով: Այն խավար ժամանակներում, երբ օտար լծի տակ հեծում էր հայոց աշխարհը, երբ մարդը գուրկ ամեն ապահով վիճակից՝ սպանվելու, կոտորվելու, ստորացվելու, գերվելու մշտական սպառնալիքի տակ էր, նման մի մթնոլորտում առավել հասկանալի է դառնում Կոմիտասի ունեցած երազանքը արյար, ազնիվ կյանքի նկատմամբ:

Կոմիտասը հավատում է քարու հաղթա-

նակին, չարի պարտությանը, ինչքան էլ հզոր լինի վերջինը:

«Ինձեալք մաշեցան յոսացեալք ի մեծութիւն» և «թուլացան կորովիք հաստաձիգ աղեղանց»:

Ահա նման մտածումներից է ծնվում երկրնքին, երկնայինին փարվելու ձգտումը: Այդ չէ՞ պատճառը արդյոք, որ հեղինակը այնպես կրքոտ կերպով գովերգում է երկնային կյանքը, այն հակադրելով երկրի, մամանակի ցուրտ ու տխուր օրերին:

«Ջերմեռանդն աղօթիւք և սիրովն առ Աստուած»

Հայցեցին ըզհնարս փըրկութեան»:

Այս աշխարհը չար է ու տխուր: Մարդիկ խաբախվում են խավարի հեղձուցիչ մթնոլորտում: Աշխարհը պետք ունի փրկության: Աշխարհը պետք ունի լույսի, ջերմության: Բայց թերևս ամենից շատ աշխարհը, մարդիկ պետք ունեն անձնագորհ հոգիների, որոնք հանուն ճշմարտության, խղճի ազատության, առաքինության, քաղոյականության պատրաստ են սեփական արյունը թափել. պատրաստ են զրկվելով, զարկվելով, կենդանի օրհնակ դառնալ հավատացյալներին:

Բոլոր ժամանակներում տիրակալները միշտ էլ պատահականորեն թախտի տիրուցած, փառքերից, պատիվներից հոփացած՝ ո'չ թե ճշմարտության են հետևում լինում, ո'չ թե լույս են տեճում, այլ սեփական շահի, փառամոլության, ընչաքաղցության մոլուցքով տարված՝ պատրաստ են եղել լույսն էլ խեղդելու: Ինչ փույթ, թե ուրիշների համար ծանր կլինի ապրել առանց լույսի: Ծշմարտության, լույսի առջև, որքան էլ խավարը թանձր լինի, տեղի կտա, կպարտվի:

«Թագաւորն պերճացեալ գօրութեամբ և փառօք»:

Ի մանուկ ի կուսէն պարտեալ ամաշէր»:

Ծշմարտություն, լույս ու արդարություն որոնող մարդու ճիշն է զգացվում այս թանաստեղծության մեջ:

Ժամանակի ոգին բավական ցայտուն գույներով տրվել է այս ստեղծագործության մեջ: Այլ կերպ էլ չէր կարող լինել: Որքան էլ այս ստեղծագործությունը կրոնաշունչ է ու երկնայինը փառաբանող, որքան էլ ձգտում է ոչ աշխարհայինի մեջ գտնել կամ հաստատել ճշմարտությունը, այնուամենայնիվ, այդ ձգտումներով թեկուզ, հակադրվել է ժամանակի տխուր ու հոռի քարքերին, բողոքել վատի, չարի դեմ, երսզել այն աշխարհը, ուր սիրո, գեղեցիկի, հավատի ու հավատարմության, լույսի ու հույսի համար կովող մարդիկ ողջակեզ չեն դառնում տգետ ամբոխի կամ անգութ բռնակալների կողմից...

Կոմիտասի այս ստեղծագործությունը իսկապես բանաստեղծական հրաշալի մի կոթող է՝ լի պատկերավոր արտահայտություններով, զգացմունքի անկեղծությամբ, անպաճույճ գեղեցկությամբ: Բանաստեղծության մեջ թեև կան մասեր, որոնք ճառային բնույթ են կրում. ինչպես, օրինակ՝

«Հոփսսիմէ մեծ խորհորդ և անուց ցանկալի
Ընտրեալ ի յերկրի և դասեալ ընդ հրեշտակս

Եղեր օրինակ սրբութեան կուսանաց.
Վարդապետութիւն առանց արդարոց»:
Սակայն ժամանակի աչքերով նայելու դեպքում կտեսնենք, որ այդ անխուսափելի է և չպետք է գեղարվեստական թերություն համարել:

Աստված անտարբեր չէ մարդկային գործերի նկատմամբ: Նա հոգատար հոր նման քայլ առ քայլ հետևում է մարդկանց. նրանց լավի համար ուրախանում և վատի համար տխրում է:

«Է՛ն՞ Աստուած ամենագոր գորութեամբն
Խոնարեալ տեսանէր ըզհանդէս կուսանացն»:

Ամենաբարձրյալն անգամ ըստ հեղինակի, խոնարհվում է լավ գործի, լավ արարքի համար:

«Բուրվառք ոսկեղէնք», «ողջակեզք բանաւորք», «որոջք անարատք», «աստուածատուր կուսանք», «շինուածք երկնաւորք», «արձանք լուսեղէն»՝ ահա այսպիսի համեմատություններով և շքեղ մակդիրներով է հեղինակը պատվում կույսերին: Բանաստեղծը կիրառել է նաև այլ քնորոշ մակդիրներ. ինչպիսիք են՝ «Հաստածիք աղեղ», «ծովածուփ կենցաղ», «անշեք լապտեր» և այլն: Պատկերավոր համեմատություններից բացի օգտագործվել են նաև գեղեցիկ փոխաբերություններ, որոնք առավել դիպուկ, նպատակաւոր են դարձնում հեղինակի խոսքը.

«սոքա են քարինք սուրբ հիմնեցեալք ի յերկրի», «շինուածք երկնաւորք ի յերկրի հաստատեալք».

Հեղինակը կարողացել է հմտությամբ լրցնել այդ մեծ ծավալը, անելով սակավաթիվ կրկնություններ միևնույն մտքի, որոնք սակայն շատ զգալի չեն: Իսկ ինչ վերաբերում է քերթվածի լեզվին ու կառուցվածքին, պետք է ասել, որ քերթվածը փայլում է իր պարզությամբ, գրված է հնչեղ, դասական, մաքուր գրաբարով: Բանաստեղծը ուշադրություն է դարձել ոչ միայն բովանդակությանը, այլև ձևին, որոնք փոխադարձաբար լրացրել են միմյանց՝ ավելի կոռ ու ամրոշական դարձնելով բառերից կերտված այդ հոյակապ կոթողը: Գրված է անկեղծ զգացմունքով, լի մտքի համարձակ գյուտերով և քնարական բուռն գեղումներով:

Քերթվածը աչքի է ընկնում նաև իր տաղաչափությամբ: Այն բաղկացած է 98 բառատողներից, որոնք հաջորդում են միմյանց այբուբենական կարգով: Հեղինակը օգտագործել է տարբեր չափեր, սակայն տիրապետող տասներկու վանկանի քառանդամ ոտանավորն է «9+9+9+9» որով քերթվածը ստանում է սահուն և թեթև երաժշտականություն և քնարական քնքշություն:

«Անձինք Նուիրեալք»-ը մեր հոգևոր բանաստեղծության անկրկնելի գանձերից մեկն է, որը դարեր շարունակ հուզել, ջերմացրել է տասնյակ սերունդների սրտերը՝ ոգևորելով նրանց հավատքի, անձնագործության, նվիրումի ոգով, հանուն հայ օջախի սրբության, կամացի առաքինության և բարձր քառյականության:

«Ծնան կուսանք ազգոս բազում
Եղին զանձինքս գրաւականքս բազմաց
Եւ եղեն փրկանք անծանոթ աշխարհին»:

ՎՐԵԾ ՍՐԿ. ՆԵՐՍԻՍՅԱՆ
(Բ. լսարան)





ՀԱՎԵՐԺԻ ԾԱՄՓՈՎ

Ծեր էր ու անկար:

Պետք ուներ օգնության:

Նաև պատրաստ էր օգնելու:

Մի կին էր, որ ապրել էր մեկ դարից մի քիչ ավելի:

Որդիներ էր ծնել: Տքնումով պահել ու անել, որոնք թույնի ձագերի նման, երբ թև էին առել, թռել գնացել էին: Նոր բարդի էին գտել: Նոր քույն հյուսել: Եվ մոռացել էին իրենց մորը, որ իրենց ձագերն էլ նրանց մոռանա:

Մայրը հին, անհայտ մատուռի նման խարխուլել էր ու մոռացվել:

Դարձել էր գոսացած, կիսակենդան մի կոճղ, որ արմատներ ունի թևև հողի մեջ, քայց ճյուղեր չունի:

Ամեն առավոտ և երեկո, ժամերգությունը սկսելուց մի կես ժամ առաջ, ծուռտիկ ձեռնափայտին հենված, երբորոն ու անհաստատ քայլերով գալիս էր եկեղեցի:

Կարճուտն էր ու փոքրամարմին՝ գաճաճ եղևնու նման:

Հագուստը՝ հնամաշ, հնաքույր:

Եկեղեցու գավթում, մուտքի մոտ, ծալապատիկ նստում էր մաշված, տեղ-տեղ պատառոտված կարպետին՝ գլուխը վեր, ձիգ ու զգաստ, ինքնասույզ, մտասևեռ:

Աչքերը չէին տեսնում: Հետզհետե մաշվող, սպառվող մոմի նման տարիները խլել էին նրա աչքերի լույսը՝ թողնելով միայն մոխիր ու մշուշ:

Ականջներում քոլոր ծայներն ու շշուկները աղմուկ էին դառնում, անհետանում:

Նա երբեք ձեռք չէր մեկնում ողորմություն խնդրելու:

Երբեք չէր ասում ընդունված կարգով.

— Ողորմացեք թվառիս:

Ոչ ոքի գուրջ չէր փորձում կեղծ կամ անկեղծ աղերսներով շարժել:

Ընդհակառակը:

Աշխատուի էր կարծես ցույց տալ, թե ինքը այնքան էլ վատ վիճակի մեջ չէ:

Նստում էր լուռ, ուղիղ ու անշարժ:

Իբրև քողո՞ք:

Պահա՛նջ որպես:

Զգվում էր տեղում և անլույս, պղտորված աչքերով անթարթ նայում էր անորոշ մի տեղ:

Նրա անարյուն, չորացած շուրթերին միշտ անվերձանելի հնչյուններ էին թրթռում:

Աղոթո՞ւմ էր արդյոք:

Մարդկա՛նց օրհնում:

Թե՛—

Անիծում էր իր անուրախ կյանքը և մեկ էլ՝ երջանիկներին:

Այդ համառ, ամուր սելմված շուրթերից, քարի խորշոմադեմք պատավից դժվար թե անե՞ծք դուրս գար:

Անե՞ծքը անգորի զենքն է:

Մինչդեռ նրա անգորության մեջ մեծ գործողություն կար:

Դարս-դարս կնճիռները դեմքին, կարծես երկաթագիր մագաղաթների տողեր լինեին՝ պարզ ու դյուրընթեռնելի:

Ծերմակած, նոսրացած մազերից մի քանի ցաք ու ցրիվ թելեր սովորաբար միշտ դուրս պրծած էին լինում գլխաշորի տակից ու հովից մեղմորեն—կարկտահարված արտի հատ ու կենտ հասկերի նման—թրթռում նրա անշարժ, քարացած դեմքին:

Չիներ այդ աննշան շարժումը՝ կլարծվել թե պղնձագույն ժայռեղեն ապարամից հանճայրեղ արվեստագետի ձեռքով թեթևորեն ուրվագծված արձան է:

Մեռած էր այդ կինը մարմնապես:

Բայց ոգին արթուն էր, կենդանի:

Խարիչված, տկարացած մարմինը շնորհիվ առողջ ու կենսունակ ոգու՝ կարողանում էր ներգործել. հարգանք, անգամ ակնածանք կորզել: Կարողանում էր իր չափած խոսքը, որ պիտի ճշար մի օր—լռեցյալն ասել:

Կոթողացած տրտունջ էր:

Ու

Լոռւոյան ամարկու ճիչ:

Հատ ու կենտ տարեց հավատացյալներ, մեծ մասամբ կաղ, կյանքից զրկվածներ—նրան տալիս էին երբեմն կոպեկներ:

Նա չէր փոխում դիրքը:

Ձեռք չէր երկարում:

Գոգը նետվող կոպեկների չխլոցը արձագանք չէր գտնում նրա հոգում:

Շրջապատի նկատմամբ անհոգողող էր:

Սակայն—

Ոչ անտարբեր:

Ամեն օր, մտանց թերացման, գալիս էր եկեղեցի:

Գալիս էր աղոթելու:

Ապրելու:

Բայց քանի որ եկեղեցին անմարդ էր լինում ու իր նման լքված—ապրելը նրա համար դառնում էր անչափ դժվար:

Արտաքնապես լքված եկեղեցին, որ համեստ ու անշուք մի շինություն էր—խորհուրդ ուներ իր մեջ: Հանճարի դրոշմ: Եվ ուներ ոգի հավերժող: Ջորեղ, չմեռնող խորհուրդ՝ անթելված կրակի նման այրելու, արթնանալու պատրաստ:

Խմաստության բորբոս կար խորաններում քազմած: Եվ կար կաթնասերի նման քերվող գաղափար—լույսի պես պայծառ ու լույսի նման անորսալի: Կար հաշիշի պես թմրեցնող խնկարույր ծուխ. հնձրյա, առինքնող, արբշիտ բորմունք: Եվ կային կանթեղներ անհամար: Զահեր կայծկլտացող: Շրագներ՝ անկրակ: Մոմեր անմար, թախծոտ—ինչպես մատաղացու ոչխարի աչքեր, որոնց հավեր-

ժախայ, դեղնկոտ ցուլերի. ներքո մարդիկ ստեղծվածներ են. արարել: Հրաշքներ հորինել: Տեսիլքներ կերտել: Երկնէլ երազներ—մեր խաչված, չարչարված Աստծուն անմահության խորհուրդը մեկնելով—որ խաչվելով անմահանա Աստվածը և որ ստեղծելով, անգամ հատվելով, թալվելով հարստենք է՝ մենք...

Եկեղեցին և կինը մարմնապես մեռնում էին—մայրամուտ թեքվող արևի, սպառվող ճրագի, այրվող, վերջացող խունկի նման:

Բայց պահպանել էին անտես, զորավոր ոգին, որ անշուշալի էր թեև բոցի նման և հենց նույն բոցի պես էլ այրող, զգալի:

Այդ կինը և եկեղեցին գալիս էին վաղընջական դարերից իրենց երկար, փոշոտ ու փշոտ ճամփին կորցրել էին շատ բան—բաշխել առատորեն, որ կյանքում լույս լինի, իսկ լքված սրտերում՝ հույսի նշույլներ: Որ կյանքի շատ դառնությունների հետ քիչ էլ քաղցրություն լինի: Որ վշտոտ հառաչանքների ժպիտների քեկորներ շաղախված լինեն: Որ խեղդիչ տխրության տեղատարալի հեղեղներից հետո, քիչ էլ ծիծաղի թարմաշունչ ցող իջնի: Որ քթաբեր, ձյունոտ փոթորիկներից հետո նաև խնդության արփալույս լինի: Որ անդադար, հոգնատանջ, տառապալից աշխատանքներից հետո հանգստություն լինի: Արյունահեղ, ավերիչ ու անվերջ պատերազմներից ճնշահատ մարդը քիչ էլ խաղաղություն ճաշակի: Եվ վերջապես, որ կյանքը կյանք լինի և ոչ թե չարչարանք:

Եվ հիմա նրանք սուկ իրենց ոգիների փոխադարձ ներդաշնակումով, լրացնելով մեկը մյուսին, ձուլվելով միմյանց երբեմն խարիսխվելով, երբեմն սրընթաց—շարունակում էին իրենց հավերժի ճամփան...

Չէ որ հաճախ գոսացած կոճղերից անգամ դալարագեղ ծառեր են բուսնում...

ՍԱՍՈՒՆ, ՍՐԿ. ՎԱՐԴԱՆՅԱՆ,

(Բ լսարան)





S U S U

Ա՛խ, այնպե՛ս կուշեմ ինձ ծեծես նորից,
 նորից ես վախչեմ, հեռանամ տնից
 Ու հարևանի թոցրատանն անքուն՝
 կատուների հետ սրթսրթամ թաքուն:
 Իսկ դու փնտրրես, որոնես դու ինձ,
 կանչես՝ որտե՛ղ ես, որտե՛ղ ես, իմ գիժ.
 Ու կատուները անգետ, ակնապիշ
 նորից միավեն... իմանաս նորից,
 ինձ բռնես... ու ա՛խ, լացես անխռով:
 Ա՛խ, այնպե՛ս կուզեմ, թեկուզ ծեծվելով,
 Քեզ տանջել նորից... մանկանալ նորից:



Ա՛խ, ինչ անուշ կըսվողուսցին կուռնկներըս
 ու թռան,
 Ոսկեփրփուր ամպերով հեզահափիկ հագե-
 լով.

Պ Ա Պ Ս

Մի օր առու է փորել ձորասիւն,
 Այգի է գցել, քարերը ջրկել,
 Սարերից անգամ հող է շալակել
 Ու չի խոնարհվել իր չարչարանքին:

Ու երբ աշունն իր մառանն է բացել,
 Հպարտությամբ եմ տեսել ճակատին.
 Ու ոսկի, ոսկի՝ աշնանամուտին,
 Ինձ արարիչ է պապս թվացել:

ՍԱՄՎԵԼ ԵՂՆԱԶԱՐՅԱՆ
 (Բ դասարանի ուսանող)



Ի ՔԵՆ ՀԱՅՅԵՄՔ

Մեակումը և ներդաճակումը՝
 հիմունն Մեծիկունի

ԶԱՓԱՎՈՐ-ԴԱՆԴԱՆ

Ի քեն հայ - ցի - մը բա - զում ո - դում - Ի
 Ի քեն հայ - ցի բա - զում ո - դում - Ի
 Ի քեն հայ - ցի

ձե - ռն սր-բոց քո ա - ռա - ին - լոց իր - նայ -
 ձե - ռն սր-բոց քո ա - ռա - ին - լոց իր - նայ -
 ձե - ռն սր-բոց քո ա - ռա - ին - լոց իր - նայ -
 սր - բոց քո ա - ռա - ին - լոց իր - նայ -

- եա Տէր Ի յան - ձի - նրա
 - եա Տէր Ի յան - ձի - նրա
 - եա Տէր Ի յան - ձի - նրա
 - եա Տէր Ի յան - ձի - նրա

մեր Ջարս ըն-տե- ցեր յու - ռաջ զի - տու-րեամբ զար - ժա - նա-ցե -

մեր

- լոցս ան - ձի - նրս սր - պա - տը - եալ ի նո - տա զհո - զի շնոր -

սր - պա - տը - եալ ի նո - տա զհո - զի շնոր -

cresc.

- հաց ֆոց ա - ռով վան - եալ հեր - եկ - ցին -

հեր-եկ-

f

Գա-պրս - ամբ Գրե - նա - մին բա - բե - խօ - տու - րեամբ
 Գա-պրս - ամբ Գրե - նա - մին բա - բե - խօ - տու - րեամբ
 Գա-պրս - ամբ Գրե - նա - մին բա - բե - խօ - տու - րեամբ
 - ցից Գրե - նա - մին բա - բե - խօ - տու - րեամբ

mp

տ - ցա խը - նայ - եա Տէր
 տ - ցա - տ - ցա խը - նայ - եա Տէր
 տ - ցա խը - նայ - եա Տէր
 տ - ցա խը - նայ - եա Տէր

rit.

Ի յան - ձի - նըս մեռ
 Ի յան - ձի - նըս մեռ
 Ի յան - ձի - նըս մեռ
 Ի յան - ձի - նըս մեռ



ՀՈՒՐՈՐ ՄԱՅՐ ՀԱՅՐԵՆԻՎԻՑ

Գիտությունների Ակադեմիայի ճիստը Լեոնիդակա-
նում.—Հայաստանի Գիտությունների Ակադեմիայի
նախագահությունը հաճախ գիտական մոլորվելու է
հրավիրում հանրապետության տարբեր քաղաքներում
և շրջաններում, նպատակ ունենալով տիրացնել կա-
պերը ակադեմիայի և տեղի մտավորականության
մեջ:

Վերջերս հերթական գիտական նստաշրջան հրա-
վիրված էր Լեոնիդակաում: Ծնրջ 20 ակադեմիկոս-
ներ մեկնել էին Լեոնիդակա՝ անվանի գիտնական
Վ. Համբարձումյանի գլխավորությամբ: Նստաշրջանը
քննության առավ սեյսմոլոգիայի և գեոֆիզիկայի
բնագավառում կատարվող ուսումնասիրություն-
ների արդյունքները, ինչպես նաև Լեոնիդակաում
գիտական աշխատանքների զարգացման հարցերը:

Հայ Ջեռագիր բառարանների ուսումնասիրություն.

—Մեր ձեռագրերի թվում կան նաև բազմաթիվ ձե-
ռագիր բառարաններ, որոնք մինչև Ռիմա ինչպիս
հարկն է չեն ուսումնասիրված:

Մաշտոցի անվան մատենադարանի գիտական աշ-
խատող Հայկ Ամալյանի աշխատությունը, որը կոչ-
վում է «միջնադարյան Հայաստանի բառարանագի-
տական հուշարձանները» գալիս է լրացնելու այդ
բազմ: Հեղինակը մանրամասն վերլուծում է հայ բա-
ռարանագիտության պատմությունը և նրա առաջադ-
ման պայմանները: Հերքելով այն թուր կարծիքը, որ
հայերը իր բառարանագիտությամբ զբաղվել են
սկսած 17-րդ դարից, հեղինակը հաստատում է, որ
Հայաստանում բառարանագիտությունը սկսվել է
վաղ միջնադարից, դեռևս հունական դպրոցի շրջանից:

Հեղինակը ուսումնասիրության նյութ է դարձրել
«15-րդ դարերի 20-ից ավելի գրչագիր բառարան-
ներ, իրենց մի քանի տասնյակ ընդօրինակումներով:
Գրչագիր բառարանները հաճախում են տպագրվել
իրենց, Ամալյանը կատարել է բազմաթիվ քառերի
իմաստների ճշտումներ և արձանագրել մի քանի հար-
յուր նոր բառեր, որոնք չեն ճշվում մինչև այժմ նշան
տպագիր բառարաններում:

Հայադիտական շրջաններում գտնում են, որ Հ.
Ամալյանի այս աշխատությունը հիմք է դնում հայա-
գիտության մի նոր բնագավառի՝ բառարանագիտու-
թյան գրչագիր շրջանի պատմության:

Նդիշե Զարեհի հիշատակին.—Մեծանուն բանաս-
տեղծ Նդիշե Զարեհի ծննդյան 70-ամյակի կապակ-
ցությամբ, Հայաստանի Միևիստրների սովետը հա-
տուկ որոշում է ընդունել նրա հիշատակը հավերժաց-
նելու համար:

Երևանում կանգնեցվելու է բանաստեղծի արձանը,
որի նախագիծը կազմելու համար Երևանի Քաղաքա-
յին սովետը հայտարարել է մրցանակաբաշխություն:
Երևանի Արվեստի և Գրականության Թանգարանը
կոչվելու է Զարեհի անունով: Մեծ բանաստեղծի ա-
նուն է կրելու Լեոնիդակաումի հրապարակներից մեկը:
Երևանի Հայկական Մանկավարժական ինստիտու-
տում սահմանվելու է Զարեհի անվան մեկ թոշակ:
Զարեհի նախկին բնակարանը դարձվելու է թանգա-
րան:

Ծարտարապետ Կարո Հալաբյանի ծննդյան 70-ամ-
յակը.—Մոսկվայի և Երևանի Ծարտարապետների
Միությունները մշեցին հայագի ակադեմիոյ ճար-
տարապետ Կարո Հալաբյանի ծննդյան 70-ամյակը:

Կ. Հալաբյանը սովորել և ավարտել էր Թբիլիսիի
Ներսիսյան դպրոցը: Ծարտարապետական բարձրա-
գույն կրթությունն ստացել էր Մոսկվայում: Նա մեկն
էր սովետական այն ճարտարապետներից, որոնք այն-
քան մեծ և եռանդուն աշխատանք թափեցին Սովե-
տական Միության քաղաքների, արդյունաբերական
կենտրոնների և առողջարանների նախագծման ու
վերակառուցման գործում:

Կարո Հալաբյանը մեծ տաղանդի և լայն չափանիշ-
ների ճարտարապետ էր: Հայրենական մեծ պատե-
րագմից հետո նա հրավիրվեց որպես Ստալինգրա-
դի (Ներկայիս Վոլգոգրադ) գլխավոր ճարտարապետ:
Ժուգաբերելով իր մեծ կարողությունները, Կարո Հա-
լաբյանը նախագծեց ու բոլորովին վերակառուցեց

պատերազմի Ռևանսիսի Ռիմնովից ավերված քաղաքը, որն այսօր իրենից ներկայացնում է ճարտարապետական մի Ռիանալի կոթող, Վոլգայի ափին:

Սովետական Միության մամուլը լայնորեն ուշադրություն է դարձնում տեղի ունեցած հանդիսավոր երեկոյին: Մոսկվայում տեղի ունեցած հանդիսին մասնակցում էին Սովետական Միության այլ հանրապետություններից, այդ թվում Հայաստանից ժամանած բազմաթիվ հայտնի ճարտարապետներ՝ Միք. Մազմանյանը, Վարազդատ Հարությունյանը, որոնք իրենց ելույթներում բարձր գնահատական տվեցին և Հայրենի գործունեությանը:

Նկարիչ Զարեհ Մուրաֆյանի ցուցահանդեսը.— Երևանում, Նկարիչների տանը բացվեց ֆրանսիական Նկարիչ Զարեհ Մուրաֆյանի ստեղծագործությունների ցուցահանդեսը, որը կազմակերպել էին Հայաստանի Նկարիչների Միությունը և Ափյուռքահայության հետ Մշակութային Կապի Կոմիտեն:

Ծուցադրված էր շուրջ 80 կտավ: Ծուցահանդեսն անցավ մեծ հաջողությամբ: Ծուցահանդեսից հետո Զ. Մուրաֆյանը իր աշխատությունների մի մասը Եվրոպեյան Հայաստանի պետական պատկերասրահին:

Նար-Ռոսի երկերը վրացերեն լեզվով.—Վրաստանի Պետական Հրատարակչությունը վրացերեն լեզվով լույս է ընծայել Նար-Ռոսի երկերի մի հատորակը, որի մեջ գտնվում են հեղինակի «Ամեն Սարյան», «Սպանված աղավթ», «Նեղ օրերից մեկը» և այլ երկեր, ինչպես և «մեր թաղը» շարքից մի շարք պատմվածքներ:

Գիրքն ունի ընդարձակ առաջաբան, ուր մանրամասն վերլուծված են Նար-Ռոսի ստեղծագործությունները:

Հայաստանի քարձրագույն ուսումնական հաստատություններում.—Հանրապետության քարձրագույն ուսումնական հաստատությունները պատրաստվում են նոր ուսումնական տարվան:

Այս տարի 12 քարձրագույն ուսումնական հաստատությունները կնդուցեն 8825 ուսանող, շուրջ 150 տարբեր մասնագիտությունների գծով: Այսպիսով ուսանողների ընդհանուր թիվը կհասնի 50.000-ի:

Երևանի Պետական համալսարանում և Պոլիտեխնիկական ինստիտուտում և այլ ԲՈՒՀ-երում կբացվեն նոր մասնագիտական բաժիններ: Խ. Արամյանի անվան Մանկավարժական ինստիտուտի Լեյնականի բաժնում ունցել կվերանվի առանձին ինստիտուտ: Առանձին ինստիտուտ է դառնալու նաև Պոլիտեխնիկական ինստիտուտի շինարարական ֆակուլտետը: Պետական համալսարանի և մի շարք ինստիտուտների համար կառուցվում են ուսումնական նոր շենքեր:

Հայաստանի Հեռուստատեսության կայանի ընդարձակումը.—Հեռուստատեսությունը Հայաստանում ունի ընդամենը 10 տարվա պատմություն: Հեռուստատեսային կայանների հզորությունը մեղկապես եռապատկվել է: Կապույտ պատտառով տրվող հաղոր-

դածները դիտում են Արարատյան դաշտի և Հանրապետության հյուսիսային մասի շրջանները, ինչպես նաև Լեյնական, Կիրովական, Դիլիջան, Ստեփանավան, Ալավերդի քաղաքները: Մինչև տարվա վերջը հեռուստատեսային հաղորդումները կդիտեն նաև Սևանի ավազանի և հյուսիս-արևելյան շրջանները:

Հայկական Հեռուստատեսային կայանը կապված է Մոսկվայի հետ Թբիլիսիի, Սոչիի և Սիմֆերոպոլի վրայով: Եկող տարի կսկսվի Երևան-Երեզնաձոր-Սիսիան-Գորիս-Ղափան գծի կառուցումը, որով Երևանի հաղորդումները կդիտեն Ջանգիզուրի շրջանները: Բացի այդ նոր կառուցվելիք գիծը Սիսիանում կմիանա Երևան-Նախիջևան գծին, որով հնարավոր կլինի հեռուստատեսային կապ հաստատել Երևանի և Բաքվի միջև:

Ապարանի քրամբարը շահագործման հանձնվեց.—Վերջերս ավարտվեց Ապարանի քրամբարի կառուցումը և տեղի ունեցավ հանդիսավոր քաջուր:

Քրամբարի կառուցումը տևեց շուրջ 4 տարի: Այն կառուցված է հասախ գետի վրա, ունի 7,5 քմ. կիսմետր մակերես և տարեկան կարող է կուտակել 80 միլիոն խորանարդ մետր ջուր, որը կարող է ոռոգել 7500 հեկտար անջրդի հողեր:

Քրամբարի կառուցման համար հսկայական աշխատանք է կատարվել: Գետի առաջը փակող 52 մետրանոց հողապատնեջ ստեղծվելու համար քերված և լցված է 850,000 խորանարդ մետր հող: Ապարանի քրամբարից ամեն տարի շուրջ 37 միլիոն խորանարդ մետր ջուր տրվելու է Ագգի-Շամիրամ քրանցքին, որը սնվում է Սևանի Հրազդանի միջոցով: Որով հնարավոր կլինի տարեկան նույն քանակությամբ ջուր խնայել Սևանից:

Արփա-Սևան փապուղու կառուցումը.—Արփա-Սևան փապուղու շինարարները կարևոր հաջողություն ձեռք բերին: Ավարտվեցին № 2 և № 3 հորանցների փորման բոլոր աշխատանքները: Հորանցներից առաջինը ունի 352 մետր խորություն, իսկ երկրորդը՝ 381 մետր:

Այսպիսով 48 կիլոմետր երկարություն ունեցող փապուղու բոլոր 11 խորքերը պատրաստ են գործելու, այսինքն փապուղու փորումը հնարավոր կլինի կատարել 11 տարբեր կետերից: Շինարարության ըսկզբից մինչև օգոստոսի 1-ը փորված փապուղու ընդհանուր երկարությունը կազմում է մոտ 8500 մետր:

Հայկական ազգային ճաշարան.—Երևանում, Լեյն-գի հրապարակից ոչ հեռու քաջվելու է Հայկական ազգային կերակուրների մասնավոր ճաշարան-սրճարան: Ճաշարան-սրճարանը գեղեցիկ ձևավորում կունենա հին հայկական ոճով: Պատերը, առաստաղը, հատակը, սեղանները, նստարանները, պեակները, գավաթները ամեն ինչ հիշեցնելու է հայկական մահապետական կացարաններն ու նրանցում գործավորվող սպասներն ու կարասիները:

Մատուցողները ևս կրելու են հայկական ազգային տարազ: Կերակուրներն ու խմիչքները քաջառապես

Քայլական են լինելու: Նոր ճաշարամ-սրճարանը կոչվելու է «Վառազն»:

Նոր քնակելի թաղամաս Նորքի սարայանջին.— Նախապատրաստական աշխատանքներ են տարվում Նորքի սարայանջին մի նոր խոշոր քնակելի թաղամաս կառուցելու, որը կոչվելու է Նորք—2: Սա ոչ մի կապ չունի այն քնակելի գտնվածքի հետ, որը կառուցվում է Ախան պողոտի և Ռին Նորքի միջև ընկած սարայանջին:

Նորք—2 կկառուցապատվի 5—8 հարկանի շենքերով: Այն կսկսվի Ռին Նորքից և կվերջանա Սարի թաղով: Այն կունենա 50.000 քնակիչ: Ներկայիս «Երևաննախագիծ» ինստիտուտում սրտատեսվում է, որ թաղամասի զծագրերը:

Նախիջ Եգիպտոս Ղազարյանի ցուցահանդեսը.— Վերջերս Երևանում Հայաստանի նկարիչների տանը քաջվեց Ռեգինա Ղազարյանի անհատական ցուցահանդեսը: Ներկայադրած 50 աշխատանքներից 25 բնորոշված էին Չարեմզան թեմային որտեղ նկարիչը բացահայտել է մեծ բանաստեղծի կերպարը և տվել մի շարք ստեղծագործությունների վերլուծությունը: Ցուցահանդեսը ինչպես Երևանում այնպես էլ Հայաստանի մյուս քաղաքներում գտնվ ջերմ ընդունելություն և արժանատիքներով հասարակության կողմից:

Զրմող Մարտունու շրջանում.— Մարտունու շրջանի (Սևանի ավազան) մի շարք գյուղեր (Երսնու,

Լինք, Վերին Կետաշեն և այլն) իրենց միջոցներով և պետության օժանդակությամբ վերջերս կառուցեցին ջրմուղ, որի երկարությունն է 24 կիլոմետր: Զրմողը սկիզբ է առնում Վարդենիսի լեռների աղբյուրներից և լիպի թավարարում 10 գյուղերի պահանջները: Մինչ այդ, Ռիշալ գյուղերի քնակիչները օգտվում էին ջրհորների ու գետակների ջրերից:

Սպիտակը արդյունաբերության մոր կենտրոն.— Հայաստանի արդյունաբերական կենտրոնների թիվը աճելանում է ևս մեկով—դա Սպիտակ կոչվող (Մախկին Համամու) քաղաքատիպ փոքրիկ ավանն է, որը գտնվում է ոչ հեռու Կիրովականից:

Հայաստանի միակ խոշոր շաքարի գործարանի կողքին գործում են մի քանի այլ ձուճարկություններ, որոնցից ճշանավորն է տրիկոտաժի քավական մեծ ֆաբրիկան: Առաջին տարին է ինչ արտադրանք է ապրիս մարդատար վերելիկների գործարանը: Այդ վերելիկներն ուղարկվում են ինչպես Երևան, այնպես էլ Թբիլիսի, Խարկով, Բաքու և այլ քաղաքներ:

Այժմ սպիտակում կառուցվում է խոշոր ալյուրաց, որը երկրորդն է Հայաստանում, Երևանի սղրադացի հետո:

Նախապատրաստական աշխատանքներ են տարվում կառուցելու կաշին փոխարինող նյութերի խոշոր գործարան, ինչպես նաև ավտոմատ փոխակերպիչների (ռետուկորների) գործարան:

